




1776
dbg

[Faint, illegible handwriting]



Thomas Erskine
Earl of Mar



A
~~RACOS 84~~

FA 084

V.1

K. 0000153342

HISPANIAE ILLVSTRATÆ

SEV
RERVM VRBIVMQ. HISPANIAE,
LVSITANIAE, ÆTHIOPIÆ ET INDIAE
SCRIPTORES VARI.

Partim editi nunc primum, partim aucti
atque emendati.

*Quorum Seriem sequens post Praefationem pagina
exhibet.*

TOMIS ALIQVOT DIVISI.

Operâ & studio
DOCTORVM HOMINVM.

Accessit rerum memorabilium & verborum INDEX copiosissimus.



FRANCOFVRTI
Apud Claudium Marnium, & Hæredes
Iohannis Aubrij.

MDCIII.

Cum Gratia & Priuilegio S. Cas. Maieſt. ad decennium.

Præuilegium Cæsareum.



RVDOLPHVS SECVNDVS diuina fauente clementia electus Romanorum Imperator, semper Augustus, ac Germaniæ, Hungariæ, Bohemiæ, Dalmatiæ, Croatiæ, Sclauoniæ, Rex; Archidux Austriæ, Dux Burgundiæ, Stiriz, Carinthiæ, Carniolæ, & Wirtembergæ; Comes Tirolis &c. Recognoscimus, & notum facimus tenore præsentium vniuersis; Cum res literaria, quæ bono publico plurimum præsidii conferre solet, omnibus modis promouenda sit: Nobisq; nostri & sacri Romani Imperii fideles, dilecti CLAVDVS MARNIVS, & hæredes IOANNIS AVBRII, ciuitatis Francofurtensis ad Mœnum ciues atque Typographi humilimè exposuerint: se opus quoddam insigne, cuius talis est inscriptio: *Hispania illustrata, seu rerum urbiumq; Hispania, Lusitania, Æthiopia & India scriptores varii: partim editi nunc primum, partim aucti atque emendati*, magno suo sumptu atque labore, vt pro communi vtilitate in lucem prodeat, typis iam absoluisse: vereri autem ne sinistris æmulatorum artibus, vt fieri sæpe assolet, fructu & emolumentis, tanta impensa & labore dignis fraudentur: Nobisq; proinde perquã demisse supplicarint, vt nostra authoritate istorum æmulatorum iniuriam arcere, ac præuilegii nostri præsidio indemnitati eorum clementer prospicere dignaremur: Nos sanè ipsis hoc in casu bene consultum volentes, precibus eorum iustis & æquis annuendum duximus. Quapropter scienter, animoq; deliberato, & ex Cæsarea authoritate nostra seridè vetamus & interdiciamus omnibus & singulis Typographis, chalcographis, Bibliopolis, aliisq; negotiationem librariam quamuis exercitentibus, ne quis præmemoratum opus in sacro Romano Imperio, & Regnis, Prouinciisq; nostris hereditariis, intra decenniũ ab editione eius inchoandum æmuletur, imprimat, aut distrahat, vel etiam aliunde impressum aduehat, aut diuendat palàm vel occultè. Quisquis verò interdictum hoc nostrum neglexerit aut violarit, eum nò solum eiusmodi libris, perperã quippe, illiciteq; impressis & adductis (quos nimirũ supradicti MARNIVS & hæredes AVBRII aut mandatũ ab eis habètes, auxilio Magistratus eius loci, vbi deprehensi fuerint, vel propria etiã authoritate sibi vindicare poterunt) priuandum; verum etiam insuper decem marcis auri puri Fisco seu Ærario nostro Imperiali, & dictis heredibus ex æquo soluendis & numerandis multandum statuimus. Hac tamen etiam conditione adiecta, vt opus prædictum nihil in se contineat, quod orthodoxæ fidei Catholicæ, vel nostris & sacri Romani Imp. constitutionibus aduersum sit: ac insuper vt sæpe dictus MARNIVS & hæredes tria nimirum operis istius exemplaria, ad Cancellariã nostrã Imperialem Latinam, propriis sumptibus quamprimum transmittant. Quod si neglexerint, præuilegio illi hoc nostro priuati & exuti esse debeant. Mandamus vniuersis & singulis nostris & sacri Romani Imperii subditis, & fidelibus, dilectis, tam Ecclesiasticis quam secularibus, cuiuscunque status, gradus, ordinis, & dignitatis extiterint; præsertim verò iis, qui in Magistratu constituti sunt, ac vel superiorum, vel suo ipsorum nomine ac loco Iuris & Iustitiæ administrationem exercent, ne quenquam hoc præuilegium nostrum impunè violare patiantur; sed si quos contumaces compererint, præscripta pœna plecti, & quibuscunque rectè fieri potest modis, coërceri curent; quatenus & ipsi grauissimam indignationem nostram, & eandem multam incurrere noluerint. Quod hisce literis nostris testatum esse volumus. quas manu propria subscriptas, & sigilli nostri Cæsarei impressione roboratas. Datum in Arce nostra Regia Pragæ, die vigesima mensis Augusti, Anno Domini Millesimo sexcentesimo tertio: Regnorum nostrorum, Romani vigesimo octauo, Hungarici trigesimo primo, & Bohemici itidem vigesimo octauo.

RVDOLPHVS

Ad mandatũ Sacræ Cæsareæ Maiestatis proprium

RVDOLPHVS CORADVCIVS

IOAN. BARVITIVS.



Illustris. Heroi

D. BALTHASARI
SVNIGÆ REGIS CATHO-
LICI APVD ALBERTVM ET ISABEL-
lam Belgarum Principes Legato

Andreas Schottus

S. D.



NTE R cetera felicitatis seculi huius argu-
menta, amplissime SVNIGA, non postremum lo-
cum obtinet Ars illa divina typis optimos quosq;
Auctores excudendi: qua quidem ut nihil ad ho-
minum utilitatem excogitari potuit melius, u-
tiliusve, si recte quis utatur; sic contra nihil
perniciosius, si quis ad sui, aliorumq; detrimen-
tum abutatur: nimirum communi rerum huma-
narum conditione, dum eadem, hominum arbitrio, dissimili tamen ra-
tione, vel prosunt, vel obsunt, ut ignis, ut ferrum, aurum denique, &
argentum, aliaque innumerabilia. Huius autem Artis inuentio Ger-
manis potissimum, & in his Moguntinis primum accepta est referenda:
tamen si & Batavi eam sibi laudem vindicet, repetantque & alia gentes,
iusq; antiquitatis fndorum China ad Orientem iactando arroget. Rur-
sum Germani, siue librorum optimorum copiam spectes, siue in edendis
etiam Græcis melioris notæ Scriptoribus accuratorem consideres, facile
ceteros omnes omnium gentium Typographos operosis officinis, diligentia,
ac magnitudine superant, tuenturq; eandem in posteris nominis aucto-
ritatem. Et si enim parentum nostrorum memoria Græco venusto typorum
genere, qui Regis Gallorum Christianissimi typis vix concedant, Græ-
cos Auctores ordine euulgarint, Platonem, Aristotelem, Plutarchum,
Xenophontem, Pausaniam, ceteros: & omnes adeo doctorum hominum No-
tis illustratos: Tamen hoc ipso seculo HISTORIARVM seriem suis typis
sic WECHELIANI, adornarunt, ut dicere auserim, Regiam posse Bibliothecæ

Præfatio.

cam, summi etiam pretii ab unis WECHELIANIS commodè instrui: quod nullum sit Europa imperium, regnum, prouincia, ditio, aut deniq; angulus, cuius non historiam, si modo quid Latinis litteris scriptum de iis reperiri videri potuit, illi excuderint. De florentissimis Europæ Regionibus, Annales sic collegerunt, ut Germani, Galli, Itali, Britanni, Pannonii, Siculi, aliq; propè innumerabiles prædicare meritò queant, nunc demum se errantes, vagosq; domum esse ab HISTORIA reductos, neque peregrinantes alieno cælo, solosq; amplius iactari, sed origines, ortus, principia, atq; adeo Gentium diuersarum ex aliis in alias sedes migrationes, (quod à Lazio Caesaris Historico nuper est diligenter tractatum) vicissitudines, euenta denique omnia, & domi, militiae que præclare gesta, sic hodie legant, ut omnes omnium atatum nationibus, quot fuerunt, quot sunt, quotque aliis erunt in annis, quasi presentes Lectores interesse videantur. Est enim, ut Te omnium minime fugit, doctissime SVNIGA, rectè à Marco Tullio pronunciatum, testem esse temporum HISTORIAM, lucem Veritatis, vitam memoria, morum denique magistram: atque adeo turpe semper visum, ac plane puerorum esse, quæ antequam natus sis acciderint, ignorare. Tum vero turpissimum semper existimaui, mecumque sentient, qui rem aqua lance ponderabunt, Gentis suæ, nationisque, ac patriæ, parentis maioris, nescire originem, antiquitatem, progressus, atque incrementa: interitus denique, ac vicissitudines. Non secus atque reprehendi grauitè, & despiciatui inter æquales haberi solet vir domi nobilis, qui maiorum imagines, ortum, progressumque familiæ, resque fortiter in toga aut sago gestas ignoret. Quo factum est, ut M. Terentium Varronem, togatorum doctissimum M. Tullius, summa vir eloquentia, in Academicis in cælum laudibus tollat, gratiamque referat, quam potest, maximam, quod eius Antiquitatum, ac De vita populi Rom. atque adeo scripta omnia, peregrinantes Romanos, ac veluti hospites, domum reduxerint, quod etiam Elogium, omni prædicatione maius, B. Isidoro, Hispalensium doctissimo Præsuli Braulio, Caesar augustanus Episcopus, eius æqualis, merito attribuit. Verum, ut quod dicere orsus eram, demum pertexam, uti Gentium omnium, ac nationum Historiam Wechelianis suis typis, posteritatis commodò transcripserunt, sibi que adeo artissimo vinculo deuinxerunt; sic vero & HISPANICÆ GENTIS HISTORIAS, Latinis quidem litteris consignatas, non modo collegerunt olim, sed & uno fasce colligarunt. Laudandum enim eorum consilium, qui partim eiusdem Auctoris omnia ingenii monumenta, partim argumenti eiusdem varios Scriptores, ~~et~~ dispersos, diuulsos, passimque iacentes, variis formis Bibliothecarum incommodo editos, veluti naufragii tabulas colligentes, uno altero ve Volumine includunt, simulque edunt, incredibili euentium, ac legentium utilitate.

Nunc

Præfatio.

Nunc vero cum RERVM HISPANICARVM Scriptores iam defecissent, omnesque conuicio pæne efflagitarent, ne Gens ea, & armis, atque ingeniis iuxta celebris, totòque terrarum orbe clara, ab exteris ignorari non deberet, optimum factu Wechelianis visum, pretiumq; operæ fore, si eosdem illos Annalium Tomos adeo desideratos, atq; certatim expeditos incudi redderent, auerentq; quoad eius fieri posset in maius. Amicorum hic eruditorum subsidium, ut suppetias ferrent, implorandū fuit. Deplorandum vero prioris sæculi vitio (attritis tunc Hispanicis cum Gothicis armis, tum bello cum Mauro assiduo debilitatis) adeo paucos Latinos ibi Historicos, eosq; non admodum disertos, ut illa ferebant tēpora, existisse. (Lucam enim Tudensem frustra quaesitum nancisci ad hanc diem Typographi non potuerunt) vernaculi vero Hispania sermonis plures fuisse historicos comperi, aut certe longe, quam Latinos, copiosiores: ut nostra memoria scripsisses Hispania constat Ambrosium Morum Cordubensem Tomis tribus post Florianum Ocampium: Hieronymum quoq; Suritam Casaraugustanum Tomis sex Aragonensium domi, forisque gesta librorum triginta, quot etiam annos impendit: Stephanum denique Garibaum Cantabrum Tomis item quattuor, & Petrum Antonium Beuterum Valentinarum facta. Mitto minorum Gentium reliquos, haud scio an satis, quibus legendis tempus teras, dignos. Surita quidem homo doctissimus Aragonensium Annales suos Latine conscribere aggressus est, quos INDICES Aragonum nominat, vidimusque olim ab Auctore valde auctos, asseruatosq; ac pæne dixerim sepultos, & cum blattis, tineisq; rixantes in Carthusianorum ad Casaraugustam cœnobio. Quos quidem Indices vtinam (si quid his votis proficere possumus) eius Aragonici regni Octoviri tandem aliquādo è tenebris erutos bono publico, ingenti sane gentis adeo splendide, & clara gloria, atq; honore proferant, & in apertum, ut olim vernaculos eius Annales ediderūt, nunc referri iubeant. Alterius item Hieronymi Blancafastos Magistratum Aragonia Latine conscriptos inde exoptamus, ut aliquando ceteris hisce voluminibus trans Pyrenæos, bono sane publico, subiungantur, atq; hoc quidem non optare modo, sed & sperare de eius regni incolis aliquando liceat.

Venio ad symbolam de meis angustiis collatam, ut exstet apud posteros, cupio quidem certe, peregrinationis meæ per Hispaniam fructus aliquis: (cui rei tanquã Itenerarii vicem adolescens Pomponiū Melā, Baticum scriptorem Toleti illustraram; & Senecam Rhetorem, domo Corduba, Philosophi Stoici parentem Notis vberioribus ante hos ipsos annos sedecim, expletis etiam Græcis hiatibus, Tarraconē explicaram:) Tum ut grati animi testificationem aliquam dedisse videar, fortissimæ genti bonis omnibus de me sponte exsulanti merita, dum tribus in Aca-

Præfatio.

demis frequentioribus, Toletana, Cesaraugustana, & Tarraconensi, honoris gratia, doctoris de superiore loco personam sustinere iuberet. Itaque ne hospes in alieno solo, ac cælo versari perpetuo viderer, sumsi in manus B. Isidori Hispalensis Episcopi Scriptorum Ecclesiasticorum Catalogum, & cum antiquis membranis compositum meliorem feci: additis etiam, quæ in Coloniensi Petri Suffridi Frisii editione desiderabatur, Ildephonsi, ac Iuliani Episcoporum additamentis. Hinc ad Roderici Ximenii Nauarri, Toletanorum in Carpetanis Archiepiscopi Annales edolandos, amicorum rogatu, me conuerti: duabus sane de causis lubentius, quod & antiquissimus pene esset rerum Hispanicarum Historicus magnaque in narrando fidei: deinde quod deprauatum admodum, & lacunis hiantem obseruassem. Quamobrem faciendum putavi, ut ad auctorem ex quo, quod in Toletana Ecclesia Bibliotheca asseruatur, committerem diligenter, & sartum tectum redderem: adiectis & hic de Arabum historia, aliisque libellis hæctenus ineditis, atque inuisis. Joannem quoque Margarinum Gerundensem Antistitem, cuius hæctenus cognomen ignotatum, natalibus suis reddidimus. Attulimus & Ferdinandum Garsiam Mattamortem de Hispania Academiis, & claris Scriptoribus. Taceo reliquos à nobis erutos, ac veluti in lucem reuocatos Hispanos Auctores: omitto & Lusitanos, quos nuper in Urbis Colonia Agrippina vir ornatissimus Arnoldus Mylius, accuratus, & eruditus typographus, me hortante maxime, euulgauit: opera nimirum Andrea Resendii, & Damiani à Goës Lusitanorum, Ioan. Genesii Sepulveda Cordubensis, & Hieronymi Surita Cesaraugustani Commentarium in Itinerarium Antonini Aug. Ut nihil interim dicam de Victoris Tunnunensis Episcopi Africani, & Abbatis Biclarensis Chronicis, Ingolstadii nunc publicatis (qui, post Prosperum Aquitanum, Eusebij Chronicon pertexuerunt.) Quem quidem laborem si placuisse cognouerim, erit cur aliquando Sacros Hispania Scriptores uno tomo, magno Bibliothecarum commodo, coniungendos curem.

Deliberanti autem mihi, cui nam potissimum hic labor inscribendus videretur, nominis tui amplitudo statim occurrit. Usurpabo igitur per Parodian illud Poeta:

Cui dono Hesperia nouum volumen,
Arida modo pumice expolitur,
BALTHASSAR? Tibi: namque tu solebas
Omne æuum Chronicis notare chartis.

Causæ multæ suppetunt. Primum, quia in Hispanica nobilitatis flore, eruditissimus ipse, eruditos amat, ac foues: quod gentilitium est familia vestra ornamentum, quæ Gymnasium Societati erudienda iuuentuti, ingenti auditorum frequentia, exstruendum curauit. Deinde quod Hi-

storicos

Præfatio.

historicos assidue tractes, cum patrios, tum Plutarchū in primis summum
& Philosophum, & Historicum libenter, & quidē Græce legas: quo pru-
dentia maior indies paratur, quam rerum usus, Reiꝫ publica tractatio
absoluit. Deniqꝫ, quia amoris erga me tui, ac benevolentia non raro testi-
ficationem dare soles, qui & Lipsium nostrum, Belgii ocellum, collegamqꝫ
nostrum Martinum del Rium complecti soleas. Perge itaque, hac æqui,
boniqꝫ, consulendo, doctos homines re, consilioqꝫ iuuare, & labantem no-
stram, prò dolor, Belgicam Remp. constituere, ac fulcire: Sic Tibi, piisqꝫ
adeo omnibus eueniant quæ volo: & ex voto fluant omnia.

Vale.

* 4

INDEX AVCTORVM

PRIMI TOMI.

1. HISPANIÆ Chorographia atque descriptio, & Tabula Marii Aretii Syracusani. pag. 1
2. Abrahami Ortelii Tabula } Veteris Hispaniæ.
Noua Hispaniæ.
3. Ioannis Margarini Episcopi Gerundensis Paralipomenon Hispaniæ, libri X. pag. 9
4. Roderici Santii Episcopi Palentini historiæ Hispanicæ Partes IV. pag. 121
5. Alfonsi à Carthagena, Episcopi Burgensis, Regum Hispaniæ Anacephalaosis. pag. 246
6. Lucii Marinæi Siculi, Regii Historiographi, de Rebus Hispaniæ memorabilibus libri XXII. pag. 291
7. Francisci Taraphæ Canonici Barcinonensis, de origine ac rebus gestis regum Hispaniæ, liber I. pag. 518
8. Breuis Rerum à Philippo II. Hispaniæ rege gestarum descriptio. pag. 569
9. Ioannis Vasæi Brugensis Hispaniæ Chronicon. pag. 572
10. Laurentii Vallæ, Patritii Romani de rebus à Ferdinando Aragoniæ rege gestis, libri III. pag. 727
11. Ælii Antonii Nebrissensis rerum à Ferdinando V. & Elisabe Hispaniarum regibus gestarum Decades II. pag. 786
Eiusdem de Bello Nauariensi, libri II. pag. 906
12. Aluarus Gomecius de rebus gestis Francisci Ximenii Archiepiscopi Toletani, libri VIII. pag. 927
13. Inscriptiones aliquot Tarraconenses. pag. 1157
14. Damiani à Goes Equitis Lusitani Hispaniæ. pag. 1160
15. Michaelis Ritii Neapolitani de Regibus Hispaniæ, libri III. pag. 1173
16. Genealogia Regum Hispaniæ recens ex Italico translata, & diuersorum Principum ac Ducum Catalogus. pag. 1182

INDEX AVCTORVM

SECUNDI TOMI.

1. B. Isidori Hispalensis Episcopi & B. Ildefonsi, de *Claris praesertim Hispaniae scriptoribus atque Episcopis, cum appendicibus Felicis, Iuliani, Braulionis, & incerti auctoris, nunc primum editis, & Notis Andreae Schotti illustratis.* pag. 1
2. Roderici Ximenii archiepiscopi de *rebus Hispaniae, libri IX. emendatiores & auctiores.*
Eiusdem *Ostrogothorum, Hunnorum ac Vandalorum historia. Item Arabum historia eiusdem ac Romanorum, nunquam antehac edita.* pag. 25
3. Petri Pantini Tiletani Belgae de *dignitatibus atque officiis Gothorum Commentarius* pag. 195
4. Io. Marianae ex Societ. Iesu *historia de Rebus Hispanicis, libri XX.* pag. 205
5. *De Academiis, & claris Hispaniae scriptoribus Alphonsi Garfi Matamori Hispalensis, liber singularis.* pag. 801
6. Damiani à Goes *Vita.* pag. 824
Eiusdem *Epistola ad Io. Iacobum Fuggerum pro defensione Hispaniae, cum Responsione Iacobi Fuggeri* pag. 827
7. L. Andr. Resendii *Epistola Historica de Aera Hispanorum.* pag. 828
8. *Nomenclatura urbium Hispaniae m. s.* pag. 830
9. Hieronymi Pauli *Barcinonensis de fluminibus & montibus Hispaniae* pag. 834
Eiusdem *urbis Barcinonensis descriptio. Et Episcoporum Catalogus.* pag. 840
10. Hieronymi Blancae *Regum Aragoniae Catalogus, cum succincta eorum vita.* pag. 848
11. Ambrosii Moralis *Corduba.* pag. 853
12. Caroli Verardi *Expugnatio Regni Granatae, Historia.* pag. 861

Lusitanica.

1. Damiani à Goes *Olisiponensis urbis descriptio.* pag. 879
Eiusdem de rebus ac Imperio Lusitanorum ad Paulum Iouium disceptatiuncula.
pag. 890
 2. L. Andreae Resendii *Antiquitatum Lusitaniae, libri I V. & liber vnus Antiquitatum Eboræ ab And. Schotto latinus factus.* pag. 892
 3. Iacobi Mençetii Vasconcelli *de Municipio Eborensi, liber singularis* pagina 985
 4. L. Andr. Resendii *de Colonia Pacensi Epistola* pag. 997
Eiusdem de Eborensis Ecclesiæ Sanctis ad Bartholomæum Kebedium. pagina 1003
 5. Ambrosii Moralis *Epistola ad L. Andr. Resendum: cum Responsione Resendii de Traiani Pontis inscriptione* pag. 1021
 6. Io. Antonii Viperani, *de obtenta Portugallia à rege Philippo* pag. 1031
 7. Hieronymi Conestaggii, *Patritii Genuensis de Portugallia Coniunctione cum regno Castellæ, Historia ex Italico sermone in Latinum conuersa* pagina 1062
 8. Duardi Noni *Leonis Censura in libellum de Regum Portugallia origine, qui fratris Iosephi Teixeira nomine circumfertur* pag. 1221
Eiusdem de vera Regum Portugallia Genealogia. pag. 1254
-
-

Æthiopica & Indica.

1. *Genealogia Regum Æthiopiæ.* pag. 1278
2. Christophori Columbi *de insulis nuper inuentis Epistola.* pag. 1282
3. *De Legatione Imperatoris potentissimi Æthiopiæ ad Clement. VII. Pontificem.* pag. 1285
4. *De regno Æthiopiæ ac populo, deque moribus eiusdem populi.* pag. 1286
5. *Iohannis Portugaliæ Regis literæ ad Clementem VII. Pontificem* pagina 1287
6. Damiani à Goes *de Religione & moribus Æthiopum.* pag. 1288
7. *Epistola aliquot Preciosi Iohannis Æthiopum Regis Damiano & Paulo Iouio Interpretibus:*

i. Epi-

1. *Epistola Helenæ auæ Dauidis Æthiopum Regis ad Emanuelem Lusitania Imperator. scripta.* pag. 1291
2. *Dauidis Æthiopiæ Regis litera ad Regem Emanuelem Portugalia scripta.* pag. 1293
3. *Eiusdem Dauidis Æthiopiæ Regis litera ad Iohannem Portugalia Regem scripta.* pag. 1295
4. *Eiusdem Dauidis Æthiopiæ Regis binæ literæ ad Clementem VII. Pontificem.* pag. 1297
8. *Deploratio Lappianæ gentis.* pag. 1313
9. *Lappia descriptio.* pag. 1314
10. *Epistola Emanuelis Regis Portugallie ad Leonem X. Pont. Max. de Victoriis in Africa habitis.* pag. 1315
11. *Epistola Johannis III. Regis Portugaliæ, ad Paulum III. Pont. Max. de rebus in Oriente feliciter gestis.* pag. 1316
12. *Damiani à Goes Bellum Cambaicum seu Obsidio Urbis Diensis.* pag. 1319
Eiusdem Bellum Cambaicum II. Commentarii III. pag. 1328
13. *Iacobi Teuui de Reb. ad Diu gestis Commentarius.* pag. 1345
14. *L. Andr. Resendii Epistola de Reb. Indicis ad Conradum Gochlenium.* pagina 1327

Hispa-

1. Epistola Hieronymi ad Damasum Romanum Pontificem
 pag. 111

2. Damasus Episcopus Romanus ad Iulianum Episcopum
 pag. 112

3. Eusebium Damasus Episcopus Romanus ad Iulianum
 pag. 113

4. Eusebium Damasus Episcopus Romanus ad Iulianum
 pag. 114

5. Depositionis Iuliani
 pag. 115

6. Apprehensionis
 pag. 116

7. Epistola Eusebii ad Iulianum Romanum Pontificem
 pag. 117

8. Epistola Iuliani ad Eusebium Romanum Pontificem
 pag. 118

9. Damiani ad Gerasium Episcopum
 pag. 119

10. Epistola Basilii ad Constantium Imperatorem
 pag. 120

11. Iacobi ad Iulianum Romanum Pontificem
 pag. 121

12. Iulianus ad Iacobum Romanum Pontificem
 pag. 122

Hilpa





HISPANIAE SITVS.
A MARIO ARETIO PATRITIO SY-
RACVSANO, IN DIALOGI MODVM
CONSCRIPTVS.

LODOVICVS, PRVDENTIA, CALIPHÓ.

QUISNAM mihi tantam adferet lætitiã, vt hæc me derelin-
quant tristes, quibus torqueor, cogitationes? causa, cur sim
mœstus, n. n. quidem deest. ratio homines qua gubernantur,
illam vincere perquam studet. Sum quamobrem in ærum-
nosa positus controuersia. PRVDENTIA. Certe nul-
lam intueor mi vir causam, quare diutius tu istis incumbas
cogitationibus perniciosis. prudentium enim est (vt ipse ha-
beris) fortunæ in rebus peractis cedere, in agendis vero, in
quibus ab ipsa valde timendum, vel virtute, vel nouis repu-
gnare inuentionibus. Sed quæso quid id est? LODOVIC.
Nescis mea coniunx me magistratum gerere? nescis inter
Cæsaris primores ad Italiam petiisse? rursus valetudine coactum perquam infirma illico
remeasse? quid ergo grauius, quidve mihi iniucundius euenire poterat vnquam? Nempe
huius ab incunte ætate seruiui auo, etiam in Celsensi bello, vbi vulnera accepi plura: &
huic etiam multum, vt tibi compertum est. Quid plura? quum illa dies, quam diu o-
ptaram, adfuit, seruire non licuit. ægrotus sum reuersus, quid molestius? PRVD. Quid
faceres? nemo est qui tuum non inspexerit animum: liberares ergo tete, obsecro, istis tuis
euris. Sed Caliphonem eccum, lætor quidem, erit tibi fortasse leuamen aliquod. LOD.
Opportune, dic tu illi aliquid. PRVD. Salue Calipho, suntne aliqua, vel de cercopi-
thece, epigrammata? CAL. Ex Italia redeo cum Cæsare adeo exanimatus, vt mihi haud
vnquam erit curam faciendis versibus nauandum posthac. PRVD. Macilentus es, &
raucus. CAL. Mos est illis qui in aliquam eunt expeditionẽ, interrogantibus quo pro-
perent, hilari cum fronte ac voce elata se ad bellum gerendum proficisci respondere: ac
vero hi, si viui è castris remeant, vnde veniant rursus interrogati, tenui voce vultuque di-
misso, vno verbo è militia se venire aiunt. Porro etsi res gestas mea potius intersit scribe-
re, quam arma gerere, nihil tamen superest mihi præterquam vita. omnium namque re-
rum iacturam feci. PRVD. Malo me Hercule impræsentiarum, mi Calipho, sermones
quibus alacriores fiant adstantes, habeantur, quam locus sit aliquis tristitiæ: sic dii te ad-
iuent, missa ista faciamus. CAL. Quid iubes? PRVD. Dic meo viro historiam, vel
fabellam duntaxat, quæ sit ei voluptati. CAL. Vnde exordiar? dicam Cæsaris Bono-
niam ingressum, ad diem solemnem, qua fuit diademate coronatus, cum Hispani proce-
res aurum & gemmas induti diuitias ostentarent suas? LOD. De his omnibus binis me
literis certiorẽ tum fecere: potius Hispaniæ situm abs te, ac recentiora, quæ ad prisca fa-
ciunt, nomina enodata vellem audire. CAL. Onerosam prouinciam. LOD. Quid o-
nerosam? nonne tibi illius diei venit in mentẽ, qua Toletum versus iter facientes nos, ad
Solorii montis ac Carpetanorũ iuga cum venimus, & regiones, & labentia hinc inde flu-
mina admodum fuimus scrutati? Verum te plurima audiui tum nunciantem. itaq; si me
aenas, fac quod ipse rogo. CAL. Quam libentissime obtemperabo tibi, vt semper. Sed
quum vel Mauritanorum, qui Hispaniam occuparunt, barbaries, vel temporis longioris
immanissima rabies, non modo nomina, sed & rerum faciem quoq; permutassent, diffi-
cile erit quod iubes obseruare: nihilominus tamen capessam iussa, tametsi meo repugna-
turos iudicio videam quamplurimos, præsertim si meis forum spargetur nugis. PRVD.
Eia rumpe moram, mutis quidẽ veluti qui loquitur, non tamen surdis recitare videberis.

HISPANIA montibus Pyrenæis, ac mari nostro, Atlantico deniq; Oceano, & sinu Cantabrico perstricta, primam partem Europæ efficit ab occidēte. Pyrenæi hi sunt montes qui adhuc prisco gaudent nomine, quibus ab interiori mari ad ipsum Ibericum pelagus protentis Hispania à Gallia separatur. Quæ in duas primum diuiditur partes, citeriorem & vltiorem. Et vt valeat quisque melius eius percipere figuram, hoc in totius Hispaniæ descriptione ordine vtendū nobis duximus, quo hæcenus nemo vsus. In Oretania igitur, quæ regio maritimum attingit littus, in quo Carthago noua, nunc Carthage-na, promontorium est Scombraria, à nostris Caput Depalis nuncupatū. Hinc mons Solorius paulatim septentrionem versus oritur, qui modo accliuus, modo infimus & apertus (vt Ptolemæus & Plinius ostendunt) per Carpetanos, Vaccæos, Vectones, & Celtiberos, ad Cantabros vsque procedit. Hi montes ea complectuntur oppida, quæ in præsentia Cuenca & Siguenca (Concia & Serguntia olim) indigenis dicuntur, ad montem vsque producti, quem Moncaium vocant, & hinc ad læuam declinantes Cantabriæ iugis eunt obuiam. Moncaium, an à Caco nomen deductum sit, quasi montem Caci, ad stipulari nō audeo. Et Siguenca vrbs, non Seguntum quidem olim, sicut multi prædicant, sed Serguntia, per cuius agrum Durius perlabitur. Strabo, Durius, inquit, præter Numantiam oramque Serguntiam currit. Ergo quicquid terrarum ad orientem hæc iuga relinquunt, citeriorem: ad occidentem vero vltiorem esse Hispaniam, antiqui voluere. Nempe Oretanos maxime ad meridiem vergere, ad mare vsque peruenientes, & mox Carpetanos ad Aquilonem declinantes, nouissimos Callacios autumat idem Strabo. Ac Hispaniam hoc distinctam modo, in quatuor rursus partes, Baticam, Lusitaniam, Callaciam, & Tarraconensem distribuendam omnino nobis videtur. Romani nanque in tres vltiorem Hispaniam, vt ius facilius diceretur, diuisere, antiquissimi licet in duas per longitudinem. Nec labor quidem erit alicui Tarraconensem ipsam agnoscere prouinciam, quum non sit minor quam ipsa citerior Hispania est. Nam hæc vnā partem facit, vltiore in tres diuisa prouincias, in Baticam, Lusitaniam, & Callaciam: quæ & Ana & Durio fluminibus discretæ, Oretanis Carpetanisque adhærent, dum tendunt in occasum. Et vt res longe sit vobis notissima, ea qua potero facilitate explicare nitar. Ana, qui Baticam à Lusitania disternat, in Laminitano agro, circa oppidum quod Cagnamares Hispanis dicitur, ex vastis oritur stagnis: & triginta M. pass. decurrens obrusis totum se prope condit cuniculis, rursusque stadiorum sexaginta quatuor subterraneo peracto cursu, ad oppidum, Villarta quod nuncupatur, totus renasci conspicitur: qui Emeritam fama antiquissimam urbem (quæ suo lætatur nomine, vna dempta, alteraue tantum mutata litera: Meridam nanque dicunt) abluit, & in Oceanum erumpit. Guadianam Mauritanii Hispanis dominantes hunc nominarunt amnem: quod flumen Anæ sonat. Guad siquidē illi, nos flumen dicimus. Ora autem, quam ad meridiem ipse detrudat amnis, quæ mari percutitur, quæve diuiti cultu ac fertilitate cæteris omnibus antecellit, Batica, à Bæti fluuio eam mediā refecante, fuit olim cognominata, cuius pars ab nostræ tempestatis hominibus Andalusia adpellatur, quasi, vt auguror, ante Lusitaniam, mutatis literis. partē inquam, quoniam nō tota, cui Batica tunc nomen, nunc Andalusia est: propterea quod ea, quæ Mariano monte ad meridiem stringitur terra, duntaxat Andalusia est: reliqua vero inter ipsum montem & Anam fluuium posita, vel inter vtrunq; flumen. Baturia erat pars tamē Baticæ, in duas à Plinio distincta partes, totidemq; gentes, in Celticos, qui Lusitaniam attingunt, & Turdulos, qui & Lusitaniam & Tarraconensem: illi Hispalis conuentus (in conuentus tum Hispaniam diuidebant) hi quidem Cordubensis. Quos ipse sic interpretor, primos regionem quam Extremaduram, alteros quam Manchiā vocant iuniores, tribuo, qui omnes tum Batici. Et id quoque videtur de Turditanis sentire Strabo, qui confestim in Romanorum ritum, Latiali penitus vtentes sermone, ante alios mutati sunt. Marianus autem mons, cuius Ptolemæus & Plinius mentionem faciunt, ab Hispanis Serra Murena nuncupatur. Cæterum Bæti fluuius (à quo Batica, vt dictum est) in præsens Guadalchebir, quod est flumen magnum, à Pœnis inditum nomen, Tygeni saltu in monte Argento, circa oppidum Castaonem exoritur. Nostri Castaonem Alcarras, Argentum vero montē, Serram Alcarras vocant. Hic ergo & mediā Baticam influit, Cordubam tot claris viris insignē, atq; Hispalim, illius oræ caput, modo Siuiglam, tangens, & in Atlanticū Oceanū effunditur. Tartessum hunc vocitarunt nonnulli, à Carteia ciuitate, quæ Tartessos à Græcis dicta, ad Bæti ostiū, vnde Tartessus ager. Carteiā ab Hannibale fuisse dereptā, scripsit Liuius. Bæti insuper Salsum admittit fluuiū, qui ab eo, quo ipse Bæti, erumpit monte, nunc Guadelemar dictus: apud quē cum Pompeio Pōpeii filio, manus Cæsar cōseruit. Baticæ latus mariti-

maritimum ab Herculeo freto, ad eos quos diximus Oretanos, & nouam Carthaginem, Baſtetani obtinebant, a quibus Baeza & Baza oppida nomen ſortita ſunt. Hi rursus Baſtetani ab occaſu Baſeam regionem, Mauitaneam, mox Deitaniam, & deinde Conteſtaniam complectebantur, autor eſt Plinius. Oppida vero retrogradientibus ſeſe offerunt, poſt Scombrariam promontoriū quod ſupra nominauimus, ipſa Carthago, ab Haſdrubale ædificata, vbi Scipio Africanus virginē vnā inter captiuos adductā (quæ forma erat inſignis) Luceio ſponſo reperto intactam reſtituit. Hic itē in ludis ab ipſo Scipione factis, duo Hiſpani principes, Corbis & Orſua patruelles, de regno diſſidentes alterius in alterū facto impetu ambo periere. Promontorium deinde, cui modo caput Guatte nomen, olim Charidemum: & mox portus magnus, vbi Almeria ſita eſt, Salabina, Selbrehia accolis vocata, Malacha, & Salduba: de quibus talē facio coniecturam Ptolemæo autore. Malacham tunc fuiſſe mihi perſuadeo, vbi nunc Caput Maducæ: at vero vbi Malacham in præſens reponunt, Saldubam tunc, cum flumine Fœderatorum, cui Salduba nomen. Et mox Beſſulam fluiuium ad oppidū Marbellā in mare erumpere puto. Vbi Haſdrubal Barchinus primum, Mago deinde, & Haſdrubal Giſconis à Scipione fugati, vt narrat Plutarchus. Mons Calpe, quem montem Gibeltar vocitant, iuxta fretū, Abilam Africæ montē ſpectans: quos Herculis columnas eſſe, quaſi ærumnarum metas, in fabulis traditum eſt. Et iuxta, oppida quibus Sola & Barbe nomen, Alcaſirā & Tariffam quæ à noſtris cognominari auguror, licet alii aliter ſentiant. Poſt hæc Iunonis templum ad Oceanū, in oppido Belon, & id in præſentia Trafalgar, & flumen Belona. Gadis item, ſeu Gadira inſula paulo à continente ſepolita, Bæricæ proxima. Hinc demum ad Sacrum promontoriū, à nautis noſtri ſæculi Caput Sancti Vincentii vocitatum, ager omni vbertate felix diſtenditur. Ex mediterraneis autem, præter quas diximus, Hiſpalim & Cordubam, Carmona & Nebrifa, nunc eiufdem nominis. Ac nonnulla quidem nouiſſimis oportet oppida interpretari nominibus, Oroſpeda, quod Oropeſam eſſe credimus: & Abdera non lōge à Malaca oppidum in mediterraneo, vel quod Plinio placet, Eburā. Ipſe Vbidam quemadmodū dicere auderē, ſic & Eguam, Eſigam fuiſſe exiſtimo. Munda vrbs, quam Mundecaram nunc vocant: apud quam Pompeium Pompeii filium Cæſar in fugam vertit: autor eſt Hircius. Plinius tamen duas fuiſſeundas, in Luſitania alteram inter Durium & Tagum, alteram vero in Bætica, ſcriptū reliquit. Itē vrbs opulentiffima in hac erat regione, Oringis, quam ad expugnandam, quia Pœnis ſtudebat, Scipio fratrem miſit. Et ea quæ in nominibus nullā habent cum priſcis ſimilitudinem: Granata imprimis vrbs populosa, quæ victis Pœnis à Ferrando Aragonio rege Chriſtiano ritui vendicata, omnibus Hiſpanis multo eſt oppidis feracior. Singiliam oppidū in Bætica reponit Plinius. Et fluiuius qui Granatam abluir, nunc Xinil vocatur, poſſumus propterea Granatam Singiliam vocare, ſi licet. Vrſaonem ab Hircio in Commentariis citatum oppidū, nos Viſunam vocamus, præſertim quod nō longe ab Hiſpali illud oſtendit. Et Tuccis, quod Tucinum fortasſe: Carbulo, Carpium. Et Murgis vrbs, quam Muſſiam eſſe puto. Iacn deniq; Xeres, ciuitas regalis, Anduiar, Antichera, ſunt hæc ciuitates, quæ videntur his à recentioribus adpellata nominibus, quas interpretari non audeo. Ac ſatis quidem de hac parte dictum eſt, nunc ad reliquas: breuiter enim omnia explicare volui. LODOV. Credo proſecto de Murgi: nam in Bætica illam Plinium collocare memini me legerē.

CALIPHO, PRVDENTIA.

AB Ana ad Durium quæ clauditur ora, Luſitania eſt, à Luſu Liberi patris dicta: autor Varro. Nec his quidem incongruum mihi videtur pauca Plinii inferere verba: Vniuerſa autem quæ de Hercule, ac Pyrene, vel de Saturno traduntur, fabuloſa imprimis, vt arbitror. Hæc ille de Hiſpania. Durius igitur qui Duero ab Hiſpanis, ſtadiis centū ab Numantia illa quæ vna tot ſtrenuos, totq; duos, veluti Hiſpaniæ torius robur, milites ſola perit, ortum habere cernitur. Numantini igitur poſt decimum quartum annum obſidionis, cum amplius ſe tutari non poſſent, in rabiem conuerſi, duces ſuos, ſeq; patriamq; ferro, & veneno, ſubiecto que vndique igne peremerunt, adeo vt triumphus fuerit Romanis tantum de nomine. modo vero non Numantia, ſed Soria exiguum oppidum. Terra autem, quam Durius ad læuam ad Anam vſque, in Oceanum properans relinquit, Luſitania eſt, Tago auriferis arenis celeberrimo amne per longitudinem reſecata. Tagum, qui non alio ac ſuo gaudet nomine, ad Carpetanos in montis radicibus, ſtadiis quinquaginta ab oppido paruo cui Tragacet nomē, quod non multū abeſt ab vrbe Concia (quæ Cuenecam, vt ante dictum eſt, adpellant) naſci non dubium eſt. Qui vbi Toletum, noſtra tempeſtate regalem vrberem, oppidaque inſundit plurima, fluiuiorum etiam admittit multos;

Olisipponenses, nunc Lisbonenses, muros influit, & in mare vasto facto ostio demum se proiicit. Nec cum illis quidem sentio, qui Toletanos Carpetanos esse dicunt: quandoquidem hos distinctos esse, alteros ad Tagi ortum, alteros illis proximis, haud vereor. nam & Plinius illos distinxit. Carpetani (ait) & Toletani Tago flumini impositi. Et in Oceano Barbarum promontorium, quod nostri Caput Spiches, & mox Olisippo ab Vlysse condita, si Solino credimus, vrbs, quam Lisbonam vocant, in extremis Lusitaniae oris ad Tagi ostium sita: quae hac tempestate nobilis, & Africano diues commercio. cuius namque ciues mercaturae gratia Aethiopicum per Atlanticum nauigant mare, Africae sinus penetrantes. Nec illius quidem regionem (vt multi delusi credunt) tantummodo fuisse Lusitaniam adfirmo: quoniam ea Lusitaniae pars, quae mari adfixa, esse Portugallense regnum certum habeo tantum, ita quod pars erat, & non tota Lusitania. Erat enim tum haec non parua regio, quum Ana, & Durio, ac iugis etiam Carpetanis fuisset terminata. Et nunc quidem de huius regionis oppidis. Nam praeter Toletum (de qua supra scripsimus) Segouia vrbs diues, ac cunctis fere Hispanis nota, sub nemore posita, & in ea aquaeductus maximus, qui pons ab Hercule constructus peruerso vulgo creditur. Sunt & qui iuga, quibus haec sita est ciuitas, Carpetana esse volunt, in quorum ire sententiam omnino non placet. Porro quum Carpetana iuga Oretanis omnes scribentes adiungant, quumque Ptolemaeus nullum in Lusitania esse montem asserat, rem non aliter, ac scripsi, in animum induco meum. At Ptolemaei forte sententia alicui si non satisfacit, eo quia montes, vbi ipsa Segouia, & illis proximi quos Guadaramen nunc vocant, aliique etiam in ipsa visuntur Lusitania: ego de illis qui digni erant, quorum mentio fieret, Ptolemaeum esse locutum, respondeo. Et item Obilaeque Abila, & Salmantica famosissima Academia, Moro denique, & Talabrica, modo Mora, & Talauera. Sunt oppida nonnulla quae viuunt, & nihil cum antiquis faciunt in nominibus, tum quia id quod habebant antiquitatis, penitus amisere, tum quia fortasse deinde condita. Vallisoletum oppidum magnificum, & rebus necessariis maxime refertum. A quo haud longe abest Methina de campo (vt ipsi) omnium rerum, propter hyemales nundinas, menses tres, totidemque aestiuales ibi celebratas, nobile emporium. Emporia quae Empudia, Toro, Camora, Metina Rossici, Illesca, Vccagna, & tandem Madrid oppidum, viuis vndique silicibus constructum, & hoc nulla vnquam est victus penuria fatigatum, nec caeli grauitate oppressum. Alcala Desinari (sic ipsi aiunt) a flumine Finari, quod Tago absorbetur, vbi artium floridum gymnasium, & hoc Complutum esse ab Ptolemaeo demonstratum oppidum, Hispani pro certo habent, sicque illud in publicis adpellant rationibus. Et non longe aliud, Guadalaiara a Mauritanis nominatum, quod flumen lapidum significat, vbi Iacobus Mendocius Infantasciorum dux habitat, vir, praeter nobilitatem, munificentissimus. **PRVD.** De illustribus viris ac de domorum pariter nobilitate si facienda verba, Toletanam domum quoque, aliasque etiam antiquissimas merito memorare fas est. **CAL.** Per id tempus praeter duas, Mendociam & Toletanam, quas nominavi domos, Cerdeam, Cardoneam, Larensem, Velasceam, Pimentellam, Stunicam, Henriticam, Orosiam, Cordubensem, Limensem, Gufnaneam, Mondragoneam, & quae antiquissima, Patiecam, scio quidem esse clarissimas, attamen nolo de his nunc agere. **PRVD.** Quid Patiecam: domum antiquissimam ais? **CAL.** Quendam Lucium Iunium Patiecum Caesaris in Hispania bella aduersus Pompeii filios gerentis socium reperio. **PRVD.** Operae precium est audire. **CAL.** Hircius in Commentariis de Corduba loquens, Caesar ait, eam ciuitatem omni tempore optime de populo Romano meritam esse sciebat. Sex cohortes secunda vigilia iubet proficisci, parique equites numero, quibus praefecit hominem eius prouinciae notum, & non parum scientem, L. Iunium Patiecum. Haec ille.

CALIPHO, LODOVICVS.

DVABVS vltioris Hispaniae partibus absolutis, ad Gallaciam describendam ipso cogimur ordine. Et hanc non solum eam, quam Galiciam vocant, esse volumus, quae vt nemoribus, montibus, ac aquis etiam abundat, ita messibus nuda penitus: sed & omne quoque vltiori Hispaniae quod superest, Baetica & Lusitania exceptis. Est in hac prouincia in Oceanum protendens promontorium magnum, quod Artabrum nominarunt, nunc Caput finis terrae: veruntamen his qui de hoc aliter sentiunt, Strabonem adduco testimonio, nullum aliud memorabile promontorium inter ipsum Artabrum & Pyrenes promontoria reponentem. Minius amnis hanc infundit oram, & in Durium se recipit. Caeterum Asturi, nunc quoque Asturi, huius regionis partem habitabant. Et his proximi Cantabri, partim montium cacumina, partim loca maritima in septentriones spectantia incolentes, & eam regionem quam Biscaiam dicimus, & montes etiam Liconitiurgis ciuitatis ad Iberi usque amnis or-

tum obtinebant: siquidē Iberum ipsum qui ex illis videtur montibus erumpere, in Cantabria nasci & Plinius & ceteri omnes sunt testes. Callaciorum oppida quæ ultra Durium ad Aquilonē: Asturica vrbs olim magna, nunc Astorga: & Liconitiurgis copiosa met-catura, compluribusque etiam equitibus & nobilibus clara vrbs, quæ Burgos incolis dicitur: Arunda siue Arādis, quam ab amne Arādam Dutii adpellant: & in eodem fluuio Pallantia, quæ Palentia: & nomina recentiora præterea, Leonem vocant Hispani ciuitatem quandam quæ haud multum distat ab Asturēca. Est & Compostella, vbi Diui Iacobi templum, quæ eiusdem tantum miraculo memorabilis. Homines præterea olim duri, & omni expugnatu difficiles, nullum tunc colentes deum, tantum Lunæ peractō orbe noctu ante fore saltus agitabant. Ac de vltiori Hispania quidem satis dictum videtur, deinceps ad citeriorem, vel Tarracōensem prouinciam transeamus. **L O D.** Sum omnino exutus illis quibus eram obsessus curis, perge oro, vt magis lætus euadam.

CALIÞHO, PRVDENTIA, LODOVICVS.

TARRACONENSIS prouincia à Pyrenæis montibus, qui Hispanias Galliasque disternant, duobus promontoriis diuersis insurgit: angusta primo, paulatim deinde se pandens, vltiorem iam latior facta contingit Hispaniam. Promontorium alterum interiori mari percussum, Veneris templum, nunc portum Veneris nominant: alterum in Iberico pelago OEaso tunc, quod illud esse arbitror cui modo caput Berton nomen. Hæc rursus
 20 Balearico à meridie, ab septentrione ipso Iberico mari adstricta, adfixaq; Pyrenæo currit in occasum, & Oretanis, monte Solorio, Carpetanisque iugis ab aliis Hispaniæ oris distinguitur. Plinius in Tarracōensi Cantabriam recondere videtur prouincia. Huius oppida nonnulla quanquam non illis à iunioribus cognominantur nominibus (prisca enim temporum varietate nomina defecere) nos tamen nouissimis quoad fieri poterit, adaptare conabimur. Principio à læua Pyrenæi montis ad mare nostrum Gerundenses populi Galliæ fines colunt, & hi Geronam tenent vrbe, quam Gerundam quondam dicebant. Cæterum ab hoc mari Ibericum sinum versus, per Celsenses & Iacetanos, ad Nauarræ (vt Hispani aiunt) vsque limites, Ausetani, Itani, Lacetani, ac per Pyrenæi radices, Ceretani discurrebant: autor est Plinius. Et post eos Vascones ad mare Ibericum, & Pampelonenses,
 30 quos Nauarros esse anguror Plinii verbis persuasus: ait enim quod Vasconum saltus proximus est Pyrenæo per Oceanū. Et Strabo item ad septentriones supra Iaccam, vbi Pompeion à Pompeio dicta, Vascones reponit. Iacetanæ gentes olim nobilissimæ, quæ à Pyrenæi radicibus ad Ilerdam vsque latius extendebantur, vbi Sertorius bella gessit extrema: itaque hinc expulsus, apud Saguntinos fuit ab suis dolo interfectus militibus. Victoria oppidum idem tenens nomen prope Cantabros: in quorum montibus Iberi amnis ortus inspicitur, quem nostræ ætatis mortales Hebrum, Thraciæ Hebrī nomine decepti, nuncupant. Iberus ab Ibera olim vrbe opulentissima dictus: à qua non procul Scipio Pœnos vicit, & Hispaniam vniuersam populo Romano adiunxit, vt Titus Liuius testimonio est. Ergo Cantabriæ iugis Prouincia de Campo (sic ipsi dicunt) duobus ex fontibus è rupe scaturientibus, haud procul oppido Iuliobrica dilapsus per Celtiberos, & Dertosam cōfluens
 40 mare subit Balearicum. De quo sic: Iberus amnis nauigabili commercio diues, ortus in Cantabris, haud procul oppido Iuliobrica. Hæc Plinius. Celtiberi quos nominauimus, à Celtis Galliæ populis illuc profectis ripasq; colentibus Iberi, & Iberis indigenis, ex duob. vno facto nomine, Celtiberi sunt dicti, spaciosam tenentes prouinciam qua Segorbienses & Numantini claudebantur. Segorbienses hi sunt, quorū vrbs Segorbia, in Valentino regno. In Celtiberia Cæsaraugusta Romanorū colonia, Ibero adfusa, vbi pons lapideus memorabilis, nobilissimis ciuibus ornata, quam ab Cæsare Augusto propagatam, Cæsaraugustā dixere, quum antea Saldubā nuncuparetur. Zaragozam turbato vocabulo, ac mutatis literis nunc vocant: tamen in tabulis publicis prisco ipso non fraudant nomine. Ac
 50 ad Bæticæ fines reuertor. Satabis fluuius per Contestaniam, nunc Consentaniam, labens, ab eo monte, quo Bætis, egreditur, & in mare nostrū ad oppidum modo Guardamar, effunditur, quem Hispani Seguram vocant. Nec hunc quidē admodū effugit Sucron, nunc Xuccar, apud quem Pompeio & Sertorio congressis, æquo fuisset Marte pugnatum, nisi Pompeius vulnus adcepisset. Oritur circa Carpetanorum oppidū cui in præsentia Tragacet nomen, per vrbe Conciam & pontem qui Talaiolæ dicitur, dilapsus, Algiram oppidū haud procul à Valentia cingit, & alteri se adiungens fluuio quem Gabrielem vocant, mari nostro sese immiscere visus est. Setabis vrbs, quam Xantinam esse arbitror. At nunc Valentiam, quæ suo illustrata nomine viuit amoenissima ciuitas, adcedimus. Est itaque equitibus nobilissimis insignis, ac in totius Hispaniæ prouinciis nitore, splendore insuper

nulli secunda, cum flumine Turia, modo Guadalabiara à Mauritanis inditū nomen, quod flumen album sonat, cuius ortus apud Celtiberos. Non longe à Valentia per occasum stagnum abest, memoratu dignum, piscosum, & immensum, de quo nusquam legi factam mentionē, nisi apud Plinium. Contestaniā, inquit, sinus regio Edetania ameno prætendente stagno, ad Celtiberos recedens. Et post hæc de Valentia agit, quod nunc Albuferam adpellant. A Valentia autem Saguntum haud procul à mari, ciuium Romanorum oppidum, nunc Moluedro, vbi theatrum cum scena, cui nihil deest, ac plura etiam antiquitatis vestigia, quæ imaginem quandam vetustatis ostendunt. Saguntini ab Hannibale obsessi, quum de salute desperassent, argentum aurumq; omne ex publico priuatoq; in forū collatum, in ignem ad id raptim factum coniicientes, eodem pleriq; semetipsum præcipitarunt. Dertosani mox celeberrimi quondam populi, quibus Dertosā (quam Tortosam vocamus) ad Iberi ostium colebatur. Et hinc non procul Tenebrium promontorium, & Tenebris portus ad occasum. Vnde recedentes per ortum vetus nos aduocat Tarraco, à qua nomen tota est sortita prouincia, quæ littori imposita totius est regionis vetustatis caput. Tarraconam hanc adpellamus, vbi Scipionum interitus. Ab ea sexaginta sex M. pass. solem orientem versus, per maritimum littus tendenti Barcinum olim paruum oppidum, Barcellona impræsentiarum clara ciuitas, prudentissimis imprimis ornata ciuibus, est obuia. Et inde Lunarium promontorium, à nostris Caput de Vallis: circa quod Blanda oppidum, nunc Blanes. Gerunda item, quæ Gerona nunc ciuitas, de qua fecimus mentionem, & Emporiæ, modo Empuriam vocant, cum flumine Clodiano. Roda oppidum iuxta Veneris templum, nunc Roses dictum. In mediterraneo autem Ilerdenses, vetustissimi populi, ad Sicorim fluuium Ilerdam ciuitatem, quæ Leridam vocitamus, vbi publica gymnasia, incoluerunt. Sicoris ergo fluuius, qui Segre impræsentiarum dictus, à Pyrenæo monte per illius muros & pontem, quem diximus, ciuitatis discurrens, Ibero non multum peragrando absorbetur. Et à Sicori Siculos ipsos habere nomen, memoriæ proditum est. Populos nanque illuc transfretasse, ac eam Siciliae partem quæ ad occidentem vergit, incoluisse adfert Thucydides. Cinga huic vicinus fluuius, qui Singa modo, pontem & oppidum quod Fragam recentiores nuncupant, abluens, Iberum rapido petit cursu. Et inter hos fluuios Monsion oppidum. Cæterum ab Ilerdensibus ad Pyrenæum Oscenses, quorum nos ciuitatem Huescam vocamus. Ac alia oppida quæ haud sunt prisca similia in nominibus: in Celtiberia Taragona, Balbastrum, Teruel, Boria, & denique Calataiut, quod an sit Calatagurium oppidum à Strabone citatum, penitus ignoro, à quo distabat ad occasum P. M. circiter sedecim Bilbilis in quodam tumulo, cuius ruinæ visentibus adhuc fidem faciunt. Ac quicquid referam amplius superest nihil, plura dixisse videor, quibus etsi vobis non satisfacere, obtemperavi tamen. PRVD. Gratias, quia nobis gessisti morem, agimus mi Calipho. LOD. Omnia, quemadmodum pollicitus es, breuiter dixisti. At quia rem fecisti gratam nimis, me perinde ac te vtere, paratum me inuenies procul dubio.

HISPANIÆ SITVS EX PAVLI OROSII
LIB. I. CAP. II.

HISPANIA vniuersa terrarum situ trigona est, & circumfusione Oceani Tyrrenique pelagi peninsula efficitur. Huius angulus prior spectans ad orientem, à dextris Aquitania prouincia, à sinistris Balearico mari coartatus, Narbonensium sinibus inseritur. Secundus angulus eius Circium intendit, vbi Brigantia Galleciæ ciuitas sita, altissimam pharum, & inter pauca memorandi operis ad speculam Britannia erigit. Tertius eius angulus est, qua Gades insula intentæ in Africum, Atlantem montem interiecto sinu Oceani prospiciunt. Hispaniam citeriorē ab oriente incipientē, Pyrenæi saltus à parte septentrionis vsque ad Cantabros Asturesque deducit, atque inde per Vaccæos & Oretanos, quos ab occasu habet, posita in nostri maris litore Carthago determinat. Hispania vltior habet ab oriente Vaccæos, Celtiberos, & Oretanos, à septentrione Oceanum, ab occasu Oceanum, à meridie Gaditanum Oceani fretum, vnde mare nostrum quod Tyrrenum vocatur, immititur.

7

IOANNIS EPISCOPI GERVNDENSIS PARALIPOMENON HISPANIÆ LIBRI DECEM.

AVTORIS PROOEMIUM, IN QVO FERNA
DO ET ELISABÆ, CASTELLÆ ET ARAGONIÆ
Regibus, præfens opus consecrat.

10



CUM descripsissem libris decem oblitterata Hispania, quibus illa dignius consecrare potui, quam vobis serenissimis Ferdinando & Elisabæ Regi & Reginae Castellæ & Aragonum, qui succedentes paternis & auitis regnis, ipsa coniugali copula, utriusq; Hispania citerioris & vltioris unionem fecistis: qua à Romanorum & Gottorum temporibus semper diuisa, nunquam sub eodem imperio perstiterunt. Accedit ad hoc non modo auctoris deuotio in eius benemeritos Reges & Dominos, sed & virtutis laus & omnium præconium de susce-

pto bello aduersus illum Baticum ac Machometicum Regem, qui per multa tempora ipsius Hispaniæ
20 partem occupatam tenuerat, in magnum Regum Hispaniæ non minus opprobrium quam iacturam.

Quoniam si ab ipsa pellatur Hispania, ipsius prouinciæ pene omne imperium apud nos sit necesse est, & Christiani nominis religio in tota ipsa colatur Hispania. Ex qua re consecuturi estis aterna vita præmium, immortalemq; gloriam & honorem, ut constituamini supra omnes Christiani nominis Reges & Principes seculi nostri decus & gloria. Quum videamus huius ætatis nostræ Principes non modo ad dilatandam Catholicam fidem non elaborare, verumetiam vim quam continue Turcus Christiani nominis hostis in Christicolos infert, propulsare recusent ac negligant, alii secum paciscentes, alii tributa illi pendentes, alii somno & desidia vacantes. Ex quo factum est, ut ætate nostra Turcus ipse transacto Helleponto Byzantium primum illiusque imperium, inde vniuersam Græciam, Dalmatiam, Macedoniam, Epirum, aliasq; plures prouincias, magnam insuper Europæ partem à

30 veri Dei religione cultu, auerterit & occupauerit. Adeoque creuit eius audacia, ut Rhodum vnicum Christianæ religionis propugnaculum obsidere, & fines Italiæ inuadere ac vastare non dubitaret, nobilemque Hydroni urbem in Apulia expugnare ac diripere, incolis trucidatis. Vos autem serenissimi Reges huic cladi velocissime occurristis munitissima ac opulentissima classe, cæterisque dormitantibus Pontificem maximum, cæterosq; potentatus Italiæ vestris legationibus sollicitastis ad vindicandum tantam Christianæ religionis offensam. At ubi omnium torpentes animos comperistis, animum erexistis ad eliminandam ab Hispania Machometicam sectam, omnium antecessorum vestrorum irreligionem ac negligentiam emendando. Suscipite igitur serenissimi Reges opus obliorum Hispaniæ, cuius præclara antiquitas nulli prouinciarum non modo Europæ, verum nec totius orbis cedit. Cuius exordia siluisse vsq; ad nostra secula, Hispaniæ, tanquam in fine mundi iacentibus, obscuritatem tribuit: arguitq; prisorum aut ignorantiam aut negligentiam. Eoq; potissimum gloriosum

40 visum est huius operis sumpsisse laborem, quoniam per illum video prouinciæ afferrî splendorem. Et illud gloriosius consideratum est, quod ipsa oblitterata instaurari contigerint temporibus vitæ vestræ, quorum ætate & imperio non dubito nobilissima primordia præclarissimis vestris operationibus illustrari.

DE HISTORIOGRAPHIS HISPANIÆ.

50 **C**UM inter rerum maximas Hispaniæ vbertates, illius præcipua à scriptoribus gesta accuratissime perscrutarer, tantam huiusce rei ariditas exhibuit admirationem, quod non leuem attulerit, si quo modo fieri potuit, ut inde tot viri clarissimi procedentes, Hispaniæ tam grandia clarissimaque gesta scripturis tradere sint obliiti. Et quoniam inter omnes quos memoria hætenus celebravit, quattuor recoluntur, quorum tres laudabiles, quartus vero tolerabilis iudicantur. Laudabilis enim Trogius Pompeius Hispanus, quem Iustinus mirabili eloquentia abbreviauit, Paulus Orosius Tarraconensis, & Isidorus Hispalensis: tolerabilis, Rodericus Toletanus. Cæteri vero ignorantium caterua plurima, qui diuinationes & somniâ contexerunt. Quia tamen superiores tres, singuli sua historia delectati, nobilissima ma-

8
 ximaque Hispaniæ gesta prætermiserunt: quum Trogus Pompeius, quem Iustinus ab-
 breuiavit, licet Hispanus, Græcorum ac Asiaticorum gesta potius quam propriæ prouin-
 ciæ describere delectatus, in eius opere ex quatuor & quadraginta libris vltimum Hi-
 spanis concedere est dignatus. Orosius insuper, cum rogatu Augustini Romanorum hi-
 storiam, seu verius cunctarum gentium clades descripsisset (ex cuius scriptis Augustinus
 factus instructior librum de ciuitate Dei in medium protulit) quæ maxime ad Hispanos
 pertinebant omisit, nisi quatenus ad Romanorum tempora pertinuerunt. Isidorus vero
 sacram historiam insecutus ab Adam principium sumens, tempora cum illorum calen-
 dariis breuissima compressione notauit vsque ad Iustiniani iunioris tempora, in quibus
 aliqua & non multa de Gotthorum successibus inseruit. Cuius opus institutionemque 10
 profecuti Ildephonsus, Toletanus, & Sulpitius, aliqua etiam de Gotthorum successibus
 addiderunt. Quartus vero Rodericus etsi ab aduentu Herculis in Hispaniam historiam
 exorsus sit, inde tamen tanquam super prunas gradens, neque in ea historia diutius im-
 moratur, quoniam & aliqua minus vera interferens maiora ac potiora dimisit: & tantum
 in Gotthorum profecutione, & in iis quæ recentissimis temporibus occurrerunt, ver-
 satus est. Quum vero compererim inter omnes mundi prouincias maximam nobilissimam-
 que Hispaniæ antiquitatem maximis laudibus extollendam, & exterarum gentium
 commentariis ac variis libris atque descriptionibus labore maximo comprobata, non
 potui calamum continere, quin, licet stylo rudi incompositoque sermone scripturus,
 eandem antiquitati consecrarem, oblitamque atque obliteratam futuris hominibus in- 20
 staurarem, memor quantum ab hominibus rerum scriptoribus debeat: quoniam nihil
 adeo ad cognitionem veritatis pertinet, quam gestarum rerum habere notitiam. Quod
 ipse Deus omnipotens contemplatus, non prius legem Moyse tradere dignatus est, quam
 earum rerum quæ præteritis temporibus occurrerunt, plenam notitiam concessisset spi-
 ritu quodam siue prophetico siue euangelico, vt meruerit describere cæli & terræ cæte-
 rarumque rerum creationem vsque ad sua tempora. Ex qua re factus instructior ad hu-
 manam vitam peragendam, legem digne recipere, & populi gubernacula meruit. Quis
 enim futuram agere vitam excogitat, qui diem suæ natiuitatis ignorat? aut quis quo ten-
 dat scire potest, qui vnde venit nesciat? His igitur circumspectis librum de Hispanorum
 gestis, maxime antiquorum, sum exorsus: quem in libros decem librum partitum, P A R A - 30
 L I P O M E N O N H I S P A N I Æ appellari institui, id est, librum oblitum: quoniam etsi
 quæ in eis inserui, descripta comperiantur, non tamen apud maiores nostros Hispaniæ
 scriptores, sed illa omnia conquisiui ex cæteris commentariis tam Græcis quam Latinis.
 Finemque operi facturus sum ad Gotthorum in Hispaniam ingressum, qui contigit tem-
 poribus Honorij & Arcadij Augustorum. Quorum progressum resque in Hispania ge-
 stas Orosius, Isidorus, Ildephonsus, ac Rodericus Toletanus sunt profecuti. Nostri au-
 tem propositi est obliterata tantummodo instaurare. Distinxi enim opus nostrum in li-
 bros decem. Primus continet veterum Hispanorum exitum, descriptionem & origi-
 nem vsque ad Græcorum aduentum, mutationesque nominum prouinciarum, vrbi-
 um, montium, fluminum, & syluarum. Secundus liber habet gesta Græcorum ab aduentu 40
 Herculis in Hispaniam, discretionemque Herculum, ipsorumque gesta vsque ad Pœ-
 nos. Tertius continet gesta Pœnorum vsque ad primum Punicum bellum. Quartus
 per Pœnos gesta temporibus prioris belli Punicus vsque ad secundum. Quintus habet
 Pœnorum & Romanorum progressum in secundo bello Punico, captionemque Sagun-
 ti, ac Hannibalis transitum in Italiam. Sextus describit gesta in Hispania post Pœnos ex-
 pulsos vsque ad tertium Punicum bellum. Septimus bellum aduersus Numantinos, e-
 uersionemque Carthaginis & Numantiæ, gestaque in Hispania à Romanis vsque ad tem-
 pora ciuilem belli. Octauus ciuile bellum inter Marium & Syllam. Nonus ciuile bellum
 inter Cæsarem & Pompeium. Decimus gesta Imperatorum in Hispania ab Augusto vs-
 que ad Theodosium Seniore patrem Honorij & Arcadij, quorum temporibus Gotthi 50
 in Hispaniam intrauerunt. Vtque præter antiquorum morem testimonio scriptorum
 maxime circa antiquiora, ne legentes me deliberasse, aut confinxisse vetustiora, opinen-
 tur. Sequarque vt plurimum auctores antiquissimos, tam Philosophos, quam Geogra-
 phos, Hipparchum, Eudorum, Eratosthenem, Hippiam, Sebosum, Bionem, Xenophonem,
 Betonem, Themaum, Dionysium, & totius artis splendorem & constantem artifi-
 cem Claudium Ptolemæum, Plinium, insuper Pomponium Melam, Polybium, Artemi-
 dorum, Posidonium, ac Strabonem Cretensem, Diodorum, Tirum Liuium, Trogum
 Pompeium, aliosque plurimos.

IOANNIS EPISCO-
PI GERVNDENSIS PA-
RALIPIOMENON HISPANIÆ

LIBER PRIMVS.

Europa diuisio.



10 **E**UROPA prouincia est quæ primo à filiis Iaphet & filio eius Tubalè dicitur incolatum habuisse, quoniam secundum librum Geneleos insula maris Iaphet deputatæ sunt, inter quas insulas Europa dinumerata est: quoniam terminatur ab Asia Mæoti palude siue Getico mari vsque ad Oceanum per medias duas Sarmatias diuidente fluuio Tanai. Sunt autem tres orbis partes, Asia, Aphrica, Europa: quæ tres orbis partes tribus Noe filiis assignatæ sunt. Asia enim primogenito Noe Sem sacerdoti: secundo vero Cham terra Chanaan & Aphrica: Iaphet vero minori insulæ maris: inter quas Europa nuncupatur, quia modico finu insula fieret, & id multi Imperatores efficere cogitarunt: sed tantum ex eo prohibiti sunt, quia visum est, Oceanum ipsam Europæ insulam ex eius altitudine esse suffocaturum. Diuiditur autem orbis (vt diximus) in partes tres, Asiam, Aphricam, & Europam. Quarum trium partium Asia respectu magnitudinis media est, & quæ terminatur ad Orientem mari Arabico, Persico, & terra incognita: à Septentrione Oceano & flumine Tanai, quo quidem flumine ab Europa diuiditur. Asia ad partem Austri Arabico mari terminatur, ad illud promontorium vbi ciuitas Heroum sita est, & Mediterraneo mari, ad eum locum vbi Palæstina Iudæa ab Ægypto se-

20 iungitur: & (velut quidam referunt) ne diuidatur Nilus, ipse annis Nilus Asiam ab Aphrica diuidit. Vt autem Asiam & Aphricam omittamus, de quibus nobis ad præsens sermo non est, Europa secundum Claudium Ptolemæum orbis accuratissimum descriptorem habet prouincias sedecim, quæ sequuntur. Prima ad Oceanum & Septentrionem Hibernia insula Britannica, secunda insula Albion Britannica, Hispania Bætica, Hispania Lusitania, Hispania Tarraconensis, Celtogallatia Aquitanica, Celtogallatia Lugdunensis, Celtogallatia Belgica, Celtogallatia Narbonensis, Germania magna & Germania parua, Rhætia & Vindelicia, Noricum, Pannonia superior, Pannonia inferior, Illyris aut Liburnia, Dalmatia: quæ simul iunctæ sedecim numero sunt. Dicitur autem Europa ab Europa filia Agenoris Libyæ Regis ac sororis Phantias, quam
30 Iupiter Saturni filius ac Rex Cretæ rapuit, & prouinciam ab ea cognominauit: ad quam recuperandam Cadmus præfati Agenoris filius & Europæ frater missus est, statuto à patre vt sine sorore non rediret in regnum. Ipse vero cum non reperisset sororem, Apollinis Delphici oraculo Euboiam prouinciam atque Thebanorum urbem in prouincia construxit.

Hispania terminatio.

40 **H**ISPANIA autem terminatur ab occidente Oceano mari, & insula Gades, ad quam veniens Hercules fortissimas turre construxit, quas Gades Herculis appellauit. Terminatur autem ab Austro, Mediterraneo mari & freto Herculeo & Balearico pelago: à Septentrione vero & Oriente, Pyrenæo monte, qui mons protenditur ab Oceano promontorio Easo iuxta ciuitatem Easo (quæ hodie Baiona vulgo appellatur) vsque ad montem Canum (qui hodie Canigo mons à modernis nuncupatur) & influit in Mediterraneum ad eum portum vbi portus Veneris situs est, vbi erat olim Veneris templum: vel (vt placet Pomponio Melæ) ad oppidum Ceruariæ, quod modico interuallo distat ab ipso Veneris templo. qui montes ab Oceano mari vsque ad Mediterraneum continent spacia sexcentorum milliariorum, vt placuit Iustino post Trogum Pompeium ultimo libro sui Epitomatis. Et Pyrenæo monti medio Gallia adhæret, cæteris vero partibus vn-

dique mari Oceano & Mediterraneo cingitur. Et est ipsa prouincia quasi quadrata, cuius anguli sunt ad Oriētem ad Veneris templum, in Pyrenæo ad Oceanum, vbi est ecclesia de finibus terræ sita, quæ quondam Solis ara dicebatur, ad Austrum ad fretum Herculeum & Iunonis promontorium seu montem Gibeltarif, ad Septentrionem ad promontorium & ciuitatem Easo, quæ nunc Baiona dicitur: ipsa enim terra quasi quadrata est, vt placet Iustino. Continet autem in longitudine secundum Appianum clarissimum historiographum à Gadibus vsq; ad Oceanum septentrionalē decem milia stadiorum. Latitudo vero à portu Veneris vsq; in Compostellam totidem. Vel verius secundū Strabonem lib. 3. quod ipsi probauimus cum charta nauigabili, habet in longitudine stadia circiter sex milia, & in latitudine etiā circiter quinque millia, alicubi tamen arctior est, maxime circa Pyrenæum. est autem stadium centum viginti quinque passus, & per consequens octaua pars vnius miliarij, & octo stadia faciunt vnum miliarium. & (vt placet Straboni, & Pomponio Melæ, & Claudio Ptolemæo) illius figura ad modum corij pecudis est. Collum ipsius pellis est, quantum protenditur mons Pyrenæus à Mediterraneo mari ad Oceanum Britannicum. Inde dilatatur ad brachia à noua Carthagine vsque ad Cantabros seu Bardulos. Ipsius corij crura à freto Herculeo vsq; in Compostellam & Oceanum Britannicum. Vltimum corij ad modum caudæ promontoriū sacrum, quod nos hodie caput sancti Vincentij appellamus, quod præminet & extenditur in Oceanum Atlanticū lōge ultra omnem Hispaniam. Continet autem permagna flumina, Iberum, Tagum, Bætum, Anam, Dorium, Minium, & quæ superioribus immiscentur.

Diuisio Hispaniæ.

DIVIDITVR autem Hispania in prouincias tres secundū descriptiones Claudij Prolemæi, Pomponij Melæ, Plinij, & Strabonis, & aliorum pluriū, scilicet Tarraconensem, Bætiam, & Lusitaniam. Sciendum tamen est Hispaniam temporibus Romanorum Consulium in duas esse diuisam præfecturas & prouincias, citeriorem & vltiorem. Citerior continebat à noua Carthagine per Castulonem vsq; in Cantabriam spatio trecenta septem miliaria, & à Pyrenæo vsque in Carthaginem & Castulonem totidem, de quibus late differuit Plinius lib. 3. natur. histor. Postea vero Augustus superatis Vaccæis, Illiturgibus, & Cantabris, illam in vnā redegit prouinciam, vt Iustinus in vlt. lib. sui Epitomatis voluit. Fuerat tamen ab initio Hispania diuisa in tres, Tarraconensem, Bætiam, ac Lusitaniam, vt placet omnibus historicis. Bætica prouincia continet quicquid amnis Bætis (nunc Guadalquiuir vocitatus) claudit à montibus altis nouæ Carthaginis vsq; in Hispalim inclusiue per Castulonem & Cordubam: vocitaturq; Bætica ab ipso amne Bæti, prouincia intersecate Lusitania quicquid interioret inter duo flumina Bætum & Tagum interfluente medio Ana flumine. A quo Ana prouincia denominata est, tanquam apud eundem amnem Liber pater ac Lysas cum eo bacchante luserint, propterea cognomen dedisse prouinciæ, vt Plinio placet lib. 3. Ad Tarraconensem vero prouinciā pertinebat omnis citerior Hispania, & quicquid ultra Tagū est, inducens Compostellā, Gallatiā, & Asturias per medium Toletanum agrum vsq; in Oceanum Atlanticum, & vsq; in orā fluminis Dorij. Postea vero ad tempora Constantini Pij diuisa est ipsa Hispania in prouincias quinque secundum Appium, Tarraconensem, Carthaginensem, Bætiam, Lusitaniam, Gallatiam: & singulis prouinciis assignatæ sunt metropoles & Archiepiscopi in concilio Illiberitano, videlicet citeriori Hispaniæ Tarraconensis, Carpetaniæ Carthaginensis, Bæticiæ Hispalensis, Emeritenfis Lusitaniæ, & Bracarenfis Gallatiæ. Postea vero ad tempora Gothorum addita est sexta prouincia Tingitana trans fretum in Libya. Deinde vero modernis temporibus, videlicet sub Ioanne XXI. Pontifice summo superscriptis quinque prouinciis, semota Tingitana quæ à Mauris & Machumetensibus possidetur, adiunctæ duæ aliæ metropoles, Cæsaraugustana, quæ detracta est ex Tarraconensi, Vllibonensis vero ex Hispalensi Bætica. Dicitur autem Hispania citerior & vltior. Citerior autem à septentrionali plaga monteque Pyrenæo vsque ad nouam Carthaginem Cantabriamque: vltior vero à Celtiberis vsque ad Oceanum Gadesque insulam protenditur, tanquam citra & ultra. Sed citra quasi circa terram, vel ultra, quia vltima, vel quia post hanc non sit alia terra. Hæc Strabo & Plinius.

Hispaniæ descriptio & terminatio per maritima litora & Pyrenæum.

HISPANIA (vt diximus) terminatur Pyrenæis montibus, quibus Gallia diuiditur ab Hispania. Hos autem montes quidam dixerunt incipere à fonte Salsulæ propinquo pro-

promontorio Leocatae. Quidam vero à Veneris portu, in quo Veneris templum locatum fuerat, non longe à capite Illibero, seu ab oppido Ceruaria, quod ab eodem loco modico distat intervallo. Protenduntur autem iidem montes ab Iberico & Mediterraneo mari vsque in Oceanum Britannicum ciuitate Baiona, quæ quondam Easo dicebatur, spacio tercentenorum quinquaginta miliariorum, quanquam Trogius Pompeius & alij plures dixerunt multo plura continere. Nostra autem mensuratio experimento numerata est ex charta nauigantium. Curuatur ipse mons paululum ex Mediterraneo in Oceanum, urbemque Baionam. A Salsulæ itaq; fonte vsq; in Barchinonam miliaria cxx. A Veneris vero portu siue templo, seu oppido capite Illibero miliaria c. A Barchinona vero vsq; in Tarraconam urbem miliaria lx. A Tarracona vsq; ad ostia Iberi vsq; in urbem Valentiam miliaria cx. A Valentia vero vsque ad promontorium Artemisium Demamq; oppidum (quod Martini caput modernitas vulgi appellat) miliaria lxx. erat in eodem promontorio Dianæ Ephesinæ facellum. A Dema vero in Alecanthum miliaria lxx. Ab Alecantho vero in nouam Carthaginem, hodie Carthaginiam appellatam, etiam miliaria lxx. ibiq; celeberrimus portus est. A noua vero Carthagine vsq; in Veram quæ quondam Abdera dicebatur, etiam miliaria lxx. ibique principium regni Granatæ est & Maurorum qui partem in Hispania possident, & Castulos & Itanos. A Vera vero quæ Abdera quondam, ad Almeriam quæ quondam Illiberis dicebatur, miliaria l. Hæc enim vrbs differt ab altera Illibera, altera vero Elibera, duoq; episcopi Illiberitani comperiuntur in conciliis Hispaniæ. Ad eius distinctionem cum Hieronymus in lib. de viris illustribus meminisset de quodam Gorgonio episcopo Illibero, adiecit Bætico ad differentiam alterius Tarraconensis. Ibiq; promontorium est ab antiquis descriptoribus non descriptum, & quod Moderni caput Gactæ appellant. Ab Illiberi vero ad Granatæ portum, quam moderni Malacam Secanguam dicunt, miliaria lxxx. Granata enim vrbs ex opposito est, ad quam mercatoria à maris littore & ab ipso portu deducuntur. Hanc autem Strabo Exitanorum urbem appellari dicit antiquitus. Alij autem Mænacen, vt Strabo refert. ibiq; promontorium est ab antiquis omissum, caput Capſa à modernis vocitatū. Ab ipsa vero Malaca ad Gibeltarem seu Calpen montem iterum miliaria nonaginta. A Calpe autem monte (qui hodierno die Gibeltar appellatur) miliaria sexaginta ad Gades insulam. A Gadibus vero siue Bætis ostio vsq; ad Anam fluuiū (qui hodierno idiomate Guadiana dicitur, & à quo Lusitania denominationem habet propterea, quia apud illum amnem Liber pater cum Lyſa luſerit, vt Plinius voluit lib. 3. naturalis historiæ) miliaria centum. Ab Ana vero flumine vsq; ad Sacrum promontorium, quod antiqui Hieron appellabant, quod hodie Caput sancti Vincentij appellamus, miliaria lxx. A sacro vero promontorio vsq; ad amnem Tagum, vbi Vlisbo seu Vlisbona vrbs in Portugallia sita est, miliaria centum quinquaginta. Ibiq; promontorium est ab antiquis prætermisſum, distans ab ostio Tagi miliaris xl. vbi castellū Castar & Suctres oppida sunt. Ab ostio vero Tagi vsq; ad Mundā fluuium, supra quem Colimbria vrbs est sita, quam antiquitus Mundam aliqui dixerunt, alij oppidum esse eiusdem nominis Mundego dictū, miliaria centū. A Mūda vero flumine vsq; ad ostium Dorij amnis, qui ad Portum urbem fluit in Portugallia, etiam miliaria centum. Et est sciendum quod prouincia Gallecia à Tago flumine incipit, quanquā Ptolemæus velit incipiat à Dorio, qui influit in Portum. Incipit enim Gallecia Bracarenſis à Tago flumine: Bracara enim vrbs inter Tagum & Iberum amnes est: ipseq; Dorius & Portus per fluxum & refluxum Oceani commodissimus portus fit ad nauigationes rerum omnium Galleciæ. Ex quo fit, vt Portus Galleciæ etiam ipsa vrbs appelletur à quo nomen recipit Portugalliæ Rex. Cuius metropolis Bracarum est, ex qua Gallecia Bracaria dicta est, & protenditur vsq; ad flumen Liminū. post sequuntur Artabri, & inde Gallecia Lucentia vsq; ad Pyrenæum. A flumine vero Dorio vsq; ad promontoriū quod antiqui Onerium appellabant, moderni vero caput Panisarij seu sancti Martini, vbi nunc Baiona oppidum est, & Ponteuedra, magnusq; portus, miliaria lxx. Ab ipso vero promontorio vsq; in promontorium, vbi ecclesia de finibus terræ constructa est, quæ quondā Ara Solis dicebatur, etiam miliaria lxx. A cuius promontorio vsque in Compostellam miliaria sunt xli. De istis vero Gallecis refert Strabo de situ orbis lib. 3. quod Deum non haberent, sed Solem & Lunam adorarent. Videntes autem quod apud eos Sol occumberet, illi eo in loco tanquam in vltima terræ parte aram constituerunt. Huic autem promontorio oppositæ sunt Insulæ Cassiterides ad Austrum in pelagus, quanquam Strabo dixerit ad Aquilonem, quod satis charta nauigationis ostendit, & color incolarum, qui sunt fusci coloris. A promontorio vero de finibus terræ vsque ad sequens promontoriū quod Prioris appellant, & antiquitus Lapacianorum Scutrientum vt Ptolemæo placet,

seu (vt dicit Strabo) Ierna, miliaria x c. Intraque hoc promontorium magnus portus Arabrorum est, vbi Clunia oppidum est. Ab ipso vero promontorio vsque in oppida sancta Martha & Ninerium, miliaria quinquaginta: ab ipso vero oppido sancta Martha ad sequens promontorium, vbi Hyaneo est, & caput dictum Srationes, cxx. miliaria. Hicque omnes à magno portu, vbi Clunia oppidum est, vsque huc Gallecij Lucentij sunt: & quamquam protendantur vsque in Pyrenæum, habent tamen Bastulos seu Bardulos, quos Biscaynos appellamus, qui maximos intermedios montes inhabitant. illorum principium ab hoc promontorio est. Ab isto vero promontorio vsque ad oppidum Pantader itidem centum viginti miliaria. Ab ipso vero Santander vsque in Pyrenæum Baionamque urbem, centum quinquaginta miliaria, videlicet vsque ad oppidum Bilbao, quod metropolis Biscayæ est, miliaria xx. Ab oppido vero Brenico ad oppidum Mophrygo, miliaria x. A Mophrygo vero vsque ad sanctum Sebastianum, in quo Biscayæ finis est, miliaria xx. A sancto itaque Sebastiano ad Pyrenæum miliaria xxx. Sicque circuit Hispania per Pyrenæum ab eius principio ex Mediterraneo mari vsq; in Oceanum Britannicum, & per ipsius montis iuga vsque ad principium ipsius montis, miliaria duo milia quingenta octoginta.

Descriptio Hispania per Mediterranea.

DESCRIPSIMVS enim vniuersam Hispaniã per marina littora, nunc autem describenda est per Mediterranea. Habet enim (vt diximus) Hispania figuram admodum peduceæ pellis, habetque in longitudine stadia circiter sex milia, & in latitudine quinque, faciunt ad numerum miliariorum per longitudinem septingenta quinquaginta, per latitudinem circiter quingenta quindecim, vt placet Straboni. Et à promontorio Pyrenæi vbi Veneris templum est, in Iberico mari, quod antiqui Aphrodisium appellabant (vt Straboni placuit libro quarto) vsque ad Oceanum Britannicum, miliaria trecenta & quinquaginta. Partitur autem Hispania in duas partes, citeriorem & vltiorem. Citerior terminatur ad nouam Carthaginem, & per Castulonem protenditur per Iberum vsque ad Cantabros, includens regnum Nauarræ, quæ ab antiquis omnis Hispania citerior Celtiberia dicta est. Suntque in ea prouinciæ quinque: Cathalonia à Pyrenæo vsque ad vltimum Iberum, Valentia & Murtia regna per oram maritimam, inde regna Aragonia & Nauarræ quæ clauduntur excelsis montibus & Ibero amne vsque in Calagoram & Tironam. Vltior Hispania in duas diuisa est partes, discreta altissimis montibus, quæ à Pyrenæo procedentes vsque ad Oceanum Atlanticum dilabuntur, distinguentes Castellæ regnum: vna quæ ad Oceanum Britannicum spectat, altera quæ ad nostrum Ibericum mare. Quæ autem ad Oceanum, frigida, sterilis, inculta est, magnis resulta montibus: quæ vero ad nostrum mare spectat, maximeq; citra columnas, ferax, irrigua, omnibus abundans bonis, grano, vino, & oleo, fructibus, piscibus non paucis. In ea vero quæ ad nostrum mare spectat, Granatæ regnum esse constat, quod Mauri Machumetenenses obtinent in Hispania, quod clauditur Bæti flumine (quod hodierno idiomate Guadalquebir Arabicalingua vocant) & per maritimam oram à Vera vrbe vsque ad Malacam. Extra flumen in Mediterraneo Andalusij sunt, ibique sunt vrbes & regna Hispalis, Murtia, Gehen, Cordubæ, Gibelterra, quæ omnia excepto Granatæ regno possidet Rex Castellæ. Post Andalusios Toletum est vsque in Celtiberiam citerioremque Hispaniam per oram fluminis Tagi vsque ad Dorium. In quibus terminis sunt amplissimæ ciuitates, & omnis hæc regio Lusitania dicitur: fluuntque per medium eius Tagus & Dorium amplissima flumina (quamquam regio Lusitania ab Ana flumine (qui Godiana dicitur) nomen receperit) ibique in maritimis confinia regni Portugallia sunt vsque ad vltra Dorium amnem. Vltra fines Portugallia est Zamora vrbs, oppidum Trusillum, Magistratus, & Militia sancti Iacobi de Spata, Calathraua & Alcantara, Ereualum oppidum. In alia vero parte vltra montes Alaua prouincia est, & caput regionis oppidum Victoria, inde Burgens vrbs, Legio, Biscaya, Asturia, Gallecia vsque in Oceanum Britannicum ac Atlanticum. Omni autem citeriori Hispania & Celtiberis, excepto Nauarræ regno, solitus erat imperare Aragonia Rex: Vltiori vero Castellæ, Portugallia, & Granatæ reges. Hac autem nostra ætate coniuncta sunt hæc duo regna Castellæ & Aragonum per copulam matrimonij inter serenissimos Ferdinandum Ioannis Aragonum Regis dignissimum, qui patri successit in Regnis, & Elisabeth alterius Ioannis Castellæ Regis filiam, & quæ vltimo Henrico Regi fratri & sine filiis mortuo successit in Regnis Castellæ. Hæc est enim generalis Hispania descriptio, quo ad temporale dominium prouinciasque nostri temporis. quo ad spiritualitatem potest & alio describi ordine. Habet enim ipsa Hispania

spania quo ad religionem spiritualitatemque prouincias & metropoles septem, vt supra diximus, quinque antiquas & duas modernas: quibus singuli Archiepiscopi metropolitani assignati sunt: quatuorque & quadraginta ecclesias cathedrales. Quarum metropolum Aragoniæ regnum duas obtinet, Tarraconensem & Cæsaraugustanam: Castellæ regnum tres, Tolerum, Hispalim, & Compostellam: Portugalliæ duas, Bracarum & Vlisbonam. Et est sciendum, quod duæ ex his ex priori institutione mutatae sunt, quoniam Toletana & Compostellana recentibus temporibus à cathedralibus erectæ sunt in metropolitanas, sicut & modernissimis temporibus, Cæsaraugustana & Vlisbonensis. Quoniam post Nicenam generalem synodum in Bithynia celebratam tercentorum & decem octo Episcoporum, sub Constantino Proimperatore & beatissimo Syluestro Pontifice, in primo Hispaniæ concilio quod in Illiberitana vrbe celebratum est, sancta Helena Constantini matre præsentem, quinque tantum metropolitani Episcopi designati sunt: Tarraconensis qui Celtiberis præesset, Carthaginensis qui Carpetanis, Hispalensis qui & Bæticis, Emeritensis qui Lusitanis, Bracarenensis qui & Galleciis. Aucta vero & ampliata Toletana vrbe, Gotthorum temporibus metropolis Carpetaniæ de Carthagine in Toletum translata est, remanente exempta è Carthaginensi sub nomine metropolitano. Postea vero successu temporum, post occupatam Hispaniam per Mauros Machumetenses, ab octingentis circiter annis, Emeritensis metropolis translata est in Ouetum, & de Oueto successu temporis in Compostellam, remanente etiam exempta ecclesia Ouetensi. Cæsaraugustana vero & Vlisbonensis modernis temporibus, scilicet à ducentis annis citra, de cathedralibus erectæ sunt in metropoles temporibus Ioannis xxii. Papæ. Quarum Cæsaraugustana detracta est à Tarraconensi, Vlisbonensis ab Hispalensi. Habet autem Hispania ultra hos metropolitanos, catholicas sedes cathedrales Episcoporum xliiii. Quarum Aragoniæ regnum habet xii. Nauarræ vnam, Portugalliæ septem, Castellæ quatuor & viginti. Cathedrales Aragoniæ, Helna siue Helena, Gerundensis, Barchinonensis, Maioricensis, Dertufensis, Vicensis, Vrgellensis, Ilerdensis, Valentina, Segobricensis, Tirafonensis, Oscensis. Vna Nauarræ, Pampelonensis. Castellæ cathedrales, Carthaginensis, Cauriensis, Saguntina, Viennensis, Cordubensis, Zamorensis, Salamantina, Palentina, Pacensis (quæ & Badaioz) Conchensis, Oxomensis, Calagurritana, Burgenensis, Legionensis, Abulensis, Segouienensis, Ouetensis, Mindoniensis, Palentina, Ciuitatensis, Tudensis, Lucensis, Astoricensis, Gadicensis. Regni Portugalliæ cathedrales sunt, Colimbriensis, Portugallensis, Eborensis, Syluensis, Egitanienensis, Vicensis, Lamacensis. Bracarensi subiiciuntur Portugallensis, Colimbriensis, Egitanienensis, Vicensis. Subiiciuntur autem iure metropolitico Tarraconensis, Barchinonensis, Gerundensis, Vicensis, Ilerdensis, Vrgellensis, Dertufensis, Valentina. Cæsaraugustanæ metropoli subiiciuntur Oscensis, Tirafonensis, Pampilonensis, Calagurritana, Segobricensis. Toletanenensi subiiciuntur Saguntina, Oxomensis, Burgenensis, Segobricensis, Conchensis, Cordubensis. Compostellanæ subiiciuntur Abulensis, Pacensis, Salamanticensis, Chaurgenensis, Zamorensis, Ciuitatensis, Placentinensis, Cauriensis, Tudensis, Lucensis, Astoricensis, Mindoniensis. Vlisbonensi subiiciuntur Eborensis, Syluensis, Lamacensis. Hispalensi subiiciuntur Viennensis, Gadicensis. Ecclesiæ exemptæ in Hispania Maioricensis, Carthaginensis, Legionensis, Ouetensis. Et hæc est generalis descriptio Hispaniæ quo ad vtrumque dominium spirituale & temporale.

De terra Ruscilionis, an sit in Hispania.

Quv m multi ex antiquis scriptoribus terminent Hispaniam Pyrenæo monte, ad quem locum vbi fons Salsulæ manat (hoc habebat communis omnium vulgarium opinio: veterum vero scriptorum assertio habebat, quod terminetur ad Pyrenæum ad Veneris templum oppido Caput Illiberæ) inconueniens satis videtur prouinciæ Ruscilionis silentio præterire: quippe cui ego debitor sum, tanquam qui ei præfuerim cathedra Episcopali annis octo. Igitur de illa differamus. Est mons in Ruscilionis prouincia altissimus in vertice Pyrenæi, à canicie Canus appellatus, quoniam æstare & hyeme semper inibi niues inhabitent. A cuius vertice duo montium iuga emanant: quorum alterum ad Veneris templum mare pertingit, alterum vero per multa oppida peruenit ad Salsulæ fontem. Inter hos terminos prouincia Ruscilionis est, habens duo flumina quæ influunt in Mediterraneum, & totidem opulentissimas quondam vrbes, quæ corruerunt, de quibus etiam aliquid dicendum est. Est enim ea in prouincia flumen, quod veteres Ruscion appellauerunt, quod quidem prouinciæ & metropoli vrbi regionis nomen indidit secundum Claudium Ptolemæum, prout ab antiquis fieri solitum est,

vt maximæ à fluminibus nominentur prouinciæ. sic Indi ab Indo flumine, Alamanni
 ab Alamanno amne, Iberi ab Ibero, à Bæti Bætici, ab Ana Lusitania. Hic itaque amnis
 urbem habuit prouinciæ metropolim sui nominis, quam Ruscium dixere priores, non
 longe à Perpiniano oppido, cuius hæcenus vestigia patent, & ex quorum fluminis & vr-
 bis vetustate prouinciæ in hodiernum emanat nomen, vt à Ruscion Ruscilion appelle-
 tur. Flumini autem Romani nomen mutauere. nam à fluminis vbertate Thetim appel-
 lauerunt. Est enim fluuius ad irrigandum aptissimus vbertissimusque. quoscunque e-
 nim agros irrigat, hos & quam maxime alit atque fœcundat: quod ab aliis prouinciæ
 præfatæ fluminibus est alienum. Ab ista enim vbertate, tanquam qui materno vbere pa-
 triam fœcundaret, Thetis appellatus est. Thetis enim fuit Oceani vxor, mater Nympha- 10
 rum, quæ aquarum Dea à poetis dictæ sunt. Thetis enim amnis totam pene per longum
 regionem irrigat vbertissimo lacte atque fœcunditate. Erat præterea & aliud flumen
 Illeris dictum, ab eodem monte manans per quandam Illiberam urbem ad radicem
 montis, & per Helnam urbem influens in mediterraneum: quod à Romanis Tetrum
 est appellatum: quia per diuersas metallorum venas, maximeque ferri scaturiens, nigrum
 colorem gestat, & propterea ad irrigandum maxime nocet. Quod vulgus vocabulum
 corrupens, etymologiæ ignarus Techum appellat. Sciendum est enim duas esse Illibe-
 ras vrbes, vnam in Bætica, quæ nostra tempestate à Mauris possidetur, & Almaria dicitur.
 Altera in Ruscilione ad radices Pyrenæi territorio Volusto, in quo Volonum oppi- 20
 dum situm habet, cuius termini intra Hispaniam distribuuntur. In ea enim vrbe est cele-
 bratum primum Hispaniæ Christianorum concilium, prout in libro conciliorum legi-
 tur. Eodem siquidem synodus congregata est post Nicenam generalem synodum trice-
 sima xviii. Episcoporum, temporibus Constantini Cæsaris. in qua etiam synodo Illiberi-
 na interuenit, & præsens affuit Helena Constantini mater cum Constante nepote, qui
 denuo Helenam condidit urbem. Quoniam fide Christi per orbem terrarum procla-
 mata, & in Nicena synodo explanata, erroribusque maxime Arianis purgata, Constan-
 tinus tribus filiis imperium partitus est Constantino priori, Constanti, & Constantio.
 Cessit autem Gallia, & Hispania, plurimæque Libyæ partes Constanti. Decretus est au-
 tem in suam prouinciam Constans sub tutela sanctæ auix Helenæ, quæ cupiens Hispani- 30
 am & Galliam, sicut cæteras prouincias, ad Christi fidem ordinare, ordinauit syno-
 dum in Illibera vrbe. In qua Hispaniæ metropolitanæ atque cathedrales ecclesiæ ordi-
 natae sunt, & distinctæ metropoles dicecesesque pro more gentilium, secundum decreta
 per sanctos viros Clementem & Anacletum successores Petri Apostoli edita. Eisdem
 temporibus Helena ciuitas (quæ à modernis Helna dicitur) condita est, siue ab ipsa He-
 lena, siue à Constante nepote in sanctæ auix Helenæ honorem. apud eam etenim Con-
 stans decessit, prout de eius obitu meminit Eutropius lib. ix. & Paulus Orosius lib. vii.
 Quorum verba ista sunt: Obiit autem Constans Constantini filius vico vocato Helena,
 non longe ab Hispania distante. quia necdum duabus leucis iuxta morem regionis di-
 stet à Pyrenæo. Vocata est autem ipsa Helna ciuitas Helena ab antiquioribus vsque ad
 circiter annos centum, ex quibus recentiores Helenam abbreviarunt in Helnam, vt sa- 40
 tis liquide constare potest ex antiquis libris & codicibus ecclesiæ iam dictæ, cui in epi-
 scopali (vt retulimus) cathedra præsumus annis octo. Ipsa enim Illibera vrbs Pyrenæo
 admodum coniuncta erat vltra amnem Illerim siue Tetrum, oppido vero Coquo libro.
 sic enim vulgus propter diuersas mutationes linguarum corripit. Quod non longe à
 promontorio Pyrenæi & Veneris templo distat, quoniam ab ipsa vrbe Illibera caput Il-
 liberæ dicebatur. Perpiniani etiam oppidum à recentissimis etiam temporibus dicitur:
 Stabulum enim antiquitus vocabant. Sic namque reperitur in Itinerario Antonij
 Pij, de quo mentionem per hæc verba, vbi iter faceret ab Italia in Hispaniam, facit: In
 Beterras Narbone, Salsulis ad Stabulum, ad Pyrenæum Iuncaria, Gerunda, &c. Quod
 autem Ruscilionis prouincia sit intra Hispaniæ fines, sequentibus testimoniis compro- 50
 batur. Primo ex libro conciliorum, ex quo patet, quod primum catholicorum conci-
 lium in Hispania congregatum fuit in Illiberitana vrbe, quæ fuit intra fines Ruscilionis
 in radice Pyrenæi ad Galliæ partem, prout de deletis urbibus in sequentibus dicemus,
 fuitque congregatum post Nicenam synodum temporibus Constantini Pij, vt supra di-
 ctum est. Constat insuper ex dicto libro, quod ipsi Illiberitani conuenerunt pene om-
 nib. Hispaniæ conciliis sub metropoli Tarraconensi. Secundo probatur ex dictis Stra-
 bonis lib. iiii. de situ orbis, cuius verba interferam. Quum enim Galliam transalpinam
 describeret & prouinciam Narbonensem, adiecit: Hoc igitur littus vsque ad Pyrenææ
 Veneris templum extenditur. hic est & huius prouinciæ & Hispaniæ terminus. quia ve- 10

ro hunc tractū in quo Pompeii trophæa sunt, Hispaniæ & Galliæ confinia declarant. Ex quo patet trophæa Pompeii vltra Veneris templum posita esse ad eum Pyrenæi locū, quo altera ex Pyrenæi radicibus à monte Cano, quod est ad Pyrenæum, prominet ad promontorium Leocatæ, ad Salsulisque fontem deflectitur. Quod etiam sequens Strabonis miliariorum computatio declarat.

Hispania quot nominibus ab antiquioribus appellata sit.

HISPANIA Europæ terminos claudit. hanc veteres ab Ibero ante Iberiam, postea ab Hispano Hispaniam cognominauerunt. Ab initio autem Igleta dicti sunt, vt placet Straboni libr. 3. vbi de Iberia loquens ait: Nostri sæculi homines ipsius confinia Pyrenæos montes ponunt, eandemque Iberiam & Hispaniam nominant, quæ intra Iberum continetur. Vetustiores autem eos Igletas nominant. Hęc Strabo. Hęc inter Aphricam & Galliam posita, Oceani freto & Pyrenæis montibus clauditur: ac sicut minor vtraque terra, ita vtraque fertilior. nam neque vt Africa violento sole torretur, neque vt Gallia assidui ventis fatigatur: sed media inter vtranque, hinc temperato calore, inde fœlicibus & tempestiuis imbribus in omni frugum genere fœcunda est, adeo vt non ipsis tantum incolis verumetiam Italiæ, vrbique Romanæ cunctarum rerum abundantia sufficiat. Huic enim non frumenti tantum magna copia est, verum & vini, mellis, oleique: nec ferri solum materia præcipua, sed & equorum pernices greges. sed nec summa tantum terræ laudanda bona, verumetiam abstrusorum fœlices diuitiæ. Iam lini ei spartique vis ingēs, minii quoque nulla feracior terra. In hac cursus amnium sunt, non torrentes rapidique vt nocent sed lenes & vineis campisque irrigui. Plærque etiam ditantur auro, quod in paludes vehunt. auris quoque Oceani afflata vt in tantum Pyrenæi montis dorso adhæret & Galliæ, reliquis partibus nuda in orbem mari cingitur. Forma terræ prope quadrata, nisi quod arcuantibus freti littoribus in Pyrenæum coit. Porro Pyrenæi montis spacium trecenta quinquaginta milia passuum amplectitur. Salubritas cœli per omnem Hispaniam æqualis, quia aeris species nulla paludum graui nebula inficitur. Huc accedunt & marinæ autem circum vndiq; assidui flatus, quibus omnem prouinciam penetrantibus, euentilato terrestri spiritu, præcipua hominibus sanitas redditur. Corpora hominum ad inediam laboremque, animi ad mortem parati, dura & astricta parsimonia, bellum quam ocium malunt. Si extraneus deest, domi hostem quærunt. Quorum plurimi sepe in tormentis ob silentium rerum creditarum expirauerunt, adeo illis potior taciturnitatis cura quam vita celebratur. Hinc est etiam bello Punico serui illius patiētia, qui vultus hominū inter tormenta risu profecutus est, serenaque lætitia crudelitatem torquentium vicit. Velocitas est genti pernix & inquietus animus. Plurimi ibi militares equi & arma sanguine ipsorum chariora, nullus ibi festus dies, nec apparatus epularum. Aqua calida lauari post secūdem bellū Punicum à Romanis didicere. In Lusitanis iuxta fluuium Tagū vento equas concipere multi autores prodidere, quæ fabula ex equarum fœcunditate & gregum multitudine nata est, qui tanti in Gallecia & Lusitania, ac tam pernices visuntur, vt non immerito vento ipso concepti rideantur. Nec minora adiecerunt ad Hispaniæ laudes Plinius de naturali historia, & Strabo de situ orbis.

Quot nationes & populi vsque ad nostra tempora Hispaniam obtinuerunt.

NECCESSARIUM quidem existimamus ad nostrorum originem indagandum, non ignorare, quot nationes gentiumque populi hanc nostræ Hispaniæ prouinciam obtinuerunt vsque ad nostra tempora. res quidem admodum difficilis, maxime propter obliteratam maiorum antiquitatem. quo fit vt ipsius antiquitatis inuestigatio nobis admodum reddatur difficilis, & legentibus quæ scribimus fabulæ videantur. Ideo contra morem cæterorum scriptorum, testimonia illorum ex quibus difficilia detraxero, in medium afferam, ne me obliterata recensentem existiment delirare. Primi omnium fuere Cetubales, vt quidam dixerunt, à Tubale Iaphet filio: quorum ad nos pauca & admodum nulla saltem authentica peruenerunt. Secundi omnium fuere Igleta, vt voluit Strabo libro tertio de situ orbis. Tertii Sicani. Quarti Iberi. Græci quinti. Pœni sexti. Romani septimi. Gotthi octaui. Mauri noni. Et quoniam nobis intentio est istorum successus discutere vsque ad Gotthos, quia Isidorus, Orosius, & Rodericus Toletanus sunt Gotthorum gesta plenissime profecuti, non vltra progrediar.

Quidam vero quos scriptores fabulosos existimo, scripsere, quod post Hispanum (à cuius nomine Hispania dicta est) qui Herculi successerat, gentem quam Almoniphides appellant, venisse in Hispaniam, ac illam possedisse annis 40. quam gentem aiunt ex Chaldaeis ortam. Vnde quia neque verisimilia sunt, neque à probatis scribuntur, illa prætereò. Primum Hispaniam priores appellauere Hesperiam, omiſſis Cetubalis & Igletis, de quibus supra diximus. Sunt autem (vt antiqui tradunt) Hesperia duæ, Italia, & Hispania, quarum quælibet Hesperia dicta est. Est autem Hesperia Italia ab Hespero Rege fratre Atlantis Regis Æthiopiæ, qui regnavit in Italia. Vbi autem additur vltima Hesperia, de Hispania intelligendum est: vbi vero magna, Italiam significat. vnde Vergilius in principio septimi libri Æneidos,

Hesperia in magna (si qua est ea gloria) signat.

Sed Hispania dicitur vera Hesperia. Dicta est autem Hispania Hesperia ab Hespero stella quæ post solis occasum primùm in Hispania apparet, & ortum habere videtur. Vel secundùm aliquos dicitur vtraque Hesperia, Italia & Hispania, quia ab Oriente in Occidentem Hespero stella nauigatur. Sic enim loquebatur magister in historia tripartita, quum Valentinianus Imperator ad oras Hesperias nauigaret, vtramque Hesperiam per ipsius nauigationem intelligens. Secundo Hispania ab Iberis Iberia dicta est ante Herculis aduentum, secundùm Claudium Ptolemæum, & Plinium de naturali historia libr. tertio, & Iustinum post Trogum Pompeium vltimo libro sui Epitomatis, & alios plures scriptores. Tercio vero Hispania nominata est ab Hispano Rege successore Herculis, qui in ea diutius summa pietate regnavit secundum Iustinum loco superiori, siue ab Hispali vrbe, vt placet Appiano historico satis claro.

De primis Hispania incolis.

PRIORES Hispaniæ incolæ Cetubales appellati sunt, vt plurimis antiquis scriptoribus placuit. Sunt autem dicti Cetubales à Tubale filio Iaphet, quorùm filii primi dicti sunt Hispaniam incoluisse. Quanquam Iosephus libr. i. antiquitatum incolatum filiorum Iaphet sic dixerit. Item filiorum Iaphet Medeus & Ianus fuerunt. Et ex Medeo sunt gentes quæ à Græcis Medi vocantur. De Iano vero omnes Ionii, qui & Græci, vnde & mare Ionicum appellatur. Condidit autem Iobel Iobelos, qui nostris temporibus Iberes nuncupantur, qui & Hispani, à quibus postea Celtiberi appellati sunt. Hæc Iosephus. Post hos, quorum vetustas nobis obliuionem relinquit, primi fuere Igleta, vt voluit Strabo de situ orbis libro 3. Deinde Sicanos eam incoluisse authentica multa referunt, quoniam ab illis Italia omnis, vrbisq; Roma, & originem & incrementum habuisse cõstat. Iam ad eos veniamus. Sicana gens Hispaniæ antiquissima fuit, quæ Iberum amnem ab initio incolebat, vt refert Diodor. Sicul. qui lingua Græca suam prisca antiquitatis fabricauit historiam, de insula Sicilia agens. Idem etiam describere multi ex Italia scriptoribus, inter quos fuit Solinus de mirabilib. mundi. Idem hoc etiam meminit Aulus Gell. lib. i. noctium Atticarum. Idem etiam Leonardus Aret. nostre ætatis historiographorum princeps in descriptione Siciliæ, in lib. quem edidit de primo bello Pun. Hoc idem etiam censuit Zozomenus presbyter Pistoriensis, dicentes quod insula Siciliæ primum Sicania dicta est à Sicanis, qui eam primum incoluerunt. Dicti sunt autem Sicani, quia prodierunt ex Sicore amne Hispaniæ. Est autem Sicoris flu. per Ilerdam decurrens, & miscetur Ibero flu. non longe ab ipsa Ilerda: de quo Cæsar meminit in Com. cum apud Ilerdam pugnaret. Habitabat autem gens Sicana oram ipsius flu. Sicoris, ab ipso nomen recipiens: & inde magna Hispanorum manu congregata nauigauit in insulam Siciliæ quam ex suo nomine Sicaniam appellauit, & hoc ante Troiana bella, vt dicit Solinus: instruxeruntque in ea vetustissimam urbem Syracusas, ab ipsaq; vrbe Syracusis prodiiſſe Italum illum, nemo dubitat. qui quum diu Syracusis regnasset, transfretans in Italiam, primus in ea regnavit, nomenq; genti ac regioni dedit, vt refert Vergilius in septimo Æneidos:

*--- Italusque paterque Sabinus,
Vitifator curuam seruans sub imagine falcem.*

De Iberis & Celtis, vnde Celtiberi.

HISPANIA primum (vt supra diximus) ante aduentum Herculis Iberia dicebatur, vt scribit Trogus Pompeius vltimo libro, & Claudius Ptolemæus de Hispania agens, & Plinius

Plinius de Naturali hist. Strabo deniq; & alii multi: & deinde ab Hispano qui Herculi successit, Hispania est dicta. Est autē Iberia dicta ab Ibero amne Hispaniæ. Huic autē fluuiio nomē dedit gens, quæ orā fluminis ante incoluerat. Processerat enim hæc gens à prouincia Iberia, quæ in Asia situm habet, media inter Armeniā & Colchos, secundū Claudium Ptolemæum De qua etiam & eius situ meminit Paulus Orosius lib. 6. per hæc verba: Iberia regio est Asiæ prope Pontum, Armeniæ iuncta. Hanc itaque gentem vetustissimo tēpore refert Priscianus libr. 6. ab eius prouincia prodisse, & peruenisse in Scythiam, & inde in Oceani oram, & ab ipsa ora nauigasse in insulam, quam ex suo nomine atque aduentu Hiberniam appellarunt: quæ insula est in Oceano Britannico. Altera nauigatione peruenisse tradunt in Hispaniā, quæ oram amnis incolens, flumini & regioni tradidit nomē, vt Iberus amnis, & Iberia prouincia appellata sit. Iberis vero post multa secula admixti sūt Celtæ, qui vnde prodierunt, videamus. Celtæ Galli sūt. Scribit enim Diodorus Siculus lib. 4. Celtas appellari Gallos qui habitant à Pyrenæis montibus vsque ad Alpes ad Mediterraneum. quumq; diutius cum Iberis contendissent, & decertassent pro agris cōterminis, ad vltimū pace composita simul inhabitauere, & mutuis inter se initis coniugiis Celtiberi dicti. Hoc idem contestatur Titus Liuius libr. 5. dicens tertiam Galliæ partem Celtas appellari, qui venientes ad Iberum fluuium Hispanorum, ibique confidentes, retenta primi nominis parte, & assumpto fluminis nomine iuxta quod confederant, Celtiberi dicti sūt. Quod Lucanus meminit lib. 4. dicens:

20

--- Profugique à gente vetusta

Gallorum Celta miscentes nomen Iberis.

Adiecit etiam Diodorus superiori loco: Gallos, qui ad Oceanum sūt à Pyrenæis montibus vsq; ad Danubium amnem, Gallatas appellari. Inde Claudius Ptolemæus Ægyptius, Galliam omnem in quatuor Celtogallias diuidit: Belgicam, Lugdunensem, Aquitanicam, & Narbonensem. Ex quibus euidenter colligitur, Celtas qui admixti sūt Iberis, Celtiberos appellari. Admixti vero Gallatis, Celtogallatas vocari. Ex his vero Celtis fuisse, qui terra peruagati sine nauigatione in vltiorem peruenerunt Hispaniam, ibiq; confidentes Celticam regionem apud amnem Tagum effecerunt: idemq; Ptolemæus, Strabo, & Plinius ibi recolunt Celtarum regionem. Galli vero Gallatæ aliam Gallaciam prouinciam in Græcia effecerunt hoc modo. Quoniam aduocati Gallatæ à Rege Bithyniæ in eius auxilium, quum tulissent, dimidium cum eo regnum partiti sūt, & primum Gallogræci, inde Gallatæ cognominati sūt. Ab his enim etiam prouincia Gallacia Hispanica processit, prout late dicitur infra in Græcorum progressibus. Dicti sūt autem Galli à galacte, id est candore. gala enim candidum significat, quia humido educati cælo corpora alba habeant. De quibus Iustinus libro 15. Herodotus autem Græcorum historicorum maximus de Celtis libro 2. ita meminit: Celtes autem sūt extra cippos Herculis, Cynethis finitimi, omnium in Europa habitantium vltimi.

40

De urbibus Hispaniæ ante Herculis aduentum.

REFERT Iustinus post Trogum Pompeium (quoniam superiori loco commemorauimus) Abium qui secundo loco regnavit Hispanis ad oram Oceani, populos in septem vrbes reduxisse: illas tamen non nominat. quas non stare credo ad præsens præter duas, cæteræ autē aut mutauerunt nomina, vel terræmotu, vel succedentibus cladibus. bellorum deletæ sūt. Verius tamen putandum est eas corruisse, quum omnium urbium Hispaniæ autoribus circumspēctis, præter has duas, nulla ipsius ab his temporibus scribenda comperiat. Prima siquidem è duabus Scalabius est, quæ hodie Vlysbona nuncupatur: vrbs siquidem admodum vetustissima, per cuius simbriam Tagus amnis decurrit in Oceanum. Hæc vrbs omnium vetustissima, autorem Abium secundum Regem habuit. Et dicta est Scalabius, quam postmodum moderni breuitatem sequentes dixerunt Scalabum, perstititque sub eo nomine vsq; ad tempora Romanorum secundum Claudium Ptolemæum: & dicta est Scalabius, quoniam in eo loco Abius primum ceperit cibum, ac sequens ceruorum greges inibi nutritus sit. Cuius denuo loca aeris salubritate ei conferre prospecta urbem statuit ex suo nomine appellandam, quanquam reperiam Pomponium Melam libro 3. appellasse hanc urbem Elisopum. Aliam enim & tertiam urbem cōperio, quæ ad Iberos incolas pertinuit, Iberiam nomine, demolitam tempore Romanorum. Illius enim situs fuerat ad ostia fluminis Iberi Occidentem versus apud quam Gneus Scipio, patruus illius qui primo cognominatus est Africanus, Hatdrubalem Pœ-

norum Ducem, fratremque Hannibalis vicit nauali certamine. Hęc quidem ad primarios incolas pertinere, dux ad tempora Abii secundi Regis, tertia ad tempora Iberorū. Sunt & alię vrbes quę non adeo vetustam habuere originem, fuere tamen ante tempora Herculis. Et quoniam Isidorus atque Toletanus nullam in Hispaniam urbem nominant, nisi ab Herculis aduentu, pernecessarium nobis visum est, antiquitatem recensentes, illas illarumque autores in medium producere. Inter has igitur quę ad recentiora tempora ante Herculis aduentum pertinent, primum urbem nostram Gerundam connumerabo. Hanc etenim urbem condidit Geryon Chrysauro filius Hispaniæ Rex, quem idem Hercules interfecit, & dicitur Gerunda à Geryone, & Vnda flumine, quod per urbis medium fuit. Certum est enim quod vrbes siue ab autoribus siue à fluminibus inundantibus nomina receperunt. Vnde à Belo Babylonia, à Nino Niniue, à Romulo Roma, à Constantino Constantinopolis, & plurimę orbis vrbes. Et si quę sunt quę ab autoribus, siue fluminibus, nomen ad præsens non retinuerint, huius rei causa sunt Gręci, vt meminit Iosephus libro 1. antiquitatum. qui præsumperunt nominibus ornare Rempublicam tanquam à se constitutam. Huic testimonio accedit nomē maioris amnis, qui ad oram ipsius urbis decurrens, ab ipsa vrbe & illius conditore nomen recepit. Ipse enim Geryon triceps vir, siue tria gestans capita describitur à poetis secundum Iustinum lib. vltimo. Vnde Vergilius octauo Æneid. agens de Hercule & morte Geryonis, ait:

*Tergemini nece Geryonis, spoliisq; superbis
Alcides aderat.*

Cui fabulę Trogus Pomp. Hispanus reddit rationem: quod essent tres fratres, adeo vnus animi & effigiei, quod non facile discernentur. Cui sententię tribuit argumentū ipsius urbis fabrica triangularis, quę singulis angulis arcem habet, singulis fratribus (vt à pluribus creditur) pertinentem. Huic accedit & Osca ciuitas, cuius initium à Caco Hispano est, quem Hercules ab Hispania rediens apud Tiberim Italię amnem interemit: de quo Vergilius meminit in octauo lib. Æneidos:

*Hic spelunca fuit vasto submota recessu
Semihominis Caci, facies quem dira segebat,*

& denuo subdit sequentibus versibus:

*Huic monstro Vulcanus erat pater: illius atros
Ore vomens ignes, magna se mole ferebat.*

Hunc itaque Cacus finxere poetę semiuirum, & appellarunt eum Vulcani filium, pro eo quod ignes fumiferos ore euomeret. Hic enim Cacus iuxta historiam princeps in Hispania fuerat, Carpetanis regnans. Fuere autem Carpetani Casaraugusta, Osca, Calagurris, & Tirassona, vel verius à noua Carthagine vsque in Tolerum, & Tirassonam, & Oscam, hæc est vera Carpetania. Hic Cacus in montibus regnans, nomen monti indidit, quem hodie montem Caium vulgus appellat, effectumque est, vt horribili facie, ac dira conuersatione, & aspero cultu semiuir appellaretur. Hic autem primus omnium dicitur inuenisse ignem ex diuerso compositum puluere, quo lapides iactabat in altum modo, licet inculto, quo nos bombardis vimur in hodiernum. Hic itaque Cacus Oscam condidit urbem, quam eius incolę Oscati semiferi appellauerunt. Hic vero Cacus fugatus ab Hercule extincto Geryone, in vindictam aspirans more patrio, qui ad vindictas ab omni æuo promptissimi fuerunt, intellecto recessu Herculis ab Hispania illum vsque Italiam secutus, quum apud Tiberina ostia quatuor ipsius Herculis boues rapuisset, cōprehensus ab Hercule in spelunca, in qua latitabat, p̄emptus est maximo igne euomito: propter quem finxere poetę Vulcani filium. Has itaque vrbes ad tempora ante aduentum Herculis compertas habeo veraci historia. Et si quę alię sunt, quia de illis probata non monstrantur testimonia, omittuntur.

De Regibus qui ante Herculem in Hispania regnauerunt.

RODERICVS Toletanus antiquitatem Hispaniæ subticens, vel ignorans, neminem ante Geryonem Herculisque tempora regnasse referens, ipsa Herculis & Geryonis gesta sicco pede pertransit, tanquam qui per ignotam prouinciam fugitiuus cupit ad notam sibi regionem pertingere, quadam nimia celeritate & minus vera relatione discurrens, ipsius operis & gestorum temporibus est orsus. Nos vero omnem antiquitatem amplectētes, vetustiora Hispaniæ gesta, quatenus ex approbatis scriptoribus cōprobare potuimus, futurę posteritati decreuimus annotare. Primum Hispaniæ Regē refert Iustinus vltimo libro sui epitomatis per multa ante Herculis secula fuisse Gorgonium, qui etiam

primum

primum vsum mellis dicitur inuenisse. Huic cum ex filia stupro nepos & filius prouenisset, pudore flagitii variis generibus extingui paruulum voluit; sed per omnes casus fortuna quadam seruatus, ad postremum ad regnum tot periculorum miseratione peruenit. Primo enim quum eum exponi iussisset, & post dies ad corpus expositi requirendum misisset, inuentus est vario ferarum lacte nutritus. Deinde relatum domum, in tramite angusto, per quem armenta commeari consueuerant, proiici iubet, crudelis proflus, qui proculcari nepotem quam simplici morte interfici maluit. Ibi quoque quum intiolatus esset, nec alimentis egeret, canibus primo ieiunis & multorum dierum abstinentia cruciatis, mox etiam suis obiectis. Itaque cum ei non solum non noceret, verum etiam

10 quarundam ferarum vberibus aleretur, ad vltimum in Oceanum abiici iussit. Tum plane manifesto quodam numine inter furentes æstus & reciprocantes vndas, veluti naue, non fluctu vehitur, leuique salo in littore exponitur: nec multo post cerua adfuit, quæ vbera paruulo offerret. Inde denique conuersatione nutricis eximia puero pernicitas fuit: inter ceruorum greges diu montes saltusque haud inferior velocitate peragrauit. Ad postremum laqueo captus, Regi donatus est. Tunc & lineamentorum similitudine, & notis corporis quæ paruulo fuerant, nepos agnitus: admiratione deinde tot casuum periculorumque, ab eodem successor regni destinatur. nomen illi impositum Abius. qui vt regnū accepit, tantæ magnitudinis fuit, vt non frustra Deorum maiestate tot periculis ereptus videretur: quippe & barbarum populum legibus iunxit, & boues primum aratro domari,

20 frumenta que sulco quærere docuit, & ex agresti cibo mitioribus vesci, odio eorū quæ ipse passus fuerat, homines coegit. Huius casus fabulosi viderentur, ni & Romæ conditores lupa nutriti, & Cyrus Rex Persarum cane alitus proderetur. Ab hoc enim, & ministeria populo indicta sunt, & plebs in septē vrbes diuisa memoratur. Et insuper alium ante Grisaurum, & Geryonem nomine Argantonium, de quo meminit Herodotus Anacreontem poetam dixisse: Equidem Amaltheæ cornu nolui, neque annorum centum quinquaginta Imperium tenuisse Tarfi. De quo etiam & meminit Strabo de situ orbis libr. 3. Mortuo insuper Abide, regnum per multa tempora à successoribus eius retentum est. In alia parte Hispaniæ, & quæ insulis constat, regnum penes Grisaurum Geryonis patrem, deinde apud eiusdem Grisauri filium Geryonem fuit. In hac tanta pabuli lætitia est, vt nisi ab-

30 stinencia interpellata sagina fuerit, pecora rumpantur. Inde denique armenta Geryonis quæ illis temporibus solæ opes habebantur, tantæ famæ fuerunt, vt Herculem ex Asia prædæ magnitudine illexerint. Porro Geryonem ipsum non triplicis naturæ, vt fabulis proditur, fuisse ferunt, sed tres fratres tantæ concordie extitisse, vt anima vna regi viderentur, nec Herculi sua sponte bellum intulisse, sed quum armenta sua rapi vidissent, amissa bello repetisse. Hæc Iustinus. Post hos igitur decimus Geryon fuit, quem Hercules Græcus vir fortis deuicit & peremit. Erat enim & ipse Geryon ditissimus Rex pecudibus & armentis, in quibus pro eo tempore hominum diuitiæ consistebant, quum & pecuniarum vsus nondum hominum mentes cæcasset, nec vsui habebantur. Huius itaque Geryonis diuitiis allectus Hercules, vt eum prædari valeret, suisque armentis spoliare, post

40 prioris Troiæ excidium, cætera que fœda quæ ibi gesserat, in Hispaniam venit. Hunc enim Geryonem poetæ tricipitem hominem, id est tria tenentem capita descriperunt. Inter quos Ouidius libr. 9. Metamorph. & Vergilius in 7. Æneid. Causas insuper quare hunc sic poetæ descriperunt, declarat Iustinus post Trogum Pompeium vltimo libro antiquitatum. Regnavit autem hic Geryon & fratres eius ad alteram partem Hispaniæ, quæ ad Mediterraneum pertinet & Iberi oras, secundum Iustinum. Quare autem alii Reges qui fuerunt inter Abidem & Geryonem non nominentur, ex hoc creditur, quia nihil memorabile fecerunt.

Quæ de Celtiberis & Celtis scripserunt antiqui historici atque poetæ.

70 **I**ODOREVS libro quinto de vniuersis orbis regionibus, quum de Celtis ac Galatis ad Celtiberos peruenisset, hæc quæ sequuntur, inseruit, quæ ad nostram primum antiquitatem pertinent. Iberi quondam, Celtæ que pro agris bello certantes, pace demum constituta, communicata inuicem patria, quum mutua connubia prouenissent, dicuntur hac rerum communiōe id nomen sortiti. Duæ igitur robustæ nationes in patria fertili coniunctæ effecere, vt magnum esset Celtiberorum nomen. A Romanis postmodum multo post tempore bello cum eis gesto vix tandem subacti sunt. Non enim solum equites, sed & pedites aptos bello, robore, malorumque tolerantia cæteris excellentiores habent. Breui vtuntur veste, ac nigram lanam habente similem caprarum pilis. Armantur Celtiberorum quidam, scutis leuibus, alii rotundis vmbonibus magnitudine clypei. Cruribus ocreas ex pilis factas aduoluunt, galeas ferunt æreas cristatas, &

palmis gladios ex chalybe puro ad palmi mensuram, quibus in conferta vtuntur pugna, ferrum insuper suo more ad conficienda arma præparant. Nam ferreas laminas in terram abscondentes, ibi tamdiu esse sinunt, quoad debilliori parte ferrugine assumpta validior superfit. Ex ea tum enses fortissimos, tum cætera ad belli vsum arma necessaria componunt. hoc pacto fabricata adeo cædunt omnia, vt neque scutum, neq; galea, neque aliud quid eis obsistat. Duobus gladiis fulti, cum equestri certamine superiores euaserint, exequis desiliunt, pedestremque adiuuant pugnam. Mirabilis apud eos viget consuetudo. nam cum in victus munditia elegantes existant, in vna re videntur immundi, spurcitieq; pleni. Vniuersum enim corpus lauant vrina, dentesque fricant, hanc optimam corporis curam existimantes. Erga nefarios homines atque hostes, crudeles sunt: cum aduenis humani atque hospitales. aduenientes enim externos benigne inuicem pro illorum honore certant recipere. quos aduenæ sequuntur, hos laudant, amicos deorum purant. Nutriuntur affluenter variis carnibus, potum ex melle conficiunt, eius copiam præbente affatim patria. vinum emptum bibunt, mercatorum opera aduectum. Ex propinquis gentibus gratior est eis Vaccæorum natio. ii enim singulis annis sortitos inter se agros colunt, fructusque cum cæteris communicant, cuique sua portione præbita. Quod si quid agricolæ abstulerint, è vestigio morte multantur. Celtiberorum fortissimi habentur qui appellantur Lusitani, peltas in bello paruas ex neruis confectas, quibus tegatur corpus, habent. ii in bello ea agilitate vtuntur, vt ictus & sagittas euitent. iaculis ferreis vtuntur. galeam enim semque more Celtiberorum ferunt. iaculum longe iaciunt & summa arte. in acie diutius perseverant mobili corpore leuique, vt facile fugiant hostem & insequantur. In profundis periculis superantur à Celtiberis. In pace choreas leui saltu exercent mirabili crurum ac totius corporis agilitate. bella ad numerum aggrediuntur, aliquid ex poematibus quum hosti obuiant cantando. Iberi Lusitanique ætate integra, præsertim inopia oppressi, qui robore præstant atque audacia, in montibus asperis manu facta diuersis per Iberiam locis latronum more, leui armatura, agilique corpore veloces discurrunt, popularisque agris ad montem, veluti tutam patriam, cum locorum asperitate nullus eo exercitus adire possit, confugiunt. Aduersus hos profecti sæpius cum exercitu Romani, eorum audaciam represserunt, latrocinia nequaquam tollere potuerunt. Sequitur, vt de argento quod plurimum apud Iberos, optimumque effoditur, quodque multum vtilitatis incolis afferat, scribamus.

De Pyrenæis montibus, ac metallis eorum.

MEMORIÆ proditum est ab antiquis scriptoribus, Iberiæ montes qui Pyrenæi vocantur, & latitudine, & longitudine longe alios excellere. Nam à mari quod est ad meridiem, iacent vsque ad Oceanum ferme ad Arctos situm, Galleciamq; ab Iberia diuidunt. per Celtiberiam quoque protenduntur stadiis tribus milibus. in quibus cum sint frequentes syluæ, ferunt præcis temporibus igne à pastoribus iniecto montanas omnes regiones fuisse combustas. qua ex re montes aiunt cognominatos Pyrenæos, ardente continuo diebus igne. pluresque ex montium incendiis argenti puri riui effluerunt. quod incolis ignotum, Phœnices mercatores vili rerum permutatione emptum in Græciam, Asiamque, ac nationes cæteras deferentes, magnas ex eo commercio opes contraxerunt. Adeo autem mercatores quæstus excitauit cupiditas, vt quum onustis nauibus superaret argentum, amoto ab ancoris plumbo argentum subderent eius loco. Hoc lucro Phœnices admodum opulenti facti plures colonos, tum in Siciliam, propinquaque insulas, tum in Libyam, Sardiniamque, ac Iberiam destinauerunt. Multis postmodum seculis cognito argento, Iberi metallis quærendis operam dedere: magnaque argenti copia reperta ingens ex eo vectigal prodiit, quum æs, aurum, argentumque sint metalla præcipua. Qui reperiendo æri dant operam, quartam eius quod effodiunt, portionem capiunt. Qui in argento effodiendo occupantur, singulis tribus diebus Euboicum eximunt talentum. Terra enim omnis argento, cæterisque metallis adeo referta est, vt mirabilis sit & eius solinatura, & operariorum continuus labor. Nam qui primum his metallis reperiendis incumbebant, magna comparabant. In promptu est enim argentum, terra abunde illud præstante. Postea quum Romani Iberiam subegissent, Italici qui lueri cupiditate id sibi opus assumpsere, maxime ex eo ditati sunt. Emptam enim seruorum copiam ad effodienda metalla deputant, qui variis locis metallorum venas scrutari, & alte lateque terra effossa, plurimum auri argenti que eruunt, variis multorumque stadiorum cuniculis sub terram actis. Multo que foeliciores & quæstuosiores est hæc cura, quam metallorum, quæ apud

apud Atticos reperiuntur. Ibi enim multas impensas effodiendo subeunt, sæpius opinione frustrati, quum aut non inueniunt quod quærunt, aut inuentum ita parui fit, vt superetur à sumptu. Apud Hispaniam qui metallis incumbunt reperiendis, ampliori spe percipiunt. Bonitate quippe soli glebas semper auro argentoque fertiles inueniunt, utpote terra metallis penitus plena. Reperiuntur ab eis nonnunquam in visceribus terræ flumina decurrentia, quorum fluxum spe quæstus vi magna recidunt, aut quod mirabilius videtur, cochleis quas dicunt Ægyptiacas, ab Archimede quum in Ægyptum profectus est, adiuventas. Eisdem instrumentis loca diuertunt, vbi metalla effodiuntur, eiecta superius aqua summa arte diligentiaque excitant. Mirabitur profecto quis Archimedis ingenium non solum in his, sed in cæteris quoque maioribus, quas multis in orbis partibus egregias fabricauit. De quibus scribetur diligentius, quum ad eius tempora veniemus. Serui qui ad hæc metalla deputati sunt, incredibilem quæstum afferunt dominis. Verum enim die noctuque in labore perseuerant, quorum multi ex nimio labore moriuntur, quum vix vlla eis ab opere detur requies, aut laboris intermissio, sed verberibus ad continuum opus coacti raro diutius viuunt. Quidam tamen robustiori corpore ac animi vigore, plurimum temporis in ea versantur calamitate, quibus tamen ob miserie magnitudinem mors vita est optabilior. Quum plurima in hoc metallorum munere sint admiratione digna, nequaquam tamen quis admiretur, cur nullus recens horum reperiendorum extiterit autor. Verum argenti studio à Carthaginensibus, quo tempore Iberiam tenuere, ea metalla adiuuenta sunt. Hæc fuit causa, vt eorum postmodum excrescerent vires. Precio enim optimis militum conductis plura gesserunt aduersus hostes bella, neq; domestico, neque sociorum milite vsi. Romanos, Siculosque, ac Libycos ad maxima deduxerunt pericula, quum omnes diuitiis ab auri argentique copia superarent. Perspicaces sane (vt videntur) priscis temporibus extitere Phœnices. Itali nullis aliis cessere. Oritur & stannum in pluribus Iberiæ locis, non casu repertum (vt quidam scriptores vulgarunt) sed effossum conflatumque, quemadmodum aurum argentumque traditur. Nam supra Lusitaniam plurimum stannum effoditur, in insulis Oceani Iberiæ proximis, quæ à stanno Cassiterides denominantur. Plurimum tamen à Britannia insula ad oppositam Galliam affertur: nisi per loca mediterranea Celtici mercatores equis per Massiliatas ac Narbonam urbem Romanorum coloniam, optimum earum partium tum opportunitate, tum commoditate adeuntium emporium producant. Sed de Gallis ac Celtiberis hæc tenus.

De prouinciis Hispania quæ nomina mutauerunt.

DIXIMVS Hispaniam omnem in tres distinctam prouincias, Tarraconensem, Bæticam, & Lusitaniam secundum Claudium Ptolemæum, Strabonem, Plinium, Pomponium Melam, cæterosque antiquiores Geographos. Quarum Bætica continet flumen Bætis dictum Guadalquebir à noua Carthagine, à cuius montibus defluit in Oceanum Atlanticum, cuius regionis & prouinciæ caput est Hispalis, quæ & metropolis Bæticæ, à palude quæ vrbi circumfertur, sic dicta, siue (vt aliqui voluerunt) quia vrbs eo in loco constructa sit infixis palis, in quibus vrbs fundata est propter aquarum redundantiam. Lusitania vero dicitur ab Ana flumine, quod hodie Guadiana appellatur, quod ab eius exortu per totam decurrens prouinciam continet quicquid interiacet inter duo flumina Bætis & Tagum, decurrente per medium amne, à quo prouincia denominationem habet, propterea quia apud illum Liber pater, & Lysas luserint, & Phana eius præfectus, vt Plinio placet libro tertio Naturalis historiæ, quanquam idem Plinius eodem loco dixerit, quod flumen Anas interfecet, & diuidat prouinciam Lusitaniam. in quo non recte dixit, quum ipsa Lusitania prouincia contineat quicquid interiacet inter ipsa duo flumina Bætis & Tagum, decurrente per medium prouinciæ ipsi flumine Ana, vsque in citeriorem Hispaniam Celtiberiamque. Cætera ad Tarraconensem spectant, scilicet omnis citerior Hispania à Pyrenæis montibus vsque ad nouam Carthaginem, & Cantabriam, & inde quicquid continetur trans flumen Tagi ab illius exortu, Oceanumq; Atlanticum, & Britannicum. In his quoque tribus prouinciis, populis, ac regionibus plurimi sunt qui sua nomina mutauerunt taliter, quod difficillimam reddant lectionem rerum antiquarum, quum propter obliterationem antiquorum nominum ignorationem faciant legentibus, tum circa prouincias, tum etiam circa montes, & flumina, vrbesque deletas: quæ quum non extent, neq; quibus in locis fuerint, neque res apud eas gestæ facile deprehendi possunt. Igitur primum de populis, prouinciis & regionibus: secundo de vrribus: tertio de fluminibus: quarto de montibus: quinto

& vltimo de deletis vrbibus agendum est. Habet igitur Hispania tres & quadraginta populos, regiones, & prouincias quæ sequuntur, incipientes a Gadibus & freto Herculeo, & inde vsque ad nouam Carthaginem, quantũ continet vltior Hispania, & inde à Gaditano vsque in Pyrenæum promontorium, ad Oceanum Britannicum ad oram maritimam, & inde mediterranea, ac postremo citeriorem Hispaniam. Oram itaque maritimam, & inde mediterranea, ac postremo citeriorem Hispaniam. Oram itaque maritimam Bætis fluminis inhabitant & Turduli, inde Bastuli, & Itani, Contestani, Oretani ad alteram oram, Celtici, Bracarii, Artabri, Callaici, Lucencii, Celerini, Memerani, Lacerini, Cygures, Hedii, Seburi, Asturici, Amaces, Ceperani, Pelendones, Berones, Celini, Pificori, Tugones, Austri, Autrigones, Caristi, Cantabri, Varduli, Vascones, Hedetani, Laceriani, Iltergetes, Ilarqueones, Pœni, Læetani, Cositani, Ceretani, Authetani, Castellani, Indigetes. His itaque tota continebatur Hispania. Atq; quicũq; perlegerit antiquorum historias atq; annales, potius populos, quã vrbes, expressos comprobabit. Incipietes igitur à Gaditano & Herculeo freto, ipsaq; ora maritima quæ ad Gades pertinet, & ostia fluminis Bætis (quæ Guadalquebir modernitas nominat) Turditania appellatur, & protenditur vsq; ad Calpen montem, quem vulgus Gibeltarem appellat. Illi autem qui ab ostio Bætis incolunt vsq; ad Anam fluuium, Turduli appellantur, quãquã Ptolemæus libro secundo dixerit Turdulos tenere mediterranea à Baria, vsq; in nouam Carthaginẽ, quasi Turditanos & Turdulos eosdẽ dixerit. De quibus Strabo libro tertio de situ orbis sic ait: Turditania, incolæ vero ipsi Turdetani & Turduli appellatur. Sunt qui eosdẽ arbitrentur idem esse, sunt tamen diuersi, ex quibus est Polybius, qui Turditanis Turdulos finitimes esse dixit ad Septentrionem. A quibus dicimus fines Turdetanorum & Turdulorũ esse Bætis. Turditani sunt ad austrum ac montem Calpen, & protenduntur per mediũ duorum fluuiorũ Bætis & Anam vsq; in Castulonem quoque vrbem. Turduli vero sunt habitantes oram maritimam Oceani Atlantici, vsq; in Anam flumen & Sacrum promontorium, quod caput sancti Vincetii appellamus. Post Turdetanos sequuntur Bastuli, à monte Calpe, siue Gibeltarem, vsq; ad nouam Carthaginẽ, quos simul & Itanos Ptolemæus appellat. Sed veritas est, quod Bastuli, licet largo modo protendantur vsq; in nouam Carthaginem, Carthaginiam appellatam, tamen strictius non protenditur Bastulia, nisi à monte Calpe vsq; in Bariam: & à Baria vsq; in nouam Carthaginẽ Itani appellatur. Ii vero qui incolunt mediterranea vsq; ad Obulustulum, quæ Baccia appellatur, sunt Turditani vsque ad Hispalim & oram maritimam. Ii vero qui incolunt mediterranea vsque ad Vbedam & Murtiam, appellantur Befetani: incolæ vero à noua Carthagine vsque in Succonem amnem & Valentix regnum, Oretani sunt: cuius regionis caput est Orantia vrbs, quæ & Oriola appellatur. Redeuntes vero ad oram maritimam Oceani, post Turdulos & Sacrum promontorium sequuntur Celtici, qui à Gallis in eam regionem translati sunt, & protenduntur à Guadiana flumine, Ana antiquitus dicto, vsque vltra Tagum & flumen Mundam, & protenduntur vsque in vrbem Salamanticam. De istis autem Celtis refert Strabo, ob quandam seditionem per eos commissam cum Turdulis in eam regionem venisse. apud eos dicit esse flumen Lethes, quod ideo flumen obliuionis esse appellatur. inde sunt Gallaici, Bracarii à Bracada vrbe sic dicti, & protenduntur vsque in oppidum Baiona & Ponteuedra includentes Tidures qui incolæ Tudenses sunt. Et quoniam in Bracariorum incidimus mentionem, hæc Galleciarum regio, & prouincia magna est, & adeo magna, quod refert Strabo continere in se triginta populos. Et quoniam ipse asserit, multi ex illis adeo humiles sunt, quod rarissimam mentionem de eis antiqui scriptores faciant: quoniam quum de illis Ptolemæus meminit, plures ex dictis populis singula quæque oppida ait continere, & aliqua duo aut tria: propterea non oportet per illa singula discurrere. Ad Galleciam itaque pertinent Artabri, qui antiquitus Arotrebræ vocabantur (vt voluit Strabo libro tertio) à promontorio Onerrio, & portu Baiona, & Ponteuedra protenduntur ad aliud promontorium Hauariacorum, in quo magnus portus est, & oppidum Clunia. Ad istos enim Gallecios pertinent Tudures, qui & Tutenses ab vrbe Tutense. ad istos pertinent Noniciani ab oppido Noia, Celerini, Luanci ab oppido Luanco, Limiceii ab amne Limino, Bibali ab oppido Bibalo (nunc Birbao) Lacerni, Silini, Cepori, Lamauori, Tibures, Gigure, Seburi, Amaces, Ceperani, Lugones à Lugo oppido, Oriuaces, Austri, Autrigones, Caristi, à Caristo oppido, nunc Castro. Ad ipsos insuper Gallecios pertinent Vaccæi, Misburgi, Vectones, siue Vergones, Palendones, Aruaces, Afcurici. Pificorii vocati sunt, qui à Galleciis Lucensibus & ora maritima mediterranea possident, quæ prouincia nunc Alaua dicitur: complectunturque agrum, & vrbem Burgenf. quamquam specialius Burgenfes Misburgi sint ab antiquis scriptoribus appellati. Vaccæi enim

enim etiam complectuntur & continent quicquid est vsque ad Orontiam urbem, ut Strabo voluit. Hos sequuntur Vectones, qui Legionenses sunt, quos aliqui Vergones appellant, & complectuntur agrum Toletanum, immo (ut Strabo vult) Toletum, licet re vera in Carpetanis sit. quod satis declarat eius Metropolis, quum illius præsul metropolitani Carpetaniæ in Toletanis conciliis descriptus reperiatur. Inde Palendones à Palentia vrbe sic cognominati, postea Pacicori à Pascensi vrbe sic dicti, Asturici ab Asturgo flumine appellati, Aruaces ab Arena flumine & oppido ipsius nominis sic dicti. Inde sunt Autrigones, quorum caput Calaguris est. Inde sunt Hedetani qui sunt Sorienses à Soria vrbe, & continent vsque ad Aragoniæ fines & (ut plerique asserunt) Tirassonam.

10 Vultque Ptolemæus, quod complectantur Cæsaraugustam, quamquam alii scribant eos in Lacetanis, ut placet Straboni. Hæcque descriptio generalis vltioris Hispaniæ est mutationis nominum regionum & prouinciarum.

De citeriori Hispania.

I AM nunc citeriorem Hispaniam aggrediamur. in citeriori Hispania ad partem Oceani Britannici, ad interiora Mediterranei Cantabria est continens regnum Nauarræ, habens populos tres, Vardulos, Vascones, atque Berones. Varduli sunt ii, qui montana tenent, atque Opuscuam. Vascones Pampilonenses, & vsque ad Pyrenæi iuga. Berones, vbi nunc Taphalla est, quæ antiquitus Tritium metallum dicebatur, & Olitum, quod & antiquitus Oliba, & Tutella dicta hodie, antiquitus Titultia. Inde sunt Celtiberi, quoniam licet omnis citerior Hispania nominetur Celtiberia, specialius tamen prouincia Celtiberia dicta est, cuius caput Cæsaraugusta, & protenditur vsque ad urbem Segobriam. post Celtiberos vero sunt Iltergetes, continentque Oscam & Ilerdam vrbes, & quicquid iis in terminis interiacet. Redeunt igitur ad maritimam oram, post Oretanos & Succonem amnem Contestati sunt, complectunturque Valentiam & Saguntum, quod hodie Muriuetus appellatur, & Magistrum Montesiæ vsque ad Iberum amnem. Hos sequuntur Ilarqueones, qui sunt Dertusenses & Tarraconenses. Inde Pœni, cuius caput Villa franca est dicta Pœnorum, quoniam eo in loco erat vetus Carthago Hispaniæ, quam deleuerunt T. Sempronius & Publius C. Scipiones, qui primi secundo bello Punico intrauerunt in Hispaniam. Illam quia penitus euerterunt in vindictam euerfionis Sagunti factæ à Pœnis, neque illam sub illo nomine vltius esse voluerunt. Sed post euerfionem concessa immunitate redeuntibus incolis non priori nomine, sed Villam francam nominari voluerunt, sub eoque nomine manet in hodiernum. Sed in memoriam antiquæ vrbis prouinciæ nomen retinuit, ita ut Villa franca Pœnorum siue Phœnicum vsque in hodiernum appelletur. De hac veteri Carthagine meminit Ptolemæus libro secundo, & statuit eam in Ilarqueonibus, quum tamen verum non sit, neque Ilarqueones Pœnos attingunt, sed solum Tarraconensem agrum complectuntur. Post Pœnos sequuntur Læetani, quorum caput regionis Barchinona vrbs est, concluditurque per maritimam oppidum & flumen Tarmin, nunc Torderia nuncupatum. Abinde ad mediterranea sunt Authetani, quorum caput est Gerunda ciuitas, & illius ager, complectunturque Besulam, quæ hodie Bisuldunum appellatur. Inde ad montana habitant Castellani, dicti Castellani ab oppido Castellione, quod caput regionis erat, habetque nunc oppidum parui momenti Castrum Castellionis nuncupatum, quod omni regioni Bassi sic dictæ nunc præest. Protendebantur iidem Castellani vsque ad Basagodam oppidum, & Ceretanos per montana. hos sequebantur à parte occidua Occetani, quorum caput est Vicus vrbs, & omnis Aufonia: suntque dicti huiusmodi Occetani Aufonii à Vico vrbe, quæ quondam Aufonia dicebatur ab Italis condita, quum per antea Italia Aufonia diceretur, maxime ad tempora. Hos vero ad septentrionem sequuntur Cofitani, qui Vrgelenses dicuntur, complectentes Comitatus Vrgelensem, Cardonæ, & Palariensem vsque ad Pyrenæi iuga. Post hos ad ortum solis sunt Ceretani incolentes oram Pyrenæi, & pene intra Pyrenæi montes cõstituti (qui & nunc dicuntur Sardones) cuius caput Iulium oppidum erat, à Iulio Cæsare conditum (quod nunc modernitas Lyncæ appellat) ibiq; est Sardonum oppidum (quod nunc Podium Ceretanorum appellatur) suntque hi Ceretani ab Italia in coloniam missi à Cereto oppido, à quo Cereto Ceremoniæ nuncupantur. Vltimi vero omnium ad maris littora sunt Indigetes, ab oppido Ciuixellensi, vsq; ad Pyrenæum, & continet Emporium vrbe, ac omnem Emporitanensem agrum, ac Rhodam quondam vrbe à Rhodiis cõditam, necnon mediterraneas vrbes Iuncariam & Sinianam, Runcas est vltra vrbes Iuncariam, & Sinianam: vltra est Ruscilionis prouincia, &

Trophæa Pompeii, vt supra satis diffuse differuimus. Et sic expediuimus mutationes omnium prouinciarum Hispaniæ, pro vt apud veteres scriptores nominantur, & quibus ad præsens modernis nominibus vocitentur. Iam nunc de vrbibus, fluminibus, & montibus videndum est, vrbibusque deletis. Sed prius quam ad eas deueniamus, aliqua memoratu digna quæ ad nonnullas Hispaniæ prouincias pertinent, interferam. Primo enim sunt multa quæ Strabo meminit de Turditanis, qui ad Bætum amnem habitant circa maritima littora. Hi inter Hispaniæ populos sapientia putantur excellere, & in terris studiis videntur, & memoranda vetustatis volumina habent, vatum codices, legesq; à sex annorum millibus versibus conscriptas: ceteri autem Hispani vsum quidem habent literarum, sed non vnius generis, nec vna lingua est. Addit insuper & alio loco, in præfato tertio libro, quæ sequuntur: Verum ad regionis felicitatem mansuetudo simul & vrbinitas accedit Turdetanis & Gallis propter vicinitatem cognationemq; (vt testis est Polybius) ceterum illis minorem, vt plurimum enim vicatim habitant & viuunt. Nam Turdetani, præsertim qui circa Bætum loca tenent, in Romanos penitus vsus transformati sunt, nec propriæ linguæ memoriam seruant amplius, plurimiq; Latini facti secum accolæ accepere Romanos. Itaque parum abest, quin vniuersi Romani sint. & nunc habitatæ vrbes, & in Gallia Pezaugusta, & in Turdulis Emerita Augusta, & in Celtiberis Cæsaraugusta, & aliæ coloniæ quædam permutatos dictarum ciuitatum ritus demonstrant. Hispani quoq; qui hoc institutionis seruant genus, stolati, vel togati dicuntur, in quibus sunt & Celtiberi, qui quondam ceteros immanitate superare credebantur. Ad illius autem vbertatis fidem faciendam in tertio libro etiam Strabo addidit quæ sequuntur: Quanta vero rerum ex Turditaniam exportandarum copia sit, maxime declarat nauigiorum magnitudo & numerus. Ingentes enim naues onerariæ istinc Puteolos nauigant, & ad Ostia, Romanorum nauale, permeant. Insuper multitudo Africanis ferme æquiparanda, tantum est incrementum. Quum autem huiusmodi sit mediterranea Turditaniam copia, æqualem maritimam ex pelagi bonis inuenies. Ostrea nanque & conchylia omnia, & multitudo, & amplitudine omnium ex parte exterius mare superat, præcipue cum fluxus & refluxus hic augeantur, qui causa (vt par est) magnitudinis & multitudinis propter inundationes existunt. Eundem se habet in modum circa Ceraria genera, orygos, phalænas, physeteras, quibus resstantibus nebulosæ cuiusdam columnæ visio longe cernentibus offertur. Quid congrui, quid murænæ, quanto nostris maiores capiantur, aliq; complura huius generis edulia? In Cartheia vero cerycas, id est murices & purpuras, librarum decem, in exterioribus autem locis murænulam & congrum, minarum supra Lxx. polypum talenti pondus: duorum autem sepias cubitorum, & similia. frequens vero thynnus è vetusto feruore ingenti aruina horsum impellitur. Querna vero quadam glande faginatur, quæ ad mare nascitur, humilis admodum, fertilem ingentemq; impendio producit fructum: quæ quidem copiosa in ipsa etiam terra generatur Hispania. Ingentes sane radices, perinde ac integræ quercus, habens: quæ profecto ab humili radice tollitur nimis. Tantum vero fructum affert, vt post maturitatē littora & extra columnas, & intra, glande referta sint, quam æstus aquarum eiecat. Ceterum intra columnas semper minus ac minus reperitur. Vt autem autior est Polybius, vsq; Latinam ipsæ glandes emittuntur, nisi Sardinia quoq; (inquit) & huic vicina regio ferat. Verum thynni ipsi quo magis columnis propinquant ab exteriori delati pelago, eo amplius esca deficiente macerantur. Hæc in mari belua semper adest, plurimum glande gaudens, cuius cibo eximie pinguescit. Quumq; glandium sit copia, thynnorum itidem sit vbertas. Quum vero prædicta regio omnibus bonis exuberet, effodientorum sane metallorum ingenium admireris. Tota enim talibus plenissima est Hispania, non tota tamen procreandis fructibus facilis, nec tota ferax eundem in modum, præsertim quæ metallis abundat. rarum est enim vtriusq; rei commoditate fortunari: rarum & eandem diuersis paruo in loco abundare metallis. At Turditaniam agerq; coniunctus nullam in hoc felicitatis genere rationem commendare volentibus abesse finit. Nam aurum, argentum, æs, ferrum nullibi terrarum, neq; tantum, neq; tam probatum generari, hætenus compertum est. Aurum enim non solum ex metallis effoditur, verum etiam fluit. flumina namque torrentesque auream deferunt arenam, quæ passim & per loca aquarum indiga existens cognoscitur. Ceterum quum illic quidem minus appareat per aquatilia, quidam elucet grumuli. Quod si quibus à natura negatæ sunt aque, illatis rigantes aquis, dehinc splendescentem efficiunt grumulum, puteos quoque effodientes, & alia per solertiam tractantes artificia, lauandis arenis aurum excipiunt. Pluresque hac ætate sunt qui aurum eluant, quam qui effodiant: vnde & chrysoplysia, id est auri lauacra, sunt appellata. Galli quidem digniora esse tua prædicat metalla, quæ in Cemma monte sunt præfertim,

fertim, quæ ad Pyrenæum vergunt. verum enimvero quod his locis deducitur magis probatum est. Inter auri micas autem quandoq; dimidia libra ad modum purgationis, grumos quos palas vocant, repertos fuisse memoriæ traditum est, qui paræ admodum purgationis indigeant. Traditum etiam est scissis lapidibus glebula quasdam papillis mammaram similes inueniri. Ex auro autem excocto & ex tenaci quadam creta repurgato, purgamentum electrum rursus excoquitur, commixtionem auri atque argenti habens. Argentum quidem exurit, cæterum aurum ipsum remanet. forma enim est facile fusilis & lapidosa. Eapropter paleis aurum potius liquefit, quoniam quum flamma mollis existit, ad illud sese pariter metitur, quod & facile cedit, facileque diffunditur. Carbo autem

10 caloris vehementia liquefaciens & sublimans, magis ac magis absumit. In Erythriis vero extrahitur, & prope lauatur, & in alueolis vel puteis mundificatur, limusq; huic exhaustus eluitur. Argentarias autem fornaces excelsas efficiunt, vt fumosa illa glebarum euaporatio tollatur in altum. grauis enim est & perniciofa. Ærariæ quoque effodinæ vocantur & nureæ, ex quibus licet per coniecturam agnoscere aurum, inde prius effodi solitum. Possidonium autem quum effodiendi locos multitudinemq; laudibus extollat, & eorum virtutem, à solita minime sese abstinet eloquentia: verum diuino quodam afflatus spiritu per ipsos agitatur excessus. Haud enim fidem (inquit) abnego fabulæ, quod syluis aliquando per incendia absumptis terra ipsa, auri atque argenti feracissima, noua quædam in superficiem & superiorem telluris faciem germina efferbuit. Montes enim omnes & omnem

20 tumulum materiem esse monetæ, quam quædã felicitatis abundantia cumulauit. Quod si quis regionem inspectet (inquit) effluentis vbique perpetuo naturæ thesauros, & imperatoriæ cuiusdam maiestatis nequaquam deficiens ærarium esse dicat. Non enim diues tantummodo, sed diuitias sufficiens & suggerens est regio, penesque illorum (vt vere dicam) subterraneum locum, non infernus, sed Pluto ipse opulentia Deus inhabitat. Talia quidem speciosa quadam figura de hisce locutus est, perinde ac si & ipse de metallis copiosa vsus sit oratione. Effodientium vero solertiam commemorans scitum illud Valerii adiungit, qui in argenti fodinis agri Attici sic intente atq; acriter homines effodere asserit, vt in superiora Plutonem ipsum adducendum esse præstolentur.

30

De montibus Hispania qui nomina mutauerunt.

REGIONVM Hispania descriptionem absoluimus quæ in hodiernum nomina mutauerunt, ne legentes auertantur à sensu historiæ propter ignota nomina regionum. Nunc autem (vt promisimus) itidem faciendum est de montibus, fluminibus, ac vrribus. Igitur à montibus incipiemus. Sunt montes excelsi in Hispania: primum Pyrenæi, qui Hispaniam à Galliis seiungunt, & incipiunt secundum communem historicorum opinionem à templo Veneris, & Mediterraneo, vltimoque confine agri Gerundensis, & protenduntur vsque in Oceanum ad promontorium & ciuitatem sui nominis Easo, quæ hodie Baiona dicitur, seu (vt aliis placet) à vico sancti Ioannis de Lueza, ne scindatur mons.

40 Hi montes vsque in hodiernum suam appellationem retinuerunt. De istorum tamen montium nomine diuersi diuersa sentiunt: quoniam dixerunt quidam Pyrrhenæos à Pyrrho Hispani successore vocitari. Diodorus vero libro quarto ait, quod cum mons ipse plenus esset maximis arboribus, plurimisque pastoribus propter greges qui inibi pascuntur, accidit vt die quadam appposito igne monti, quum ventus validus excreuisset, ignis vrens glebas ipsius montis coegit aurum atque argentum colligendum, reliquam ipsorum montium partem incenderunt, & ab ardenti pyra (quæ est lignorum congeries ardens) Pyrenæi montes appellati sunt. Hæc Diodorus. Idem etiam censuit Appianus. Aliqui à crebris fulminum ictibus illic cadentium Pyrenæos dixere, à pyr, quod est ignis. Ab his itaq; montibus procedunt & alii mōtes, qui per Lacham vrbe in Castellam ac vltiorē Hispaniam protenduntur, & ad vltimam Oceani oram in Portugallia terminantur, ad oppida Cintres & Turres vedres: & hi montes Castellæ regnum per medium scindunt in partes duas. A primis enim habitatoribus Ebullei montes appellati sunt. Hi radicem habent à Pyrenæo, atque Cantabris magnam regni Nauarræ partem claudentes. Hi iidem montes, qui in Aragoniam vergunt, mons Caci, siue Moncaio à Caco Hispano dictus, de quo meminit Vergilius lib. octauo. Vnde protenduntur per vltiorē Hispaniam, includentes diuersas vrbes Segouiam, vrbeq; Rhoderin (quam Ciuitatensem vocant) & secundū diuersa loca diuersa nomina fortiti sunt. Sunt & alii mōtes in Bætica, qui ab ora fluminis Bætis alias Guadalcauir supra Hispalim in fretum Herculeum protenduntur, & pene illis clauditur Granatæ regnum. vnde inexpugnabile fit regnum montibus altissimis circum-

C

septū. Hi montes quatenus orā freti Herculei cōtingunt, Calpe montes ab antiquis scriptorib. appellati sunt: ibique fixæ sunt alteræ ex columnis Herculis, mediū habentes inter Malacā & Gades insulā, vbi alteræ fueræ fixæ columnæ. Nunc vero mōns iste mutationē nominis fecit ab aduentu Arabum, qui eandē inhabitant regionē, & Gibeltarich appellatur. Gibel itaq; Arabica lingua montē significat, tanquam mons Tarich. Hic itaq; Tarich primus Dux Arabū fuit, qui classe instructa Arabibus de Africa traiecit in Hispaniam. Ipsi vero mōtes, quum in Hispalim protēduntur, Illipæ montes dicebantur: quum in Cordubā versus Themarini montes siue Orthosdadæ montes dicti sunt. Erat enim per antea ibi vrbs Calpe dicta à monte ipso. Promontoriū vero quod in Oceanū mittit, & Iunonis antiquitus templū habebat hodie Tarypha oppidū est. Ibique non longe est Minister portus, & vrbs Belon, & fluuius eiusdem nominis. In hocque monte incipiunt Herculei freti fragores exauditi, habetque ex opposito Libyam, & alium montem Abylam, quanquam Calpe mons excelsior sit: & hi montes, quatenus ex opposito Malacæ sunt, habent Vlyseam vrbe & Mineruæ templum, vt voluit Strabo libro tertio de orbis situ. Suntq; mōtes ipsi referti auro, argento, ære, ac diuersis metallis, vt idem asserit. Illi vero montes qui Valentiam feiungunt à Murtiæ regno, Vbedæ mōtes appellati sunt etiam ab antiquis Sturiarum & Biscaia. Insuper qui ad Oceanum, alteramque partem Hispaniæ pertinent, Numidicæ montes dicebantur, & à Pyrenæo procedentes per Cantabriam, Nauarræque regnum prolabantur. Item per Biscaiam, Opuscumq; Sturias, & Galleciam, vsque in vltimam oram ad promontorium, vbi ecclesia de finibus terræ sita est. & hi montes secundum vnāquaque prouinciam, per quas progrediuntur, nomen acceperunt. Et propterea mons vrbi Barchinonensi adiacens ad oram maritimam, mons Iouis (vt placet Pomponio Melæ libro secundo & tertio) dicitur. Quod quidem nomen vulgus corrumpit, & Iudaicum montem appellat idiomatum confusio. Sunt præterea Scalæ Annibalis inter Barchinonem & Tarraconem, quæ Costæ de Garaf à modernis dicuntur. Reperiuntur præterea & alii montes in Hispania, omisi ab antiquis scriptoribus, non omittendi propter illorum singularitatem. Sunt enim in Tarraconensi Hispania duo montes: primus in Lætanis inter vrbes Barchinonem & Gerundam, oppositus oppido Blandæ, dictus mons signi, siue signorum, tanquam nauigantibus per maritimam oram primus totius regionis signa terræ præbeat, siue graua regionalibus signa pluuiarum, & imbrium signa præstet. Est & alius mons in Comitatu Cardonæ sale plenus, præstatque omnibus regionalibus salis fertilitate: quem montem, quum maxime sale euacuatur, tunc latius in altum crescere nemo dubitat. Et hæc de montibus sufficiant.

De fluminibus quæ nomina mutauerunt.

P R I M V M omnium fluminum Hispaniæ quæ nomina mutauerunt, Bætis est, à quo Bætica Hispaniæ prouincia dicta constat. Hic amnis ortum habet à montibus propinquus Carthagini, qui quondam Orthosdadæ dicebantur, & decurrens per Castulonem & Cordubam, influit in Oceanum Atlanticum ad vrbe Hispalim, clauditque suis terminis prouinciam Bætiā, in qua Granatæ regnum situm est. Corduba insuper ciuitas quæ in medio pene fluminis cursu est, ab eodem flumine denominationem habet, vt tanquam cor Bætis dicta sit Corduba. Huic autem flumini Arabes nomen immutarūt, quum Gotthis expulsis Hispaniam obtinuissent. Quorum reliquiæ in Granatæ regno permanēt. Amnem itaque appellarunt Guadalchaur, quod nomen in hodiernum manet. Post hūc oram sequendo Oceani, Anas fluuius est, à cuius nomine prouincia Lusitania dicta est. Hic amnis ortum habens à montibus Orthosdadæ & Vbedæ, vicinis Carthagini & Murtiæ, per mediam vltiorem Hispaniam, & Castellæ regnum decurrens ad oppidum Calatrauam influit in Oceanum ad confinia Portugalliæ, diuidens regna Castellæ & Portugalliæ loco vocato Lanis. Huius autem fluminis priori nomini addiderunt Guadi, quod Arabica lingua interpretatur aqua, & sic Ana Guadiana dicta est vsque in hodiernum diem. Tagus autem qui à Beuleis montibus nascens, per Toletum & Vlisbonam vrbe decurrit in Oceanū, nomen retinuit ab antiquis impositū. Item apud hunc amnē finxere poetæ (vt ait Iustinus) equas ex aura cōcipere propter agri vbertatē. Ad præfati Oceani oram Compostellam versus sequitur alius amnis decurrēs per Coimbriam in Portugallia, qui ab antiquis Munda appellabatur simul cum ipsa vrbe Coimbria. Hoc etiam flumen à modernis Mundeuo appellatur, estq; ibi oppidū ad Oceani littora eiusdē nominis veterē denominationē retinēs: apud quod Caius Iul. Cæsar, seu eiusdē Duces, Agrippa & Brutus bella-

bellarunt ultimo contra Pompeii filios, Gneum & Sextum: quorum alter ibi occubuit, alter aufugit, quoniam mortuo patre apud Ægyptum posteaquam superatus est in Thesalia apud Phartalia campos, victis peremptisque Scipione, & Catone, Lucio Afranio, M. Petreio, ac Iuba Getulorum Rege, Pompeii filii Hispaniam omnem occupauerunt. Postea ad eam urbem ad prælium coacti fuerunt. De quo prælio & urbe meminit Lucanus in principio, dicens:

Ultima funesta concurrant prælia Munda.

Et hæc Lusitania dicta est. quanquam enim Lusitania dicta sit prouincia, hi tamen specialius qui incolunt Vlisbonam & Coimbriam, Lusitani dicti sunt vsque ad flumen Dorium, ut placet Straboni. Post Mundam Dorius est, procedens ex montibus Ebuleis, & decurrens per mediam Castellam, influit in ciuitatem Portum, & hic amnis præscum retinet nomen. Post hunc Liminus fluuius est, quem Iustinus Minium appellat ab ingenti copia minii, in montibus Asturiarum & Biscaia, qui quondam Vidumi montes dicebantur, enascens. Hic amnis influit in Oceanum, Portugalliamque à Galliciis seiungit loco dicto Toi, quæ urbs est, & à modernis nomine immutato Vnga vocatur. Post Vngam tria sunt in Galliciis flumina quæ nomina mutauerunt: primum est ad Pontuedrum, quod Vias ab antiquis dicebatur: alterum, quod decurrit non longe à Compostella, Tamarus: tertium est post vltimum promontorium de finibus terræ Asturios versus, Vir nomine. Post hæc in Sturiis tria alia flumina sunt: primum versus Gallicos Vicatus: secundum, decurrens non longe ab Oneto, Natum: post hæc in Biscaia vltimisque finibus Asturiorum Nebealmonus. Item alia tria: primum ad Asturios, Nelus non longe ab oppido Castro: secundum est Negangesia, quem alio nomine appellat Iustinus Chalybim, & ad oppidum Birbao decurrit in Oceanum: tertium ad Nauarram pertinet, & Nerua dicebatur. Hæc quidem flumina aptiora sunt omnibus aquis ad ferri fortitudinem faciendam. Ad partem vero Mediterraneam euntibus, à Bætica & noua Carthagine primum flu. decurrens in Mediterraneum ab oppido Oriola, quod antiqui Oritigum dixerunt, non longe à vico dicto Gardemar, Alana dicebatur, nunc autem à modernis Segura. alterum vero sequens, quod influit in Mediterraneum, quondam Secabur dicebatur ab antiquis, nunc vero: tertium vero quod decurrit per Alzesiram oppidum, ab antiquis primo Succon dictum est, deinde Succo, nunc Chucarus. Apud hunc amnem Pompeius pugnavit cum Sertorio, & vicisset Sertorius, nisi superuentu Appii Metelli Pompeius adiutus fuisset. Amnis insuper qui per Valentiam decurrit in mare, Pallentia dicebatur, nunc vero Gaialalaycar. Qui vero per Saguntum quondam nunc Murinetus Turris nomen habet. Qui vero prope Barchinonam decurrit à montibus Pyrenæis, ab antiquis Rubricatus dictus est, à nostris vero r litera est mutata in l, & dicitur Lubricatus. postea Betullo amnis (ut placet Pomponio Melæ, non longe à Barchinone, qui nunc Bisotto dicitur, alias Besotium. Inde Tarnum flumen secus Blandam decurrens, quod Tordera hodie vocatur. Ticer vero amnis qui per Gerundam urbem decurrit, & influit in Mediterraneum ad oppidum Turricellam, nomen retinuit. Cluuianus qui non longe ab Emporio, quondam maxima urbe Gerundensis agri, per occasum influit in Mediterraneum, solam vnam mutauit literam c in f, & Fluuianus dicitur, quanquam Plinius de Naturali historia libro tertio illum Flumialbum appellat. Sembroca alter amnis, qui ad Orientem direptæ urbis Emporiæ influit in Mediterraneum, à modernis Sambucha dicitur. Sunt & alia duo flumina quæ in mare non influunt, sed coniunguntur Ibero, de quibus accurate disseruit Iulius Cæsar in suis Commentariis, quem aduersus Lucium Afranium & M. Petreium in Hispania apud Ilerdam pugnavit: quorum alterum Sicoris, alterum Cinga appellatur, Sicoris ad Ilerdam, Cinga ad Fragam fluit. Hæc igitur de fluminibus quæ in Hispania nomina mutauerunt, dicta sufficiant. Iam ad vrbes veniamus.

De urbibus Hispania quæ propria nomina mutauerunt.

50 I AM enumeratis ad plenum prouinciis, montibus, & fluminibus Hispaniæ quæ nomina mutauerunt, restat & vrbes discutere. Primum itaque ab Oceano, Gadibusque Herculis, ac freto Herculeo incipientes, oram Mediterranei vsque ad Carthaginem, inde alteram oram Oceani cum residuo interiacenti Mediterraneo, & vltiorem Hispaniam describemus. inde redeunt tanquam ad propriam domum, ad citeriorem describendam deuoluemur. Prima igitur omnium ciuitatum Gades erit, de qua meminit Dionysius Alexandrinus, quem ætate nostra Antonius Bacharia Veronensis transtulit, quod ante aduentum Herculis Tartessus dicebatur. Postea vero quam Hercules ad eam peruenit, statuitque in eadem columnas ad æmulationem alterius Herculis Ægyptii, qui alias

columnas statuerat ad alteram Libyæ oram secundum Diødorum libro quarto, ab ipsis columnis erectis Gades Herculis insula, & illius vrbs appellata est. hæc Priscianus. quanquam Strabo libro tertio referat, Polybium dicere eam regionem, quæ circa Bætum est, cognominari Tartessum, Gades vero prius Erytheam vocitatum cum duabus adiacentibus insulis. huic autem propinquum est oppidum sancti Lucæ de Baromeda, in nauigatione per flumen Bætum, quod quondam Mendalia dicebatur. illi enim adiacet vrbs Belon ad partem freti (quæ hodie Taripha oppidum est) & erat ibi tēplū Iunonis & Mnesthei portus: hanc regionem à Calpe monte vsque in Bætum amnem, vocitari Tartessum. Alii vero dicunt agrum Turditanorum, qui oppositus est insulæ Gadi per oram Bætis fluminis vsque in Sacrum promontorium (quod caput sancti Vincentii hodiernis temporibus vocitamus) appellari Tartessum. De hac enim Tartesso late diximus supra de prouinciis quæ nomina mutauerunt. Sed de hac vrbe Gade prætereundū non cenſeo, quod de ea refert Strabo libro tertio de situ orbis, quod quum esset primum oppidum, Balbus Gaditanus vir triumphalis aliud illi insuper ædificauit quod Neapolim, id est nouam urbem, appellauit. Additæ sunt etiam à Balbo ipso insulæ duæ: vna, quam Didynamam appellant, & altera illi adiacens, quæ maximum vrbi incolatum præbuerunt. Adiecit etiam Strabo ad illius magnitudinem, quod adeo creauerat, quod post Romanā urbem, cæteras vrbes mundi anteibat. Et quum illi ager nullus esset, omnes illius vrbis incolæ ad nauigationem se contulerant in asportandis Romam rebus mercatoriis, maximeque eis quæ ab Hispania exportabantur. Adiecit etiam Strabo ad illius amplificationem, quod quū census semel exigeretur ex ea, reperti sunt in ea militaris ordinis equites aurati viri quingenti, quod nusquam in aliqua ciuitatum Italiæ compertum, quam in Patauio vrbe. Post Bellonem urbem sequitur vrbs Mellaria ante fretum (quæ nunc Algezira nuncupatur) vt placet Plinio libro 3. Ptolemæus vero libro secundo vult, quod Algezira fuerit Carteia, Carteia primo à Græcis dicta, sub Calpe monte in Oceano Atlantico locata ante fretum. Inde sequitur Molena, quæ antea Suelum dicebatur, vt placet Ptol. lib. 2. ad mediterranea Obefusca est, quæ hodie appellamus Bahessam. Inde est Sisapo oppidum, quod Xeres appellatur, apud quod metalla expoliuntur. Hanc itaq; per orā Mediterranei maris sequitur vrbs Granata, quæ ab Arabibus occupata est, à qua vrbe regnum Arabum nominationē capit. Ea autem vocabatur magna Illipula secundum Claudium Ptol. Causam vero mutati nominis authenticam non memini me legisse, de ipsa tamen vaticinari libet. Consueuere arborum fructus appellari à regionibus, vbi iidem fructus ab initio sunt reperti, vt ait Hieronymus in epistola ad Eustachiū, dicens: Cerasa ex eo sic appellari, quod primū Lucullus à prouincia Cerasa Romam veniens detulisset, sic à Perside Persica. Granata mala punica dicta sunt, quia ii fructus apud Pœnos primum reperti sunt. Quum vero Hispania diutius sub Pœnorum fuerit potestate, per facile fuit, vt illius generis arbores de Africa translati sint in Hispaniam, & ea vrbs à qua forte per Hispaniam trāslati sunt, ab eorum fructu conuersionem nominis fecerit, vt Granata dicatur. Hispano siquidē nomine mala punica Granata appellantur. Almaria vrbs ab antiquis Illibera dicebatur, quæ ad oram Mediterranei est. De hac igitur Illibera vrbe & eius Episcopo Gregorio meminit Hieron. in lib. de viris illustribus, quod est Bæticus. nec immerito illum non expressit Hispanum sed Bæticum, quum Hispania habeat duas vrbes Illiberas, vnam in Bætica, alterā in Tarraconensi ad iugum Pyrenæi, quæ confinis quondam fuerat nostræ diocesi, de qua suo loco dicetur de urbibus quæ corruerunt in Hispania. Post oram vltioris Hispaniæ, quæ est in Mediterraneo, sequitur & altera ora ad Oceanum. Post Gades Hispalū est. Hæc urbem multi ferunt ab Hercule conditam, sicq; vocitatum, siue quia palis suppositis condita sit, siue à palude, quæ maximam urbem circumdat. Hispalis dicta est à prioribus antiquis: Postea vero à Iulio Cæsare Iulia Romulea appellata, vt Straboni placuit, à cuius nomine vulgata locutio originem traxit, vt Siuillia appelletur tāquam à Iulio Cæsare instaurata, & dicatur ciuitas Iulia: referuntque, præfatum Cæsarem eandem urbem construxisse, quod tamen verum non est, quum apud Titum Liuium, Commentariaque præfati C. Iulii Cæsaris, ac Lucium, plurimosque scriptores antiquiores, fiat eius ciuitatis mentio. Potuit tamen Iulius Cæsar illam instaurasse labentem, auxisse, ac dilataſſe, obtinuit tamen moderna literarum locutio, vt pristino nomine ab eis nuncupetur. Post Hispalim sequentes Oceani orā peruenitur ad Guadianā fluuium, regnumq; Portugalliæ, vbi ciuitates Sylua & Eura conditæ sunt, & ad extremū Oceani promontoriū, vbi sacrū erat Herculis tēplū, & sacrū est appellatū promontoriū. De hoc vero Herculis tēplo & sacro promontorio libet aliquid dicere, quū referat Trogus Pompeius Hispanus, quæ Iustinus singulari eloquentia abbreviauit, esse in Hispania saltus Tercenorū, apud quos finxere poetæ Titanas bellasse

10

20

30

40

50

bellasse cum diis, in quibus primi Hispaniæ Reges Gorgonius & Abius regnauere. Hos autem saltus non declarat, ubi sunt, nec bellum Titanum aduersus Deos elucidat, quum ultra fabulam, falsa admodum videantur. quoniam etsi fabulæ falsitatis plurimum habet, semper tamen veteres poematibus sunt vsi, quum aliquid ad historiam fictio veritatis habuerit. Vnde Firmianus Lactantius vir eruditissimus, de poetarum licentia primo libro sic loquitur: Hic homines decipiuntur maxime, quod hæc omnia ficta esse à poetis arbitrantur, colunt quod ignorant. nesciunt enim quis sit poeticæ licentiæ modus, quousque progredi fingendo liceat, quum officium poetæ in eo sit, vt ea quæ vere gesta sunt, in alias species obliquis figurationibus cum decore aliquo conuersa traducat. Totum autem quod

10 referas fingere, id est ineptum & mendacis potius quam poetæ. Vnde qui hi saltus Terce-
 cenorum sunt, videndum est, ubi inhabitauerent Curetes, & quid fuerit ad historiam præ-
 lium deorum cum Titanis. Saltus enim nemus est Tercecenorum. Itaque vel ciuitas Gades est,
 vel littus Bætis, vt satis declarauimus. Saltus vero istorum Tercecenorum sylua quondam
 maxima erat ultra Gadianam flumen. Hæc enim sylua protendebatur ab Eura vrbe vsq;
 ad vltimum promontorium Oceani, quod sacrum promontorium veteres appellabant.
 Hic saltus non longe à Gadibus, siue à Bæti flumine distabat, quem saltum Curetes pri-
 mi incoluere. Ab ipso itaque saltu Sylua vrbs Portugalliæ hodierno idiomate nuncupa-
 tur, quoniam Latino sermone saltus & sylua idem sunt. Quum enim Hercules in Tartessum
 venisset, finitimi regionis intelligentes aduenam potentissimum hostem aduenisse, fini-
 20 timamque occupasse urbem, seu prouinciam Tartessum, apud eandem ad ipsum saltum
 congregari cœperunt amni propinquum. Inde Hercules quum prouinciales apud eundem
 saltum qui ultra Anam, siue Gadianam flumen est, inuasisset, cum eisq; certasset, illos præ-
 lio vicit, atque propterea parta victoria ibi Herculem luisse ferunt, atque ludos quos al-
 ter quondam Hercules Cretensis patri Ioui instituerat, ibi renouauit, quem ipse se fore
 mentiebatur. Erat enim gens ea tempestate rudis, & ad bella insuta, & propterea quia il-
 los apud eandem syluam vicit, Titanas cum diis certasse finxere poetæ. cui fabulæ causam
 tribuit, quod Hercules ad excusandum matris Alcumenæ adulterium propter eius robu-
 stitatem Iouis summi dei filium falso mentitus est. Quoniam cum Iupiter Cretensis Her-
 culem alterum, qui hunc per multa sæcula antecessit, habuisset filium, à Græcisq; vt Deus
 30 fuisset adoratus, ille se illum asserens, à Ioue summo Deo genitum rudi populo affirma-
 uit. Vnde Ioui patri ac sibi, tanquam Deo, templa & adorationes constituens infania qua-
 dam rudem populum circumuenit. Aduersantes propterea sibi prouinciales populos
 Titaneos, Herculeos vero deos poeta fingens ad illum saltum Tercecenorum pugnasse re-
 fert. Quomodo vero Titanes cum Ioue Cretensi antiquiori historia pugnaverint, ex qui-
 bus diuersimoda poemata prodierunt. scribit enim Firmianus Lactantius de falsa reli-
 gione libro secundo (quam historiam hic referre, accommodatum videtur) quod fuit a-
 pud Græcos insulamq; Cretam quædam Regum genealogia à Saturno incipiens, quam
 propter nonnulla ab eis facta, prima gentilium ætas vana superstitione in deos translata
 esse credidit, de eisq; poetæ multa fingentes ad nos multa vana perduxerunt. Saturnus
 40 enim huius geneologiæ principium, & Titan eiusdem frater, Vrani Regis Cretæ filii fue-
 re. Titan enim primogenitus fuit, & Saturnus secundus. His autem mater erat Vesta, so-
 roresque Ceres & Ops. Saturno vero vxor fuit Ops. Quum vero Saturnus fuisset facie
 hilarior, aspectuq; magis decorus, quoniam Titani facies admodum tristior esset, regnū-
 que Titani tanquam primogenito pertineret, suatum est à sororibus matre id præstante
 consilium, vt Saturnus Titani præficiatur in regnum. re itaque peracta ad concordiam
 ventum est. Quod ubi Saturno aliquis liber masculi sexus nasceretur, necaretur: eo modo
 vt successio regni saltem in Titanis filios deueniret. Firmata itaq; pactione interuenien-
 te Vesta matre, quod primo natum est, à parentibus est extinctum. Quum vero denuo
 Ops Saturno peperisset geminos, Iouem siquidem & Iunonem, Vesta occultauit Iouem,
 50 & Iunonem palam edidit. Quumque Iouem clam educasset, Ops iterum parturiuit Ne-
 prunum, quem quum denuo occultasset Vesta, iterum & Ops geminos parit Plutonem
 & Glaucam. Pluto item celatur, Glauca vero oblata in medium statim emoritur. Re itaq;
 cognita Titani, quod nati essent Saturno masculi, quos etiam educasset, congregatis fi-
 liis, aliisque adherentibus, quos Titanas antiquitas appellauit, Saturnum, vxoremq; O-
 pem vinxit compedibus, & in custodia posuit. Quum vero Iupiter Saturni filius adole-
 uisset, intellexissetq; parètes carcere detineri, collecta iuuenum manu ad liberandos pa-
 rentes properat, & commisso prælio cum Titanis, Iupiter Titanas vicit, parentesque in
 regnum restituit, atque in Cretam rediit. Hæc & longe alia de Ioue ac Saturno prose-
 quitur Firmianus Lactantius primo libro de falsa religione. Quum vero Hercules pri-

mus, prout inferius suo loco de Herculis dicitur, Iouis filius Regis Cretenfis fuerit, ob eiusque virtutes à Græcis vt deus veneratus sit: illum Herculem hic noster Alcides se esse falso mentitus est, atque illius instar quum etiam ipsi Ioui (vt persuaserat) patri ad orationes templa constituerit, poeta fingens Herculem, suosque, deos, Hispanosque cum eo belligerantes Titanas appellauit, tanquam Ioui summo Deo aduersantes & hostes: quod quidem prælium apud sylvam ad oram amnis Anæ commissum est. quæ sylvæ non longe à Tercenorum vrbe distat, nunc vero Gades appellata, apud quam Titanas cum diis certasse finxerunt, siue (vt Strabo & plerique alii voluerunt) apud oram Bætis, id est agrum Turdetanorum, qui (vt supra diximus) Tartessus vocabatur. De hac etiam Tartesso meminit Solinus de mirabilibus mundi, quum de insula Sardinia ageret. Sed iam nunc aliquatenus peruagati ad nostrum propositum redeamus. Post Tercenorum sylvam, vbi Sylua, & Eura vrbes constitutæ sunt, Passa in agro Lucentino posita est, quæ licet Latini nominis prioritatem retineat, vulgari tamen sermone conuersionem fecit, & dicitur Badabos. Hæc sequitur Vlisbona vrbs ad oram fluminis Tagi. hæc autem apud veteres Scylabus dicebatur, pro vt supra retulimus in titulo de vrbibus ante Herculis aduentum. Inter saltus vero Tercenorum, & ipsam vrbem Vlisbonam, & Tagum interiacet promontorium dictum Sacrum ab antiquis, quod nunc caput sancti Vincentii appellamus. in quo ad Oceani oram, post obtentam de provincialibus victoriam Hercules Ioui (vt asserbat) patri, libauit, & ipsi patri & Herculi mendacibus diis templum constituit. quod vsque ad tempora Claudii Ptolemæi perstitit, quanquam multi ex antiquis scriptoribus asserant huius templi institutionem non ad nostrum Herculem, sed ad alterum pertinere, qui columnas in parte Libyæ constituit, vt placet Diodoro. Vlisbonam vrbem sequitur Colymbrium quæ simul suo flumini iuncta ab antiquis Munda dicebatur. De qua Lucanus in principio, & Cæsar in Commentariis libro vltimo, & superiori titulo de fluminibus: causam vero mutationis nominis Rodericus Toletanus assignat. Apud ipsam itaq; Mundam vltimo pugnans Pompeius maioris Pompeii filius, cum Bruto & Agrippa Cæsarianis ductibus, victus peremptusque est. Colymbriam vrbem sequitur Portus ciuitas, à qua vrbe Portugalliæ regnum nomen habet. Dicebatur enim eadem vrbs ab antiquis Lauara. per ipsam enim decurrens flumen Doria latissimo sinu influit in Oceanum. Comperta itaq; opportunitate atque salubritate Portus ciuitatis, quum provincia ipsa Gallecia dicta sit ab Vlisbona vrbe ad omnem Oceani oram vsque in finem Pyrenæi montis & promontorium Easo vrbemque Baionam, ideo Portus Galleciæ dictus est. Vnde & Portugalliæ nomen exortum est, & creuit in hodiernum. post Portum Galleciæ sequitur Compostella, quæ per antea Ara Solis dicebatur. sed verius dicitur, quod locus Aræ Solis sit vltimus locus promontorii, vbi hodie ecclesia beatæ Mariæ de finibus terre sita est. Compostella vero ciuitas à promontorio & Ara Solis duodecim milliariis distat. Veteres enim Iberi iam vsque à Chaldæorum finibus progressi, vbi Solem vt deum adorant, illum ab illius ortu vsq; in occasum prosequi statuerunt: quumque inde ad vltimos terræ fines illum secuti, & ultra non posse progredi conspexissent, ibi Soli tanquam Deo aram constituerunt. A cuius adoratione & ritu remota est posteritas. quumque ad eam partem Hesperum stellam oriri vidissent, ipsamque tanquam regionibus illis salubrem, compotem stellam nominarunt. Vnde & Compostella vrbs vicina denominationem trahit: eiq; vicinum oppidum est Clunia. Ad vltimum vero promontorium Pyrenæi sita est Baiona ciuitas, quæ quondam Easo dicebatur. Sicque vltior omnem maritimam Oceani atq; Mediterranei maris expediuimus, quatenus ad vltiorē pertinet Hispaniam. In cuius peregrinatione potuissimus & multa Mediterranea atque maritima recensere, vrbes, & oppida, quæ maximis commentariis indigerent, inter quæ ciuitas Complutum est, dicta hodie Alchala lingua Arabica, vicina Toletum (vt placet Ptolemæo) quum post Complutum subiungat immediate Toletum: sed satis sit principaliores vrbes & castra expressisse. Iam nunc citeriorem Hispaniam aggrediamur, & primum de insulis differamus. Sunt itaque in Mediterraneo pelago insulæ tres memorabiles, duæ siquidem quas Baleares vocant moderni, quarum maiorem à maiori parte Maioricam, & minorem à minoritate Minoricam vulgus appellat. Hæ itaque insulæ ab antiquis Gymnasiæ primum ante Græcorum aduentum appellatæ sunt secundum Claudium Ptolemæum & Diodorum: postea vero Baleares à Græcis (vt Ptolemæus ait) siue à Romanis (vt ait Diodorus) à peritissimo fundarum vsu, quas veteres baleas dixere. Refert enim Diodorus adeo accuratam esse curam ipsis insularibus de fundarum vsu, vt eorum natis statim illarum vsu pro magisterio atque continua exercitatione tradant, nec vnquam quis paruulus apud eorum priscos poterat cibum sumere, nisi matre consentiente vt educaretur, prius panem supra palum impositum funda

ipsa deiceret. Quumque in prælium veniunt, tribus fundis vtuntur, prima caput cingunt, secunda ventrem, tertia manu exercentur, adeo vt quum ab eorum manu lapis emittitur, à quodam tormento emissus videatur. De ipsis insularibus refert Diodorus, nullum habuisse auri & argenti vsum ad Romanorum & Carthaginensium tempora, existimantes si auro & argento carerent, omnia infortunia se facile euasuros. Memineram enim Geryonem Chrysauro filium ob maximas eius diuitias ab Hercule peremptum. Quumque à Carthaginensibus semel fuissent conducti, nihil pecuniæ, auri denique, neque argenti habere curarunt, sed tantummodo mulieres & vinum pro stipendio acceperunt. Hæc Diodorus. Erat enim maior admodum populosa, ad triginta millia hominum, in qua opulentissima fuerunt vrbes Palma & Pollentia secundum Claudium Ptolemæum. In minori vero est Iamna oppidum (quod Ciuitatella hodie ab incolis vocatur) alterum vero oppidum Mago est, à Magone filio Amilcaris, Hannibalis fratre conditum, quum à Scipione Africano fuisset Hispania pulsus. De Balearibus vero populis refert Diodorus libro quarto facetam historiam, quod consueuissent iis qui vxores ducebant, primi ex amicis, secundi, & tertii vsque ad certum numerum mulieris concubitum præteritare rogatu viri, atque quum placuisset, explicato sponso, atque consulto, ad eam vltimus accedebat. Hæc Diodorus. Strabo vero libro tertio de situ orbis addit & aliam de his insulis facetam historiam. Quoniam quum antiquo tempore incolæ dictarum insularum infestarentur à quibusdam animalibus, quæ alii cuniculos, alii lepuseculos vocant (tanta enim illorum multitudo creuerat, vt insulas ipsas inhabitabiles redderent, quoniam & vnguibus terram effoderent, & radices frugum euellerent, vastitatemque inferrent) ii legatos Romam miserunt petentes auxilia aduersus huiusmodi bestias, quoniam eiectati ab ipsis bestiis propter illarum multitudinem resistere non valerent. Itaque præstitis auxiliis, quum ad mediocritatem reductæ essent, plures ad eas capiendas repertæ sunt venationes. Adiuventæ enim catellæ agrestes, quas ab Africa eduxerunt (eas vulgari idiomate furones appellamus) quæ funiculis ligatæ intra foramina admittuntur: ea vero quæ capiunt, vnguibus extrahunt, aut in summum telluris effugere cogunt, indeque eas venatores capiunt. Sunt autem & aliæ duæ insulæ, quarum minor caret incolatu, hæc ante aduentum Herculis Pytiusæ sunt appellatæ secundum Claudium Ptolemæum atque Diodorum. Dionysius vero Alexandrinus cosmographus dicit primam illam Lausum appellatam. Post Herculis vero aduentum maior insulæ nomen mutauit, ita vt Ebusa diceretur, quod nomen vsque ad omnia Romanorum tempora retinuit. Dicta Ebusa à candore salis, quod ebori simillimum est. Nunc autem eadem insulæ Aluiza dicta est ab Auicenna Arabe medico, quem ibi regnasse ferunt Arabum tempore. Huic autem insulæ adiacet altera, dicta à nostris Sementaria, quæ habitatoribus caret. Post insulas Baleares, atque Pityusas, quæ ad citeriorem Hispaniam pertinent, quarum Ebusa Tarraconam, Baleares vero Barchinonam ex opposito habent. Nunc ipsa littora citerioris Hispaniæ describamus. Prima itaque omnium ciuitatum in littore citerioris Hispaniæ Saguntum est (quæ hodie Muriuetus appellatur) quatuor distans à Valentia leucis, quæ quondam opulenti-
 10
 20
 30
 40
 50
 ma vrbs Hispaniæ ab Hannibale Pœnorum duce octo mensium obsidione capta est, indeque deuastata, ac diruta, sola antiqua arcis mœnia extant. Vnde à successoribus muri veteres dicti sunt, & à modernis Muriuetus oppidum dictum est. Post Saguntum Oriola vrbs fuit quæ ab antiquis Orontia, siue Orintigum dicebatur, quam Lucius Scipio frater Africani expugnauit, accepit cruenta victoria, quoniam ex oppidanis in ipsa expugnatione duo millia perempta sunt, fuitque ipsa expugnatio statim capta ab Africano noua Carthagine. Hinc sequitur Cæsarea Augusta ciuitas olim Agrippa dicta ab eius conditore Agrippa (vt multis scriptoribus placet, inter quos Strabo libro tertio, & Plinius idem libro tertio de Naturali historia) quæ prius vocabatur Salduba: conuersionem autem nominis ei dedit Augustus Cæsar, posteaquam deuicto Antonio Romam rediens, est cognominatus Augustus, qui victricia arma quum transtulisset in Hispaniam, ibique Vaccæis, Illiturgibus, plurimisque Hispaniæ populis perdomitis, demum Agrippam, vel Saldubam urbem venit, eamque ampliavit, atque ex suo nomine Cæsaraugustam nominavit. Apud annem Iberum duæ quondam florentissima fuere vrbes, quæ hodie in parua oppida sunt reductæ, Aseua prima, quæ à modernis Asco oppidum dicitur. Altera Ascapa, quæ hodie Cespū vulgus nominat. Est & præterea oppidum ad Iberum, quod Hitona dicitur, Octogesima ab antiquis appellatum: de quo Cæsar meminit in Cōment. civilis belli lib. i. Vicus ciuitas ab antiquioribus Aufa dicta est: à recetioribus vero Aufonia. Aufam multi dixerunt ab ausu hominum, quum ceteris confinitimis sint audaciores: quidam vero Aufoniã,

tanquam ab Aufoniis qui Itali sunt, condita sit. de quibus Aufoniis meminit Vergilius sapius. Post Aufam, siue Aufoniam (quæ tamen Vicus ciuitas nuncupatur) Berga oppidum est, quod veteres Birginium appellauerunt. Post hos iam nostram intremus diocesin, in qua Byfuldiuo oppidum est, quondam vrbs quæ Betula dicebatur. Inde Balneole oppidum, quod Aquæ Votonis per antea dicebatur, vt ex itinerario Antonii Pii constat. post nostram diocesin sequuntur Ceretani, quorum apud antiquos maxima vrbs fuerat Libyca, quam Iulius Cæsar Iuliam Libycam appellauit. Nunc vero ad parui momenti arcem, tutissimam tamen, redacta est. Et iam expediti ab vrbibus quæ nomina mutauerunt, nunc deletas vrbes aggrediamur.

De vrbibus quæ quondam florentissima in Hispania sunt deletæ.

Signorantia prouinciarum propter mutationes nominum vrbium, montium, & fluminum legentibus verum sensum impedit, itidem quoque existimandum est, quum memorantur florentes quondam vrbes, quæ diuersis casibus sunt deletæ: quæ quum non appareant quibus in locis extiterint, turbationem legentibus inde fieri necesse est. Ideo vrbes quondam memorabiles Hispaniæ statui recensere, præmittens quod multæ fuerunt in Hispania vrbes & oppida deleta, quæ in veteribus historiis nominantur. Nunc autem nec earum vestigia existant, neque euersiones illarum memorantur. De quibus recensere libet, quod refert Strabo Polybium dicere in tertio libro T. Tiberium Gracchum in Celtiberia tercentas vrbes euertisse. Quod idem Strabo videtur irridere, vt more comico dictum, nisi turres vrbes dixisset. quanquam Lucius Florus in suo Epitomate secutus Titum Liuium libro secundo dixerit, Tiberium Gracchum patrem duorum Gracchorum Celtiberos centum quinquaginta vrbium euersione multasse: in Bæticaque primam omnium vrbium deletarum Calpe urbem esse in radice montis Calpe, quæ posita erat ad fretum Herculeum, de qua meminit Strabo libro tertio, referens Timotheum dicere illam ab Hercule conditam, & Heracleam appellatam: ostentari etiam magnum murum in circuitum & naualia. estque mons Calpe, & quondam vrbs in Turdetania. Ab eo enim monte in nouam Carthaginem tenditur, & ab iis temporibus quibus Titus Liuius eloquentissimam historiam texuit, vrbs collapsa refertur. Vnde à Lusitanis erit incipiendum. Prima itaque omnium Lusitanæ erit vrbs Lemacenorum, quondam opulentissima, grandi murorum ambitu circumspecta inter flumina Doriam & Liminum, quem Liminum vulgus Vngium vocat. Collapsa vero refertur Traiani Imperatoris temporibus propter rebellionem. Erat autem ipsa vrbs Dorio flumini satis propinqua, vicina Portugalliæ regno. Erat præterea maior omnibus vrbibus Hispaniæ secundum Claudiū Ptolemæum. à qua Lemacenorum vrbe, vel ab amne Limino, illius agri incolæ Limicæ dicti sunt. Secunda opulentissima quondam vrbs Hispaniæ fuerat Norbea, quam Claudius Ptolemæus Cæsaream appellat, propterea quia quum in primo ciuili bello partibus Cæsarianis adhæreret, à Pompeianis, siue Sexto Pompeio, vel Petreio, seu Afranio Pompeianis ducibus in odium Cæsareanorum euerteretur. vnde Norbea Cæsarea dicta est. Hęc enim vrbs situm habuit in Lusitania inter duo flumina Tagum & Anam nunc Godiana appellatum, Tago tamen magis appropinquabat. magna siquidē & opulentissima quondam vrbs erat, ad cuius æmulationem, vel verius satisfactionem Augustus Cæsar superata Hispania urbem aliam illi vicinam instituit ex dispersis populis, & veteranis Hispaniæ militibus qui cum Cæsaribus Iulio seu Augusto militauerant: quos quoniam emeritos appellabat, ideo Emeritam urbem vocauit. Ad alteram partem Norbeæ vrbs constructa, quæ amni Tago magis appropinquat, quæ perstitit vsque ad Gotthorum tempora, maxima quidem vrbs, Lusitanæ metropolis, temporibus Diocletiani & Maximiani Cæsarium, in qua multi martyres passi sunt: inter quos fuere Eulalia ab Emerita vrbe oriunda, & Iulia eius soror, quarum in Elnensi ecclesia corpora quiescunt. à Mauris itaque euersa putatur, quoniam Gotthorum Archiepiscopum habuit, qui interfuit pene omnibus Toletanis conciliis. Et inde deleta Emerita, metropolitana sedes translata est in Ouetensem, & ab Ouetensi in Compostellanam. Tertia vrbs euersa est in Asturiis Asturica Augusta, quæ etiam à Mauris euersa putatur. sita enim erat in planicie inter Pisorgiam atque Storgiam flumina, interque duas vrbes Legionem & Burgium. Oppressi siquidem Christiani à Mauris plana deseruere, atque in montana confugientes Ouetum urbem condiderunt, seu ampliarunt. qui Pontificum summorum concessione Ouetum metropolim Galliciarum effecerunt: inde per posteros Reges ædificata Compostella, ipsam metropolitanam ecclesiam in Compostellam transfulerunt. Erat præterea & alia vrbs opulentissima quæ Illiturgi dicebatur, non longe ab Aragoniæ finibus distans, quam Publius Cornelius Scipio

Eulalia & Iulia in Elnensi Ecclesia.

Scipio, is qui Africanus cognominatus est, incendit atque euertit in vindictam patris & patruī, qui illius vr̄bis opere perierunt. Ob̄tenta siquidem noua Carthagine ab ipso Scipione, prima aggressione Illiturgiū inuasit, atque igne vastatam deleuit. hanc itaq; non longe à Medina cæli distare Titi Liuii designationes ostendūt. Deinde fuit & altera vr̄bs Castulo quondam opulentissima, medium tenens in citeriorem vltioremque Hispaniam, de qua Silius Italicus de bellis Punicis libro primo:

Fulget præcipuis Parnasa Castulo signis.

Et Plinius de Naturali historia libro tertio: Longitudo citerioris Hispaniæ est ad finem Castulonis à Pyrenæo, sexcenta septem millia passuum, & paulo amplius: latitudo à Tarracone ad littus Olarsonis CCCV. ab hac enim vr̄be, quanquam collapsa atque diruta, à multis creditum est Castellæ Reges traxisse nomen. vnde versus:

Castulo barbarica luget ditioe Granata.

A qua Rex habet denominationem Castulonensis. Fuit enim hæc ciuitas ab eodem Africano in patris & patruī vindictam euerfa, quæ non longe ab Illiturgo eadem supputatione distabat. Hæ sunt vr̄bes vltioris Hispaniæ, quæ deletæ maxime memorantur. Iam nunc ad citeriorem Hispaniam veniamus. Prima igitur omnium vr̄bium citerioris Hispaniæ est Numantia, cæteris Hispaniæ vr̄bibus vulgatioꝝ propter virtutem ac res ipsius mirifice gestas: quæ vr̄bs in citeriore Hispania sita erat inter medios fines Cantabrum, Vaccæorum, & Galliciæ, qui hodie termini sunt Nauarræ, Castellæ, & Aragoniæ regnorum fines, vt placet Claudio Ptolemæo in eius Cosmographia, nec non & Tito Liuiio, & Lucio Floro in suo epitomate. Estque illius situs ad oram Iberi supra flumen, secus oppidū Grunium Cantabricæ prouinciæ, modico in colle subleuata, maxima vndiq; planicie circumstante, vr̄bi per montis radicem decurrente Ibero. Eratq; (vt placuit Lucio Floro) nec muro circumdata, nec turribus munita, quia ex ipsa naturalis situs natura munitissima erat, difficillimum hostibus aditum præbens propter eius circumundique altitudinem. vidimusque ipsi oculis situm præmissis autoribus concordantem. Proptereaque in hac describenda errauit Pomponius Mela, qui illam hodie Cæsaraugustam dixit appellari, quia nec situs, nec locus possunt illi conuenire. quod Strabo declarauit libro tertio, vbi dicit Numantiam distare à Cæsaraugusta stadiis octingentis, quæ sunt milliaria centū. Quo itinere Cæsaraugusta recte distat ab oppido Clunia, vt est dictum. Addit etiam idem Strabo, quod Numantia supra Iberum sita fuerat. Erat enim vr̄bs Carthaginis, Capuæ, Corinthique opibus aliquantulum impar, virtute tamen omnibus præstantior. De cuius ruina videtur inferius latius in gestis Romanorū in tertio Punico bello: solum sufficiat de eius ruina ac situ nunc mentionem fecisse. Post Numantiam commemorabo Saguntū maximam olim in Hispania vr̄bem (quæ hodie Muriuetus appellatur) non longe à Valentia distans: de cuius situ dicetur infra libro quarto in eius vastatione. post Saguntum quæ vicina Ibero fuerat, Iberia est quondam nobilissima vr̄bs, ab Iberis condita. De ea etenim sapius signanter meminit Titus Liuius, quū describit ingressum Cornelii Scipionis in Hispaniam classe instructa. Refert enim secunda decadē nauali certamine pugnasse cum Hasdrubale fratre Hannibalis, ac Imperatore Pœnorum apud eandem vr̄bem Iberiam, cuius situm late ibi declarat. Erat enim eadem vr̄bs ad alteram partem fluminis Iberi Occidentem versus, cuius ruinae hætenus ibi visuntur. Post hanc fuit vr̄bs Bilbilis in Vrgelensi agro posita secundum Claudium Ptolemæum, à qua vir maximus Valerius Martialis poeta clarissimus traxit originem. Post Bilbilim fuit quondam maxima nobilissimaq; vr̄bs, dicta Carthago vetus Hispaniæ, situm habens secundum Claudiū Ptolemæum libro secundo eo in loco seu prouincia, vbi nunc Villa franca Pœnorum est constructa inter populos Ilarqueones. à cuius Carthaginis deuastatione ac gentis, nomē hætenus est prouinciæ Pœnorum. Hæc quidem vr̄bs colonia Carthaginensium facta, post obtentum Hispaniæ dominium ad effodiendum aurum argentumque à montibus Pyrenæis ac vr̄bi propinquis se totam contulit: à qua effossione Carthago maxima ac omni genere diuitiarum affluentissima facta, omnibus formidabilis apparuit vsque ad tempora Cornelii & Publii Scipionū patris & patruī, illius qui primo Africanus est cognominatus, qui (vt superius diximus) eam expugnauit, ac deleuit. Noua vero Carthago seu ab Hannibale secundū Plinium de Naturali hist. lib. tertio, seu ab aliis Pœnis (vt multi voluerūt) condita, non ab alia magna Carthagine noua Carthago, sed ab ipsa veteri Carthagine Hispaniæ dicta est, vt iam dicto loco condita & statuta. Post veterē Carthaginem ciuitas Rubricata erat ad oram fluminis Rubricati ad occidentalem partem à flumine dicta. Vr̄bi autem & flumini nomen dedit eiusdem nominis gens, sicuti de Iberis superius diximus. Fuit enim ea gens ex Africa in Hispaniam translata Carthaginensium temporibus. Habet enim

Africa quasi ex obiecto fluminis Rubricati alium amnem eiusdem nominis, cuius finitimi Rubricati appellantur, de quo Africano amne Rubricato meminit Cæsar libro secundo ciuili belli, & Claudius Ptolemæus lib. 4. Ex huius enim ora incolæ translati in Hispaniam oram ipsius fluminis per longum incolentes, nomen flumini ac prouinciæ dederunt, urbemque in ea condiderunt à nomine patrio Rubricatam appellantes. ex cuius ruina Barchinona ciuitas aucta, de tenui oppido in urbem magnam creuit. Rubricatam insuper urbem sequebantur tres nobilissimæ ciuitates in nostra dicecesi. Prima omnium erat Emporium à Græcis Phocensibus quondam condita, à qua Emporiana prouincia hæc nostra dicecesis appellata est, vrbs quidem & nobilissima, & maxima quondam, de qua sæpius meminit Titus Liuius in vita Marci Portii Catonis illius qui Censorius dictus est, qui quum iam deleta Carthagine Consul in Hispaniam missus aduersus multas Hispaniæ prouincias apud eandem urbem sæpius pugnasset, & quidem prospere (vt refert Flauius historicus qui ea tempestate annalia describebat) in agro Gerundeni atque Emporitano, ubi pugna conferta fuit, victore Catone x l. millia Celtiberorū occubuisse. Cato vero suam historiam scribens refert, detractor laudum suarum, multa millia hominum interuenisse, sed numerum non expressit. In eadem etiam vrbe referunt scriptores moderni Iulium Cæsarem instituisse coloniam Romanorum ciuili bello, itemq; peracta dicta colonia mansisse urbem sub triplici custodia, murorumq; distinctione, diuersis spatiis ac idiomatibus seiuncta. Vna siquidem quæ ad littora maris ad Orientem spectabat, Græcorum erat: altera vero, quæ ad Occidentem, Romanorum: tertia vero, quæ ad Septentrionem vergebat, prouincialium seu Celtiberorum erat. Hæc enim vrbs in tres diuisa, singulæ vallo mœnibusq; seiunctæ, alia aduersus aliam se tutabatur. Ad eam itaq; ab Italia veniens in Hispaniam Cæsar applicuit, pugnaturus aduersus Pompeianos, qui Hispaniam obtinebant, L. videlicet Afran. M. Petreium, ac M. Varronem. Habuit autem hæc vrbs eandem originem cum Massiliensibus ex Phocensibus Græciæ populis, in qua (vt refert Strabo lib. tertio) cum ipsis Massiliensibus Dianam Ephesiam maxima veneratione colebant. Hæc gens quum primum littori applicuisset, apud paruum admodum insulam, quam Palæpolin prius vocitabant ex opposito vrbis (nunc vero Medam appellat) habitauerunt: inde postero tempore ad continentem translati, simul cum paucis ibi stantibus incolis habitauerunt, seiunctis tamen mœnibus, sed ex communi concordia remp. administrarunt. Deinde Iulius Cæsar adductis ibi Romanis populis tertiam urbem constituit, quam Coloniam Romanorum effecit. Appellata est autem Emporium Iuncaria, sicuti noua Carthago Spartaria, ab amne nauigabili, qui in eo agro ab oppido Iuncaria emanat, per urbemque delabitur, & ab eo vsque in Italiam nauigatur. Hæc Strabo. Satis itaque sit de Emporio hæc perstrinxisse. Ferunt autem quidam hanc urbem Traiani temporibus euersam propter rebellionem, quod tamen non existimo verum, quum legatur Maximiani & Diocletiani temporibus constitisse, diuersasque inibi per prætores exercuisse passiones martyrum, fueruntque à patribus inibi statuti episcopi. vtcunque igitur euersa sit, illam non extare nunc certum est. qualisq; & quanta fuerit, ostendunt ruinae ac vestigia collapsæ vrbis. Erat præterea & altera vrbs in præfata nostra dicecesi, de qua meminit Titus Liuius & Valerius Antias, ad oram maritimam sub iugo Pyrenæi posita, quæ quondam Rhoda dicebatur, à Rhodis condita. Ad quam veniens Marcus Portius Cato, is qui Censorius est appellatus, ad domandos nonnullos Hispaniæ rebellantes populos, ad eam primum applicuit ex portu Lunæ, prout in vita præfati Catonis legitur. Ipsa vero vrbs collapsa manet omnino carens incolatu, eiusque pauca admodum vestigia manent, præter insigne quoddam monasterium sub beati Petri nomine constructum, cui nomen de Rhodis inditum est à vicina vrbe, quæ in radice montis locata fuerat. Monasterium enim collem vrbi superiorem occupat. Hæcque vrbs vsque ad Gotthorum perstitit tempora, & Episcopos habuisse legitur, qui diuersis conciliis interfuere. Fuit & alia vrbs Iuncaria dicta in nostra dicecesi sub iugo Pyrenæi, quæ etiam collapsa, manet redacta ad parui momenti oppidum, quod tantum viatoribus solitum est præstare receptaculum, de qua meminit Ptolemæus libro secundo. Et sic finem faciemus narrationi direptorum urbium.

IOANNIS EPISCOPI GERVNDENSIS PARALIPOMENON
LIBER SECVNDVS.

De aduentu Herculis in Hispaniam.

10 **V**ASTATA igitur Troia sub Laomedonte Rege infelicissimo, tradi-
 taque ab Hercule Hesiona præfati Laomedontis filia Telamoni Sa-
 laminorū Regi in concubinam: is vtique omni sceleratissimo scelera-
 20 tor quum nihil in Asia prædandum cōspexisset, audita Geryonis Hi-
 spaniarum Regis fama, quod ditissimus esset (vt refert Iustinus libro
 vltimo) ad illum prædandum animum flexit. Erat enim Geryon ea
 tempestate armentis ditissimus, in quibus solis tunc hominū diuitiæ
 consistebant. Magna itaq; manu pugnatorum hinc inde collecta ex diuersis Asia, Libyæ,
 Europæq; populis, instructa classe in Hispaniam pergit. Peragrato liquidē Phœnicum re-
 gno, in quo clarissimæ tunc Tyrus, & Sidonis vrbes erant, Achaiæq; ac Illyridis discussio-
 30 ne facta, per Italiam nauigans alto pelago in Hispaniam properat. Ab Aufoniis itaq; ac La-
 tio vbi nunc Roma est, & quæ quondam Aufonia & Latium dicebatur, per oram mariti-
 mam ad montem Tusciæ Tiberi propinquum peruenisse ferūt. Ex cuius aduentu nomen
 portui inditum est, vt portus Herculeus diceretur, quod vsq; in hodiernum durat. Inde
 per pelagus mediterraneum in Sardinia peruenit, ibiq; cum inter insulas Sardiniam Cor-
 sicamq; quæ quondam Cyrnus dicebatur, apud paruulam insulam intermediam libami-
 na prospera nauigatione diis obtulisset, eam ex suo nomine Herculis insulam appellauit
 secundum Claudium Ptol. Sardis autē filium Sardum Regem dedit, qui ex suo nomine
 insulam Sardiniam nominauit. Fuit enim Sardus filius Herculis secundum antiquorum
 scripta. Altera vero nauigatione ab insula Sardinia Cyrnoq; in Baleares insulas peruenit,
 40 quæ ante præfati Herculis aduentum Gymnasiæ dicebantur secundum eundem Ptole-
 mæum, quanquam Diodorus referat a Romanis Baleares esse dictas: in quo potius Ptole-
 mæo credendum esse puto. Quum enim insulares inauditam ferocemq; Græcorū gen-
 tem fundis, quæ Græca lingua baleæ appellantur, propellerent ac propulsarent, Hercules
 Baleares insulas censuit appellari. Habebant enim per eadem tempora iidem insulares pe-
 ritissimum fundarum vsus, vt supra de vrbibus, quæ nomina mutauerunt, late differui-
 mus. Quumq; primo in minorem insulam peruenisset, templum Iano dicauit, cui rerum
 initia consecrare solebat antiquitas. intrans enim in Hispaniam eam expugnaturus, Ianu-
 dem sibi propitiatorem statuit, apud oppidum quod nostris temporibus Ciuitatella di-
 citur, & templum Iano statuit, & urbem, quam à Iani templo Ianam appellauit: portusque
 ab vrbe nomen retinuit vsq; ad Ptolemæi tempora. Ab insulis itaque Balearibus & altera
 50 nauigatione in alteras insulas minores Tarraconæ oppositas peruentū est, quæ ante eius
 aduentū Pityusæ dicebantur, quæ ab eodē postea mutato nomine Ebusæ sunt dictæ, pro-
 ut superius dictū est in cap. de vrbib. quæ nomina mutauerunt. Et à Pityusis insulis in O-
 ceanū properans, quidam dixerunt iam primū Hispaniæ oram attigisse apud Dianæ pro-
 montorium, quoniam Dianæ templum ibidē erat, quod Herculi ad ea littora in Hispaniā
 intranti ascribitur, quoniam ducatus itinerum ac sylvarum Dianæ tribuebatur. indeq; per
 altum pelagus ad Herculeum fretum peruenit. Vbi primum refedit, & columnas fixit ad
 æmulationē alterius Herculis qui alias fixerat ad alterā Libyæ oram. ab eodē liquidē Her-
 cule fretum Herculeum ibi dicitur, lunonisq; eo in loco construxit templū, quod vsq; ad
 Claudii Ptolemæi perstitit tempora: cui terrarum spatia ac planicies gentilium obseruan-
 60 tia consecrabantur. Indeq; in Gaditanam insulam nauigans, in ea aliquandiu refedisse fe-
 runt, quæ quondā Tartessus dicebatur. Deinde accinctus ad prælium ad oram Anæ flu-
 minis cum provincialibus decertauit. Ex cuius pugna fixere poetæ, Titanes pugnasse cū
 diis apud saltus Tercenorum. Victisq; provincialibus quum ibi lussisset gaudēs de obten-
 ta victoria, ab Ana flumine & luso factō Lusitaniam prouinciam dixit (vt supra diximus)
 quanquam Plinius lib. tertio de naturali historia sic propterea dicat appellatam, quia apud
 illam Liber pater, ac Lyfas luserunt cum Phana eiusdem Liberi præfecto. Inde Hercules
 victor ingressus Hispaniam ab yteriori Hispania in citeriorem peruenit, in qua regnabat
 Geryon, eumque cum prælio vicisset, interemit, omnemque Hispaniam in suam subegit
 ditionem. Tartessum autem urbem in Gades mutato nomine ex Tyriis & Sidoniis

ampliauit. Post enim Herculis aduentum, ex Tyriis & Sidoniis fuit eiusdem vrbis incolatus & ampliatio secundum Iustinum vltimo libro suarum antiquitatum.

De origine Herculis nostri & eius sceleribus.

REM maxime difficilem aggredior, dicturus de Hercule nostro, in quo omnes fere scriptores, tum varii, tum ignari Herculum, errore quodam ducti sunt. Scribentes enim de Hercule, quidam quod tantum vnus fuerit Hercules putauerunt: gesta que omnium huic nostro Herculi qui venit in Hispaniam, tribuunt. In quo numero fuit Toletanus noster, nec non & Firmianus Lactantius libro primo de falsa religione, plurimique alii. Nonnulli vero plures Hercules confitentur, nec tamen inter eos facta patiuntur, sed illa inter se conculcantes, qualis quisque fuerit, non discernunt. ex quibus est Iustinus post Trogum Pompeium penultimo libro. Papias insuper quum duos fuisse Hercules asserat, inter eos non discernit. Dicit enim duos Hercules, vnum Argiuum, alterum Etham. Ioannes insuper Boc. in lib. quos de genealogia Deor. inscripsit, quum diuersos admodum Hercules confiteatur, de illorum singulis gestis non differit. Eodem etiam modo August. noster in xviii. libro de Ciuitate Dei, quum secretiori historia plures Hercules esse confiteatur, inter eos facta non diuidit. Sic & Macrobius libro Saturnalium: Non existimes (inquit) Alcumenæ apud Thebas natum solum, vel primo Herculem nuncupatum, immo post multos atque postremos ille hac appellatione dignatus est, quod multa fortitudine nomen Dei promeruit. Ego vero plurimis hinc inde digestis codicibus quæ de Herculis inuenire potui, proferam in medium. Et primo de nostro disseramus. Hercules enim nomen Græcum esse monstratur, & Græce Herculeos dicitur, nomen compositum ab her, quod Græce significat hominem, & culeos fortem, siue strenuum, agonesque superantem. Hic autem, de quo dicturi sumus, natus est in ea Italia ora quæ magna olim Græcia dicebatur, ciuitate Tarento, ipsius enim pater ignoratur. Erat in ea vir priuatus nomine Amphitryo, cui erat vxor nomine Alcumena: quæ hunc Herculem absente viro peperit ex adulterio, & Alcidem appellauit. Sic enim eum appellat Vergilius in septimo Æneidos, dicens:

*Tergemini nece Geryonis spoliisque superbus
Alcides aderat--.*

Postea vero Alcides Thebas Euboiæ mittitur educandus, qui admodum puer quum semel duo ei serpentes occurrissent, ambos pariter interemit: quumque coætaneos suos iam animo & virtute superaret, Hercules cœpit cognominari. Perantea enim præcesserant alii eius nominis, qui hoc Herculis nomine insigniti immortalitatem famæ iam fuerant consecuti. Hic autem quum adoleuisset, magna que de eo roboris ac virium corporis fama percurreret, Peleus dolo concepto quum Iasoni nepoti parasset classem virosque strenuos ad vellus aureum conquirendum, ei hunc Alcidem socium dedit. qui expleta navigatione in Colchos, deletaque Troia, cum Laomedonte Rege, ac suo ad fraudes Iasonis ob raptum Medæ, quum iam sibi nihil prædæ in Asia Græciaque esset, audita fama Geryonis Hispaniæ Regis, quod ditissimus esset pecudibus & armentis, quæ tunc solæ hominum diuitiæ habebantur, cogitauit in Hispaniam venire sola prædæ cupiditate allectus, vt placet Trogo Pompeio. Non ergo quisquam putet hunc Herculem nostrum illum esse, qui illa XXI. pericula superauit, neque illum qui Antæum in Oeta monte peremit, neque illum alium quem Græci Deum putauerunt. Hic enim noster sceleratissimorum sceleratissimus, & omnium sui nominis deterrimus fuit. Hic enim quum ex adulterio Alcumenæ procreatus esset, poetæ ad excusandum adulteriū matris, sibi que adulari cupientes, finxerunt Iouem cum Alcumena concubuisse, ex Ioueque hunc Herculem peperisse infantem, qui quum tandem cœpisset bella facere, nec quicquam quod ad vitium, sceditatem, atque immanitatem pertineret, omisisset, deductus ad Troianam urbem ad perdendum eam dedit operam, & illa duo fœda ac immania facinora, ab omni posteritate vituperanda commisit, Regem scilicet Laomedonta deuictum armis propriis perimendo, truncandoque manibus, & eiusdem Regis filiam virginem Telamoni Aiæci tradendo in concubinam, vt superius diximus. Qui item quum in Colchos peruenisset, quam deprouata consilia Iasoni dederit, docent historiæ velleris aurei. Operatis siquidem fraudibus, rapta Medea, orbatoque patre qui aduenas summa pietate colebat, cogitauit in Hispaniam transfretare. Collectaque magna manu Tyriorum, ac Sidoniorum, Italicoꝝque classe instructa in Hispaniam venit. Vbi quum alterum Hispaniæ Regem, seu tres fratres Geryones etiam armis victos peremisset, falso mentitus est se Deum, Iouisque filium, nouamque in Hispania ac falsam introduxit religionem, atque omnia quæ ad priscos sui nominis Hercules

eules pertinebant, laudandaque occupauit. Sic itaque notia per eum introducta religio-
 ne, ad multorum prædam conquistandam omnium decimas sibi mendaci præstari diuina
 autoritate decreuit, vt refert Diodorus libro quarto & quinto, & Iustinus lib. penultimo.
 De isto enim Hercule, quanquam aliorum virtutes huic referat Rodericus Toletanus, tan-
 quam qui præter vnicum Herculem aliorum notitiam non habuerit, subdit in istius de-
 testationem: quod satis fuit Hispano successori direpta & prædata ab Hercule emendare
 ætate sua, tanquam qui nihil laudis & virtutis dignum Hispanis reliquerit. Illius vitia pro-
 sequitur Firmianus Lactantius de falsa religione lib. primo. Inde postquam Hispaniam
 iam multis annis prædis & incursionibus fœdasset, euocatus à Telamone Salaminorum
 10 Rege, cæterisque Græcis pro vindicando Helenæ raptu, cuius causa extiterat ob raptum
 Hesionæ, venissetque in Italiam regnumque Fauni, recepto ab eodem Fauno humaniter cu-
 rauit eius filiam stupro polluere nomine Carmentem Nicostratam. Ex cuius concubitu
 creditum est Latinum Regem genuisse. Traditisque nonnullis deitatis ac religionis cere-
 moniis Latinis, & maxime Pontificiæ domui (vt refert Iustinus libro penultimo, & Valerius
 libro primo) in decennali obsidione Troiana post annum firmata obsidione obiit corre-
 ptus febre. cuius vim ac impetum quum ferre non posset, in ardentem ignis pyram se ia-
 ctare instituit, atque ministrata sibi camisia à Deianira eiusdem concubina, ea indutus in
 ignem se proiecit. cuius mortem poetæ fictionibus ornantes, dixere Deianiram cum ipsa
 camisia sibi ministrasse venenum, quâ autore se in ignem præcipitauit, sed tamen veraci
 20 historia ex eo fuit, quia ardorem febris ferre non poterat. Hæc de Hercule nostro à veri-
 dicis scriptoribus relata comperta sunt. Iam nunc nobis ad alios transeundum est.

De pluribus aliis Herculis.

AUGUSTINVS in xviii. libro de Ciuitate Dei multos Hercules ac Liberos patres se-
 cretiori historia fuisse affirmat. quam secretam historiam cum multi ignorauerint,
 nos Deo ductore eam aggrediemur, primoque dicemus vnum fuisse Herculem natione
 Syrum ex Phœnicia, ad quem illa xii. pericula referuntur, quem Samsonem (vt opinor)
 dixit antiquitas. Hunc affirmat Diodorus libro tertio & quarto præcessisse Troianum bel-
 lum annis fere mille, quibus temporibus nondum arma erant ad bella apta, sed tantum
 30 homines fustibus utebantur pro armis, & pellibus pro indumentis. August. vero eodem
 loco, quem multi sequuntur, refert illum fuisse tempore Moyfi alias exactis annis anno ab
 orbe condito millesimo tertio, ac sexcentesimo quinquagesimo secundo tribus millibus
 sexcentis quinquaginta duobus. Istumque Herculem aiunt Syrum Delphiniamque ap-
 pellari apud Phœnices. vnde de eo hæcenus Macedonibus remansit nomen, vt Detha-
 nans appellatur. Secundus fuit Græcus, filiusque Iouis Cretensis Regis, ac nepos Saturni.
 Ferunt enim veteres scriptores Iouem habuisse duos filios Herculem & Dionysium, qui
 Liber pater dictus est. Hercules enim in Creta insula & Græcia regnauit, Dionysius vero
 intrauit in Indiam ibi regnaturus, duxitque secum mulieres, quas Bacchas appellauit. De
 istis enim duobus refert Iustinus, quod fuerunt Reges Orientis, lib. xlii. quoniam alter
 40 in India, alter in Græcia regnauerunt. Fuerunt autem Hercules & Dionysius Iouis filii
 per annos circiter trecetos ante Troianum bellum, vt de eis meminit Firmianus Lactan-
 tius in fine primi libri. hicque Hercules computationem Olympiadum constituit, ac O-
 lympiacum Iudum, multaque laudanda Græcis reliquit, propter quæ ab indocta multitu-
 dine Deus putatus est. de isto etiam Hercule meminit Augustinus dicto xviii. libro.
 Hunc Herculem falso se fuisse finxit Hercules noster Hispanus, de quo superiori loco di-
 ximus. Tertius Hercules fuit Ægyptius siue Afer, de quo late disseruit Diodorus libro pri-
 mo & quarto antiquitatum. Et hic Ægyptius siue Afer Antæum palæstræ inuentorem in
 Oeta monte peremit. Mons enim Oeta in Libya est. hic Antæus Tangin urbem in Mauri-
 tania Libyæ construxit, apud quam urbem sepultus comperitur. De cuius corporis ma-
 50 gnitudine refert Plutarchus in Sertorii vita, quod quum cepisset ipsam urbem Tangin, i-
 bique multa dicerentur de magnitudine corporis ipsius Antæi, quum ibi esset sepultum
 corpus ipsius, ipse Sertorius iussit aperiri sepulchrum, in quo quum nihil inueniretur, il-
 lud effodere iussit: vbi comperit ossa illius longitudinis cubitorum lxx. Hic enim Her-
 cules Ægyptius siue Afer totam peragrauit Libyam, & quum peruenisset in Oceanum, i-
 bi columnas fixit ad Libyæ partem. ad cuius æmulationem noster Hercules, quum in Hi-
 spaniam venisset, fixit alias ad partem Europæ in Gaditano, vt meminit Diodorus libro
 quarto. Hic autem Hercules Ægyptius siue Afer per annos ultra centum Troianum bel-
 lum antecessit, & hic à multis Nili filius dictus est, tanquam apud illum natus & educatus
 fuerit, vt refert Ioannes Boccacius libro quarto & septimo de genealogia Deorum. Fuit

Hercules noster Hispanus ex Græcia, ex Alcumena & incerto patre ob adulterium natus, de quo etiam superiori capite late differuimus. Tantum itaque horum Herculum fama claruit, ut quicumque strenui ac fortis nomen essent adepti, ii omnes Herculis nomine conscriberentur. Vnde Varro quum nominasset tres & quadraginta Hercules, adiecit postea, quod omnes qui fortiter aliquid fecissent, Hercules appellatione nominis dicti fuerunt. Sed huic qui Iouis ex Alcumena filius dictus est, cuncta poetæ absque aliorum differentia tribuunt. Hoc itaque Herculis nomen ob virtutem relique gestas vel gerendas etiam Euander habuit, & Arcadiæ Hercules appellatus est, ut de eo meminit Ioânes Boccacius lib. 12. de genealogia deorum. Item Alexandri Macedonis filius ex Arsine natus Hercules appellatus est, tanquam qui Alexandro patri successurus alterum Herculem se exhibere conueniebat. De isto Hercule meminit Iustinus post Trogum Pompeium XI I I. lib. Maximianus quoque Imperator propter virtutem Hercules fuit cognominatus, & ab eo Constans gener eiusdem Maximiani. & Pii Constantini pater, creatus Imperator Occidentis, Hercules & ipse dictus est. Et sic concludendo septem Hercules connumerati sunt veraci historia, & climatibus & operibus distincti, quanquam Boccacius in libro de genealogia Deorum longe plures asserat, gesta tamen eorum & origines ita conculcat, ut non facile deprehendi possint.

De urbibus ab Hercule in Hispania conditis.

SINGULA quæque per Herculem in Hispania gesta non possunt describi veraci historia, quum quasi vetustate cõsumpta maiorum nostrorum taciturnitate oblitterata probentur. Extant tamen nonnulla ex gratis scriptoribus fragmenta, quæ ad nos transmissa certiores reddiderunt de quibusdam in Hispania ab hoc Hercule gestis, quæ tamen de eo incidenter, non ut historia Herculis texeretur, conspersa leguntur. Herculem igitur antiqui ferunt Hispalim construxisse, pro ut superiori loco dictum, vel à palis infixis, vel (ut alii volunt) à palude quæ urbem circumdat, appellatam. deinde Iulius Cæsar illam Iuliam Romuleam cognominavit, & Romanorum coloniam effecit. vnde adhuc remanet urbi, vulgare nomen, ut à ciuibus Iulianis Ciulia, id est ciuitas Iulia, appelletur. Post Hispalim ad Herculem pertinet Calpe vrbs dicta prius Heraclea, de qua diximus in urbibus deletis. Ad ipsum etiam Herculem pertinet Carteia vrbs, quæ nunc Algezira dicitur ad fretum Herculeum, quæ prius Carteios à Græcis dicta est, ut placet Ptolemæo & Straboni. Ad ipsos item Græcos pertinent quæ de Vlyssæa vrbe Strabo meminit, dicēs, quum de Malaca vrbe differuisset: Superiora regionis montana loca Vlyssæam ostentant, in qua erat Mineruæ templum, ut auctor est Posidonius. Ad Græcos quoque vrbs Saguntū spectat à Zacynthis condita (ut Strabo voluit) qui cum Hercule in Hispaniam nauigarunt. Segouiam insuper urbem ad Herculem pertinere multi asserunt. Postea vero quam citiorem omnem Hispaniam conquississet fugato Caco, Geryoneque, ac fratribus eius deuictis & interemptis, ii qui cum ab Oriente Græciaque secuti sunt sedes proprias exposcentes, partemque à Græcis ob acquisitam victoriam eo annuente sibi vendicarunt. Vnde Tyriis & Ausoniis Tyrassonā concessit. Tyrii siquidē Asiatici sunt, & Ausonii Itali, qui cum ab initio secuti fuerunt. Urbem itidem construxerunt Illyrici, qui Achæi sunt, & apud nos hodierno idiomate Sclauones dicuntur, quæ apud amnem Sicorium sita, instar eorum propriæ regionis agrum valde fertilem sortita est. Hanc à propriæ gentis cognomine nominauerunt Illerdam. Illyrici enim Dalmatiæ contigui sunt secundum Claudium Ptolemæum & oram Adriatici sinus obtinent, qui hodie Sclauones appellantur. licet enim vniuersa Græcia, maximeque ea quæ ad Pontum & Propontidem spectat, Illyris appelletur, Illyrici tamen specialius appellantur ii qui oram Adriatici sinus inhabitant secundum Claudium Ptolemæum. Ausoniis insuper qui Itali sunt, Ausoniam concessit, quam terram ex suæ gentis nomine appellarunt. Italia siquidem ante Italum Syracusanorum Regem, Ausonia dicebatur, & Ausonium regnum. vnde Vergilius de Ausoniis meminit sapius in libro Æneidos. Parta itaque victoria vsque in Pyrenæum vltimosque fines Hispaniæ, etiã Barchinonam condidit, quam Ioui Deo sacrauit. statuit enim templum Ioui in monte urbi contiguo, quem montem ipsi Ioui dicauit, & ab eodem nomen retinuit vsque in hodiernum (ut placet Pomponio Melæ) quanquam vulgus idioma corripit, ut apud nostros mons Iudaicus appelletur, quum tamen Iouis mons ab antiquis fuerit appellatus secundum Claudium Ptolemæum & Melam. De urbis autem nomine multi auctores dissentunt, quoniam qui urbem Barchinonam appellant, eam terminant in a, ut sit primæ declinationis, alii autem uti Claudius Ptolemæus, Strabo, & Mela, multiq; alii antiquiores Barchinonam appellant, & tertiæ declinationis instituunt. Ex quorum differentiis diuersas vr-

fas vrbi etymologias constituunt. Ii enim qui eam in a terminant, & primæ declinationis constituunt, affirmant ex nona Herculis barcha sic vocitari. Aiunt enim, Hercule citiorem Hispaniam nouiter subactam peragrante, nouem à Græcia rates aduenisse noua legatione à Telamone, Aiace, cæterisque Græcis aduocaturas, vt in Græciam rediret, petiturus cum regionalibus Græcis secundam Troiæ vindictam, quoniam præsumpisset Paris dictus Alexander, Priami filius ac Laomedontis nepos in vindictam Hesionæ ab Hercule raptæ, & Telamoni Salaminorum Regi traditæ in concubinam, Helenam Menelai Mycenarum Regis vxorem rapere, & violenter in Phrygiam transferre. Atq; quum ad littora Hispaniæ rates applicuissent, vna apud urbem Barchinonam contrafracta traditur cæteris in Oceanum decursis, vbi Herculem moram trahere intellerant. Interea captis hominibus nonæ ratis à prouincialibus & ad Herculem deductis, audita legatione Hercules in Græciam redire parat, quod & fecit, urbemque pro nona barcha in eo loco constituit, quam Barchinonam appellauit. Hoc tamen fabulosum existimo doctissimorum autoritati assentiens, qui vrbis nomen tertiæ declinationis constituunt, vt Barcinon dicatur, quod nomen veraci historia Græcum est, & significat domunculas ex virgultis contextas, quæ ad maris littora ad piscandum sunt, in quibus se piscatores recipiunt: quarum quum ibi magnus esset numerus, loci ac aeris salubritate prospecta, Barcinon urbem eodem in loco constituit, sicque eam ab eisdem domunculis appellauit. Plinius vero libro tertio de Naturali hist. etiam Græco nomine Barcinon appellans, Fauentiam quoque dixit cognominari à Romanis, quorum colonia effecta est. Ipsi etiam Herculi pertinet Calpe vrbs, dicta primum Heraclea, de qua satis in deletis vrbibus dictum est.

De reditu Herculis ab Hispania in Græciam.

IUSTINVS post Trogum Pompeium penultimo libro sui Epitomatis Herculis reditum de Hispania in Græciam refert, & posteaquam Fauni regnum descripsisset, qui tertio loco post Saturnum regnavit in Italia, adiecit hæc verba: Fauno vxor fuit nomine Fatua, quæ assidue diuino spiritu impleta, velut per furorem futura præmonebat. Ex filia huius Fauni & Hercule, qui eodem tempore extincto Geryone armenta victoriæ præmia per Italiam ducebat, stupro conceptus Latinus est procreatus. Diodorus vero postquam veritatem Herculum ex veteribus historiis conscripsisset, quum poetarum antiquorum fabulas de heroibus ac semideis retulisset, factaque multorum Herculum ex vario scriptorum assensu, reditum Herculis ab Hispania per Celtogalliam describit per hæc verba: Peragrata maioris Libyæ parte, Hercules ad Oceanum qui est ad Gadés, peruenit, ibique in Iberiam cum exercitu transiit, vbi columnis positis Chrysaoris filios tribus magnis exercitibus fidetes singulari prouocatione sustulit. Capta Iberia greges bouum secum ducens, iterque per Iberiam faciens, quum quidam eius gentis Rex, vir iustus præ cæteris ac probus, eum magno honore excepisset, partem bouum Regi dono dedit, quos ille Herculi dicans singulis annis ex his pulchriorem taurum illi sacrificauit. Hos sacros in Iberia boues vsque ad nostra tempora constat permanisse. Et postquam columnarum Herculis meminimus, videtur de his paulo amplius dicendum. Montes ab utroque latere continentis mari Oceano imminet, in quibus statuit columnas. cupiens autem sempiternum sui nominis monumentum esse, aiunt vtrumque montem, vt Oceani maris aditum antea arctissimum ampliorem longioremque redderet, excidisse, vt magnis nauibus ab Oceano in nostrum mare aditus præberetur, vt vsque ad posteros perpetua huius operis gloria maneret. Tradunt alii, maxime poetæ, coniunctis prius montibus ab eo effossis ab Oceano ad nostrum mare aditum præbuisse. Verum hæc, quum singulis liceat pro libito credere, existimationi hominum relinquenda sunt. Post hæc Iberorum regno optimis eius regionis viris tradito cum exercitu in Celticam Galliam profectus est: & quum ingens ex omnibus gentibus exercitus eum sequeretur, urbem condidit amplam, quam appellauit Alesiam, plurimis ex propinquis incolis sponte in ciuitatem confluentibus: qui quum reliquam multitudinem superarent, è vestigio ciuitas ad barbaros mores defluxit. Hanc urbem Celtæ etiam nunc in honore habent tanquam omnis Celticæ prouinciæ metropolim. permansit hæc vrbs à sua constructione semper libera ac sui iuris vsque ad tempora Caii Cæsaris, qui propter res gestas Deus dictus est, à quo vi capta Romanorum imperio cum aliis Celtis cessit. Ab his Hercules in Italiam tendens, iterque per Alpes faciens ita difficilem aditum asperamque viam strauit, vt postea exercitibus cum iumentis impedimentisque facile iter esset, Barbarosque montanos transeuntibus infestos ac latrociniis assuetos occisis eorum ducibus deleuit, posteris reddita itineris securitate, transcendensq; Alpes ad eam oram quæ nunc Gallia appellatur, per Ligures, qui hodie Ge-

nuenses dicuntur, transiit, patriam asperam & omnino duram multoq; etiam incolarum labore ac studio paucos omnino fructus ferentem. Qua ex re robusti sunt homines, validique, & agiles, ac in bello præcipue fortes ob inopiam & laborem, quibus eorum corpora durantur. Hi enim quum ultra ceteros agrorum exercitio fatigantur, scæminas quoque rustico assuefecerunt operi, quorum partem Hercules mercede conduxit ad ferendum. Græcis auxilium in oppugnatione Troiæ triremibusque in portu Ligustico relictis ad Tiberim fluuium, vbi nunc Roma est, multis postea sæculis à Romulo Martis filio condita, peruenit. Tenebant tunc Aborigenes locum, vbi nunc Palatium est, urbem penitus paruulam incolentes. Inter hos præstantiores Poticius & Pinarius erant, qui Herculem vt hospitem, magno honore donisque susceperunt. Horum virorum monumenta vsque ad hanc ætatem Romæ permanent. Nam inter nobiliores habentur Pinariorum descendentes, tanquam vetustissimum genus: Poticiorum in palatio cochleæ descensus est lapideæ, ab illo Poticia dicta propinqua domui, quæ tunc Poticii fuit. Hercules ob honorem sibi à Palatinis impensum, dixisse fertur, eos qui sibi, postquam ad eos translatus esset, decimam bonorum dicarent, vitam foelicem victuros, quod & euenisse vsque ad hoc tempus constat. Multi enim Romanorum non solum mediocri censu, sed qui ditissimi sunt habiti, decimas Herculi vouerunt, posteaq; fortunatiores facti bona sua ad quatuor talentorum millia Herculi sacrarunt. Lucullus Romanorum ferme ditissimus æstimatedis bonis decimam partem Herculi dedit, epulas præbens continue, ac profundens multa, Templum insuper iuxta Tiberim egregium condidit qui ex decimis sacra Deo offerebant. Deinde à Tiberi profectus Hercules per littus Italiæ ad mare, quum descendisset ad eum locum, vbi Rhegium vrbs condita est in loco valde angusto, vt pote tredecim stadiis distante à continente Trinacria, ipse cornu bouis innixus gregibus præmissis mare traiecit, in Siciliamque (quæ & Trinacria à tribus promontoriis dicitur) ingressus est, quam cupiēs circumire ad Erycem Regem perductus est, cui Nymphæ ad lauandum aquas calidas exhibuerunt. Inde quum in Syracusam peruenisset, cum Sicanis qui regionem incolebant, in prælium venit, quos superauit. Inde in Italiam rediens, quum Cacus Hispanus, quem Diodorus Latinum dicit, quatuor illi boues, quos ab Hispania duxerat, rapuisset, Cacus ab eodem Hercule peremptus est: quanquam Vergilius ad oram Tiberis hoc fuisse ferat. Et quoniã in Caci memoriam incidimus, quem Hispanum fuisse tam Toletanus, quam alii plures commemorant, quodque Carpetaniis princeps esset, à quo mons Caci dictus sit, & vrbs Osca, tanquam os Caci, aliquid de eo dicendum est. Hic enim victus & fugatus ab Hercule in Hispania extincto Geryone Rege, secutus Herculem vindictæ causa cupiebat ei siue publice siue latenter mortem inferre. Quumque oportunitas non daretur, quum diutius in quadam spelunca latuisset, quatuor Herculi boues rapuit. quos quum mugientes Hercules persensisset in spelunca, illos interempto fure extraxit. Hic autem Cacus Vulcani filius appellatus est, propterea quia ignes fumigantes euomere dictus est in spelunca, quod ex eo fuisse fertur, quia primus puluerem ex diuersis compositum speciebus ad iaciendos lapides adinuenit. qui an in Calabria, an apud Tiberim interemptus sit incertum est. Refert etiam Diodorus præfato lib. quinto, post mortem Caci Herculem colonis prædixisse futuram ibi urbem, quam demum fundatores illius oraculo Herculis à Caco Catronam appellasse. Hæc Diodorus. Inde iter inceptum agēs cum Adriaticum sinum circuisset per Calabriam, Apuliam, Brutium, ac Picenum agrum in Epirum peruenit, inde in Macedoniam Thraciamque. vbi quarto anno postquã Troiana obsidio firmata esset, obiit correptus febre, cuius vim quum ferre non posset pyram ardentem ordinati iussit, in qua se iactaret, quumque petiisset camisiã, à Deianira concubina sua ministrata est ei, de qua multi poetæ dixerunt, Deianiram sibi ministrasse venenum cum ipsa camisia, quæ ipsum Herculem præcipitaret ad mortem. Hæc autem dixisse libuit ad memorandum quæ de reditu ab Hispania retulere priores, vt sciremus, an terra, an mari redierit. Referunt tamen plures Herculem nauigatione traiectum in Italiã redisse regnumque Fauni, vbi nunc Roma condita est. de cuius aduentu meminit Iustinus libro quadragesimo tertio: Ex filia Fauni & Hercule qui extincto Geryone armëta victoriæ præmia per Italiam ducebat, stupro conceptus Latinus procreatur. Vocabatur autem filia Fauni, Latini mater, Carmentis: Nicostrata autem secundum Eutropium libro primo, quæ prima dicitur Latinas literas inuenisse, quas denuo Latinus eius filius quum correxisset & emendasset, ex suo nomine denominauit Latinas. De morte vero Caci dissentiunt Vergilius & Ouidius à Diodoro, quoniam Diodorus in Calabria apud Catronã urbem dicit interemptum: cæteri vero apud Tiberim amnẽ. Referunt etiam ii qui dixerunt Herculem nauibus ab Hispania rediisse in Græciam, quod decedens ab Hispaniæ

finibus iugoque Pyrenæi, ad Mediterraneum litus dicauit templum Veneri, à quo etiam hac tempestate Portus Veneris nomen habet. Sciens autem se ad vindicandum Helenæ raptum in Græciam redire, vouit Veneri illius vindictam, & templum Deę dicauit, quod vsque ad hæc tempora permansit ad iugum Pyrenæi in finibus Hispaniæ. Et hæc de Hercule dicta sufficiant, iam de aliis Græcis qui venerunt in Hispaniam videamus.

De aduentu Teucris, & aliorum Græcorum, & urbibus ab eis conditis.

10 **R**EFERT Iustinus post Trogum Pompeium vltimo libro sui Epitomatis, quem sequitur Isidorus libro nono, quod Telamon Salaminorum Rex dictus Ajax, quum duos habuisset filios Aiace & Teucrum, Teucrum exosum habuit, Aiace vero regni successorem instituit excluso Teucro. post finem itaq; Troiani belli Teucer intellecta morte Aiace fratris venit in regnum Salaminorū, atque quum ibi non reciperetur, instructa classe in Cyprum properat, ibiq; Salaminam urbem condidit ex nomine suæ gentis. Postea vero audita fama Hispaniæ, per rumorem eorum quæ de ea Hercules se fecisse iactabat, in ipsam Hispaniam veniens appulit ad littora Hispaniæ, ad eum locum vbi nunc noua Carthago situm habet. qui expositis sedibus urbem construxit, quam à Salamanis & Atticis Salamanticam appellauit. Attica enim prouincia Græciæ est ab Athena, Athique illius primo Rege sic dicta, Salamina à Salamine ciuitate. Ex his igitur duob. populis quos
20 secum duxerat, Salamanticam ciuitatem instituit. Teucer itaque Salamantica in Galliciã venit, eamque regionem incoluit. Vnde ab aduentu suo Gallacia dicta est, tanquam à Galatis inhabitata. Vnius autem regionis Gallicię partem occupauit Amphilochi gens secundum Iustinum. Sunt enim Amphilochici populi in Græcia inter Epirum & Achaiam prouincias, habentq; duo flumina Arathum & Acheloum, & in Mediterraneum fluunt. Habent insuper ex opposito insulam Cephaloniam secundum descriptionem Claudii Ptolemæi. Ipsius etiam prouincię Gallacię partem occupauere, & proprias sedes ibi construxere Mygdonii, qui ex nomine suæ gētis urbem Mygdoniam dixerunt. Est enim Mygdoniũ regio Mediterranea in Græcia, seu Græcis propinqua, inter duo flumina Aium & Erygon, quæ simul iuncta fluunt in Ægæum mare. Hæc itaq; & aliæ sedes sunt, quas in Gallicia Galatæ construxerunt, de quibus Iustinus breuissime meminit. Ad hos etiam Græcos pertinet Portus ciuitas, quæ quondam Lauara vrbs dicebatur. Dicitur autē Portus Gallacię, quoniam amnis Dorus per eam decurrens quodam latissimo sinu cōmeatus omnes ab Oceano recipiat in Gallacia, à qua Portugallię regnum nomen habet. Portugallia enim omnis ad Gallaciam spectat, vel saltem quicquid vltra Tagum ac Doriam amnem est. Apud istam itaque prouinciã Gallacię Hispaniæ mons ille Sacer est auro refertus, de quo Iustinus vltimo libro meminit in hæc verba: In huius gentis finibus Sacer mons est, quem ferro violari nefas habetur: sed si quando terra fulgure profcissa est (quod in his locis assidua res est) detectum aurum, veluti Dei munus, colligere permittitur. Hæc Iustinus.

40

De Galatis, & eorum nomine, & vnde prodierunt.

EX superioribus scriptis ostensum est Gallaciam Græcam habuisse originem à Teucro Telamonis filio. Vnde Hieronymus in proœmio epistolæ ad Galatas ait: Galatæ Græci sunt. quomodo autem Græci sunt appellati Galatæ, quum per antea alio nomine vocarentur, suo loco dicetur. Dicendum est Galatas omnes ex Græcia prodisse. Vnde Diodorus libro sexto de Galatis agens ait, Galliam duas habuisse vetustissimas gētes, Galatas & Celtas. In Galliæ enim ora maritima quæ ad Mediterraneum spectat, Celtæ fuere, & incipiunt ab Alpibus quæ diuidunt Galliam à Liguribus, & protenduntur per Massiliã vsque in Pyrenæum: cæteri vero qui incolunt Oceanum à flumine Rheno vsque in Pyrenæum cum cætero interiacenti Mediterraneo Galatæ sunt. Vnde Celtæ per tempora commixti Galatis & Iberis, finitimis populis, ii qui Iberis admixti sunt, Celtiberi sunt dicti ab Iberis & Celtis: cæteri vero qui Galatis admixti sunt, Celtogallatæ sunt appellati à Celtis & Galatis. Vnde Gallia omnis his duobus iuncta populis in quatuor Celtogallacias diuisa est: Celtogallaciam Lugdunensem, Belgicam, Narbonensem, & Aquitanicam secundum Claudium Ptolemæum & Strabonem. Hæc autem admixtio Celtarum cū Galatis recens est. per antea enim omnis Gallorū regio quæ ad Oceanum spectabat, dicta est Galacia à candore populorum sic appellata, quia homines illius regionis humido cœlo educati corpora cæteris habent candidiora. Vnde Galatę qui & Galli dicti sunt, quum intra proprias sedes non reciperentur præ illorum multitudine, coadunatis trecētis mil-

libus Alpestranſiuere, ac trecentefimo & quadrageſimo quinto anno poſt urbem conditam, Romam præter Capitolium incenderunt. Inde in Thraciam Græciamque declinantes, quibusdam intra Pannoniam relictis diuerſa in Oriente ac Macedonia bella geſſere ducibus Belgio & Brenno, de quibus Iuſtinus meminit vigefimo tertio libro ſui Epitomatis cum ſequentibus. Et deinde quum à Rege Bithyniæ qui ab hoſtibus premebatur, eſſent in ſubſidium aduocati, quum viciffet Rex, cum Galatis dimidium regni partitus eſt. vnde ſimul inhabitantes Gallogræci primum dicti ſunt à Gallis & Græcis, deinde Galatæ. Cæterum Bithynia Græciæ prouincia eſt, cuius prouinciæ metropolis Nicaa urbs eſt. Inde Galatæ ex dicta cauſa, & ſuæ gentis nomine prouinciæ Gallaciæ inditum nomen eſt. Huius autem Galatarum nominis originem deſcribit Diodorus præfato libro ſexto de eis latius agens per hæc verba: Celtis olim imperauit, vt aiunt, vir egregius, ex quo filia corporis magnitudine vltra naturæ modum, decoreque cæteras excellens orta eſt. Hæc enim tum viribus, tum ſpecie elata, omnes qui eam vxorem expectabāt, contempſit, exiſtimans neminem ſuo matrimonio dignum. Interim quum Hercules bello aduerſus Geryonē moto veniſſet in hanc prouinciam, ibique ciuitatem Aleſiam condidiſſet, admirata tum virtutem Herculis, tum corporis præſtantiam permiſſu parentum eius concubitū appetiuit. iuncta illi filium genuit nomine Galaten, qui coæuos ſuos tum virtute animi, tum viribus corporis exceſſit. vir factus quum paternum regnum ſuſcepiffet, plures oras ſibi ſubdidit propinquas præclaris rebus bello geſtis. Quumque eius gloria celebraretur, ſubditos omnes ſuo nomine appellauit Galatas, ex quo omnis ea regio Gallacia dicta eſt. Huius gens ſola erga Romanos antiquam & quæ ad hanc vſque ætatem durauit amicitia cōſeruat. Natio vt plurimum ad arctum ſita, regio vtique frigida, ac hyemis tempore pro aqua niuium opulencia abundans. glacies quoque immenſa adeo regionem illam occupat, vt congelata flumina nō ſolum paucis hominibus, ſed exercitibus quoque cum euribus ac impedimentis tranſitum præbeant. Suntque in Gallacia plures magnique fluuii, alii ex profundis ſtagnis, alii ex montibus emanantes, aliique in Oceanum, alii in noſtrū mare decurrētes. Eorum qui in noſtrum mare labuntur, maximus tenetur Rhodanus, qui in montibus fontes habens quinque oſtiis deſcendit in mare. Ibique Diodorus multa miranda de Galatis proſequitur, ſed tamen omittendum non eſt, quod quanquam Gallia omnis à flumine Rheno vſque in Pyrenæum dicatur Gallacia, Diodorus tamen à dicto loco extendere eam videtur vſque in Danubium atque Scythiam, omnemque Oceani maritimam oram, ſubiiciens poſt multa quæ de Galatis diſſeruit, hæc quæ ſequuntur: Nunc quod à multis ignoratur, ſcribetur. Vltra Maſſilias, qui Mediterraneas regiones, qui que iuxta Alpes & montes Pyrenæos incolunt, Celte appellantur. vltra hos, qui ad Notum Oceanum verſus pertinentes oras & Hercynium montem, quiq; deinceps & in Scythiam vſque habitant, dicuntur Galatæ, quæ omnes gentes communi nomine Romani Galatas appellant. hæc Diodorus. De Galatis vero Hiſpaniæ refert Strabo lib. tertio de orbis ſitu, quod Gallecii Hiſpaniæ olim nullum habebant Deum: quod Biſcaia vſque adhæc tempora perdurat, quæ regio intra Galleciæ fines ſita eſt, & licet eiufdem incolæ Chriſtianæ religionis cultores appellentur, ab illis tamen nullum venerari coliq; Deum, certum eſt, ſolumque Chriſtianam religionem labiis profitentur. Apud illos præbyter nullus recipitur non habens concubinam. arbitrantur enim neminem poſſe à carnalibus continere. Quod quum non poſſent, dicunt neceſſe eſſe præbiteros ad parochianorum vxores cōuertiri. Ad Biſcaia regionē nullus ex inſtitutione Epifcopus adire poteſt, quinimmo horrēdam rem narrabo quam ipſe vidi. Quum enim ſub Caliguritano Epifcopo ſint, ad illos tamen idē, nec alius Epifcopus, etiam pro ſacramentalibus, adire poteſt. immo quum anno M. CCCC. LXXVII. Ferdinandus Caſtellæ Rex inclutus in Biſcaiam intraſſet, adducēs ſecum Pampilonenſem Epifcopum, occurrentes prouinciales dixerunt hoc eſſe cōtrarium ſuis legibus. Itaque ne tumultus fieret, Epifcopus ab Rege remiſſus eſt. Tantaque ex aduentu Epifcopi ſe affectos moleſtia oſtenderūt, quod vbicunq; Epifcopus eorū ſolum calcāſſet, proſequentes illius veſtigia, ac erāſa terra puluerem colligentes maximo coadunatum puluerem igne cremarunt, illiusque cineres in quandam ſuperſtitionem ac diuini honoris ignomiam in mare proiecerunt.

De aduentu Phocenſium in Hiſpaniam, & vrbe Emporia.

DESCRIPTO aduentu Herculis in Hiſpaniam, & inibi per eum geſtis, viſo item de Galatis ac Teucris aduentu, iam cætera quæ ad Græcos ſpectant, nobis videnda ac deſcribenda ſunt. Nunc igitur de Emporia vrbe quæ à Græcis Phocenſibus originem habet,

bet, videamus. Eadem enim vrbi Emporio origo est quæ & Massiliensibus. De quibus v-
 trisq; meminit Strabo lib. tertio, nosq; de eis satis supra retulimus in capite de deletis vrbi-
 bus. Alii vero secuti Valerium Antiam, Flauium, Titum Liuium, ac Plinium lib. tertio de
 Naturali hystoria, aliosque autores referunt in hæc verba: Marcus Portius Cato Consul,
 postquam abrogata est lex Oppia, ex templo x x v. nauibus lōgis, quarū quinq; sociorum
 erant ad Lunæ portum, aliis omnis generis contractis, cum ingenti classe à Luna soluens,
 edixit vt ad portum Pyrenæi omnes sequerētur. Quo fœliciter acto inde Rhodam vene-
 runt, & præsidium Hispanorum quod in castello erat, vi deiecerunt. Ab Rhodaq; secūdo
 vento Emporias peruenerunt, vbi copiæ omnes, præter socios naualis classis custodes, in
 10 terra expositæ sunt. Iam tūc Emporiæ duo erant oppida muro diuisa, vnū Græci habebāt
 à Phocensibus, vnde & Massilienses oriundi, alterum Hispani. sed Græcum oppidum in
 mare expositum muri ambitum minus quadringentis passibus patentem habebat, Hispanum
 vero retractius à mari erat, cuius murus ad tria millia passuum in circuitu cōplecte-
 batur. Tertium etiam genus ex Romanis colonis à diuo Cæsare post deuictos Pompeii
 liberos adiectum est. Nunc vero in corpus vnum confusi omnes habitant, prius Græcis,
 postremo & Romanis in ciuitatem adscitis. mirandum profus erat, quæ res Græcos tu-
 taretur, ab altera parte aperto mari, ab altera Hispanis tam feræ & bellicosæ genti obie-
 ctos. Sed disciplina certe custos erat infirmitatis, quam inter validiores optime timor cō-
 feruat. Hispani siquidem oppidi murum agros versus egregie munitū habebant, vna tan-
 20 tummodo in eam regionem porta imposita, cuius assiduus custos aliquis ex magistrati-
 bus erat: nocte vero pars tertia ciuium in muris excubabat non minori certe vigilantia,
 quam si hostis ad portas esset. & custodientes, & continue circumeuntes ciuitatem dili-
 genti cura, Hispanum neminem in vrbem recipiebant, nec ipsi quidem temere vrbe ex-
 cedebant. Ad mare patebat omnibus exitus, portis alterutrius oppidi è regione factis. Ex
 eis nunquam nisi frequentes, aut pars tertia fere, cuius proxima nocte vigiliæ in muris
 fuerant, egrediebantur. Causa exeundi hæc erat, commercio eorum Hispani non adhuc
 experti mare gaudebant, mercarique ipsi ea quæ externa nauibus adueherentur, vole-
 bant. Huius mutui vsus desiderium, vt Hispana vrbs Græcis pateret, faciebat. Erant enim
 eo tutiores, quod sub vmbra Romanæ amicitia lætabantur, quam sicut minoribus viri-
 30 bus quam Massilienses, ita pari colebant fide. De huius autem vrbis initiis satis diximus
 supra in cap. de deletis vrribus. Tunc quoque consulem exercitumq; Romanum comi-
 ter ac benigne susceperunt. Paucos ibi moratus dies Cato, dum exploraret vbi & quantæ
 hostium copiæ essent, modicumque id tempus in re frumentaria milites exercendo con-
 sumpsisset (id enim erat tempus anni quo frumentum in horrea portatur) ab Emporiis
 profectus agros hostium vssit vastauitque, omnia fuga & terrore concutiens.

IOANNIS EPISCOPI GE-
 RVNDENSIS PARALIPOMENON
 LIBER TERTIVS.

De Tyriis & Sidoniis, vnde Carthaginenses & Gaditani originem habuerunt.



30 **E**t quoniam diximus, Iustinum post Trogum Pompeium scripsisse vltimo lib. sui Epitomatis, Gaditanos ex Tyriis duxisse originem, qui
 quum à finitimis Hispaniæ impeterentur, ab eorum consanguineis
 Carthaginensibus auxilia petiuere, quorum auxilio ac fœlici expedi-
 tione & Gaditanos ab iniuria vindicauerunt, & maiorem partē pro-
 uinciæ suo imperio adiecerunt: quapropter, à quibus Carthaginen-
 ses originem habuerunt, nobis videndum est. Carthaginenses itaque
 Assyrii fuere ex Sidoniis & Tyriis. Vnde Vergilius referens aduentum Æneæ in Cartha-
 ginem quam Dido construxerat, Sidoniorum & Tyriorum ostendit originem in quarto
 Æneidos, vbi ait:

*Nunc media Æneam secum per mœnia ducit,
 Sidoniaeque ostentat opes urbemque paratam.*

Pauloque post ostendens non solum Sidonios, sed etiam Tyrios, atq; amorem Didonis
 in Æneam, sic ait:

*Dotalesq; tua Tyrios permittere dextra.
 Sed satis incerta feror, si Iuppiter vnam*

& paulo post subiungit

*Esse velit Tyriis urbem, Troiaque profectis:
Misericordie probet populos aut fœdera iungi.*

Iustinus vero post Trog. Pomp. lib. 18. illorum originem profecutus, sic ait: Et quoniam ad Carthaginensium mentionem ventum est, de origine eorum pauca dicenda sunt, repetitis Tyriorum paulo altius rebus, quorum casus etiam dolendi fuerunt. Tyriorum gens condita a Phœnicibus fuit, qui terræ motu vexati relicto patrio solo Assyrium stagnum primo, mox mari proximum littus incoluerunt, condita ibi vrbe, quam à piscium vbertate Sidona appellauerunt. nam piscem Phœnices Sidon vocant. Post multos deinde annos à Rege Ascaloniorum expugnati, nauibus appulsi Tyrum urbem ante annum Troianæ cladis condiderunt. Ibi Persarum bellis diu varieque fatigati, victores quidem fuere, sed attritis viribus à seruis suis multitudine abundantibus indigna supplicia perpeffi sunt: qui conpiratione facta omnem liberum populum cum dominis interficiunt, atque ita potiti vrbe lares dominorum occupant, rempub. inuadunt, coniuges ducunt, & quod ipsi non erant, liberos procreant. Vnus ex tot milibus seruorum fuit, qui miti ingenio senis domini paruulique filii eius fortuna moueretur, dominosque non truci feritate, sed pia misericordie humanitate respiceret. Itaque cum velut occisos occultasset, seruisque de statu reipub. delibantibus placuisset Regem ex corpore suo creari, eumque potissimum, quasi acceptissimum Diis, qui solem Orientem primus vidisset, rem ad Stratonem (hoc enim illi nomen erat) dominum occulte latentem detulit. Ab eo informatus, quum medio noctis omnes in vnum campum processissent, cæteris Orientem spectantibus, solus Occidentis regionem intuebatur. Id primum aliis videri furor, in Occidente solis ortum quærere. Vbi vero dies aduentare cœpit, editissimisque culminibus vrbis Oriens splendere, expectantibus aliis vt ipsum solem aspicerent, is primus omnium fulgorẽ solis in summo fastigio ciuitatis ostendit. non seruilis ingenii ratio est visa, requirentibusque autorem de domino confitetur. Tunc intellectum est quanto minorum ingenia præstarent, malitiaque seruos, non sapientia vincere. Igitur venia seni filioque data est, & velut numine quodam reseruos arbitantes, Regem Stratonem creauerunt. Post eius mortem regnum ad filium, ac deinde ad nepotes transit. Celebre hoc seruorum facinus, metuendumque exemplum toto orbe terrarum fuit. Itaque Alexander Magnus quum interiecto tempore in Oriente bellum gereret, veluti vltor publicæ securitatis expugnata eorum vrbe, omnes qui prælio superfuerant, ob memoriam veteris cædis crucibus affixit, genus tantum Stratonis inuolatum seruauit, regnumque stirpi eius restituit, ingenuis & innoxiiis incolis insulæ attributis, vt extirpato seruili germine genus vrbis ex integro conderetur. Hoc igitur modo Tyrii Alexandri auspiciis conditi, parsimonia & labore quærendi cito conualuere. Ante cladem dominorum cum & opibus & multitudine abundarent, immissa in Africam iuuentute Vticam condidere: quum interim Rex Mulcto Tyro deceffit filio Pygmalione, & Elifa filia insignis formæ virgine hæredibus institutis, sed populus Pygmalioni puero regnum tradit. Elifa quoque Aceruæ auunculo suo sacerdoti Herculis, qui honos secundus à Rege erat, nubit. Huic magnæ, sed dissimulatæ opes erant, aurumque metu Regis non tectis, sed terræ crediderat: quam rem etsi homines ignorarent, fama tamen loquebatur. qua incensus Pygmalion oblitus iuris humani, auunculum suum, eundemque generum, sine respectu pietatis occidit. Elifa diu fratrem propter scelus auersata, ad postremum dissimulato odio, mitigatoque interim vultu, fugam tacitam molitur, assumptis quibusdam principibus in societatem, quibus par odium in Regem esse eandemque fugiendi cupiditatem arbitrabatur. Tunc fratrem dolo aggreditur, fingit se ad eum migrare velle, ne amplius ei mariti domus cupidæ obliuionis grauem luctum renouet, neve vltra amara admonitio oculis eius occurrat. Non inuitus Pygmalion verba sororis audiuit, existimans cum ea aurum Aceruæ ad se venturum. Sed Elifa ministros migrationis à Rege missos nauibus cum omnibus opibus suis prima vespere imponit, prouectosque in altum compellit eos onera arenæ pro pecunia inuolucris inuoluta in mare deiicere. Tunc deflens ipsa, lugubrique voce Aceruam exorat, vt libens opes suas recipiat, quas reliquerat, habeatque inferias, quas habuerat causam mortis. Tunc ipsos ministros aggreditur, sibi quidem ait optatam olim mortem, sed illis amaros cruciatus & dira supplicia imminere, qui Aceruæ opes quarum spe parricidium Rex fecerat, auaritię tyranni subtraxerint. Hoc metu omnibus iniecto comites fugę accepit, iunguntur & senatorum in ea nocte preparata agmina, atque ita sacris Herculis, cuius Aceruas sacerdos fuerat, repetitis, exilio sedes quærunt. Primus illis appulsus terræ Cyprus insula fuit. Ibi sacerdos Iouis cum coniuge & liberis, Dei monitu, comitem se Elifæ sociumque præbuit, pactus sibi posterisque perpetuum honorem sacerdotii. Cõditio pro manifesto omine accepta. Mos erat Cyprii virgines ante nuptias statutis diebus dotalẽ pecuniã quarum futuram in quæstum ad lit-

ad litus maris mittere, pro reliqua pudicitia libamenta Veneri soluturas. Harum igitur ex numero octoginta admodum virgines raptas nauibus imponi Elifa iubet, vt & iuuentus matrimonia, & vrbs sobolem habere possit. Dum hæc aguntur, Pygmalion cognita sororis fuga, cum impio bello fugientem persequi pararet, ægre precibus matris deorumque minis victus quieuit. Cui quum inspirati vates canerent non impune laturum, si incrementa vrbs toto orbe auspiciatissimæ interpellasset, hoc modo spatium respirandi fugientibus datum est. Itaque Elifa delata in Africæ sinum, incolas loci eius, aduentu peregrinorum mutuarumque rerum commercio gaudentes in amicitia sollicitat. Deinde empto loco qui corio bouis regi posset, in quo fessos longa nauigatione socios, quoad proficisceretur, reficere posset, corium in tenuissimas partes secari iubet, atque ita maius loci spatium, quam petierat, occupat. Vnde postea ei loco Byrse nomen fuit. Confluentibus deinde vicinis locorum, qui spe lucri multa hospitibus venalia inferebant, sedesque ibi statuentibus, ex frequentia hominum velut instar ciuitatis effectum est. Vticenses quoque legati dona vt consanguineis attulerunt, hortatique sunt, vt urbem ibi conderent, vbi sedes sortiti essent. Sed & Afros detinendi aduenas amor cepit. Itaque & consentientibus omnibus Carthago cõditur, statuto annuo vectigali pro solo vrbs. In primis fundamentis caput bubulum inuentum est, quod auspicium fructuosæ quidem, sed laboriosæ perpetuæque feruæ vrbs fuit: propter quod in alium locum vrbs translata. ibi quoque equi caput repertum, bellicosum potentemque populum futurum significans, vrbi auspiciatam sedem dedit. Tunc ad opinionem nouæ vrbs concurrentibus gentibus, breui & populus, & ciuitas magna facta est. Quum successu rerum florentes Carthaginis opes essent, Rex Mauritanorum Hiarbas decem Pœnorum principibus ad se accersitis Elisæ nuptias sub belli denunciatione petit: quod legati Reginæ referre metuentes, Punico cum ea ingenio egerunt, nunciantes Regem aliquem poscere qui cultiores victus cum Afrosque perdoceat, sed quenquam inueniri non posse, qui ad barbaros & ferarum more viuentes transire à consanguineis velit. Tunc à Regina castigati, si pro salute patriæ asperiores vitam recusarent, cui etiam ipsa vita, si res exigat, debeatur: Regis mandata aperuere, dicentes, quæ præcipiebat aliis ipsi facienda esse, si velit ciuitati consultum esse. Hoc dolo capta diu Aceruæ viri nomine cum multis lachrymis, ac lamentatione flebili inuocato ad postremum ituram sese, quo sua & suæ vrbs fata vocarent, respondit, in hoc trium mensium sumpto spatio. Interim pyra in alta parte vrbs extructa, velut placatura viri manes, inferiasque ante nuptias missura multas hostias cædit. Sumpto gladio pyram conscendit, atque ita ad populum respiciens ituram se ad virum, sicut præceperant, dixit, vitamque gladio finiuit. Quandiu Carthago inuicta fuit, pro Dea culta est. Condita est hæc vrbs LXXI. annis ante quam Alba. Cuius vt virtus bello clara fuit, ira domi status variis discordiarum casibus agitatus est, quum inter cætera mala etiam laborarent cruenta sacrorum religione, & scelere pro remedio vsi sint. quippe homines, vt victimas, immolabant, & impuberes (quæ ætas etiam hostium misericordiam prouocat) aris admovebant, pacem deorum sanguine eorum exposcentes, pro quorum vita dii rogari maxime solent.

Quomodo Carthaginenses Hispania post Græcos dominium obtinuerunt, & per longa sæcula tenuerunt.

VISA Carthaginensium origine, introitum eorum in Hispaniam & gesta memoratu digna videamus. Quum enim Græci per multa sæcula Hispaniæ dominium tenuissent, tandem à Pœnis ab ipsa Hispania expulsi sunt. Vnde Iustinus post Trogum Pomp. in suo Epitomate libro vltimo de aduentu Carthaginensium meminit per hæc verba: Post regna deinde Hispaniæ primi Carthaginenses imperium occupauere. Nam cum Gaditania Tyro (vnde & Carthaginensibus origo est) sacra Herculis per quietem iussi in Hispaniam transtulissent, urbemque ibi condidissent, invidentibus incrementis nouæ vrbs finitimis Hispaniæ populis, ac propterea Gaditanos bello laceissentibus, auxilium consanguineis Carthaginenses misere. Ibi felici expeditione & Gaditanos ab iniuria vindicauerunt, & maiorem partem prouinciæ suo imperio adiecerunt. Hæc Iustinus. Diodorus vero libro sexto & Hispaniæ Carthaginensium imperium narrat, & quomodo ex Hispaniæ auro argentoque, quæ in eadem prouincia effodiuntur, Carthaginenses ditiores & opulentiores facti multa bella gessere, & diuersas colonias in ipsa Hispania, Libya, Sicilia, & Sardinia construxerunt.

P R I M A M omnium urbem memorare libet veterem Carthaginem Hispaniæ, quam ex suo nomine denominauerunt (lingua enim Pœnorum Carthago noua ciuitas interpretatur) quæ primo Byrsa, deinde Tyrios, tum Carthago à Cartha oppido, vnde fuit Dido, vel à Cartha, id est corio bouis in tenuissimas partes secto, quo locum urbis cinxit. Hæc in citeriori Hispania situm habuit inter Ilarqueones secundum Claudium Ptolemæum libr. secundo, quæ Lætanis, Barchinoni, & Rubricatæ propinqua erat. Nunc quoque ager Pœnetensis ac prouincia dicitur ab urbe Pœnorum demolita nomen retinens. itaque ibi urbem condiderunt, quam Carthaginem dixerunt, & à succedentibus vetus Carthago Hispaniæ dicta est. De hac meminit Claudius Ptol. libro secundo, describens 10
 Tarraconensem Hispaniam. Alia enim noua Carthago Spartaria secundum Strabonem appellata, non est dicta noua respectu magnæ Carthaginis, sed respectu veteris (de qua diximus) quæ condita est à Carthaginensibus secundo Punico bello post euersam hanc veterem Carthaginem. Euersa est autem vetus Hispaniæ Carthago à duobus Scipionibus Cornelio & Publio fratribus post captam Saguntum à Pœnis, & in illius vindictam direpta, vt supra diximus. Secunda noua Carthago est condita ab Hasdrubale genero Amilcaris Barcæ, qui primus eidem Amilcari successit, vt refert Strabo libro tertio. Constat tamen quod ante illorum imperium habuit incolatum, cum referat Trogus Pompeius libro vltimo, Teucrum Telamonis Aiakis filium ad eundem locum venisse, ibique resedisse. Hoc etiam placet Pomponio Melæ in sua Cosmographia. Sed potuit illius ampliatio ac dilatio ad Hasdrubalem pertinere. Plinii quoque verba de Carthagine noua sunt hæc: Tarraco Scipionum opus, sicut & Carthago Pœnorum. Causa autem huius ædificandæ ac construendæ urbis fuit duplex. Vna, euersio veteris Carthaginis Pœnorum coloniæ, ac metropolis citerioris Hispaniæ. Secunda causa fuit institutio seu ampliatio Tarraconæ per Scipiones post deletam veterem Carthaginem in metropolim citerioris Hispaniæ erectæ. Sicut enim Romani voluerunt obfirmare partes citerioris Hispaniæ cis Iberum, ita & Carthaginenses illas vltra Iberum, quarum dominium apud Pœnos erat. Comperto itaque salubri loco portuque nouam Carthaginem Tarraconæ oppositam, Pœnorum coloniam, erexerunt. Inde est Malaca, quam etiam in hodiernum Mauri possident in Hispania, de qua Strabo libro tertio sic meminit: Malaca vero Phœniciæ 30
 ciuitatis propinquioris tenet formam. Idem & de Abdera, quæ nunc Bera dicitur, eodem loco meminit dicens: Abdera Phœnicum etiam ipsa ædificium. Bracara etiam vrbs Galliciæ, nunc in Portugalliæ regno sita, ad Pœnos pertinet. Bracarii enim gens Libyca sunt, quæ incolit ripam fluminis Bracadæ, quod est propinquum Carthagini ad solis ortum, & ibidem influit in Mediterraneum. Incolæ enim riparum dicti fluminis ad partem vtranque Bracarii appellantur secundum Claudium Ptolemæum libr. 2. Fluit autem amnis Bracada ab vltimis Æthiopiæ montibus, latissimoque sinu influit in Mediterraneum. Quum enim Carthaginenses (vt supra diximus) à Gaditanis aduocati essent, collecta magna Libycorum manu, in qua expeditione viciniore Carthagini fuerunt, tandem liberata vrbe, quæ Gaditani intra Hispaniam erexerant, passim Carthaginenses occupauere prouinciam cum sacro Herculis promontorio, quod est vltra amnem Anam ad Oceanum, principiumque regni Portugalliæ, quod Hieron appellabant. Vnde & Bracarii milites urbem ex sua gente constituerunt ac nominarunt. Eaque prouincia à duobus populis Galatis ac Bracariis, Gallatia Bracaria dicta est, sicuti Celtiberiæ quoque ac Celtogallatiæ accidisse diximus, ab Iberorum ac Galatarum gente Celtis commixta. Numantia quoque à Carthaginensibus condita est, seu à Numidis, qui vicini sunt Carthagini, quibus imperauit Masinissa Rex Numidarum, qui pro Carthaginensibus bellauit in Hispania: de qua Africa prouincia late mentionem facit Crispus Salustius in historia Iugurthina. Vnde Numancia à Numidia Libyæ dicta est, quæ semper fuit infesta Romanis, de cuius situ & euersione suo loco dicitur. Legio autem ciuitas, licet multi asserant eam ad Romanos pertinere, veraci tamen historia 50
 ad Pœnos pertinet. Fuit autem eadem ciuitas à primis institutoribus cognominata Eleona, dicta à prouincia Eleona Libyæ propinqua, Syriæ, & Æthiopiæ, in qua maxima leonum copia inuenitur, adeo vt præ multitudine pecudum greges videantur: à quibus vt caueant homines regionis, leones sibi domesticos nutriunt ad tutelam. Est enim leo domabile animal, & aptum suum benefactorem tutari. De cuius regionis situ, leonumque multitudine ac ferocitate disserit Diodorus libro tertio. Hæc autem gens ab Eleona Libyca Legionem urbem, quam à sua gente Eleonam vocauit, construxit magna domesticorum leonum multitudine pro suæ regionis more adducta. Qua ex re leonis illi vrbi ac regno figura pro armis & insigni-

& insignibus est vsque in hodiernum. Quomodo autem Legio dicta sit, cum insignia nomini non conueniant, à multis refertur: inter quos est Isidorus iunior. Ait enim quod Traiani Imperatoris temporibus qui Hispanus fuit, diuersæ vrbes in vltiori Hispania rebellarunt, & ab Imperio defecerunt, ad quas recuperandas quum Traianus quatuor in Hispaniam militum legiones misisset, vna legio quæ Gerionarum fuit, in Eleona vrbe diu confedit, vnde ab hac legione vrbs nomen mutauit, & legio dicta est. Sic enim eam nominat Claudius Ptolemæus, qui paulo post Traiani tempora orbem descripsit temporibus diui Antonini. Hinc etiam est controuersia, quod arma Leonis nomini vrbs ac regno non quadrent, quoniam veri ac vetustioris nominis insignia sunt. Rubricata autem vrbs

10 apud Rubricatum amnem sita ad oram Mediterraneam non longe à Barchinone Libycam habet originem. Habet enim vrbs & amnis aliud flumen eiusdem nominis Rubricatum ex opposito in Africa, pro vt videri potest ex descriptione Claudii Ptolemæi libro secundo, cuius regionis incolæ translati Carthaginensium tempore, flumini & vrbi dederunt nomen, vt de Iberis supra diximus. Asturica insuper vrbs & prouincia Libycam habent originem. Asturi enim secundum Claudium Ptolemæum Libyci sunt, incoluntque eam Libya partem, quæ à Carthagine respicit Orientem Ægyptumque ad oram magni fluminis, quod Symphus dicitur, quod ab altissimis Arabia montibus per ipsos Astures aliasque Libycas gentes defluit in Mediterraneum secundum Claudium Ptolemæum. Hæc gens cum Carthaginensibus in Hispaniam peregrinata urbem condidit, eamque

20 cum prouincia à suo nomine denominauit, diciturque Asturica vrbs, & Asturica prouincia. quas mundant duo flumina Asturga & Pisurga, quæ fluunt in amnem Doriam, & suis terminis claudunt prouinciam, quam (vt diximus) Pœni primo incoluerunt, deinde Asturi, postquam primo & secundo bello Punico eis adhæserunt. Pœnis vero ab Hispania fugatis Romani urbem Romanis impleuerunt, eamque augentes ac dilatantes Romanorum coloniam effecerunt, quam postea Augustus Cæsaraugustam cognominauit. Abinde enim secundum Claudium Ptolemæum Asturica Augusta dicta est. Hæc enim vrbs ad Galatas, Gallaciamque pertinet, quæ perstitit vsque ad Gotthorum tempora, quibus exactis ab Arabibus vrbs deleta est. Postea vero conualescentibus Christianis, & præfata regionem occupantibus post Pelagium & Petrum Cantabriæ Ducem primi Asturicarum Reges appellati sunt, in eaque regione Ouetum urbem prouinciæ metropolim erexerunt, urbemque regiam efficientes, in ea Reges diutius morati sunt, & ab Emerita vrbe in Ouetensem ecclesiam cathedralem sedem transtulerunt: postea vero de Oueto translata est in Compostellam. Biscaia quoque partim Libycam, partim Græcam habet originem, & licet antiquorum eorum origo Græca sit, habens Amphilochos ac Mygdones qui Græci sunt, iis tamen admixti sunt Bastuli, à quibus Biscaia prouinciæ nomen est inditum à Maurorum temporibus. Bastuli enim sunt ii qui quondam prouinciam Bæticam incolebant, quæ hodie Granatæ regnum continet, & à Mauris & Arabibus possidetur, & à prouincia Bætica Bastuli dicti sunt secundum Claudium Ptolemæum, qui ex

30 vicinitate regionis Libycam habent originem, quum alteram Europæ oram Mediterraneo Africa & Libya obiectam obtinerent, ex qua vicinitate iam secundo Libycis in Hispaniam aditum præbuerunt. Primo enim quum Carthaginenses Hispaniam occupauerunt, secundo quum & Mauris præbuerunt aditum aduersus Gothicam gentem. Hoc enim secundo transitu Afrorum, Bastulorum gente pulsa, à Mauris finibus suis passim propulsi in montes Galleciæ confugerunt, ibique domicilia statuentes nomen gentis retinuerunt, vt Bastulia ab eo tempore dicta sit, atque etiam appellata, qui admixti sunt Galatis, Græcis, Asturiis, Britannisque, quorum vicinam Océano oram incoluerunt. Hi proprium idioma Barbaricum à Latino non admodum distans effecerunt, quod vsque ad nostra tempora retinent. His in montibus in Hispaniam passim grassante Maurorum vastatione Christi nomen seruatum est, quoad vsque Dominus suscitauit Pelagium in

40 pulo suo Hispano belli fulmen, alterumque Gedeonem, qui primus prostratis Christianis spem victoriæ aduersus Mahumetenses exhibuit: ita vt eo præstante victoriam,

Christi nomen per Hispanias ampliatum sit vsque in fines dictæ regionis Bæticiæ, quam vsque ad nostra tempora iidem

50 Mauri obtinent.

I O A N N I S E P I S C O P I G E -
R V N D E N S I S P A R A L I P O M E N O N
L I B E R Q V A R T V S .

De iis quæ gesta sunt in Hispania durante primo bello Punico.



EX P E D I T I iam à Carthaginensibus, gestisque per eos in Hispania, nunc gesta Romanorum describamus, qui Pœnis superatis Hispaniæ 10 imperium diu tenuerunt. Consulatum agente Appio Claudio, qui primus contra Carthaginenses arma sumpsit, anno ab vrbe condita quadringentesimo septuagesimo septimo secundum Eutropium, & septuagesimo octauo secundum Titum Liuium in principio quartæ Decadis, agebatur de bello contra Carthaginenses ineundo, mortuo iam Alexandro Macedone, qui obierat per annos ante sexaginta duos, anno ab vrbe condita quadringentesimo sexto decimo. Causas autem huius belli pernecessarium est exquirere. Occupauerunt Romani ante actum tempus ad subiiciendam Tusciam agrum Picenum, Campanum, cæterasque Italiæ partes, quæ ad Orientem Septentrionemque respiciunt, nec vsque ad ea tempora extra Italiam arma assumpserunt. Interea Carthagi- 20 nenses iam potentes facti, Africam omnemque Hispaniam possidebant, cœperantque Messanam potentissimam vetustissimamque Siciliæ urbem infestare obsidereque. Messanenses (qui & Mamertini appellantur) maximam Carthaginensium potentiam formidantes, auxilia à Romanis petere decreuerunt. Legatos igitur Romam mittunt, decernentes potius parere Romanis quam Pœnorum imperium sustinere. Facta Mamertinorum expositione legationis, in Senatu res anxie tractabatur. periculum captæ Messanæ Romano Senatui obiiciebant, ex aduerso metuebant Carthaginensium potentiam (eis enim parebat omnis Africa, plurimæque insulæ, Hispania insuper, quæ Romanis admodum formidabilis videbatur) timebatur nauale prælium quod à Romanis eatenus incognitū fuerat. Sic æquali lance negotium in Senatu gerebatur. Interim Mamertini causam 30 ad plebem deferunt, exponunt periculum vrbis. A plebe causa suscipitur, & instante plebe bellum aduersus Carthaginenses decernitur. Et Appius Claudius Consul creatur, & constituitur Imperator, qui confecta classe apud Neapolitana littora exercitum traiecit in Siciliam. Interim Hiero Syracusanorum Rex audiens Romanos bellum aduersus Pœnos suscepisse, inito fœdere cum Carthaginensibus Hiero terrestri robore Messanam, Carthaginenses vero nauali classe obsidere acrius decreuerunt. Igitur quum Appius exercitum in Siciliam traiecisset, cum Hierone prælium communiter cœpit, vbi tamen cum aliquandiu dubie pugnatum esset, tandem Hiero ab Appio deuictus est. Cœpit interim Appius agros vsque Syracusanos deuastare, Messanamque rediit. Erat Pœnorum naualis Dux Hasdrubal, qui commisso prælio cum Appio, cessit Hasdrubal. Quum diu- 40 tius terra marique, tam in Sicilia, quam in Africa Hispaniaq; pugnatum esset, Appio Claudio, Quinto Flauio, Marco Attilio Regulo, Catuloque consulibus per annos viginti quatuor, quum Carthaginenses incommodo graui acinopia laborarent, pacem à Catulo poposcerunt, qui nec pacem repulit, sed pluribus adiectis conditionibus pacem ad Senatum remisit, qui quidem Senatus missis in Siciliam decem legatis, adiectis nonnullis etiam aliis legibus, pacem Carthaginensibus concesserunt, quæ per annos triginta septem perstitit. Durauit autem primum Punicum bellum & pax sequuta vsque ad secundum Punicum bellum per annos quadraginta duo, quatuor scilicet ac viginti sub bello, reliquos vero sub pace. Et quoniam in Marci Attilii Reguli incidimus mentionem, cuius extat maxima laus de fide seruata, ipsius obitum interferemus. Marcus igitur Regulus quum in ipso primo Punico bello Consul & Imperator factus, obsessa Carthagine rupto exercitu captus esset à Carthaginensibus, Romam remissus est pro commutandis captiuis, iuramento præstito, vt confecto vel infecto negotio rediret Carthaginem. Quumque idem Regulus Romam venisset, confedissetque in Senatu, legationemq; de commutandis captiuis exposuisset, ac à Senatu sibi remissum esset, in quam ipse sententiam declinaret, censuit captiuos non commutandos. Quum à cognatis maxime vrgeretur, ne rediret in Carthaginem, postpositis mortis periculis iusiurandum anteposuit omni morti. Qui quum applicuisset Carthaginem, innotuissetq; eius sententia Carthaginensium Senatui, diuersis cruciatibus exulceratu est atque extinctus.

De diui-

De diuisione Hispania in pace primi Punici belli, & morte Amilcaris.

INTEREA composita pace in Sicilia Pœni exercitum curarunt in Carthaginem traducere, qui quum datis pluribus interuallis copias traduxissent, quia militibus gradis pecunia debebatur propter exhaustum Carthaginis ærarium, Carthaginensium exercitus ad oppidum Tunes deductus est, quod milliariis distat vndecim a Carthagine. Milites urbem Carthaginem infestare cœperunt, & diu Carthaginenses cum proprio exercitu de vita & sanguine certauerunt. Romani vero retractis copiis à Sicilia, neque eas otiosas voluerunt cœperunt enim Macedonicum & Gallicum bellum agere. Interim turbatis rebus in Africa, bellum adhuc in Hispaniis agebatur per Amilcarem Hannibalis patrem aduersus Romanos. Post inchoatum igitur in Sicilia bellum, plurimæ Hispaniæ vrbes & populi qui Carthaginensibus obtemperabant, defecerunt ad Romanos. missis itaq; à Romanis auxiliis ad eos iuuandos contra Amilcarem qui eos bello impetebat, interim moritur Amilcar: quo mortuo Hasdrubal ipsius Amilcaris gener Carthaginensium ducatum administrabat. Nec prætereundum est quod refert Titus Liuius libro vigesimo primo tertie Decadis, quod Hânibal quum esset annorum noue, patre Amilcare sacrificante apud Carthaginem, quum copias in Hispaniam traducturus esset, ad aras iurauit se Romanorum inimicum, atque quandiu ætas perstaret, arma contra Romanos sumere. Amilcare mortuo, qui dum fortunam sequeretur, incautus in insidias deductus occisus est, pax in Hispania firmata est, anno ab vrbe condita quingentesimo decimo septimo, quo tempore Onias sacerdotium Hierosolymis administravit: de quo in secundo Maccabæorum libro habetur historia. Cuius pacis condiciones fuere, vt ea pars quæ citrà Iberum fluiuium est, & Pyrenæum respicit, Romanis cederet: alia vero pars quæ vltra est, & in Herculeum fretum contendit, Carthaginensibus deberetur. Saguntum vero nobilissima Hispaniæ vrbs (quæ hodie Muriæterus appellatur) quum vltra Iberum esset, & ad Pœnorum partem cõsisteret, post longa certamina libertate donata est, quum facile diuidi non posset, nec propter eius magnitudinem splendoremq; in portionem distribui. Hac itaq; conditione adiectioeq; pax inter Romanos Carthaginensesq; iterum in Hispania confirmata est (vt refert Titus Liuius) agentibus pro Romanis Luctatio Consule, & pro Carthaginensibus Hasdrubale Amilcaris genero, anno ab vrbe condita quingentesimo decimo septimo. Hoc itaq; pactum paci adiectum esse dicitur, vt media inter partes libera maneret ciuitas, vt placet Tito Liuiio & Lucio Floro. Mortem autem Amilcaris Iustinus libro vltimo agens de rebus in Hispania gestis describit per hæc verba: Postea quoq; hortantibus primæ expeditionis auspiciis, Amilcarem Imperatorem cum magna manu ad occupandam provinciam misere, qui magnis rebus gestis dum fortunam inconsultius sequitur, in insidias deductus occiditur. in cuius locum gener ipsius Hasdrubal mittitur, qui & ipse à seruo cuiusdam Hispani vlciscente domini iniustam necem interfectus est. Post obitum autem Amilcaris remansit in Hispania Pœnorum Imperator Hasdrubal, qui primus omnium nouam instruxit Carthaginem in Hispania.

De violato fœdere Pacis, & obsidione Saguntæ.

PACE itaq; firmata post annos quindecim quibus prima pax inter Romanos Carthaginensesque in Sicilia composita est, auctoribus Luctatio Consule ac imperatore Romano, & Carthaginensium duce Hasdrubale Amilcaris genero, durauitq; per annos tres & viginti, vel (vt placet Tito Liuiio & Lucio Floro) per annos decem & octo, postquam in Hispania confecta firmataq; est: interim magnæ hinc inde struuntur vrbes. Agebantur interea pace composita in magnæ Carthaginis vrbe ciuiles contentiones in Senatu. Senatus hinc inde diuisus videbatur, quidam Amilcari cui cognomen Barca erat, eiusq; genti ac soboli, qui magni in vrbe principes habebantur, fauebant, & ex cuius nomine Barcina factio appellata est: quidam vero Hannoni alteri vrbis principi. Interim ciuilibus altercationibus sic se agentibus adoleuit Hannibal. Quumq; in virum euasisset, agitur in Senatu, vt Hannibal Amilcaris filius concessis copiis in Hispaniam militaturus accedat, partes Hannonis contradicere constantur: tamen obtinet Hannibal, vt sub Hasdrubale cognato militet. Quumq; concessis copiis in Hispaniam transfretasset, triennio sub Hasdrubale cognato imperatore militauit. Interim moritur Hasdrubal, & Hannibal Amilcaris filius Imperator creatur. Quumq; ætati adolescentisq; ardori successisset imperium, Hânibal in Romanos insultare parat, Væcæosq; aggreditur (quæ ea gens est, qua ad Astu-

ricas Burgiumq; contenditur) in quibus Romani vrbes ex pacis conditione tenebant. Inde Carpetanos pariter insultauit. Carpetana enim ea gens (vt diximus) & prouincia est, quæ Cæsaraugustam, Oscam, Tirassonam, Caucham, Calagurimq; continet. His igitur prouinciis debellatis, quum cætera omnia quæ ultra Iberum erant, Carthaginensium imperio subegisset, Saguntum obsidere cœpit. Quo intellecto Saguntini legatos mittunt in urbem petentes auxilia dari, amicitiam & fœdus Romani populi allegantes. res huiusmodi diu dubie agitur. in Senatu quidam auxilia dari dicebant: illis obstitabat otium, ciuitas inconsulta, res diuersa, hinc inde prælia, Macedonicum videlicet & Gallicum, agitata. Vicerunt qui dixerunt legatos destinandos ad Hannibalem Carthaginemq;, requirendosque fore, vt pacem & fœdera obseruarent, Saguntum in pace dimitterent, ac illata damna repararent. Mittuntur ad hoc legati Publius Valerius Flaccus & Quintus Fabius Pamphilus. Hannibal vero acriter Saguntum diuersis ingeniis expugnabat. Centum & quinquaginta hominum millia Hannibali parebant in ea obsidione. Quumque suprascripti Romanorum legati iam Sagunti littora nauibus seu triremibus attigissent, ab Hannibale recepti non sunt: à quo responsum habuerunt, non opus esse verbis legationibusque homini in tanta rerum turbatione agenti. His itaque auditis legati Romani Carthaginem contendunt. Exponitur legatio Romanorum in Senatu Carthaginensium. Hanno & ii qui partibus Hannibalis aduersabantur, Romanorum partes suscipiunt. Hanno quum in deliberationem Senatus res veniret, orationem habet ad Senatum, dicens se hæc omnia urbis incommoda prædixisse, quum de Hannibale cum copiis in Hispaniam transmittendis disceptaretur. Hannibal vero suæ factionis viros per litteras sollicitat, ne legati Romanorum aliquid à Senatu obtineant. Interea octauo mense, quo Sagunti ciuitas ab Hannibale obsessa est, capitur: fit magna in vrbe cædes, & hominum interitus, urbisq; magna vastatio. De situ autem huius urbis alii ignorantia rerum antiquarum dixerunt esse Segontiam, alii Medinam cæli, quos utrosque plurimum à veritate distare certum est, quoniam Claudius Ptolemæus libro secundo suæ Cosmographiæ eam propinquam Valentia dicit. Titus vero Lilius secunda Decade in principio refert illam vno vel duobus miliaribus à mari distare, quod nemini ex ipsis urbibus pertinere posset. cõcordat etiam eorum assertio cum Romanis annalibus, quoniam in pace primi Punici belli fines Romanorum Carthaginensiumque Iberi amnis erat, atque quum Sagunti vrbs vicina esset Ibero, & propter illius opulentiam in maximam concertationem venissent, nec de ea valerēt faciliter concordari, libertati relicta est. Ex quo satis patet fuisse vicinam Ibero, quod neque Segontia, neque Medina cæli patet aliquatenus conuenire. De situ vero Sagunti Strabo libro tertio meminit per hæc verba: Hispaniæ adiacent insulæ, duæ quidem Pityusæ, duæ vero Gymnasiæ, quæ Baleares appellantur, quibus ante Tarraconis & Suctronis oram maritimam esse situs contingit. super has conditum est Saguntum.

I O A N N I S E P I S C O P I G E R V N - 40 D E N S I S P A R A L I P O M E N O N

L I B E R Q V I N T V S.

De secundo bello Punico, & exercitu Romanorum aduersus Hannibalem.



CAPTA igitur Sagunto vrbe, legati Romani Romam redeunt, exponentes omnia hostilia fore. Magnus & terror, & ira fit vrbi. Populus Sagunto compatitur, quod perierit vrbs amica populi Romani, nec iuuare potuerunt. dolet populus non præstitisse auxilia. interim metus fit vndique, populo formidatur callidi adolescentis Hannibalis ferocitas animusque, exercitatus animus Macedonum Gallorumq;, quibus bellum intulerāt, & non quidem bellum, sed turbationem, quum bellum cum solis Pœnis gessissent. Inter hæc decernitur bellum aduersus Carthaginem. Creantur Consules ad id bellum gerendum, imperatoresque constituuntur Publius Cornelius Scipio & T. Sempronius, ex ærario pecunia ministratur ad parandum exercitum, componitur classis, viri equestris & pedestris generis conducuntur, qui apti ad bellum haberi potuerunt. Interea Hannibal considerans quod ipse causa huius belli fuerat, non decretum Carthaginensium Senatus, quum milites in nouam Carthaginem reduxisset parti-

his spoliis, militibusque ex victoria iucundatis, munitis Hispaniæ urbibus, in Italiã venire parat. Hispaniæ igitur præfecit Hasdrubalẽ fratrem suum. Igitur Hannibal occupata reliqua Hispania Pyrenæũ transire satagit. De cuius vero itinere auctores dissentiunt, quoniam dixerunt aliqui Hannibalem superatis Ilergetibus, qui Nauarrenses hodie dicuntur, suntque coniuncti Pyrenæo, per Rucissum vallem transisse in Vasconiam. Titus vero Liuius (cui magis standum est) refert Hannibalem per Emporitani agrũ transiisse Pyrenæum. dicit enim in secunda Decade, transacto Pyrenæo Hannibalem ad oppidũ Illiberim secus Ruscinonem concessisse, & quinto mense à captã Sagunto Italiã aggressus est. Interim audito aduentu Hannibalis Romani ad Gallos legatos mittunt ad reconciliãdos eorum animos, utque Hannibali transitum prohiberent. Aspernũtur à Gallis legati Romanorũ asserentibus, Romanos de Gallis non bene meritos esse, neque Carthaginenses male meritos, ut transitum prohiberent. Hannibal ergo superato Pyrenæo Vasconiã Auxiumque quæ ad dorsum Pyrenæi situm habent, occupat, inde ad Alpes per medias Gallias peruenit, quæ Alpes Galliam ab Italia seiungunt. Quumque igne acetoque rupiũ aspera itineri obstantia fregisset, in Italiã traiecit exercitum. Titus vero Sempronius in Siciliã properat cũ exercitu nauali, & Publius Scipio alter Consul obuĩã Hannibali cũ exercitu terrestri mittitur. Qui cum audisset Hannibalem iam Alpes superasse, is apud Ticinũ amnem Italiæ confedit. qui cum furore valido amnẽ Ticinum pertransisset, occurrit ei Publius Scipio Consul ex insperato. grauis pugna cõmittitur, & satis æqua lance pugnatum est. Publius vero Consul multa dubitã intra Padum apud Placentiã se recepit. Hannibal vero mox sequutus Consulem Emporiũ oppidum vicinum Placentiæ inexpugnatum deleuit, cuius habitatores & qui euadere potuerunt, ad maritima Liguriæ fugientes ab altero Consule qui in Hispaniam cum exercitu mittebatur, recepti sunt. Interim Gneus Scipio Publii Scipionis frater in Hispaniam mittitur nauali exercitu præparato, qui primum in Emporiam urbem nostræ diocesis exercitum duxit.

Gnei Scipionis aduentus in Hispaniam, Emporiumque urbem.

IGITUR quum Gneus Scipio Emporiũ venisset, fama ingens per Hispaniam volat, Consulem Scipionem aduenisse. Erat enim ea ciuitas non longe à Pyrenæo monte. Dimisso itaque exercitu apud Emporium discurrit partim pro renouando, partim pro instruendo exercitu. Magnus clementiæ Scipionis rumor non solum per maritima, sed etiam per plana & montana spargitur. fit inter eos non solum pax, sed fœderatio. multi ex prouincia in Romanorum auxilia ascribuntur. Erant apud eam regionem duces duo Carthaginensium, Hanno scilicet & Hasdrubal, quos magna militum manu Hannibal ab Hispania recedens in prouinciæ præsidium reliquerat. Hanno itaque alter ex ducibus apud Tarraconã agens, de Consulibus aduentu factus certior, castra mouit aduersus Romanorum Consulem. Gneus vero Consul animaduertens necessario cum Hannone sibi dimicandum esse, & etiam Hasdrubalem properare ut trans Iberũ cum Consule certamen iniret, potius cũ altero certandum decreuit. Quumque Hanno prope Romanũ exercitum castra mouisset, inde instructa acie in prælium venit. Graue hinc inde prælium committitur. Contigit autem hoc certamen (ut ex veterum scripturis colligitur) apud urbem quæ quondam vetus Carthago dicebatur, vbi nunc Pœnetensium prouincia dicitur, ad eum locum vbi nunc Villa franca Pœnetensium sita est, vbi secundum Claudiũ Ptolëmæum vetus erat Hispaniæ Carthago, sicuti supra differuimus. Igitur commisso prælio inter vtrãque copias, vicit Consul, & captus est Hanno dux exercitus, sex millia Carthaginensium cæsa sunt, duo millia capta cum castrorum præsidio. Deinde expugnatur vrbs, quæ facile victa, caelo & capto præsidio in vindictam Sagunti, & iniuriam nominis Carthaginis demolita est. cuius incolæ per prouinciam dispersi, promissa immunitate volentibus eam inhabitare, Villam francam iisdem in mœnibus construxerunt (ut superius diximus) & sic postea semper usque adhuc tempora nominata est cognomine adiecto Pœnetensium, quia primo Pœni, id est Carthaginenses, in ea habitassent. Igitur capto Pœnorum duce, superataque vrbe, Romani milites multa supellectile ditati sunt, quoniam omnis Pœnorum supellex, eorumque præcipue qui cum Hannibale ex Hispania recesserunt, ne onusti incederent, in ea vrbe dimissa à Romanis militibus intercepta est. Hasdrubal vero nouorum hostium aduentum præsentens, cum mille equitibus ac octo millibus peditum, transacto flumine Ibero, in occursum consulis properat, sed audito castrorum suæ gentis anfractu, non ultra ire ausus est. Sed Tarraconam versus, vbi Scipio classẽ habebat, quum Romanorum milites per agros baccharẽtur, multos ex Romano exercitu interfecit, & reliquã partẽ exercitus ad naues fugere compulit. His sic actis consul Scipio præsidio Tarraconæ dimisso,

classē Emporium redire iussit. Hasdrubal vero consulem timens in vltiorem Iberi partem ad mare se recepit,

De Tarracona vrbe, & aliis vrbibus à Romanis in Hispania conditis.

ET quoniam in Tarraconæ incidimus mentionem, à quibus Tarraco originem habuerit videndum est. Strabo enim declarans in tertio libro conditores vrbiū Hispaniæ, adiecit: Tarraconam Scipiones construxerunt, ideo caput est Tarraconēsis provinciæ. Idem pene dicit Plinius de Naturali historia libro tertio: Tarraco Scipionum opus, sicut Carthago Pœnorum. quod tamen non existimo verum, quoad illius fundationem, sed quoad illius instaurationem vel ampliationem, vt sæpius ex antiquis scriptoribus factitatum constat. Refert enim Varro Cecropes construxisse Athenas, sed veraci historia Athis Rex primus illam construxit, à quo Athenæ nomen vrbi est, & Atticæ provinciæ, vt meminit Iustinus in suo Epitome. Et ideo puto eiusdem vrbis primam constructionem ad Græcos & Herculem pertinere, sequentibus rationibus. I rima est, quoniam nequaquam verisimile est, vt Scipiones, si illam ab initio fundasse. Græcum illi nomen imponerent, quum essent Latini. quod euidenter ostendit Isidorus, existimans illam ad ipsos Scipiones pertinere: propterea Tarraconam nominat, facitque eam primæ declinationis in 15. etymologiarum lib. Sed antiqui omnes non quasi Latinam habens originem Tarraconam dicunt, sed Tarraconem, quasi plane Græcum sit, tertiæ declinationis faciunt, inter quos est Claudius Ptolemæus Ægyptius libro secundo suæ Cosmographiæ, & Plinius de Naturali historia libro tertio, & pene omnes antiquiores. Secunda ratio est. quoniam constat ex Romanis annalibus Gneum Scipionem, qui primus cum Romano exercitu ex omnibus Scipionibus intrauit Hispaniam, in primo suo aduentu comperisse Hannonem Pœnorum ducem confidere apud Tarraconam: ipsoque Hannone deuicto statim paruit Scipioni. ex quo clare constat antiquiorem illi esse originem à Græcis profectam. & quanquam authentice non legerim, tamen vaticinari licet eius exordium ad Herculem Græcosque pertinere. quod sequenti ratione firmatur, quoniam quum idem Hercules diuersis populis quos ex Tyriis, & Phœnicibus, cæterisque regionibus secum adduxerat, concesserit sedes, vrbesque construxerit, atque ex nomine gentis eas appellauerit, non videtur à vero distare, quod Aconitis quos secum adduxerat, Tarraconenses agros concesserit, & terram Acon appellauerit. Acon enim vrbs est in Phœnicia non longe distans à Tyro & Sidone. Cuius Tyri & Sidonis incolæ cū Hercule militantes Gades instruxerūt, vt refert Iustinus. Sic enim ab ipsis Aconitis terra Acon appellata dici potest. Eam tamen præfati Scipiones, Gneus & Publius Cornelius fratres auxerūt ac dilatarunt, validissimoque muro cinxerunt, & metropolim totius citerioris Hispaniæ effecerunt. Ex quo non est dubiū, quod potuit dici Scipionū opus, sicut Carthago Pœnorū. Ad Romanos igitur pertinet Corduba Bætica, quæ à Marco Marcello condita est, vt placet Straboni libro tertio. Item & Emerita à Iulio Cæsare condita ex veteranis militibus, quos emeritos appellabat, & ab ipsis emeritis, Emeritam appellauit. Itidem & Hispalis, quoniam licet illius prima constructio ad Herculem pertineat, illius tamen instaurationis & amplificatio ad Caium Iulium Cæsarem pertinet, ipseque Iuliam Romuleam appellauit, illiusque denominationem vulgari idiomate vsque in hodiernum retinet, vt ab ipso Iulio Cæsare Ciuita, id est ciuitas Iulia, appelletur. Inde etiam Pampilona, quæ à Pompeio condita est, dum non longe ab ea pugnasset cum Sertorio, & dicta fuit Pompeiopolis, scilicet ciuitas Pompeii, vt voluit Strabo libro 3. de situ orbis. Brutus insuper cognominatus est Gallecus: qui quum obtenta Gallecia diutius cum Lusitanis pugnasset, illosque vicisset, Toletum urbem ex naturali loci munitissimam in præsidium Lusitanorum construxit. Quæ quum ab initio parua fuisset vrbs, Gotthorum tempore tanta effecta est, vt in metropolim creata sit suppressa metropoli Carthaginensi, sub qua erat, vt ex libro Conciliorum constat. Ad Romanos etiam pertinet Cæsaraugusta, Salduba per antea dicta (vt Plinio placet) ab Augusto Cæsare condita. Pertinet insuper ad Romanos Villa Franca Pœnorum, Sardoniumque oppidum, & Iulium in Ceretanis, quæ omnia non à Romanis prius fundata, sed vel ampliata, vel instauratione fuisse constat.

De gente Nauarrorum, & vrbe Athanagia, quæ hodie Pampilona dicitur.

SCIPPIO vero capta Tarracona, ibique dimisso præsidio, classe Emporiū remissa Iuligeretum gentem opprimere decreuit. Interim profectus Athanagiam urbem, quæ hodie Pampilonam dicunt, obsidet, quæ caput illius gentis habebatur (dicta est autem Pampilona à Pompeio, vt supra diximus) positaque obsidione, & infesto exercitu

Brutus Gallecus Toleti conditor, et putatur: quæ vrbs Metropolis facta sit, deleta Carthagine. cui parebat antea, et patet ex libro Conciliorum.

exercitu post dies paucos obsidibus imperatis Ilergetes etiā pecunia multatos in ius ditio-
 nemque recepit. Inde in Aufetanos procedens, Tutelam urbem ad oras Iberi perueniens
 obsedit. Quumque Lacetani (qui & Cæsaraugustani) vicinis ferrent auxilia, nocte nō
 longe ab vrbe, quum intrare vellent, excepit eos insidiis. eorū cæsa sunt duodecim mil-
 lia, reliquos vero pene omnes exutos per agros diffugere compulit. Vrbi tunc maximo
 adiutorio erat nix iniqua infestaque oppugnātibz: quæ, quum hyems esset, per xxx.
 dies quibus durauit obsidio, pedes alta quatuor extitit. Deinde quum Amūsitus Prin-
 ceptis eorum ad Hasdrubalem confugisset, oblati de vrbe x x. talentis argenti, obsides
 10 Tarraconam deducuntur. Hæc in hyeme gesta sunt anno ab vrbe condita quingente-
 simo vicesimo octauo. Sequenti vero ætate dum Hasdrubal duro bello Romanos in
 Italia quateret, in Hispania terra marique pugnatum est. Hasdrubal x x x. habebat na-
 ues siue triremes sibi ab Hannibale dimissas. His autem x x x. decem adiunxit, quas x l.
 Amilconi commisit, atque cum illis Carthaginem profectus exercitum ad maris littora
 ducebat, paratus pugnare terra marique, ad quamcūque partem hostis occurrisset. Gne-
 us Scipio primum terra hostem aggredi statuerat, sed tamen intellecto cum nouis hosti-
 bus consultius esse, mari pugnandum statuit, parataque classe quinque & triginta trire-
 mium hostē sequi parat, qui delectis militibus ex omnibus copiis suis triremē cōscendit.
 Primaq; statione deno milliario ab ostio Iberi fluminis classem duxit, auditoque classem
 hostiū ad Iberi ostia stare, duæ Massiliensium speculatoriæ triremes à Cōsule missæ sunt,
 20 quæ retulerūt Carthaginensium classem ad fluminis Iberi ostia esse, castraq; in ripa posita.
 Vnde visum est, vt incautos improvidosque magno clamore, simul & terrore aggredere-
 tur, atque sublatis ancoris ad hostem vadit. Multas eā Hispaniæ pars altās turres habet,
 quibus & speculas & propugnacula aduersus latrones, maximeque piratas, habent. Ex
 quibus primum conspectis Romanorum nauibus signum dederunt Hasdrubali, ortusq;
 30 tamultus maximus est prius in terra quam in mari, nondum vllō pulsū remorum, aut a-
 lio nautico strepitu audito, quum nihil minus eo die quam prælium expectarent. Cō-
 scenderunt igitur quam raptissime naues, atque arma capere iussit Hasdrubal. castroū
 milites potius fugæ locum dabant, quam in prælium properabant. Carthaginensium ad-
 eo omnia præpropere gerebantur, & perturbatione nautica prohibebantur, vt tentata
 40 sit potius quam inita pugna. Iam fatis in lato pelago Carthaginenses terram contingere
 conati, in littus triremes ire coegerunt, sicque alii vadis, alii sicco littore excepti, partim
 armati, partim inermes ad instructam per littus aciem suorum confugere conabantur.
 Duæ tamen fuere naues Carthaginensium quæ primo congressu captæ sunt, & submer-
 sæ quatuor. Romani vero quanquam terra hostium erat, armatamque aciem paratam
 in littore cernebant, infecuti trepidam classem hostium præter eas triremes quæ prorsis
 in terram collisis, aut carinas vadis fixerant, puppes in altum extraxere. atque ex Punicis
 xxx. nauibus xxv. ceperunt. indeque parta victoria Consul Romanus Carthaginem
 profectus est: atque omnem agrum circumquaque depopulati tecta vrbi muroque con-
 iuncta incenderunt. Inde grandi ac maxima præda ditati, Consul cum classe Vticam
 50 peruenit, quæ vrbs non multum à Carthagine distat, in littore quod ad fretum Hercule-
 um pertinet. Ibi que sublatis iis quæ Hasdrubal ad nautica officia parauerat, cæteris vero
 incensis, deinde in Ebusum insulam (quæ hodie Iuiza dicitur) nauigauit, ibique oppu-
 gnata vrbe quæ caput est insule, quum eam expugnare non valuissent, biduo ibi cōmora-
 ti summo labore speque frustrati, se in agri depopulationem verterunt, direptisq; ac in-
 census pluribus vicis, multaque parta præda quum in naues se recepissent, ex Balearibus
 insulis (quæ hodie Maiorica & Minorica nuncupantur) legati ad Scipionem perueniūt
 pacem petentes. Interim flexa retro classe, multorum populorum, tam citerioris, quā
 vltioris Hispaniæ ad Scipionē legationes missæ sunt, qui vere dominio imperioq; Ro-
 manorum se se dederunt obsidibus datis. Fuerunt autem populi Hispaniæ qui ea statio-
 60 ne ad Romanum venerunt imperium, amplius quam centum & viginti. Cōsul vero Ro-
 mano exercitu satis fidens, exercitum vsque ad Castulonem seu illius saltum perduxit.
 Fuit enim Castulo vrbs amica satis populi Romani, quæ in principio vltioris Hispaniæ,
 seu Castellæ sita erat, in capite Bætis fluminis, à qua Castellæ Rex (vt diximus) nomen &
 arma habet. Interea Hasdrubal exercitum in Lusitaniam duxit, ac propius Oceanum
 cōfedere fecit, sperās reliquū ætatis ibi tranquille trāfigere. Interim (sicut Hispanis mos
 est noua expetere) Mandonius quidam nobilis ex Ilergetum gēte (quæ, vt diximus, ho-
 die Nauarrensis dicitur) quum intellexisset Romanum Consulē à saltu Castulonis ad
 maritimam oram duxisse partem Romanorum sociorum, quæ pacata erat & pacifica,
 eos inuasit. Cōtra quē quū à Scipione missa fuisset tria millia Romani exercitus cū expe-

ditis auxiliis, leui certamine deuictus est Mandonius, ipsoque ac omnibus suis occisis tumultus sedatus est. Huius autem tumultus causa fuit, vt Hasdrubal qui ad Oceanum sedebat, in socios Romanorum castra Punica ad Iberi littora retraheret. Cuius aduētus alio vertit bellum, quoniam Celtiberorum princeps qui Romanis datis obsidibus se dederat, accepto nuncio à Scipione arma capit, qui nouæ Carthaginis prouinciam valido exercitu inuadit, tria oppida expugnat: & cum ipso Hasdrubale bis pugnantes, & quidē egregie, tria millia hominum occiderunt, quatuor millia etiam vi ceperunt cum multis militaribus signis.

Quomodo Publius Scipio Gnei frater Consul & imperator in Hispaniam venit, & fratri coniungitur.

10

S V P R A scriptis rebus sic se agentibus, Publius Scipio iam Consul, imperator constituitur, prorogatoque consulatu in Hispaniam venit missus à Senatu, triginta secū adductis nauibus, & octo millibus militum, magnoque comœatu rerum. Ea enim classis procul visa, à sociis in Hispania militantibus magna cum lætitia ciuium sociorumque recepta est in portu Tarraconæ, ibique in terram expositis militibus profectus Publius Scipio fratri coniungitur, quorum ab inde communi consilio bellum gereretur. Occupatis igitur Carthaginensibus Celtiberico bello, transacto Ibero, ac nullo penitus viso hoste Saguntum pergunt, eo quod ibi traditos custodiæ ab Hannibale omnes Hispaniæ obsides, fama erat, modico in arce præsidio custodiri. Erat autem apud Saguntū Bostar 20 Carthaginensium dux, qui quum intellexisset Scipiones aduersus Saguntum castra mouere, ipse secus Saguntum castra posuit, medius inter Saguntum (quod, vt diximus, Muriuetus hodie appellatur) & littora maris, ne classis Romanorum veniens posset urbem inuadere. Erat & insuper dux quidam Carthaginensium, alias Pœnis fidus, natione Hispanus, Abelox nomine, qui callido potius quam fideli consilio Bostarē aggreditur, dicens se durum arbitrari statum Carthaginensium, nec modicum periculum, si vltorius apud eum sit violenta obsidum detentio, consultiusque putare se Pœnis, si obsides gratia Carthaginensium patribus remitterentur, qui cum viri maiores urbium forent, fortius beneuolentia aduersus Romanos dimicarent. Quumq; hoc satis Bostari placuisset, eum huiusmodi genere ministrum fecit. Præsciuerat enim Abelox, Scipiones Saguntū 30 versus venisse, quibus per quendam transfugam innotuit, se ad maxima quæque acceptissimaque Romanis paratum esse. Qui quum obsides à custodibus accepisset mandato à Bostare dato, vt eos genitoribus atq; propinquis redderet, ipse data notitia Romanis in eorum manus se finxit incidisse. Vnde quod facere Bostar Carthaginensesque de Hispanis obsidibus statuerant, fecere Romani, qui magnam inde populorū Hispaniæ captauerunt beneuolentiam. Redditis enim filiis patribus atque propinquis, Romanorū nomen quod per antea ferum crudeleque credebatur, clemens ac liberale habitum est. Communis itaque omnium ciuitatum defectio secuta à Carthaginensibus fuisset, nisi hyems superuenisset, quæ Romanos Carthaginensesque, ne in castra prodirent, detinisset. Dum hæc igitur à Scipionibus in Hispania agerentur, Hannibal primo à Q. Fa- 40 bio magistro militum victus est. Deinde Hannibal apud Cannas Apuliæ vicum Romanos vsque ad finalem interitum vicit, adeo vt si victoriam secutus fuisset, non dubium est quin Romanos penitus deleuisset. Per ea tempora Ptolemaus Philopater sextus Aegyptiorum Rex, qui annis decem & septem regnavit, annis ab orbe condito quatuor millibus nongentis octoginta decessit.

Quomodo duo Scipiones, alter terra, alter mari prælia ex concordia gesserunt.

I N T E R E A dum hæc sic in Italia agerentur, acriter bellum in Hispania gerebatur. 50 Sed ad eam vsque diem magis prospere pro Romanis Publius Scipio & Gneus frater cōmuni concordia decreuerunt, vt exercitibus partitis Gneus terra, Publius mari bella gererent. Hasdrubal Pœnorum imperator neutri parti terra mariq; satis fidens procul ab hostibus ducebat exercitum. Et quum sæpius ac sæpius à Carthaginensibus auxilia postulasset, tandem quatuor sibi à Carthagine missa sunt equitum millia, & pedites quantum sufficerent. Tūc Hasdrubal refecta spe propius castra mouit, classemq; & ipse instrui parariq; iubet ad insulam maritimamque oram tutandam. Nunquam enim ex illa ora Hasdrubal nautis nauiumq; præfectis fidē habuerat, qua ad Iberi orā turpiter pugnarūt, vel potius classem deseruerūt: illis tamē plurimū increpatis clausē de integro instaurat, & moris aduer-

aduersus hostem Romanū castris Galbū nobilē Tricenorū ducē, qui se in castris valido exercitu detinebat, aggredi statuit. Præmissa igitur leui suorum comitiua, vt illum posset ad prælium concitare, partem etiam ad vehementius excitandum ad agrorū deuastationem laxauit. Tumultus interim oritur, & per agros fuga simul & cædes fit. Quum interea Tricenorum dux ad castra se recepisset magna trepidatione, hostem Pœnū aggredi statuit, nedum se ab eo tueri. Quumque Hasdrubal eorū animos deprehendisset, copias in altum locum retrahere curauit, qui clausus flumine satis fortis erat: nec se etiam tutum confidens, castra vallo muniuit. Iterum quum Hispani sepius Pœnos ad prælium incitassent, pari fortuna ac pauore vtrinque pugnatum est. Quū vero Hispanus vidisset Pœnos non posse ad bellum elicere: Asenam urbem aggressus est, quam vi cepit, agrosque hostium deuastauit. Ea enim ciuitas Asena apud fluuium Iberum sita, hodie Ascho dicitur.

*Literæ Carthaginensium ad Hasdrubalem, vt in Italiam
transeret relicta Hispania.*

His igitur sic se habentibus, à Carthagine ad Hasdrubalē literæ delatæ sunt, vt primo veris tempore exercitum in Italiā traduceret. quæ res vulgata per Hispaniam, omnium Hispanorum animos ad Romanos conuertit. Ita Hasdrubal statim literas Carthaginem mittit, dicens & indicans quanto damno profectiois suæ fama fuisset. His addebat, si à prouincia discederet, Romanorum Hispaniam fore, seq; non habere præsidium, minusque ducē quem præficere prouinciæ posset, atq; duos esse Romanorū imperatores, Scipiones Publium & Gneū, quibus vix æquis viribus resistere posset. Itaq; si vllam Hispaniæ curam haberent, orabat, vt successorem sibi cum valido exercitu mitterent. cui si omnia prospere euenirent, non tamen opus esse eum ociosum morari in prouincia. Hæ literæ quanquam primo aspectu Carthaginensium Senatus animos mouissent, tamē quia eis de Italia potior cura erat, nihil de Hasdrubale & copiis eius mutatum est, Amilco successor Hasdrubali, & imperator missus est in Hispaniam valido cum exercitu, classeque instructa ad retinendam terram, maritimamque oram tutandam. qui cum exercitum classemque in Hispaniam traiecisset, castris communitis, & vallo circumdatis, nauibusque subductis, ipse cum quibusdam delectis militibus festinanter, & quantum accelerare potuit, per dubios infestosque populos ad Hasdrubalem peruenit. Quumque decreta Senatus exposuisset, edoctus ab Hasdrubale, quemadmodum bellum in Hispania gerendum esset, retro in sua castra rediit, arbitratus nihil adeo quam celeritate opus esse, ne hostes eius reditum præsentirent. Hasdrubal igitur prius quam castra moueret, pecuniam omnibus Hispaniæ populis imperat, nō ignorans quemadmodum Hannibal ipsius frater transitum pecunia mercatorum comparasset, nec auxilia Gallica aliter quam conducta habuisse, inopemque tantum iter ingressum vix ad alpes penetraturum fuisse. Pecuniis igitur raptim exactis ad Iberum flumen descendit. Vbi vero decreta Senatus & Hasdrubalis iter Romanis innotuit, omnibus omiſſis rebus ambo duces iunctis copiis ire obuiam Hasdrubali cœperunt, vt ei obſisterēt, rati si Hannibali Hasdrubal in Italia iungeretur cum Hispano exercitu, finē Romano imperio fore. His anxii curis exercitus ad Iberū ducunt, & transacto flumine quum diu consultaſſent, an deliberarent castra castris cōiungere, tandem urbem propinquam flumini, quæ Ibera dicebatur, quam ex illius situ quidam Detursam arbitrātur, obsidere cœperunt. Quod vbi Hasdrubal intellexit, opem ferre vrbi parat, quæ paulo ante in amicitiam Pœnorum venerat. ita cœpta obsidio à Romanis omiſſa est, & in ipsum Hasdrubalē verterunt bellū. Quumq; quinq; milliarium interuallo castra posuissent vtrinq;, singulis diebus commissis hinc inde præliis, tandem vno eodemque die velut ex composito vtrinque signū pugnæ propositū est. Triplex eo die fuit Romana acies, peditū pars ante inter signa locata, pars post signa, equites cornua cinxere. Hasdrubal vero mediam aciem Hispanis firmat: in cornibus, dextero Pœnos locat, læuo Afros. non longe vtraq; acies virib. distabat, tum equitū, tum peditū numero, sed vincendi dispar Pœnis animus. Romani quidem persuadebantur pro patria, pro repub. pro reditu in Italiā pugnare. pro aduersa Pœnorū parte non ita pertinaces animi erant, quasi mallēt in Hispania vinci, quā in Italia vincere. Primo igitur cōcursu cum solū pilacōiecta essēt, retulit pedē media acies, inferentibusq; sese magno impetu Romanis, media Hispanorum acies quæ cum Hasdrubale erat, terga vertit: & tantum in cornibus prælium committitur. hinc Pœnus, hinc Afer vrgent, & ancipiti prælio pugnant. iamque duo prælia esse videbantur, quoniam submotis mediis ad alterutram partium pugnabatur. Iam Romana acies, media Hasdrubalis acie submota, satis virium habebat, ad dimouenda Pœnorum cornua, quum & numero, & viribus potiores hostibus forent. Hasdrubal vero ad vltimum euentum

pugnæ moratus, ex media cæde solum cum paucis aufugit. Romani victo Hasdrubale Pœnorū castra cepere atq; diripere. Ea pugna, si qua dubia in Hispania erant, Romanis adiunxit: Hasdrubaliq; non solum in Italiam traducendi exercitū, sed ne manendi quidē satis tuto loco in Hispania spem reliquerat. Quæ posteaquam literis duorum Scipionum Romæ nunciata sunt, non tam victoria, quam prohibito in Italiam Hasdrubali transitu lætabantur. Post priores igitur literas Publii & Gnei Scipionum, aliæ sunt delatæ literæ eorundem ad Senatum, nunciantes quales quantasque res gessissent in Hispania prospere, sed primum stipendia, vestimenta; & frumentū exercitui, & naualibus sociis deesse. Deinde postquā de publico ærario, & priuata pecunia à populo Romano prouisum fuit, conducta omnia magno animo fuerunt. Factum est hoc anno ab orbe condito quarto mil- 10
 leno nongentesimo octogesimo primo, & ab vrbe condita quingentesimo tricesimo secūdo. Postea vero anno secundo, quum duobus sequentibus annis pene nihil memoria dignum egisset Hasdrubal, cum Magone fratre & Amilcare Bomilcaris filio urbē Illiturgum obsidere cœperunt, quam urbem Medinam cæli hodie vocitari arbitror. Hanc enim obsidionem Hasdrubal, Mago, & Amilco fecerunt propter defectionem, quam à Carthaginensibus fecerant ad Romanos. Quum vero ea vrbs frumento maxime indigeret, duo Scipiones inter tria hostium castra maxima cum angustia commeatū frumenti afferentes ad urbem peruenerunt, cohortatiq; sunt ciues, vt eo animo, quo prius, se defenderent, etiam mœnia tutarentur. In eo autem transitu commeatus magnam suorum stragem, cædem, ac ruinam passi sunt Romani. Quum vero Carthaginenses maxima e- 20
 ruptione in duos Scipiones irruissent, grauis pugna commissa est. Fuerunt enim eo die in Carthaginensium exercitu vltra sexaginta millia hominum: Romanorum vero sexdecim millia tantum. Eoq; die ex Carthaginensibus plures occisi sunt, quam essent Romani numero. Ceperunt & insuper eo die ex Carthaginensibus circiter tria millia equorum, & sexaginta signa militaria, quinque etiam elephantis mortuis. atq; omnibus Carthaginensium castris in direptionem adductis Illiturgum ab obsidione liberatum est. Hanc Illiturgi obsidionem fecerunt Carthaginenses in odium vrbs quæ Castulo dicitur, propinqua Illiturgo, quæ quum olim affectissima Pœnis esset, ab eis tamen defecerat ad Romanos, quorum præsidium à Scipionibus positum in Illiturgo erat. Longe maiora hoc anno in Hispania gesta sunt, quam in Italia. Inde Carthaginenses reparatis statim exercitibus, nouis 30
 denique auxiliis ab Africa traductis Burgiam urbem, quæ Romanis sociata fuerat, Carthaginenses oppugnare cœperunt. Quam obsidionem veniens Gneus Scipio soluit. Ad Mundam exinde urbem castra Punica mota sunt. Est autem Munda vrbs (quam hodie Colymbriam appellamus) in qua denuo Sextus Pompeius cum Agrippa Cæsaris duce pugnavit. Quum vero Romani intellexissent, ad Mundam urbem castra mouisse, statim se eo contulerunt, ibique collatis signis ad bellum ventum est, & per quatuor horas fere pugnatum est. Vincentibus Romanis signum receptui datum est, quod Publius Scipio tragula in femore vulneratus esset. pauor ceperat milites. ne vulnus mortiferū esset. Nisi casus vulneris Scipionis occurrisset, castra Punica eo die capta fuissent. in hocque prælio di- 40
 cuntur occisa ex Carthaginensibus duodecim millia, & capta tria millia. Interim Pœni ad Auringen urbem recesserunt, quos, vt territos, non deseruit sequi Scipio, quoniam læticula aduectus iterum cum Pœnis prælium cepit, atque in hac secunda pugna circiter sex hominum millia fuere cæsa, & mille quingenti capti. His igitur peractis Hasdrubal Magonem fratrem pro reparandis exercitibus ad conquisitionem militum misit: qui quidem breui exercitum repleuit militibus, animosque ad iustaurandum denuo certamen excitauit. Denique conferto prælio, eodem euentu fortunaque pugnarunt. In eo enim plus quam octo millia Carthaginensium cæsa sunt, elephantis octo capti, tres occisi sunt. Rebus igitur Romanorum sic se prospere in Hispania habentibus, verecundia cepit Romanos Saguntum urbem quæ causa belli fuerat, non obsidere, quæ per multos iam annos in hostium potestate fuerat. itaque ad illud exercitus duxerunt, quod modica vi expulso 50
 præsidio obtinuerunt, indeque Turditanos qui Saguntinis parauerant bellum, vendiderunt, illorumque urbem, precio inde recepto. Turditani ea gens Hispaniæ est secundum Claudium Ptolemæum, quæ à flumine Bæti est & vrbe Hispali vsq; ad flumen Anā (quod hodie vulgo dicitur Godiana) ibi enim vrbs erat à nomine prouinciæ dicta, quæ ob istam ipsius vrbs hominum venditionem deleta dicitur, & prouincia manet. Apud eandem enim urbem & prouinciam Hannibal quum primo à Carthaginensibus dux exercitus creatus est, dicitur exercitum instruxisse, vt Saguntum urbem populi Romani amicissimam oppugnaret. Hæc autem gesta sunt anno ab orbe condito quarto milleno nongentesimo octogesimo quarto, & ab vrbe condita quingentesimo tricesimo sexto.

De morte duorum Scipionum in Hispania, Publii videlicet & Gnei.

SEQVENTIBVS igitur duobus post annis, videlicet anno ab orbe condito quarto mil-
 Sleno nongentesimo octogesimo sexto, & ab vrbe condita quingentesimo tricesimo o-
 ctavo, quum in ætatem tenderent transactis hyemalibus turbinibus, ambo Romani im-
 peratores, Publius & Gneus Scipiones duos exercitus coniunxerunt consulte, & decre-
 to consilio, vt Hasdrubalem quem censebant in Italiam transiturum, totis viribus impe-
 dirent. Ad hoc credebatur satis virium, quum ad eorum exercitum & potentias accessis-
 sent viginti millia Celtiberorum, qui transacta hyeme ad arma fuerant concitati. Tres e-
 nim fuerunt Carthaginensium exercitus: duces vero duo Hasdrubales, quorum alter
 10 maximus erat Pœnorum dux in Hispania, Amilcaris filius, & frater Hannibalis, alter vero
 Hasdrubal Gisconis filius, & Mago etiam Amilcaris filius. Hi etiam omnes tres exercitus
 iungere statuerunt. Hasdrubal Gisconis filius ambos exercitus iam simul iunctos habe-
 bat, distabantq; dierum quinque itinere ab Romanis. propior ipsis Romanis erat Has-
 drubal Amilcaris filius, magnus Hispaniæ imperator, qui exercitum ad urbem Astor-
 gum habebat. Eam igitur urbem imperatores Romani maxime obtinere cupiebant,
 & Hasdrubalis Amilcaris filii exercitum delere, rati si illum frangere possent, facile alte-
 rum Hasdrubalem, & Magonem per deuia & saltus fugere compulsuros. Itaque de-
 creuerant copias in duos exercitus diuidere, vt scilicet Publius Scipio duas Romani ex-
 20 ercitus partes assumeret dimicaturus cum Magone & Hasdrubale Gisconis filio. Gneus
 vero Scipio cum reliqua tertia parte adiunctis Celtiberis bellum aduersus Hasdrubalem
 Amilcaris filium assumeret. Sic igitur rebus compositis Gneus cum fratre Publio ad-
 iunctis Celtiberis pariter omnes cum duobus exercitibus aduersus hostes itinere arrepto
 ad Astorgium urbem castra posuerunt ex opposito Hasdrubalis, eos diuidente vrbe,
 quibus castris firmatis Publius ad decretos hostes progressus est cum duabus exercitus
 partibus, Gneo ibi cum Celtiberis remanente. Hasdrubal vero quum conspexisset im-
 minutum exercitum Romanorum ex discessu Publii, solamque vim exercitus Gnei Sci-
 pionis consistere in Celtiberis, quorum duces ex diuturno bello atque consuetudine
 30 linguæ cognitos habebat, quum totum exercitum plenum Hispanis haberet: cum eis pa-
 ciscitur, & occulta colloquia tractare cœpit, vt Celtiberi illorumq; principes ad patriam de-
 cederent, atq; copias inde abducerent magna mercede eis promissa. Illis vero tum illectis
 præmio, tum ob dubium euentum futuri belli, spe etiam remeandi ad propria suosq; visendi,
 nō atrox iniuria videbatur, quod nō vertendi belli opus videbatur, sed abstinendi ad tem-
 pus. Hęc res Celtiberis haud dubia facta est propter Romanorum metum, quum adeo pauci Ro-
 mani essent in exercitu, vt Celtiberis resistere non valerent. Ex quā re hæcenus Romanis
 restat prouerbium, vt nunquam adeo debeant in exteris fidere, quin in suis fiant etiam potio-
 res. Signa itaque mouentibus Celtiberis, mirantibusq; instantibus, rogantibus, ac con-
 tradicentibus Romanis, vt remanerent, nullam aliam causam allegarunt, nisi se domesti-
 co bello reuocari. Quum vero Gneus Scipio vidisset, nec hortatu, nec vi posse Celti-
 40 beros compellere vt remanerent, cum anxietate cogitans quid inde acturus esset, quum
 nec ibi tutus esse posset, nec etiam fratri ob distantiam se coniungere, nullum aliud
 consultius in promptu visum est remedium, quam retro paululum exercitum duce-
 re. Nec minor anxietas terrorque fratrem premebat, periculumque maius ex nouo
 hoste, quoniam interea Masinissa Rex Numidarum eo tempore socius Carthaginen-
 sium factus est, quem postea Romana amicitia fecit clarum. Is quum venisset valido
 Numidarum exercitu, Publius Scipio aduenienti occurrit, qui deinde diebus ac no-
 ctibus Romanis adeo infestus erat, vt non sineret eos longius lignatum pabulatum-
 que ire, quoniam sæpe inuentus inter medias Romanorum stationes omnia ingentitu-
 multu miscebat. Noctibus quoque eorum incursum repentino in portis & vallo Roma-
 50 no trepidatum est, nec vel locus, vel tempus vllum vacuum à metu ac sollicitudine e-
 rat Romanis compulsis intra vallum, adempto omnium rerum vsu, consistere. Quum
 igitur prope esset obsidio, eamque à ratione conciperet, dux cauus ac prouidus Sci-
 pio victus necessitatibus temerarium capit consilium, vt nocte hosti obuiam iret, &
 quocumque loco occurrisset, prælium caperet. relicto igitur modico præsidio in ca-
 stris, præpositoque Tito Fronteio legato, media nocte profectus cum hostibus obuiis
 manus conferuit, agmina magis, quam acies pugnabant: nec tempus noctis, nec ho-
 stium impetus ordinari acies permittebat. Superiores vero ex tumultuaria turba Roma-
 ni erant, sed cum venissent à lateribus equites Numidarum, quos repentino incursum fe-
 fellisse Scipio arbitratur, ù magnum terrorem Romanis intulerunt. Contracto insuper

nouo certamine aduersus irruentes equites Numidas, superuenerunt etiam noui hostes
 duo duces Pœnorum à tergo pugnantes. anceps & dirum committitur prælium. Quum-
 que diutius prælium ad vtrâque partem dubie perdurasset, prouidus & strenuus impe-
 rator hinc inde prouidebat, vbi maxime videret occurrendum esse. interim dum strenue
 ad alteram commissi certaminis partem prælium ageret, latus eius dextrum lancea trans-
 figitur. Quumq; hostes qui in imperatorem Romanum dimicabant, eundem ex quo la-
 bentem prospexissent, alacres ac magno gaudio exultantes cum clamore per totam acie
 nunciauerunt imperatorem Romanum cecidisse. Quæ vox vulgata passim, Carthaginē-
 ses victores, Romanos victos effecit. Fugam igitur Romani amisso imperatore statim ar-
 ripere ceperunt, multoque plures ex Romanis in fuga quam in prælio cæsi sunt, quoniam
 velocitate equorum Barbarorum statim fugientes comprehensi fuerunt. nullusq; eo die
 Romanoꝝ eualisset, nisi nox occurrisset. Quum vero Pœnorum duces victoriam ex
 hostibus conspexissent, eam ociosam esse noluerunt. Statim enim citato gradu exerci-
 tum Hasdrubali Amilcaris filio coniungere decreuerunt, pro indubitato tenentes, si illi
 coniungerentur, alterum Romanum imperatorem Gneum Scipionem deleturos esse.
 Nec eos spes fefellit. Iati enim ex priore victoria in alterum imperatorem Romanum v-
 nitum exercitum ducere parant. Gneus vero quamprimum fratrem occisum intellexit,
 auctumque exercitum hostium, suumque imminutum, & socios territos ex amisso fra-
 tre, nihil consultius esse duxit, quam paululum retrocedere, vt interim ad aliquem tutio-
 rem locum se reciperet, quo deliberare valeret, quid ei agendum esset. Vnde vna nocte
 ignorantibus hostibus exercitum illinc eduxit. Capto igitur aliquantulo itineris ante-
 quam recessus imperatoris Romani ad hostes peruenisset, Hispani statim cognita fuga
 præmissis Numidis quantum poterant citatis agminibus, sequi cœperunt. quos ante no-
 ctem assecutos Numidæ, nunc à tergo, nunc à lateribus incurstantes Romanos consistere
 coegerunt. Gneus vero Scipio imperator prouide suum tutabatur exercitum, nunc agen-
 do, nunc consistendo expectatis pedestribus, vt simul omnes iuncti confligerent. Quum
 vero aliquandiu non multum procederetur, & iam instaret nox, Scipio suos è prælio re-
 uocat, & in vnum tumulum collegit, qui locus non satis tutus erat timore concusso exer-
 citu, sed tamen tutior quam aliquis ex circumstantibus. Ibi igitur impedimentis in me-
 dium receptis, & peditibus circumstantibus, vix exercitum ab impetu incurstantium Nu-
 midarum tutabantur. Postquam igitur omnes tres imperatores Pœnorum aduenerunt
 cum eorum exercitibus, imperatori Romano visum est in loco sine præsidio & vallo non
 posse tuto consistere: & quum locum accuratius circumspexisset, minime aptum iudica-
 uit, vt vallo circumdari posset. Nam adeo nudus erat ac asperi soli, vt nec in eo virgulta ef-
 sent, nec terra effodi, nec vlla opera aptari posset, vt hostibus difficilem aditum præberet.
 Cui nullum præsentius remedium fuit, quam locum sarcinulis exercitus circumdare, vt i-
 psis obiectis hostes non tam facile valerent inuadere. Quum id factum esset, imperatores
 que Pœnorum clausum vidissent Romanum exercitum, vociferantes acclamantesq; quasi
 capti intra sarcinulas Romani tenerentur, inuadere Romanos curant. Et quum magno
 impetu irruentes hostes nec illa clausura, nec defensione possent ab aditu prohibere, mul-
 ti ex Romanis militibus in syluas, quidam in castra Publii Scipionis mortui quibus præ-
 rat T. Fronteus legatus, confugerunt. Ferunt aliqui ipsum Gneum Scipionem imperato-
 rem in primo congressu ac impetu mortuum fuisse: quidam vero, eum in propinquam
 turrim cum paucis effugisse: quam circumdatam quum nulla vi possent superare, igne fo-
 ribus succensò, cum ipso imperatore omnibusq; qui intus erant, crematam dicunt. Sic-
 que Gneus Scipio imperator Romanus tricesimo die post Publii, fratris obitum interfe-
 ctus est. Luctus ex morte eorum non tantum Romæ, sed & per totam Hispaniam fuit. Lu-
 gebant Romani amissos duces, dissipatum exercitum, & alienatam prouinciam. Hispani
 vero ipsos lugebant desiderabantque duces, Gneum tamen magis qui diutius prouinciæ
 præfuerat, maioremq; ex diutiori mora fauorem populorum fuerat consecutus, experi-
 mentumq; iustitiæ ac temperantiæ Romanæ primus Hispaniæ viderentur, vir vnus Lucius
 Martius Septimii filius, qui erat Romanus, impiger iuuenis, animiq; & ingenii aliquanto
 maioris, quam pro fortuna in qua erat natus. huic ad summam indolem accesserat Gnei
 Scipionis disciplina, sub quo tot annos militiæ artem edoctus fuerat. qui ex fuga collectis
 militibus, & quibusdam ex præsidiis vrbium adductis, non contemnendum exercitum
 fecerat, coniunxeratque cum Tito Fronteio Publii Scipionis legato, tantumque ei om-
 nes Romani equites tribuerunt, vt ad eum summam imperii detulerint. Commutatis
 igitur & communitis castris circa Iberum annum, modico temporis interuallo omni re-
 neces-

necessaria, victualibusq; & com meatibus referta sunt. adeo omnia per nouum Impera-
 torem Lucium Martium cum impigro tum prestanti animo exequabantur. Caterum
 postquam Romani milites intellexerunt Hasdrubalem Gisconis filium ad delendas reli-
 quias belli venisse Iberumque trāsisse, appropinquasse, signū pugnæ datum esse, recorda-
 ti quos prius imperatores habuissent, quibusq; ducibus & copiis freti prodire in cāpum
 ad pugnam soliti essent, flere omnes repente offensareq; capita cœperunt, & alii manus
 in cœlum tendentes, & Deos inculantes, alii strati humo suum quisque ducem inuocā-
 tes erant. nec sedari poterat lamentatio, excitantibus tamen centurionibus, & increpan-
 te Martio porrectis manibus, quod in muliebres & inutiles se proiecissent fletus, potius
 10 quam ad tutandos semetipsos ac rempublicam hortarentur, vt secum acuerent animos,
 & ne inultos imperatores suos sinerent iacere. His verbis aliquantulum excitati, quum
 repente clamor tubarumque sonitus audirentur, (iam enim hostes prope vallum erant)
 omnes à luctu ad arma discurrunt, & in hostem negligenter & in composita venientem
 occurrunt. Quæ res improuisa primo aspectu terrorem intulit Pœnis, admirantibus vñ-
 de tot hostes deleto paulo ante exercitu tunc occurrissent, vñdeq; tanta audacia, vt duo-
 bus victis imperatoribus, in bellum ire præsumerent. percunctantibusq; quis castris præ-
 esset, exercitumq; duceret, quis pugnæ signum dedisset, omnia admirationi erant. De-
 inde facta in eos valida impressione retro fugam capere Pœni cœperūt, & magna eo die
 20 fuisset cædes fugientium, nisi Martius incurstantes suos repressisset, concitatamq; aciem,
 ad prima signa se opponēs, cædis ac sanguinis auidam ad castra retraxisset. Carthaginen-
 ses (vt diximus) primo aspectu trepidantes vallo se munierūt. Quumq; vidissent Roma-
 nos substitisse, metu id fecisse arbitrati, lento gradu in castra redeunt, contēptuiq; Ro-
 manos habentes, grandis illis negligentia in custodiendis castris erat: quoniam etiā vici-
 nos hostes sciebāt, occurrebat tamen illis esse reliquias duorū exercitū ante paucos dies
 deletorum. Quum ergo omnia apud Pœnos neglecta essent, exploratis his Lucius Mar-
 tius ad consilium magis temerarium quam audax animum adiecit, vt scilicet castra ho-
 stium inuaderet, consultius arbitratus vnus Hasdrubalis aggredi castra, quā, si se omnes
 tres exercitus ac duces iunxissent, in sua illorū expectare oppugnatione. Ne tamen subita
 res militum animos turbaret, alloquendos milites statuit, & aduocata cōcione decla-
 30 rat, quid faciendum sit, hortans vt constanti animo pugnent, neque etiam si difficillimū
 videatur, paueant, quum rem facillimam commoditate captata aggrediantur. Statuit e-
 nim eis tertiam vigiliam noctis, in qua exploratum habere dicebat, nullum vigiliarum
 ordinem in castris hostium esse, stationes denique ac custodias non visas fuisse. Quū
 igitur hora aduenisset, primo impetu castra hostium cepit. Tum in omnes passim gralla-
 tur mucro, qui semisomnes, trepidique ob inopinatum tumultum, & inermes trucidaba-
 bantur. Erant vltra eos proxima Pœnorum castra distantia interuallo sex milliariū. Itaq;
 Lucius Martius silenti agmine proximos hostes aggreditur, quum nullæ in castris portæ,
 neque in vallo custodia forent. in quæ, velut sua castra, nullo vsquam obsistente pene-
 trauit. inde tubæ canunt, signa prodeunt, rumor tollitur & clamor. Pars Romanorū se-
 40 misomnes hostes cædunt, pars portas occupant, pars ignem succendunt, pars obruunt
 tecta, vt fugam aggressis intercludāt, ignis, clamor, cædes velut alienatos sensibus hostes
 reddebant. incidunt inermes inter cateruas armatorum, alii ruunt ad portas, alii interce-
 ptis itineribus superfaliunt vallum, & vt quisque euadere poterat, ad alia sociorum castra
 fugiebat, inter quæ Romani cohortem in mediis syluis statuerant, quæ fugientibus præ-
 cludere viam posset. Quum igitur aliqui à trucidatis castris euadere crederent, ad alia
 castra fugientes intercipiabantur à cohorte media Romanorum, à qua cæsi ad vnum om-
 nes sunt. si qui tamen euaserunt in ipsa proxima castra, non prius ab eis renuntiari
 potuit sociorum cædes, quam priori exercitu cæso Romani milites adessent. qui fero-
 ces ex nocturna victoria facti, quum eis in castrorum portis obsistere non valerent, gra-
 50 ue atroxque intra portas ineunt prælium. Quumque Pœni alterius exercitus intelle-
 xissent, terrore versi sunt in fugam. itaq; die ac nocte Pœnorum castra expugnata sunt
 ductu Lucii Martii. Ex quibus septem & triginta millia hominum cæsa sunt secundum
 Claudium, qui annales Acciales de Græco in Latinum vertit: capti vero mille octingēti
 ac triginta, præda ingenti parta, in qua non abfuit clypeus argenteus Hasdrubalis libra-
 rum centum ac triginta, in quo desuper imago Barcini ferebatur: ob quam causam Has-
 drubal Barcini ab auctoribus appellatus est. Magnum deinde Lucii Martii nomen
 fuit. eius insuper victoriæ quidam addunt, ex eius capite flammam igneam emi-
 cuisse qua hostes debebat. Tantum Romæ de eius victoriis exultatum est, vt in tem-
 plo Iouis eius statua locata fuerit cum imagine Hasdrubalis, tantusque ignis pro

lætitia accensus est, vt pene Capitolium conflagratum sit. Post hæc vero res aliquanto tempore pacificæ in Hispaniâ fuerunt. Dum hæc tamen in Hispania geruntur, omnis belli cura à Romanis versa est in obsidionem Capuæ in Italia, quæ iam ante diutius ab Hannibale tenebatur. quam quum Romani fortiter oppugnarent, Hannibal ad eam obsidione liberandam occurrit: quam tamen quum non posset liberare, urbem Romam obsidere decreuit. Ad eam igitur veniens castra firmavit ad tertium milliare apud amnē Anienem. Fulvius Flaccus imperator Romanus inter Collinam & Exquilinam portam extra urbem castra posuit. Caium Calphurnium Prætorem Capitolio Consules præfererunt & arci: Senatum frequenter in foro contineri ordinarunt, vt si in tam dubiis rebus aliquid occurrisset, prouideretur. Altero vero die postquam Hannibal ad eum locum castra firmasset, cum duobus millibus equitum à porta Collina vsq; ad Herculis templum discurrit, propius quæ potuit mœnia explorando. Quod Fulvius Flaccus vbi vidit à deo licenter Hannibalem hoc facere, indignum existimans, iussit equitatum submoueri, & in castra hostium exerceri. Ad pugnam igitur venientes illo & altero die, pluuia immixta grandine vtrumq; exercitum semel & secundo diremit, ita vt alteruter in propria castra compulsus sit remeare. Quam rem Hannibal ad miraculum capiens, credidit Romam ex eo aduentu sibi nullatenus deberi, vt ab ipso vinceretur. Sic post paucos dies abire statuit, spoliatoq; templo Feroniæ quod multis ditatum donis, auro, argentoq; erat, discessit, per Reatemq; in Samnium profectus est. Interim Capua capitur à Romanis.

Caius Nero à Senatu imperator in Hispaniam mittitur.

OR D I N A T I S igitur quæ ad urbis Capuæ tuitionem pertinebant, Romani patres cū Senatu Caium Neronem qui ad Capuam urbem militauerat, cum duabus peditum legionibus quas Capuæ habuerat, & equitibus adiunctis sibi totidem peditibus, ac equitibus octingentis quos ipse legisset Latini nominis, Puteolos miserunt, vt inde in Hispaniam nauibus transfret. Qui vt Puteolos exercitum adduxit, naues exercitum conscendere iubet, indeq; traiecit in Hispaniam, ad Iberumq; fluuium venit, atq; exinde cū Lucio Martio ac Tito Fronteio cōiunctus est, statimq; properauit ad hostes ire. Hasdrubal Amilcaris filius interea ad Lapides atros castra habebat in Ausetanis. Is enim locus est inter oppida Illiturgum, quod Mediānam cœli ex illius situ hodie appellari arbitror. Ementis alios montes iam huius saltus Nero fauces occupauerat. Quam rem quum prospectasset Hasdrubal, legatum mittit ad Neronē, dicēs, si secum colloqui vellet, omnem suum exercitum ex Hispania e ducturum. Quam rem cum lete suscepisset Claudius Nero, colloquium ad posterum diem cum Hasdrubale petiuit, vt Romæ leges componerentur de tradendis arcibus, urbibusq; dieq; statuenda, ad quam præsidia deducerentur, omniaque sua Pœni sine fraude asportarēt. Hoc enim Hasdrubal egisse probatur, dubitās, ne restringeretur in arcto, excogitans si quo modo hostem fallere posset, vt inde exercitum educeret. Quod colloquium quum à Neronē non minus libenter quam auide expectaretur, Hasdrubal interim exercitū nocte parat educere. Primumq; quod in exercitu grauissimum erat, prima noctis hora iubet è castris educi: dataq; opera est, vt pauci simul, vt hostem silentio aptius fallerēt, egrederentur. Nam euadēdum per arctas ac difficiles vias erat. Quum vero iam maior pedestrium pars ex saltu euassisset, iamque fide decrescente, non sine maximo metu stari posset, prima luce omnem aciem simul cum elephantibus educit. Ea hora nebula densa omnem agrum montesque texerat. quod vidēs Hasdrubal, nuncium mittit ad Neronē, orans vt in alterum diem differat colloquium, afferensque illum diem religiosum Carthaginensibus, ac feriatū esse. Exacta deinde hora diei quarta, nebula abeunte, & claritate diei facta, fraus detecta est. Tūc enim Hasdrubal instructa acie omnibusque elephantis tutus extra saltus angustias per campos apparuit. Quum vero Nero clarēscētē die Punicam fraudem agnouisset, proficiscentē hostem insequitur, acieque instructa ad pugnam cogebat. Sed Hasdrubal detrectabat pugnam: leuia tamen conferebantur prælia per Romanos & extremam Punicā aciem. Inter hæc Hispaniæ populi qui post cladem Scipionum à Romanis defecerant, nec redibāt ad Romanos, nec vlli deficiebant.

Publius Cornelius Scipio filius alterius Publii annos natus XXI III. creatur consul, & in Hispaniam mittitur.

CA P T A igitur Capua in Italia à Romanis anno ab orbe condito M M M M. D C C C. C L X X V I I. ab vrbe vero condita D X X V I I. iam misso in Hispaniā Nerone eodem

dem anno Senatus Romanus decreuit, vt exercitus auferretur, Imperatorq; item alius in Hispaniam mitteretur. Non tamen quem mitterent, idoneum aliquem censebant, animo volentes, quod duo adeo insignes Imperatores intra dies triginta ceciderant, quorum loco deligendus imperator substitueretur. Quumque alii alios nominarent, postremo decursum est, vt populus super imperatore creando qui in Hispaniam iret, comitiū haberet. Dicitur autem comitium, congregatio in qua omnes magistratus & Romanus populus descendebant in campum Martium Romæ pro creandis Imperatoribus & reliquis magistratibus. Statutoque die ad comitium interim consultant, quem dignum imperio tanto arbitrarentur. Quumque destituta expectatio videretur, neminem idoneū inueniendo, redintegratus est luctus acceptæ cladis, desideriumque amissorum imperatorum. Quæ ex re mœsta ciuitas erat, inopsque consilii videbatur. Die tamen statuta omnes in campum conueniunt. Tum magistratus versi circumspectant ora primatum ac ipsius populi, illique illos intuentes dolent fremuntque, adeo perditas res videri, desperatumque de republica esse, vt nemo vel non inueniatur, vel non audeat imperiū in Hispanos capere. Tūc statim Publius Cornelius Scipio alterius Publii Scipionis, qui in Hispania occubuerat, filius, adolescens quatuor & viginti annos natus, in alto eminentique loco, vt videri prospicique ab omnibus posset, consistens, imperium aduersus Hispanos petiit. In quem omnium ora vultusque conuersi, cum maximo assensu totiusque comitii fauore proclamatur dignus eo imperio vt in Hispaniam mitteretur. Cæterum post re-

10 actam dum ardor animorumque impetus quieuisset, silentium statim & tacita cogitatio suborta est, considerantes quidnam fecissent, pœnitebatque eos quod plus valuisset fauor, quam ratio ætatis. Quin etiam fortunam domus horrebant ac Scipionum nomen. Scipio vero ad rem tantam delectus ita de ætate sua, imperioque mandato, quomodoque bellum gerendum esset, magno elatoq; animo disseruit, vt ardentissimum omnium in se amorem excitaret, certosque redderet omnes considerantes de futura victoria. Fuit autem Scipio non tantum veris suis virtutibus mirabilis, sed arte quoque quadam adiutus, & in ostentationem earum compositus, ita vt multitudinis quadam superstitione de ipso capta mentes occupasset. Postquam enim togam virilem susceperat, nullo v-

20 quam die vllam rem aut publicam aut priuatam egit, quin in Capitolium iret, ingressusque penitiorum templi locum quasi cum Diis consultaturus, solus diutiuscule manebat, ita vt stirpis diuinæ eum fuisse fama retulerit. Multa alia eiusdem generis, alia vera, alia simulata, admirationis humanæ in eo iuvene excefferant modum. Ad has itaque copias quas Claudius Nero à Puteolis traiecerat, decem millia peditum & equites plurimi adduntur, & Marcus Iunius Syllanus prætor, adiutor ad res gerendas datus est. Ita cum triginta nauium, id est quinqueregium classe, à Tiberis ostio soluens, per mare Tuscum sinumq; Gallicum Emporias peruenit, ibique descendens, nauibus iussis sequi, terrestri itinere Tarraconam urbem petiit. Audita igitur fama sui aduentus legati ad eum ex omni

30 prouincia concurrerunt. Naues in Tarraconæ portu consistere iussit, remissis quatuor triremibus Massiliensium, quæ causa officii Scipionem secutæ fuerant. Tum responsa legationibus dare cœpit, suspensâ tamē suspensis prouisionibus varietate tot casuum, ita elato animo ab ingenti virtutum suarum fiducia, vt tamen nullum ferox verbum excideret, ingensque omnibus quæ diceret, cum maiestas inesset, tum fides. Profectus à Tarracone ad Iberi ostia exercitum duxit, vbi Nero & Titus Fronteiis exercitum habebat, ibique collaudauit milites, quod à duabus tantis cladibus perpeffis deinde prouinciam obtinuissent, neque passi essent hostes fructus habere fecundarum rerum, atq; ipsos hostes coercuissent ab omni agro cis Iberum, sociosq; Romanorum cum fide tutati essent. Lucium vero Martium secum cū tanto honore habebat, vt facile appareret, nihil magis vereri, quam ne quis obstaret gloriæ illius. Successit inde Syllanus Neroni. Deducto itaque nouo exercitu ad Iberum amnem, vt alteri exercitui iungeretur, compositis ordinatq; rebus Scipio Tarraconam rediit, qui ob quandam futuri diuinationem non minori fama apud hostes fuit, quam apud ciues sociosque suos: cuius diuinationis ratio reddi nullatenus poterat. Erat per idem tempus iam hyemis principium, antequam obtineretur Capua, & Scipio in Hispaniam mitteretur. in hac hyeme Romanus exercitus cis Iberum hybernauit: Scipio vero Tarraconæ, Hasdrubal Amilcaris filius apud Saguntum orasque Iberi ultra amnem, alter Hasdrubal Gisconis filius ad Oceanum & Gades, Mago vero apud Mediterranea circa saltus Castulonis cum suis exercitibus hybernauerunt.

Dira & maxima prodigia.

EODEM anno multa prodigia visa nunciataque sunt Romæ. Nam in vrbe Roma idolū Victoriæ in culmine templi Concordiæ locatū, fulmine percussum corruit, omniaq;

Victoriæ signa quæ ante idolum pendeant, à fulmine succensa sunt. Idemque fulmen A. nagniam percutiens, muros ac portas vr̄bis arsit. in foro in super Suedertano sanguinis riuulos per diem fluxisse ferunt, & lapides immixtos grandini pluuisse in Reate vr̄be, mulæque peperisse. Quæ prodigia Romani plurimum metuentes hostiis placare Deos statuerunt, & multiplicatis sacrificiis per nouem dies hostias immolarunt.

Captio noua Carthaginis in Hispania à Scipione.

SE Q U E N T I igitur vere, videlicet ab orbe condito M M M M . D C C C C . L X X X V I I I . & ab vr̄be condita quingentesimo trigesimo octauo, quum iã ver esset, præfectos militum, qui in classe apud Tarraconam hyemabant, accersit, illisque edixit vt cum omni classe onerariisque nauibus ad amnem Iberum traicerent. Ipse vero terrestri itinere cū quinque millibus sociorum in exercitum profectus est ad Iberum amnem. Vbi quum iunxisset omnes exercitus ac Romanas legiones, cōuocata concione milites alloqui statuit, præcipueque eos qui tantis superferant cladibus. Quos omnes ad oppugnandam nouam Carthaginem excitat, bonoq; animo ac magna spe esse iubet. Quumque omnes vna voce id faciendum conclamarent, eos Carthaginem duxit. Quo viso Mago dux Pœnorum, qui ad præsidium vr̄bis erat, statuit cum Scipione inire certamen, si vr̄bem aggredi audeat. quam militibus ordinans, duo millia oppidanorum ex aduerso, vbi castra Romana erant, opposuit, vt eis ad eam vr̄bis partem resisti valeret. quingentos in super milites in arce constituit: alios item quingentos disposuit ad quendam tumulum, qui ad partem Orientis in ea vr̄be loco eminenti fortissimus erat: reliquam vero multitudinem instruit, vt vndique occurrat, hostique resistat. Patefactaque porta vr̄bis eos quos ordinauerat in via ad Romanorū castra, mittit. Romani duce suo præcipiente parumper cessere, vt propiores subsidiis in certamine submittendis essent. Tum imperator Romanus dato signo copias immittit, quæ facto impetu in oppidanos, eos vsq; in vr̄bem propulerunt, adeo vt nisi ipse imperator eis consistendi signum dedisset, commixtę oppidanis in vr̄bem cōfugientibus irrupissent. Magna trepidatio tum Carthaginensibus militibus, tum etiam toti vr̄bit, multæque stationes à militibus deseruntur. Scipio vero circumspecto quod erat in vr̄be locus, cui ob fortitudinem nullum aderat præsidium, occupatis omnibus ad ferendam opem militibus ad ciuitatis portam confligentibus, cui loco stagnū suberat. Ad eam igitur partem scalis ad motis paucos quosdam milites conscendere iubet. quibus conscensis sine vlllo certamine obstaculoque, quanto potuerant cursu ad eam portam concesserunt, circa quam omne contractum certamen erat. adeo fuerunt omnium non solum oculi, sed etiam animi intenti ad prælium, vt non prius intelligerent à tergo captam vr̄bem, quã porta interius exteriusque infringeretur. ad quam Romani impetum facientes ea disrupta in vr̄bem irruunt, in forumque acie instructa prodeuntes magnam hominum cædem faciebant. Deinde quum hostes alii in tumulum se reciperent, alii in arcem confugerēt, in qua ipse Mago erat cum omnibus armatis qui è muris expulsi fuerant, ipse Scipio partem militum ad oppugnandum tumulum, partem ad oppugnandum arcem mittit. Tumulus primo congressu captus est. Mago vero qui arcem conabatur defendere, quū vidisset omnia hostibus plena, nec in arcis præsidio satis fideret, se, arcem, & præsidium dedit. Quum vero arx data est, cædes maxima per totam vr̄bem facta est. nulli etiam puberum qui obuiam repertus sit, parcitum est. tum signo dato vt à cædibus abstinerent, ad prædã victores versi sunt, quæ ingens omnis generis fuit. Liberatorum capitum virilis sexus decem millia capta sunt. Inde qui ciues erant nouæ Carthaginis, dimisit, vr̄bemq; reliquam quæ illis bellum fecerat, restituit. Opifices ad duo millia hominum erant. eos populi Romani fore cum propinqua spe libertatis edixit, si enixe ad ministeria belli darent operam. Cæteram multitudinem incolarum iuuenum ac validorum seruorum in classẽ ad supplementum remigum mittit. Ex his captiuis auxerat octo quinquere mis classẽ. Extra hanc multitudinem Hispanorum obsides erant, quorum perinde cura suscepta est, ac si liberi vel socii essent. Captus est & ibi apparatus belli maximus. Machinæ ferme c c x x . minores c c x c i . balistæ maiores x x i i i . minores l i i l . Scorpiones, minorumque armorum ac telorū infinitus numerus. Signa militaria l x x i i i . auri & argenti relata ad imperatorem magna vis. Patinæ aureæ c c l x x v i . singulæ ponderis fere vnus libræ, argenteæ vero decem & octo millia & trecenta. Vasorum argenteorum infinitus numerus. Hæc omnia Caio Flaminio quæstori assignata numerataque fuerunt. tritici modiorum quadraginta millia. Hordei centum septuaginta millia, & naues onerariæ sexaginta tres, in portu expugnatae captæque cum suis oneribus, frumento, armis, ære, ferro, linteis, & sparto, aliaque nauali materia ad classẽ ædificandam. Eo die Scipio

C. Lælio cum sociis naualibus urbem custodire iussit, ipseque in castra milites ac legiones adduxit. Postero vero die commilitonibus naualibusque sociis conuocatis, primum Diis immortalibus laudes & gratias egit, qui se non urbis solum opulentissimæ omnium in Hispania vno die compotem fecissent, sed quod ante eo conguessissent omnes Africae & Hispaniae opes, ne hostibus aliquid relinqueretur, ac sibi & suis omnia superessent. Militum deinde virtutem collaudauit, quod eos non eruptus hostium, non altitudo montium, non explorata stagni vada, non castellum in alto tumulo situm, non munitissima arx deterruisset, quo minus transcenderent omnia perumperentque. Itaque omnes laudas, omnibus se debere dicebat, præterea muralis coronæ decus eius esse qui primus murum ascendisset. Deinde Scipio pronunciauit se satis compertum habere Quintum Trebellium, & Sex. Digitium pariter in murum ascendisse, seque eos virtutis causa coronis muralibus donare, tum reliquos, prout cuiusque meritum virtutis erat, donauit. Postremo Scipio vocatis obsidibus Hispaniarum, vniuersos bono animo esse iussit, dicens ipsos venisse in populi Romani potestatem, qui beneficio potius quam metu obligare homines malit, exterarumque gentes fide ac societate vincas habere quam tristi seruitio subiectas: deinde acceptis nominibus ciuitatum recensuit captiuos, nunciosque ad eandem ciuitates misit, ut ad suos vnusquisque recipiendos veniret. Si quarum forte ciuitatum legati præsentibus erant, suos cuique restituit: curam vero aliorum benigne tuendorum C. Flaminio quaestori dedit. Inter hanc mediam turbam obsidum mulier magni generis, quæ Mandonii vxor erat fratris Ilergetum principis, flens ad pedes imperatoris procedit, supplicare ac obtestari cœpit, ut curam cultumque fœminarum impensius custodibus cõmendaret. Cum vero Scipio nihil defuturum præfecto diceret: tunc rursus mulier, Haud magni ista facimus, inquit. Quid enim huic, cui nos commisisti, non satis est fortunæ: ætate enim & forma florēs est, & extra periculū mulierum ætas eum stimulat. Ipsi autem omnes obfides nobilitate clari eam vti parentem colebant venerabanturque. Tum Scipio, Meæ, populi que Romani disciplinæ causa facerem, inquit, ne quid quod sanctum vsquam esset, apud vos violaretur: nunc ut curem id impensius, vestra quoque virtus dignitasque facit, quæ ne in malis quidem oblitæ decoris matronalis estis. Spectatæ deinde integritatis viro tradidit eas, tuerique non secus verecunde ac modeste iussit, quam hospitum coniuges aut matres. Captiua deinde à militibus ducitur ad eum adulta virgo adeo eximia forma, ut quacunque parte se verteret, omnium ad eam conuerteret oculos. Scipio percunctatus patriam parentesque, inter cætera accepit desponsatam eam principi Celtiberorum adolescenti, cui Lucio nomen erat. Hæc à Scipione honestissime pudicissimeque seruata est. Interim vocato sponso parentibusque per dies, cum interim audiret sponsum deperire sponsæ amore: vbi primum venit, accuratiore eum sermone prius quam parētes alloquitur: Iuuenis (inquit) cum sim, appellor Iunior. sit inter nos huius sermonis verecundia. Ego cum sponsa à militibus nostris ad me deducta esset, audiremque eam tibi cordi esse, & forma faceret fidem, voluissem pro ætate mea secum luisse læto legitimoque amore, nisi cura reip. meum animum occupasset. Nunc autem eam tibi sponso amanti impensius conseruauit. Fuit enim sponsa tua apud me eadem, qua apud soceros tuos parentesque suos verecundia, atque seruata est tibi, ut inuiolatum & dignum me teque dari tibi donum posset hanc mercedem vnā pro eo munere paciscor, ut amicus populi Romani sis. Et si me virum bonum credis, quales patrem patruumque meum, scias multos nostri similes in ciuitate Romana esse, nec vllum in terris populum hodie dici posse, qui tibi tuisque minus hostis esse velit, aut amicus malit. Adolescens vero simul pudore gaudioque perfusus, dexteram Scipionis tenens, Deos omnes inuocare cœpit ad gratiā illi pro se referendam, ad quam iam sibi neque satis facultatis pro suo animo atque illius erga se merito esset Parentes inde cognatique virginis appellati, quoniam gratis sibi redderetur virgo, ad quam redimendam satis magnum attulissent auri pondus, orare Scipionem cœperunt, ut id à se donum acciperet, neque ob id minorē à se susceptam gratiam arbitraretur. Scipio quoniam tantopere peterent, accepturum se pollicitus, auri pondus poni ante pedes iussit, vocatoque Lucio, super dotem (inquit) quā accepturus à focero es, hæc tibi à me dotalia dona accedant, aurumque inde tollere, ac sibi habere iussit. His lætus donis honoribusque dimissus domum, impleuit laudibus Scipionis populares, & cõgregato delectoque maximo comitatu, ne ingratus Scipioni tanti beneficii fieret, cum mille & quadringentis equitibus intra paucos dies ad Scipionem venit. Interim Scipio Lælium, postquam captiuos obsidesque ac prædam ex consilio eius disposuerat, omnibus satis compositis, ei data quinquere me cum captiuis, Magone, quindecimque Senatoribus Catthaginensibus, nuncium victoriæ Romam mittit. Ipse paucos dies quibus mo-

rari in noua Carthagine statuerat, exercendis naualibus pedestribusq; copiis absumpsit, ne otiosæ vacarent. Primo enim die legiones spatium quatuor millium decurrerunt, ne otiosis, dum in armis essent, anhelitus deficeret: secundo vero die arma curare & tergere ante tentoria iussit: tertio die sudibus inter se in modum rusticæ pugnæ concurrerunt, conglobatique iaculati sunt: quarto die quies data est: quinto insuper die iterum in armis decursum est. Hûc ordinē laboris quietisq; quâdiu apud Carthaginē morati sunt, seruauerunt. Remigium etiam classis: ac ciues in altum euecti agilitatem nauîū simulacris naualis pugnæ experiebantur. Hæc extra urbem terra mariq; corpora simul, animosq; ad bellum acuebant. Res ipsa publica strepebat apparatu belli, fabris omnium generum in publica officina inclusis. Dux cuncta pari cura subibat, nunc operibus aspiciendis tē- 10
pus dabat, quæ in officiis, quæ in armamentario, quæ in naualibus sociorum fabrorum multitudo plurima in singulos dies certatim faciebant, considerans. Urbis itaq; inchoatis resectisq; muris, dispositisq; præsiidiis, Tarraconam profectus est. Cui multæ etiam in via legationes occurrerunt, quas partim ex itinere dato responso remisit, partim distulit in Tarraconam urbem, ad quam omnibus suis veteribus fociis edixerat conuentum, cunctique qui cis Iberum erant, multique ex vltiori Hispania ad eum conuenerunt. Interim de industria Carthaginensium duces famam captæ nouæ Carthaginis compresserunt: tandemque quum vulgari cœpisset, aiebant, nec tanti momenti esse ipsis captam urbem vnâ in Hispania ab adolescente inexperto vna die, furtive, & non vi oppugnatam, ipsi vero tacite considerabant, quanti esset nouam Carthaginem in Hispania amisisse. Fa- 20
cto igitur conuentu Hispanorum Tarraconæ à Scipione tota illa æstas consumpta est ad reconciliandos Hispanorum animos partim donis, partim remissione obsidum, captiuorumque solutione. Clarus inter Hispanorum duces ad Scipionem venit Indibilis, Mandoniusque. erat enim coniux liberique eius apud Romanos, sed præter eam causam etiam fuit fortunata inclinatio animorum, quæ Hispaniam omnem à Punico imperio auertens ad Romanos trahebat. vnde quasi omnes Hispanorum principes cum omni populari manu ad Romanos confugere videbantur. Sicque Scipio tota hyeme Tarraconæ hybernauit.

Prælium: Publii Cornelii Scipionis contra Hasdrubalem.

30

Q V V M vero iam altera æstas aduenisset sequētis anni, & Hasdrubal cerneret res Romanas tot augeri incrementis, suasque imminui, & quod, nisi forte aliquid audendo tentaret, frui forte ex toto possent: dimicare igitur cum Scipione quam primum statuit. Scipio autem certaminis audior erat, considerans quod sibi res prospere succederent, consultiusque existimabat cum Hasdrubale Barcini præliari, quam si omnes simul Pœnorum exercitus, ducesque iungerentur. Igitur irritatis ad certamen animis Romani castra posuerunt nocte. Hasdrubal in quodam plano castra habebat, qui quum appropinquasse Romanos intellexit, copias in quendam tumulum in plani summitate constitutum recepit, habens à posteriori parte flumen, & hinc & inde ripam quæ tumulum 40
omni ex parte cingebat. Cum vero Romani ad iactum lapidis tumulo appropinquassent, omnis generis telorum copia iactata est: Pœni vero è contra, saxa etiam quibus tumulus omnis respersus erat, iactabantur non solum à militibus, sed etiam à multitudine magna colonum eis immixta. Verum licet ascensus difficilis esset, licet pene telis saxisque Romani obruerentur, tamen quadam audacia, & consuetudine succedendi muros, primo aliqui ripam conscenderunt quadam pertinacia animi, qui simul ceperunt aliquid in eo loco, quo firmo gradu perstiterunt. Quumq; modico interuallo ibi aliquandiu perstitissent, Pœni impetu facto eos inde expulerunt. Scipio vero quum in mediam hostium aciem irrumperere cuperet, assumpto Lelio qui ad dexteram tumuli partem decertaret, ipse vero ad læuam, inde vterq; altitudine loci explorata, qua ascensus facilis in tumulum fie- 50
ret, Scipio apto satis ascensu in altum prodiit. Dumq; instructas acies ordinesq; in Scipionē Pœni voluere volūt, ex alia parte Lælius subiit. Dum vero ipsi rētro ordines auertere curant, ne à tergo vulnerētur, dilatatur prima acies, locusq; datus medius ad peruadēdū aciem. Quumque inter medias copias præliarentur, quia locus eis ad prælium difficilis erat, partitis hinc inde stationibus, elephantisque in medio constitutis & ante signa locatis, magna Romanorum cædes fiebat: neque inde euadere potuissent, nisi Scipio qui à læuo cornu in dexterum incurrerat, acriter in nuda hostium latera pugnasset. Et iam ad eo à Romanis fortiter retro, læuoque cornu pugnabatur, quod fugæ non dabatur locus. Præcluserant enim vias & portas castrorum, clauerant & elephantibus inter mediam aciem,

aciem, & Romanorum impetu plurimum trepidabant. In eo igitur prælio cæsa ad octo millia hominum ex Hasdrubalis exercitu. Hasdrubal vero quum exercitum exterminatum conspexisset, rapta pecunia, elephantisque præmissis, quos potuit ex cæde fuga liberavit, atque transacto flumine Tago Pyrenæum versus in Ilergetes contendit, vbi nunc Nauarræ regnum esse constat. A Scipione vero recensitis captiuis Pœnorum, reperti sunt ad decem millia peditum, equitum vero ad duo millia. qui retentis Iberis hominibus cæteros cum omni præda spoliisque castrorum, quibus omnibus potitus est, militibus diuisit, Hispanos vero captiuos sine pretio omnes domum remisit, Afros vero quaestori vendi iussit. Quumque Hispani magnam Scipionis liberalitatem considerarent, & ii qui Romanis prius adhæserant, & ii qui liberati fuerant, circumfusi Regem Scipionem appellare cœperunt. Quum vero regium nomen alibi magnum & videretur, & esset, Romæ tamen tolerabile non erat. ex qua re multitudinem allocutus dixit. Si enim animi magnitudine Regem iudicarent, à voce tamen abstinerent. stupebant Hispani Barbariq; omnes magnitudinē animi eius, cælitusque hominem proditum, ad magna; fastigia euectum prædicabant. Iussit etiam Scipio dona dari principibus Hispanorum, atque Indibilem sibi deligere trecentos ex omnibus captiuis, qui sibi dono darentur. Quum autem quaestor Afros iussu imperatoris venderet, inuētus est inter eos puer adultus forma insignis. Audiens autem Scipio eum regii generis esse, iussit afferri ad se. quem quum percunctaretur Scipio, quis, & cuias esset, & cur tali ætate in castris esset: lachrymans

20 Numidam se esse ait, Massiuamque appellari, orbumque patre apud Galam maternum auum Regem educatum, cum auunculo Masinissa, qui nupèr cum equitatu in subsidium Carthaginensium venisset, in Hispaniam traiecit, atque cum fuisset prohibitus à Masinissa, nunquam ante prælium adiisse, eo die, quo pugnatum cum Romanis esset, inscio auunculo clam arma sumpsisse, equoque in præceps delapso captum à Romanis esse. Scipio reseruari Numidam iussit: quæ tunc agenda erant pro imperii rebus, per egit. Inde quum se in prætorium recepisset, accitum eum interrogat, an vellet ad Masinissam reuerti? quum effusis gaudio lachrymis cupere se diceret, tum puero anulum aureum, tunicam insuper admodum ornatam cum Hispano sagulo, fibulaque, ac aurea zona, equo quoque ornato iussit, quo vellet, progredi.

30 *De transitu Hasdrubalis in Italiam ab Hispania.*

ANN o itaque ab orbe condito quarto milleno nongentesimo nonagesimo primo, & ab vrbe condita quingentesimo quadragesimo secundo, Scipio post hanc victoriam consilium de bello habuit. Et dum quidam consulerent, vt fugatum Hasdrubalem insequeretur, diu cōsultatione huiusmodi anceps fuit, dubitās ne alter Hasdrubal Gisconis filius, ac Mago eidem Hasdrubali Amilcaris filio iungeretur. Tādē cōsultius remanere ratus, quasdam exercitus copias misit, vt Pyrenæus intercideretur, ne ad illum posset Amilcar descendere. Interim Scipio Tarraconam venit, vbi reliquum ætatis in recipiendis in fidem Hispaniæ populis consumpsit. Interea paucis post prælium diebus Hasdrubal Gisconis filius & Mago, imperatores Carthaginensium, & Masinissa Numidarū Rex ad Hasdrubalem Amilcaris filium cum magno exercitu venerunt. tardum post rem male gestam auxilium, consiliumque ad cætera belli opportuna. Consultantibus itaque de progressu belli, qualesque Hispanorum animi erga se essent in quacunque prouincia, vnus Hasdrubal Gisconis filius ignorabat eam vltioris Hispaniæ partem quæ ad Oceanum & Gades vergit, Romanorum esse, quam ipse satis fidam Carthaginensibus credebat. Cōstabat tamen alteri Hasdrubali, & Magoni, eandem Scipionis beneficiis occupatam esse: & ne Hispani milites quorum defectionem timebant, ad Romanos transferrentur, nihil eis consultius visum est, quam vt omnes ab Hispania Hispani milites amouerentur, atque in Italiam vbi caput belli erat, transferrentur, etiamsi Senatus Carthaginensium decreta obstarent. Itaque Hasdrubal Amilcaris filius cum omnibus Hispanis militibus in Italiā trāsfertur, vbi Hispanos milites à Scipionis nomine alienos non aliter quam strenue bellicum opus acturos credebāt. Interim Mago decretus est, vt tradito exercitu Hasdrubali Gisconis filio cum magna pecunia in Baleares insulas ad cōgreganda auxilia mitteretur. Masinissaq; ex omnib. decretus est, vt lectis ex vniuerso exercitu tribus millibus equitum, expeditus prouinciam peragraret auxilia sociis præstiturus, ac hostium agros depopulaturus. Hasdrubal vero Gisconis filius cum omni exercitu ad tutelam prouinciam ordinatus est. Deinde Hasdrubal Amilcaris filius magna pecuniæ vi congregata trāsiiuit Pyrenæum, mercede Gallorū auxilia cōducturus in suo trāsitu. Ita quibusq; in o-

pus suum digressis in hyemem ventum est. Quum indies cura de transitu Hasdrubalis in Italiam creuisset, mittuntur legati Massiliensium Romanis, nunciantes Hasdrubalem in Galliam transisse, attractosque ad se plurimorum Gallorum animos esse, quia magnum auri pondus attulisse diceretur ad conducenda Gallorum auxilia. Missi deinde ab Roma legati sunt Sextus Antistius, & Marcus Retius ad rem inspiciendam, qui in urbem rescripterunt, misisse se cum Massiliensibus ducibus, qui per Principes Gallorum & hospites Carthaginensium omnia explorata referrent: qui redeuntes dixerunt, Hasdrubalem ingenti coacto exercitu proximo vere Alpes transiturum, nec eum tunc quicquam morari, nisi quod clausa niuibus Alpes essent. Romae igitur creantur Consules Claudius Nero, & Marcus Liuius. Magna urbi trepidatio fit pro aduentu Hasdrubalis in Italiam. creatis Consulibus magna Romae sacrificia praeter solitum fiunt. per nouem enim dies ducebantur ab aede Apollinis boues binae albae, quas sequebantur duo signa cupressae. Deinde virgines viginti septem longa induta veste carmen Iunoni Reginae cantabant. Virginum ordines sequebantur omnes praetextati, omnis Senatus, & a porta per Iugarium vicum in forum venere. In foro vere omnis pompa constitit. per manus recte datas virgines sonum vocis pulsu pedum modulantes intercesserunt. Inde vico Tusco in eadem Iunonis peruentum est, & his duabus hostiis Deos Romani placatos crediderunt. Decreuerant enim his peractis Consules, eundem obuiam Hasdrubali esse ab Alpibus descensuro, ne eius aduentus Cisalpinam Galliam & Tusciam rerum nouarum auidam turbaret. Dicitur autem Gallia Cisalpina ea pars, quae hodie Longobardia dicitur, ab ipsis Alpibus usque in Padum Ra-
uennamque, inclusis urbibus Mediolano, Pergamo, Brixia, Verona, Vincetia. Datum in-
super consulibus fuit, ut ex omnibus prouinciis exercitibusque eligerent eam exerci-
tus partem quae tantae rei necessaria foret, ne Hannibal qui Tarentum obsidebat, suo do-
mestico praelio occupatus, fratri Hasdrubali in occursum venire posset. Magna ex omni-
bus prouinciis Romae missa sunt auxilia: ex Hispania vero cum Publio Sulpicio ac M. Li-
uio ad octo millia peditum, equitumque duo millia, cum multis sagittariis ac fundibulato-
ribus, mari Romam transmissa sunt. Similiter & ex aliis omnibus prouinciis. Interim vere
superuento, annis ab orbe condito quatuor millibus nonagésimo primo, &
ab urbe condita quingentis quadraginta duobus exactis, tumultus Romae factus est ex
litteris Lucii Portii, quae nunciarent Hasdrubalem ex hybernis castra mouisse, Alpesque
transuectum, Ligurum nouem millia conduxisse, qui secum ducerentur, nisi eos prius
praelio occuparet. Liguria enim Genuam urbem continet, eamque partem quae a Pa-
do flumine in maritimam & Apenninum vergit. Consules vero accelerantes eorum di-
gressum ire obuiam parant. Interim Hasdrubal urbem Placentiam obsidere cepit.
credebat enim campestem urbem facilius obtinere. Est enim Placentia urbs hodie
Longobardorum, Romanorum colonia, ex cuius expugnatione sperabat magnam suo
exercitui gloriam, commoditatemque fieri, spemque Hannibali fratri futuram, ex ea
quoque rumorem sui transitus ad Hannibalem perducere. Qui licet diu firmatam obsi-
dionem tenuisset, ab ea tamen amoueri compulsus est.

De praelio ac morte Hasdrubalis.

INTERIM quum Hasdrubal ab obsidione Placentiae discessisset, quatuor Gal-
los equites & duos Numidas ad fratrem Hannibalem mittit cum litteris, qui in itinere
ab explorateribus militibus capti, ad Quintum Claudium praetorem deducuntur. qui
quum interrogati varia respondiissent, facto metu tormentorum veritatem dicere com-
pulsus fuit, atque cum ipsis signatis litteris traditi sunt Lucio Virginio tribuno militum,
adducendi ad Claudium Consulem peruenerunt. litterae per interpretem lectae sunt, & ex
captiuis percunctatio facta. Quibus intellectis non opus mora ordinatis iam rebus cen-
suit, sed aliquid ex inopinato in hostem tentare. Scribebat enim Hasdrubal occursum
se fratri Hannibali in Umbria. Consul igitur Romam mittit, dicens, ut lectum militem ex ur-
bano exercitu in arma ad se mittat. atque idem Claudius ex omni suo exercitu sex millia
peditum, & decem millia equitum legit, occursum Hasdrubali. Dimisso itaque omni reli-
quo illic exercitu Quinto Tatio pronunciat, se proximam in Lucanis urbem cum praesi-
dio capturum: & arrepto itinere quam maxime properat, ut collegae Marco Liuium iungat ex-
ercitum. Terror urbi non minor fuit ac trepidatio, quam ante biennium, dum castra Pu-
nica urbi obiecta erant. Festinato igitur gradu Claudius Nero Consul per Picenum in
occursum Hasdrubalis properat, maximeque ut iungatur alteri Consuli Marco Liuium. Missis
itaque litteris nunciisque ad alterum Consulem de suo aduentu, Liuius ordinat ut tribunus tri-
bunum, centurio centurionem, miles militem, pedes peditem hospitaretur, quoniam
Claudius per litteras indicasset, nihil cum exercitu ferre se praeter arma. Interim cum per
agros

agrōs vrbēsq; pertransiret, occurrebant viduæ ac matronæ, quæ Deos precabantur pro
 victoria, simulq; cantantes virgines, cæterique necessaria ministrabant. Claudius vero
 Consul monebat, vt nihil nisi ad victum necessaria fusciperent, & ita citato gradu iter ac-
 celerabat. Quum igitur Claudius prope Liuii castra venisset, nocte clam hospitaliter ab
 exercitu Liuii recepti sunt omnes, & quotcunq; erant, alter alterum ad prælium inuita-
 bant: qui omnes validissimo corpore, ac robustissimo ad cœnam conscripti sunt. Postero
 die concilium habitum est, cui Lucius Portius Prætor affuit. multi in eam sententiã de-
 clinabant, vt dum Claudius reficeret fatigatos milites, ad cognoscendũ hostem paucos
 sibi fumeret dies. Erant autem Pœnorũ castra ad quingentos passus. Claudius vero nec-
 dum huic sententiæ acquieuerat, sed consilium tutissimum in celeritate putauit, in mo-
 rando temerarium arbitratus est, signumq; dari pugnæ iubet. concilio dimisso signum
 pugnæ proponitur. Hasdrubal quum signa belli audiuit, suspicatus ne nouis auxiliis Ro-
 manorum castra aucta essent, & ipse suas acies instrui iussit. Quumq; iam ante signa fuisset
 Hasdrubal, quædam scuta vetera hostium notauit, quæ ante non viderat. strictior a-
 cies, ac multitudo maior solito visa est. Sciscitatus quid hoc esset, acies stare iussit, ac ce-
 cinuit, misitq; milites exploratores ad flumen vbi aquabantur, vbi & accipi possent, & no-
 tari oculis, si qui forte adustioris coloris, vt ex recenti via, essent: simulque se circumuehi
 procul ad eorum castra iubet, specularique, num aliqua ex parte auctum sit vallum, atq;
 attenderent vtrum semel, an bis, signum caneret in castris. Ea omnia quum per ordinem
 relata essent, castra nihil aucta errorem faciebant, quod bina erant, sicut ante aduentum
 consulis alterius fuerant: vna Liuii, altera prætoris Portii. in neutra enim aliquid de nouo
 adiectum erat, sed omnes qui cum Claudio Nerone altero Consule venerant, apud alios
 Liuii Consulis, & Prætoris fuerant hospitati. Illud autem dubium maxime referebant,
 quod in castris Prætoris signum datum semel, in Consulis vero castris bis referebant ce-
 cinisse. Cura quam maxime Hasdrubalem angebat, quidnam Hannibal ageret, cum quo
 castra collocata haberet ignorans, serumque ei suum auxilium dubitabat, timens ne Ro-
 manis eadem in Italia, quæ in Hispania fortuna belli foret: vel suas ad eum literas nõ per-
 uenisse crederet, interceptisq; literis Consulem accelerasse ad eum opprimendum. His
 anxius curis, extinctis ignibus, prima noctis vigilia dato signo, vt taciti vasa colligeret, si-
 gna afferri iussit. Ita in trepidatione ac nocturno tumultu duces parum intenti, inconfi-
 derati in recessu, quidam in destinatas animo iam latebras concesserunt, quidam per va-
 da vltra Metaurum fluuium transnatarunt. ita desertum agmen. primo vagi per agros ac
 palantes eunt, fessiq; aliqui somno & vigilia sternunt corpora passim, atque infrequentia
 relinquunt signa. Hasdrubal vero dum lux viam ostēderet, in ipsa fluminis ripa signa fer-
 ri iubet: & per tortuosi amnis sinus flexusq; cum errore voluens, quum non multum pro-
 cessisset, impeditus altioribus fluminis ripis vadisque altioribus ne transiret, spacium de-
 dit Consulibus ad eum insequendum. Claudius Nero primum cum omni equitatu ad-
 uenit insequens Hasdrubalem. Portius deinde secutus cum leui armatura. qui quum fes-
 sum exercitum Hasdrubalis attigissent, ab omni parte incurfantur. omisso itinere quod
 fugæ simile erat, Pœni in montem qui ripæ fluminis propinquus erat, castra metati sunt.
 Tum aduenit secundus Consul Marcus Liuius cum omnibus pedestribus copiis ad con-
 ferendũ prælium instructis armatisq;. Sed vbi omnes copias coniunxerunt, directa est a-
 cies. Caius Claudius Nero dextro cornu, Liuius à sinistro pugnam instruxerunt, media
 acies prætori Lucio Portio tuenda data est. Hasdrubal vero omiſſa caſtrorum munitione,
 postquam necessario pugnandũ videt, suas acies instruxit. In prima acie autem signa
 collocat & elephantos, circa vero læuum cornu aduersus Claudium Neronẽ Gallos op-
 ponit, neq; tantum in illis fidebat, quantũ putabat illos à Romanis timeri, dextrum cor-
 nu aduersus Marcum Liuium sibi atq; Hispanis reseruauit (& ibi maxime in veteribus
 suis militibus spem habebat) in medio post elephantos sumpsit Ligures. Interim ea frons
 quam Hispani tenebant, concurrat cum sinistro Romanorum cornu, in quo Liuius præ-
 scribebat. inter Hasdrubalem & Liuium ingens prælium certamenque contractum est, a-
 troxque cædes vtrinque fiebat. ibi Duces ambo, ibi pars maior peditum equitumque, i-
 bi Romanæ pugnæ, & Ligures, asperrimum hominum genus in armis, in eum locũ ver-
 si, elephantis insuper qui primo impetu ante signa turbauerant Romanos, etiam signa à
 suo loco mouerunt. Deinde crescente certamine & clamore, iam regi milites inter duas
 acies non poterant, pugnabantque velut incerti quarum essent, non aliter quam nau-
 bus sine gubernatore vagis contingit. Claudius ergo clamabat militibus, Quid ergo mi-
 lites tam celeri cursu tam longum iter mensi sumus inaniter? Quum in aduersum col-
 lem frustra signa erigere conatus esset, videns eam in partem penetrari non posse ad ho-

stem, cohortibus aliquot subductis è dextero cornu, vbi cruentū magis præliū iudicabat, à tergo hostium suis etiam inopinātibus in sinistrū hostium latus incurrit, tantaq; celeritas fuit, vt quum ascendisset à latere, mox in terga iam pugnaret. Ita ex omnibus partibus à fronte, à latere, & à tergo trucidantur Hispani, Liguresque: & ad Gallos iam cædes penetrabat. ibi enim minimum certaminis fuerat. ipse autem Hasdrubal pugnantes nūc hortando, nunc adeundo pericula sustinuit. ille fessos, abeuntesque tædio & labore, nūc precando, nunc castigando accendit. ille fugientes reuocauit, omissamque pugna aliquot locis restituit. Postremo quum iam victoria Romanorum notissima esset, ne fracto tanto exercitu tanti nominis dux superesset, concitato equo in cohortem Romanorum irruit, ibique vt patre Amilcare & Hannibale fratre dignum erat, pugnans cecidit, & interfectus est. Nunquam vna acie tantum Pœnorum interfectum est, quantum eo bello. reddita est pugna Cānensi æqua cædes & vindicta. sex enim & quinquaginta millia hominum, & quadringenti ceciderunt. Præda insuper magna, tum auri argentique, tum alia omnis generis: capti insuper sunt Romanorum qui serui apud eosdem tenebatur, supra triginta millia capitum. illique pro solatio amissorum in prælio militum recepti sunt. Nam ipsa victoria nec sine sanguine fuit. octo enim millia Romanorum occisa sunt. Die vero postero quum nunciatum esset Liuius Consuli, Gallos Cisalpinos, Liguresque, qui aut prælio non interfuissent, aut inter cædem effugissent, vno agmine abire sine certo duce, sine signis, sine ordine vlllo aut imperio, atque posse omnes deleri, si vna militum ala mitteretur, Sine (ait) vt supersint aliqui nuncii & hostium cladis, & nostræ virtutis. Claudius vero Nero Consul secuta nocte post pugnam citatori itinere, quam inde venerat, die sexto ad castra sua quæ obiecta Hānibali dimiserat, peruenit. Hic igitur dicenda restāt, quæ per Claudium cū Hannibale gesta sunt iuxta Titi Liuii narrationem. Sed quoniam ad res Italicas pertinent, subsisto. Obitum enim Hasdrubalis, licet in Italia cōtingerit, inferere volui, quia de eo res maximæ in Hispania prædicantur.

Hanno Pœnorum imperator ex Africa in Hispaniam mittitur.

ET quoniam paululum digressi sumus ab Italia, iam ad propria, id est ad Hispaniam, reuertamur. Post transitū Hasdrubalis in Italiam, quantum in Italia eius transitus turbauerat, tantum alleuare in Hispania Romanorum statum visum est. Nihilominus statim bellum in ea par priori exortum est. In eius enim transitu (vt dictum est) duo in Hispania Pœnorum duces remanserāt, Mago Hamilcaris filius, fraterq; Hannibalis & mortui Hasdrubalis, & Hasdrubal Gisconis filius. Hi enim duo duces post Hasdrubalis transitū ad Oceanum Gadesq; concesserunt. Mediterranei vero maris nostri oram & quicquid Orientem versus pertinet, Scipio Romanique tenebant. Interim nouus imperator ex Africa in Hispaniam mittitur Hanno nomine, qui traiecto ex Africa in Hispaniam exercitu in Celtiberia Magoni coniungitur. Dicitur autem Celtiberia ea omnis regio quæ ad Iberum fluuium inter vtrunq; mare est vsque in nouam Carthaginē. Hanno igitur coniunctus Magoni in Celtiberia breui tempore magnum gentiū numerum armauit aduersum Romanos duces, Scipio M. Syllanum cum decem millibus equitum peditumq; misit, qui quam festinatori poterat iussu properabat, vt Pœnorum castris occurreret. Sed plurimum impediabatur, tum saltibus, tum asperitate viarum angustiisque, quibus ea omnis regio inclusa est. ex quo factum est, vt non solum fama, sed nuncii aduentus Syllani ad Pœnos peruenerunt. Vnde factum est, vt ex ipsis Pœnis transfugæ venirent ad Syllanum, qui nunciarent, decem millia à Pœnis abesse, atq; bina esse castra eorum: ad læuam itineris, quo irent, castra esse noui exercitus Pœnorum, nouem millia hominum habere: dextera vero Punica castra esse tuta ac firma militari custodia, altera vero noui exercitus soluta neglectaque esse, vt pote barbarorum tyrannorum. Ea prius Syllanus aggredienda censuit, & signa ad læuam afferri iussit, ne à stationibus Punicis conspicerentur: ipse vero Syllanus præmissis speculatoribus tacito agmine ad hostem pergebat. ad tria iam prope erant milliaria (quæ vna leuca more Gallico dicitur) & nemo Pœnorum Syllanum senserat, quoniam cōfragosa loca & obsita virgultis tenebāt: ibique in caua valle, ac propterea occulta, confedere, cibumq; cepere. interea speculatores transfugæ dicta affirmantes venerunt. Tunc itaque sarcinis in medium coniectis Romani arma sumperunt, instructaque acie in pugnam vadunt.

Prælium M. Syllani cum nouo imperatore Pœnorum Hannone, Magonē.

IAM quum instructa acie in bellum Romani properarent, quum ad mille passus hosti appropinquaret, ab ipsis hostibus cōspecti sunt, & Mago ex castris citato equo ad primū clamor.

clamorem deuehitur. Erant autem in Celtiberorum exercitu quadraginta scutati, & equites ducenti. hanc igitur legionē, & quicquid roboris erat, in prima acie locat, leuem vero armaturam in insidiis posuit. Quum vero ita instructos ex castris adduceret, vix dū vallum egressus, in eos Romani pila iniecta coniecerunt: subdideruntque Hispani Celtiberos aduersus immissa tela à Romanis, ad immittenda ipsi consurgunt. quæ cū Romani densatis excepissent scutis, tunc pes cum pede collatus, & gladiis res geri cœpta est. Asperitas vero locorum Celtiberis propter eorum velocitatem spem faciebat euadēdi, sed angustix & internata virgulta ordines dirimebant: & singuli, binique velut cum paribus conferere pugnam cogebantur. quod ad fugam impedimento Carthaginensibus erat, id eos velut vinc̄tos ad cædem ducebat, præbebatque. & iam pene omnibus scutatis Celtiberorum interfectis, leuis armatura, & Carthaginenses qui ex aliis castris subsidio venerant, perculsi cædebantur. Denique duo amplius millia peditum, & equitatus omnis, & ex veteribus peditibus euaserunt fugientes, qui decimo die in Gaditanam prouinciam ad Hasdrubalem Gisconis filium reliquū imperatorem peruenerunt. Noui vero milites Celtiberorum in proximas syluas dilapsi, inde in domos diffugerunt proprias. Scipio igitur collaudato benigne Syllano cum animaduertisset, si promptus fuisset, & reliquum Pœnorum exercitum facile deleturum: in vltimam Hispaniam aduersus Hasdrubalem Gisconis filium pergit. Hasdrubal vero per antea cum visitasset vrbes sociorum in Bætica, vt contineret illos quos in fide habebat, sublatis signis in modum fugæ potius quam itineris, ad Oceanum Gadesque confugit. Veruntamen antequam freto Gades traiceret, exercitum omnem passim in ciuitates amicorum dimisit, iussitque vt muris seip̄os, & ipsi armis muros tutarentur. Scipio vero cum vidisset dissipatum exercitum, ac singulas vrbes debellare diuturni magis quam magni operis, retro vertit iter, & ne hostibus eam relinqueret regionem, Lucium Scipionem fratrem suum cū decem millibus equitum peditumque ad oppugnandum opulentissimam iis in locis vr̄bem, quam Ortigis in Hispani appellabant, dimisit.

Obsidio & captio Ortigis vr̄bis per Lucium Scipionem.

ERAT enim eo tempore iis in regionibus vr̄bs opulentissima, quæ Ortigis dicebatur, in agro fertilis (quam Oriolam moderni appellant) in eaque fodiebatur argentum. Hæc igitur Lucius Scipio obsidere decreuit. In ea arx erat Hasdrubali ad faciendas circa Mediterraneos populos incursiones. Scipio castris prope vr̄bem positis, priusquam vallaret vr̄bem, nuncios misit ad portas, qui ex propinquo colloquio tentarent animos, suaderētque vt amicitiam Romanorum potius quam arma experirentur. Vbi vero nihil pacati responderunt, fossa duplici valloque circumdata vr̄be in tres partes exercitum diuisit, vna semper pars, quietis interim duabus, oppugnaret. Prima igitur pars adorta est vr̄bem oppugnare, scalisque muro admotis, quidam qui ascenderunt, vel à muris deiecti fuerunt, vel suspensi videbantur. Magna itaque telorum ac saxorum vi à muris ruere, anceps bellū ducebatur. Tunc animaduertens Scipio nimia suorum paucitate inæquale certamen esse, duabus simul partibus vr̄bem est aggressus. quæ res tantum pauorem iniecit animis iam fessis, vt oppidani nimia trepidatione mœnia repentina fuga desererēt, & Punicum præsidium, metu ne vr̄bs prodita esset, relictis stationibus in vnum se colligeret. Timor inde oppidanos inuasit, ne si Romani vr̄bem intrassent, siue Pœnus, siue Hispanus foret, obuii passim cæderentur, atq; patefacta repente porta frequentes se ex oppido eiecerunt scuta præ se tenentes, ne tela procul post se proiicerentur, dexteramque suas nudas ostentantes, vt appareret gladios abiiecisse. Id vero cū dubitaretur an dolus esset, impetu hostili in transfugas facto, non secus quam si aduersa foret acies, cæsa est, eademque porta signa infesta in vr̄bem illata sunt, & aliis partibus securibus dolabrisque cædebantur portæ, & vt quisque intrauerat eques, ad forum occupandum currebat citato equo. sic enim præceptum fuerat. Carthaginenses omnes in custodiam dati sunt, ex oppidanis ii qui clausis portis euaserunt, libertate donati sunt, & sua omnia reddita sunt. In ea oppugnatione tam ex oppidanis, quam ex Carthaginensibus ceciderunt circiter duo millia, ex Romanis vero octoginta. Læta igitur fuit iis qui rem ipsam gessere, eiusdem vr̄bis expugnatio, & imperatori Publio Scipioni, cæteroque exercitui spatiosus ac iocundus aduentus: collaudatque fratrem Lucium cum quanto potuit verborum honore, & Carthaginensibus à se captæ Ortigis æquat. Cæterum quia instabat hyems, nec Gades tentari poterant, nec dispersum exercitum Hasdrubalis per totam prouinciam consecrari expediebat, in citeriorem Hispaniam ad Iberum fluuium omnes suas copias exercitumque reduxit. Ipse vero imperator Scipio cū Lucio fratre, & Hânone Pœnorū imperatore, & aliis nobil. captiuis Tarracōnam venit.

A N N O ab orbe condito quarto milleno, nongentesimo, nonagesimo secundo, & ab vrbe condita c c c c. x l i i i. quum in Italia prospera omnia essent, de retinenda Hispania solliciti erant Romani, quæ tamen eandem quasi fortunam habebat exercitus Romani gestis fœliciter cedentibus. Nam Pœni amisso Hannone duce exercitus, vsq; ad vltimam Oceani oram Gadefque perfugerant, qui tamen tum situ locorum, tum hominum ingeniis ad bellum reparandum idonei videbantur. Itaque cum Hasdrubal Gisconis filius, tertius post Barcinos Hannibalem scilicet, ac Hasdrubalem fratres, Pœnorum dux maximus eo bello haberetur, regressus à Gadibus rebellandi spem Hispanis dedit. Adiuuanteque Magone Hamilcaris filio, directis per vltiorem Hispaniam literis nunciisque, ad quinquaginta millia peditum, quingentosque ac quadraginta milites armavit. Deinde fama vulgata quod ad lxx. millia peditum comparasset, ad Alpium vrbe concessit, in cuius agro Pœni positis castris eo animo erant, vt nullo pacto detrectarent certamen. At Scipio cum ad eum fama tanti comparati exercitus perlata esset, præmissis Syllano qui milites à locis quibus per hyemem debebant, acciperet, ipse protinus à focis contrahendo auxilia Castulonem peruenit, ad quem adducta sunt à Syllano auxilia peditum equitumque tria millia. Inde ad Betulam vrbe cum omni exercitu progressi sunt, in quo erant equitum quinque millia, & peditum quadraginta millia, quibus castra ponentibus, eos Mago & Masinissa cum omni equitatu aggressi sunt, turbassentque munites castra Pœni incurstantes in Romanos, nisi à Scipione in tumultum propinquum loco adducti fuissent. Interim graue committitur prælium ad eam partem, vbi signa locata erant. Interim cum omnis multitudo ex Romanorum castris efflueret, Pœni ordinibus iam confusis in fugam versi sunt, profugientes hac & illac, vbi propior vnicuique salus videretur. Inde cum iam ex ea pugna Romani potiorem partem obtinuissent, aliquibus tamen postea diebus licet tentati essent, abstinerunt ab incursionibus. Deinde quum tentati à Romanis Pœni essent, Hasdrubal primo è castris copias in aciem eduxit, & Romani inde sequuti sunt. Quumque vtraque acies vallo aspero inter medio astitisset instructa, à neutrisque pugna caperetur, iam die ad occasum vergete, à Pœnis prius, deinde à Romanis in castra copiarum adductæ sunt. Hoc etiam postea per dies aliquot factum est, quoniã Pœnus primo è castris copias educebat, & prior fessis instando signum receptui dabat, quum à neutra parte procursum esset, telumve immissum, aut vox exorta. Hoc sic per dies aliquot perperam actum. cum iam Hasdrubalis tyrones Hispani & lixæ matutino tumultu à militibus Romanis mandato Scipionis oppressi pugna deficerent, Pœnorum duces, priusquam corpora cibum reciperent, raptim in aciem copias extraxerunt. Scipio hæc contemplatus detardare, & in vesperum differre prælium statuit. Nam hora septima primo cornua cœpit instruere, & longe tardius ad medias acies peruenit. Æstus à meridiano sole, laborque armorum, ac insuper fames, & sitis, prius quam manus ad prælium conferebant, corpora non mediocriter affecerunt. Ita vtraque acies innixis scutis signisque diutius perstituerunt. Cum vero dies declinaret, pugnaque è cornibus, & quidem valde tumultuosa inciperet, cum elephanti aliquantulum à leui armatura Romanorum in mediam aciem se intulissent, Pœni fessi corporibus animisque retulere pedem castra versus, ordinem tamen seruantes, non secus, quam si hoc ducis arbitrio fieri contigisset. & sic aliquantisper seruata sunt integræ acies, quum tamen Romani eas in fugam inclinatas viderent, impetuque ab illis non posset facile sustineri, quanquam Hasdrubal quantum poterat retineret, resisteretque cedentibus. qui videns collem esse à tergo, vbi tutum esset receptaculum, si modico suos interuallo retraxisset, clamitabat, vt in eum se collem reciperent. Interim cum verecundia vicisset metum, Hasdrubale paulisper in vna montis radice exercitum continente, atque in ordinem suos milites reuocante, citato Romani gradu signa in collem quæ prius Hasdrubal occupare cogitauerat, crexerunt: cumque hoc Pœni vidissent, integra fuga in castra profugerunt, ne interciperetur à Romanis iter. Superuenit interea Post vehementem solis tanta vis aque, vt vix Pœni in castra se reciperent. nec, dum introirerent, procul à vallo Romani erant: qui proculdubio castra cepissent, nisi vi aquæ fuisset prohibiti. Ex eo itaque die Carthaginenses vltius aliquid tentare non sunt ausi. ipsi enim licet labore fessi ac vulneribus essent, noxque & imber ad pernecessariam quietem eos traheret, tamen quia metus & periculum cessandi tempus non dabant, prima statim luce castra faxis vndique ex propinquis vallibus aduectis augerent vallo, quoniam in armis parum fidebant. Castra itaque Punica oppugnaturi Romani quamprimum erant, sed impediti sunt ob defectio-

hem Hispanorum ad Romanos. Nam Athenas Regulus Turditanorum cum magna populorum manu transfugit. duo insuper munitissima castra cum eorum præliis sese Romanis dedere. Turditani ea gente & prouincia continentur, quæ à Bæti flumine (quod hodie Guadalcauir appellatur) per oram Oceani vergit ad orã fluminis Anæ (quod hodie Guadiana dicitur) vsque ad sacrum Herculis promontorium in Portugallia secundum descriptionem Claudii Ptolemæi. Interim Hasdrubal Gisconis filius cum intelligeret animos suorum ad defectionem inclinatos, ne alii ex suis transfugerent, silentio noctis facto castra inde mouet. Quum vero dies aduenisset, & ab iis qui in stationibus erant, relata esset Hasdrubalis cum toto exercitu profectio, Romani præmissis equitatu signa moueri ac ferri iubent, adeoque citato agmine ducebantur, ut si recta via iissent, proculdubio eum fuissent assecuti: sed ducibus creditum est, qui dixerunt breuius esse iter aliud ad Bætim fluuium (qui, ut diximus, Guadalcauir dicitur) ut transeuntes aggredierentur. Hasdrubal vero cum intellexit clausum esse transitum fluminis, ac interceptum a Romanis, flectit ad Oceanum exercitum, qui fugientium more dispersi abibant. Tandem assequuntur eos equites Romani, & ii qui leuiter armati erant, Pœnos nunc à tergo, nunc à lateribus incurfabant, fatigabant, & morabantur, adeo ut legiones Romanorum ac signa iam appropinquarent. Cum enim ad crebros tumultus signa consisterent, & nunc equestres, nunc pedites prælium conferrent, superuenerunt legiones ac signa Romanorum. iam non pugna, sed trucidatus velut pecorum fieri cœpit, donec ipse dux & fugæ autor in proximos colles cum sex millibus fere inermium profugit atque euasit: cæteri vero cæsi captique sunt. Interim Pœni in ipso colle castra tumultuaria communierunt. Romani vero cum in collem subire tentassent, iniquo ascensu impediti nequiuertunt. Præterea considerantes quod obsidio in loco inopi atque nudo vix ad paucos dies tolerabilis esset, obsidionem firmauerunt. Interea multi ex Pœnis ad Romanos confugiebant. Postremo Hasdrubal ipse dux acceptis nauibus, quum nocte clam fugisset, Gades traiecit: erat enim locus ipse non longe à mari. Scipio vero fuga Hasdrubalis audita, decem millia peditum, & mille equites Syllano ad obsidionem castrorum reliquit. Ipse enim cæteris copiis causa recognoscendorum regulorum, populorumque ut præmia pro meritis posset largiri, Tarraconam rediit. Post profectioem vero eius Masinissa rex Numidarum clã nocte ad colloquia venit cum Syllano, in quibus se gentemque suam amicam Romani populi spondit. in qua amicitia vsque ad finem vltimamque senectutem permansit, indeque concilio facto in Africam reuersus est.

Quomodo Carthaginenses ultimo ex Hispania sunt expulsi.

POSTEA vero quam Hasdrubal in Gades profugerat, naues Magoni remisit, quæ eundem in Gades asportarent. Mago igitur dimissis iis qui ex exercitu superfuerat, in Gades transit, quorum pars ad Romanos confugit, pars à ducibus deserta per vicinas vrbes & oppida dispergitur nullo robore munita. Postea vero quam Syllanus vidit omnes Carthaginenses ab Hispania pulsos, & dissipatum exercitum ducesque fugatos, Tarraconam ad Scipionem properat. Qui cum venisset, Lucius Scipio Magni Publici Scipionis frater Romam à fratre nūcius missus est cum multis Hispaniæ nobilibus captiuis, quos in victoria signum secum attulit, qui res mirifice in Hispania gestas atque victorias Senatui nūciaret.

Quomodo Scipio & Hasdrubal ad Syphacem Massylorum Regem venerunt profœdere.

QUUM fama Scipionis ingenti gloria celebraretur, vulgoque Hispaniarum victor proclamaretur, vir magnanimus, inexplebilis; laudis amore captus, iam Africa magna-que Carthaginem petere statuit, ut maiorem suo nomini honorẽ gloriamque compararet. Et ut voti compos facilius euaderet, reconciliandos animos Regum ac gentium partium illarum tentare decreuit. Primumque aggredi Syphacem Massylorum Regem curat, quæ gens est ad finem Maurorum nouæ Carthagini obiecta, diuidente sinu Mediterranei maris. Erat enim cum Carthaginensibus ipsi Regi ac genti fœdus, ipsique præ cæteris barbaris de obseruatione fœderis præclarius nomen erat, cum ipsis barbaris (ut multi dixerunt) fides ex fortuna esse consueuerit. Ad eundem itaque Regem Caium Lælium oratorem mittit cum donis, qui iocunde receptus est ab eo, quia res tam prospere Romanis successissent, maximeque Scipioni. Cumque etiam in Italia Pœnis aduersæ res essent, in Hispania nullæ, amicitiam Romanorum Syphax Lælio annuit firmandam: eã tamen nec dare, nec recipere posse, nisi coram ipso Romanorum duce Scipione. Itaque Lælius accepta fide à Rege ad Scipionem reuertitur. Erat enim Syphax Rex opulentissimus, bello aptus, Car-

thaginique magnæ vicinus, illique suis finibus coniungebatur, modico maris freto ab ipsa Hispania distans. Scipio igitur audito Lælio ratus rem dignam non posse sine maximo periculo agi, Tarraconæ Lucio Martio, nouæ vero Carthagini Syllano ad præsidium Hispaniæ relictis, ipse terrestri itinere à Tarracona nouam Carthaginem venit, & a noua Carthagine cum duabus triremibus tranquillo mari in Africam traiecit: casuq; accidit, vt eadem hora Hasdrubal ab Hispania pulsus, septem cum triremibus ad Syphacem veniens, iactis ancoris in terram descenderet. Ita prior in terram Hasdrubal, mox Scipio & Lælius egressi, pergunt ad Regem. Vt Syphaci visum est, duorum opulentissimorum populorum duces ea tempestate eademque die suam pacem amicitiamque petentes venisse ad eum, vtrunq; ad hospitium inuitat. Et quoniam eos sub vno eodemque tecto fors perduxit, conatus est eos ad colloquium deducere causa dirimendarum inter se factionum. Scipio hoc renuit, dicens nullû cum Pœnis priuatum odium esse quod colloquendo finiret, neque de republica se cum hoste agere quicquam nisi iussu senatus posse. in illudque magnopere Rex tendebat, ne alter hospitum exclusus mensa videretur, ideoque Scipionem ad eandem mensam cum Hasdrubale inuitat, quod Scipio nō abnuuit, & quia id maxime Regi placebat, Scipio & Hasdrubal simul cœnati, eodem etiã lecto simul dormierunt. Tantâ autem comitas Scipioni, atque ad omnia naturalis ingenii claritas, & facundia erat, vt non modo Syphacem barbarum, insuetumque Romanis moribus sed etiam hostem quencunq; infestissimum alloquendo sibi conciliaret: mirabilemque aspectum ac maiestatem præ se fecerat, quam gestarum rerum gloriam. Nec dubium est Regem regnumque sola Scipionis allocutione in Romanorum esse potestate, tantam artem ad conciliandos animos eidem natura tribuerat. Itaque non tantum quomodo Hispaniæ amissæ essent, sed quomodo Africa retineretur, Carthaginensibus necessariû fuit cogitare. Iniit igitur Scipio fœdus cum Syphace Rege, nec postea d. utius immorans statim prouinciã a se derelictã cum duobus exercitibus repetiit. Non enim peregrinandi causa, neque solatii, Africam petierat, sed desiderio ea potiendi, hocque cum iam diutius in animo reuoluisset, tandem palam efficere voluit, vt quemadmodum Hannibal in Italia bellum gereret, sic Scipio in Africa. qui à recessu suo dubiis plerunq; & contrariis ventis in alto iactatus, quarto die nouæ Carthaginis portum tenuit. Hispani vero licet à Punico bello quieti essent, in quibusdam tamen ciuitatibus non bonus animus erat, quæ metu tranquillæ manebant. conscientia enim illos premebat commissorum delictorum, inter quas maxime insignes erant magnitudine simul & culpa Illiturgum & Castulo opulentissimæ vrbes. Cum enim prosperis rebus Romanorum socii fuissent, post cæsos tamen Scipiones cum exercitibus defecerunt ad Pœnos. Illiturgitani vero defectioni hoc addiderunt, quoniam Romanos qui ex illa clade ad eos profugerant, hostibus prodiderunt interficiendos. In eos itaque populos, cum dubiæ adhuc Hispaniæ forent, scuitum fuisset, nisi vtiliter potius quam merito factum distulisset. Cum vero res tranquillæ visæ sunt, tempus expectandæ vindictæ non amplius dissimulauit: aduocatumque Lucium Martium à Tarracona cum tertia parte copiarum ad expugnandum Castulonem mittit. Ipse vero Scipio cum reliquo exercitu quinque castrorum stationibus ad Illiturgum peruenit, cuius portas oclusas reperit. Tum omnibus instructis ad oppugnationem faciendam ipse Scipio milites adhortari cœpit, vt multo infestioribus animis cū suis quam cum Carthaginensibus bellum gerendum esset, quippe cum illis de imperio & gloria sine ira certabant, cum istis vero, vt perfidiæ, crudelitatis, ac sceleris pœnas luant, quo & nefandâ commilitonum necem vlciscerentur, vt in omne tempus documentum ac prouerbium fierent, ne quis vnquam Romanum militem ciuemque in qualibet fortuna constitutum iniuria premeret. Ab hac exhortatione ducis incitati milites, electis viris qui per manipulos scælas erigerent, partito exercitu, vt alteri Lælius præesset legatus, duobus simul locis ancipiti terrore vrbe aggreduuntur. Non enim dux vnus aut princeps oppidanos ad defensionem inuitabat, sed sola conscientia & culpæ metus, ex quibus non gloriam, nec imperium, sed supplicium quærebant Romani. Quapropter seipsos oppidani animabãt ad pugnam, dicentes melius esse in acie mori, vbi Mars omnibus communis esset, qui sapius victum erigere, ac victorem affligere solitus esset, quam postmodum cremata direptaque vrbe ante ora captarum coniugum liberorumque, inter verbera & vincula, omnia fœda atq; indigna passos exspirare. Igitur non militaris tantum ætas & viri, sed fœminæ quoque ac pueri supra animi corporisque vires adsunt, pugnantibusq; arma telaq; ministrant. saxa quoque ad murorum munitionem adducunt. Accendebantur ita animi certamine, labore, ac periculo, atq; ipso inter se conspectu, adeoque magno ardore certamen inicum est, vt à iuuentute oppidanorum exercitus Scipionis à muris repulsus sit.

Quod

Quod factum ut Scipio vidit, veritus ne vanis conatibus hostium animus cresceret, & remissiores sui fierent, sibimet conandum esse censuit, partemque periculi capeffens ferri scalas iubet, & seipsum ascensurum, si cæteri recusarent, comminatur. Tum à multis partibus cœptæ sunt scalæ erigi, ex aliaque parte vrbis Lælius vehementi conatu instabat. Tunc victa est vis oppidanorum, deiectisq; propugnatoribus occupantur muri. Arx insuper ab ea parte quæ inexpugnabilis videbatur, capta est. Viderat enim eminentissimam eius partem quæ alta rupe tegebatur, neque vlllo opere munitam, & à defensoribus vacuum. Hanc partem leuium corporum homines, & multa exercitatione dispositi clauos ferreos secum portantes per inæqualiter prominentia rupis scandebant. Vbi per modica interualla distantes figebant clauos, quibus, velut quosdam gradus facientes, ita in summum perueniunt. Capta igitur vrbe, Romani iram in eos odiumque euomunt. Nemo enim viuos capiebat, nemoque prædæ memor erat. Trucidantur passim inermes simul cum armatis, infantulique cum mulieribus, ignemque insuper teetis iniiciunt, diruunt quæ ignis absumere nequiuit. ita enim memoriam vrbis penitus extinguere voluerunt. Castulonem deinde Scipio exercitum duxit, quam non modo oppidani defendebant, sed etiam reliquæ exercitus Pœnorum qui ex dissipata fuga passim in eam confugerant. Sed cum Scipio aduenisset, fama cladis Illiturgitanorum eis pariter terrorem ad desperationem intulit. Et quum in diuersas sententias quisq; prout sibi videbatur, cōsuleret, discordia inter Pœnos ac Hispanos orta est. Oppidanorum atq; Hispanorum caput erat Cerdubellus autor deditio-
 10
 20
 30
 40
 50
 60
 70
 80
 90
 100
 110
 120
 130
 140
 150
 160
 170
 180
 190
 200
 210
 220
 230
 240
 250
 260
 270
 280
 290
 300
 310
 320
 330
 340
 350
 360
 370
 380
 390
 400
 410
 420
 430
 440
 450
 460
 470
 480
 490
 500
 510
 520
 530
 540
 550
 560
 570
 580
 590
 600
 610
 620
 630
 640
 650
 660
 670
 680
 690
 700
 710
 720
 730
 740
 750
 760
 770
 780
 790
 800
 810
 820
 830
 840
 850
 860
 870
 880
 890
 900
 910
 920
 930
 940
 950
 960
 970
 980
 990
 1000

Scipio patri patruoque exequias facit, & reddit diis vota pro vindicta.

SCIPIO igitur nouam Carthaginem rediit redditurus diis vota, ac daturus munera Sgladiatoribus hastilursoribusque, pro vindicta patris patruique. Statuit igitur diem ad munera gladiatorum conueneruntq; ad statutum diem non solum obscuro generis, sed etiam
 30
 40
 50
 60
 70
 80
 90
 100
 110
 120
 130
 140
 150
 160
 170
 180
 190
 200
 210
 220
 230
 240
 250
 260
 270
 280
 290
 300
 310
 320
 330
 340
 350
 360
 370
 380
 390
 400
 410
 420
 430
 440
 450
 460
 470
 480
 490
 500
 510
 520
 530
 540
 550
 560
 570
 580
 590
 600
 610
 620
 630
 640
 650
 660
 670
 680
 690
 700
 710
 720
 730
 740
 750
 760
 770
 780
 790
 800
 810
 820
 830
 840
 850
 860
 870
 880
 890
 900
 910
 920
 930
 940
 950
 960
 970
 980
 990
 1000

Astapa vrbs Carthaginensium igne ferroque vastatur.

ASTAPA erat vrbs (quæ hodie Ascho dicitur) quæ semper Carthaginensium fuerat, quæ
 40
 50
 60
 70
 80
 90
 100
 110
 120
 130
 140
 150
 160
 170
 180
 190
 200
 210
 220
 230
 240
 250
 260
 270
 280
 290
 300
 310
 320
 330
 340
 350
 360
 370
 380
 390
 400
 410
 420
 430
 440
 450
 460
 470
 480
 490
 500
 510
 520
 530
 540
 550
 560
 570
 580
 590
 600
 610
 620
 630
 640
 650
 660
 670
 680
 690
 700
 710
 720
 730
 740
 750
 760
 770
 780
 790
 800
 810
 820
 830
 840
 850
 860
 870
 880
 890
 900
 910
 920
 930
 940
 950
 960
 970
 980
 990
 1000

ma, quia nihil minus timeri poterat, quam ut ex vrbe oppidani egrederentur. Perpaucæ igitur turmæ equitum leuisque armaturæ repente è castris ad id ipsum accurrunt. acrior impetu atque animis, quam compositior pugna fit, quoniã sine ordine vllò ab vrbe plebs egressa est. Itaque pulsi sunt equites, qui prius se oppidanis obtulerant, cæterisque terrorem non leuem intulerunt: trepidatumque parumper est circa signa, quum robur legionum præ angusto tempore dato ad instruendũ non potuerit tempestiue occurrere, quoniam ipsi oppidani in vulnera, hostes, ac ferrum vehementi vecordia ruebant. Occurrunt tamen interea probati ac electi milites, qui temerarios impetus cædè primorũ suppresserunt. Patefacta itaque aëie quoad fieri poterat, multitudo armatorum abstinebat à cædibus: nec tamen poterat propter obstinatos oppidanorum animos, qui sic passim in eos insultabant, ut in urbem pugnando intrantes coacti sint omnes vsque ad vnum occidere. Hoc itaque bellico more decertando actum est in prælio, sed fœdior in vrbe trucidatio fuit, quoniam proprii ciues omnem fœminarum turmam, puerorumq; imbecillem inermemq; multitudinem occiderunt, & incenso rogo semiuiva adhuc corpora in igne iecerunt. Præterea ipsi etiam suorum cæde miserandi cum armis in medium se iecerunt incendium. Cæterum iam cæde perpetrata superuenerunt Romani, ac primo conspectu tam atrocis rei mirabundi parumper obstupuerunt. Deinde quum aurum argentumque flamma liquefaciente, tumulo rerum aliarum interfluere, auiditate ducti milites, dum capere vellent, alii correpti flamma sunt, alii combusti à flamma, quũ primi vrgente turba retrocedere nequirēt. Ita Astapa sine militum præda, igne ferroq; absumpta est. Martius vero cæteris eius regionis partibus in deditionem acceptis, victorem exercitum reduxit.

Infirmas Scipionis, & quæ mala pertulit.

SCIPIO interea graui morbo impeditus est, grauiorem tamen ægritudinem reddebat, quum plærique adiiicerent, ei corruptionem humorum ex nimia castitate accidisse. Vnde factum est, ut prouincia omnis, & maxime longinqua turbaretur. Ex quo apprehendi potuit, quid subsequutum fuisset, si vera fuisset mors, quum vanus rumor tãtas excitasset procellas. non enim focii ac fœderati in fide manserunt, non exercitus in officio. Mandonius enim & Indibilis Celtiberorum princeps (qui Aragonenses hodie dicuntur) quum Scipioni expulsis Carthaginensibus adhæsissent, nihilque ex eo prosperi obtinissent, congregata magna Celtiberorum iuuenum manu agrum Sederanum (in quo ciuitas Soria sita est) & agrum Sueffitanum (in quo & Sanguessa oppidum est in Nauarræ prouincia) sociorum populi Romani multipliciter infestauerunt, atque hostiliter pene depopulati sunt. Deinde alius, & quidem maximus, ciuili rumor in castris ortus est. Erant enim ad præsidium octo millia militum in castris, iis gentibus quæ cis Iberum morabantur, ab Imperatore impositum. motæ sunt autem eorum mentes, quum primũ de vita Imperatoris dubii facti sunt: sed per antea cœperunt ex diuturno, ut fit, ocio, quum arctiores res essent, occulte disseminare, quid esset, si debellata confecta; prouincia esset, quid in pace item inter pacatos facerēt, quidve si bellũ in prouincia esset, quomodoq; in Italiam remearent. Petitumque est stipedium sæpius procacius ac auidius solito ex more ac modestia militari, & à custodibus in circuncuntes vigilias tribunosq; opprobria iactabantur, & nocte multi in agrum pacatum prædatũ ibant: deinde iam crescente licentia, sine mandato à signis abibant, omnia libidine ac licentia militum infestabantur, nihilq; instituto, aut disciplina militari, aut imperio eorum qui præerāt, gerebatur. Fortuna autem Romanorum castra seruabantur, eo quod tribuni à principio iura reddere omiserant ex contagione furoris, non ex parte seditionis defectionisque. Postquam vero tribuni reprehendere atq; improbare ea quæ fierent, cœperunt, & propalam dicere se furoris eorum non futuros socios, statim erupit seditio. Fugatis itaq; principibus, ac deinde tribunis è castris expulsis ad duos principes seditionis, Caium Albiũ, & Caium Atrium delatum est imperium omnium consensu. qui nequaquam tribunitiis contenti ornamentis, insignia etiam summi imperii falces securesque attrectare ausi sunt, neque in mentem veniebat suis tergis ceruicibusque virgas illas ac secures imminere, quas ad metum aliorum præfererēt. Mors enim Scipionis falso credita erigebat eorum animos, ob cuius vulgatam famam mox non dubitabant totam Hispaniam arsuram bello. In eo enim tumultu nec socii pecunias Imperatori afferre, nec adire propinquas vrbes poterant propter turbatas res, quũ omnia omnes auderent. Expectabant enim singulis horis nõ tam nuncios mortis, quã funeris, neq; superuenire aliquid posse arbitrabantur quod eorũ posset propositũ euacuare. Verum quum viuere primum, mox etiam valere Scipionem, certi nuncii affererēt, tribuni militum

militum septem ab ipso Scipione sunt missi, ad quorum aduentum primo factionis viri exasperati sunt animo. Percunctati igitur, quæ causa iræ consternationisque subitæ esset, dissimulando stipendium ad diem non datum iactabant: & quum eodem tempore, quo scelus Illiturgitanorum extitisset, post duorum Imperatorum duorumque exercituum stragem sua virtute defensum nomen Romanorum ac retenta prouincia esset, Illiturgitanos pœnam noxæ meritam habere, suis vero non esse qui gratiam exoluat recte factis. talia quærentibus responderunt tribuni vere se oraturos, ac ad Imperatorem delaturos. Lætari insuper se fingebant seditionis autores, quod nihil tristius insanabiliusque euenisset, & quod superesset Scipio qui Deum benignitate reipublicæ gratiam reddere posset.

1^o Scipioni itaque in principio leuiter agi placuit, & missis circa stipendiarias ciuitates exactoribus, stipendii spem propinquam dedit. Edictumque subinde positum est, vt ad stipendium petendum conuenirent in nouam Carthaginem, spemque maximam suæ factionis seditionisque abstulit Mandonio & Indibili. qui audito quod viueret & valeret Scipio, omisso incepto in suos fines redierunt, neq; videbant quenquam, non principem, non priuatum, apud quem recipi possent. Omnia enim circumspectantes, nihil reliqui habebant, præter vulgatissimum à malis consiliis receptum, dubiique erant, an Imperatoris iussu pro stipendiis irent, vel de eius clementia desperarent, quum scirent eum etiam hostibus ignouisse, cum quibus dimicasset, suamque seditionem sine sanguine, sine vulnere esse, ac propterea non atrocem, aut atroci pœna dignâ. vt humana ingenia sunt,

2^o ad suam quisque leuandam culpam declinabat. Maior tamen inter eos illa erat dubitatio, an eorum tribuni & centuriones, an vero omnes pro recipiendo stipendio irent, & valuit sententia, vt omnes irent, quia tutius esse censebant.

Quomodo puniti sunt tanta seditionis autores.

QUVM vero per eosdem dies hæc illi inter se consularêt, consilium de his nouæ Carthagini agebatur, certabaturque sententiis, vtrum in autores tantum seditionis animaduertetur, an vero omnium supplicio culpa vindicanda esset. erant enim autores paulo plures quinq; ac triginta. Vicit tandem pœna leuior, vt vnde culpa esset, ibi pœna cõsisteret:

3^o ad multitudinem vero satis esse castigationem verbalem. Concilio itaque dimisso parari expeditio cœpit aduersus Mandonium Indibilemque, cibariaque exercitui qui Carthagini erat, parari iubentur. Et cum tribuni septem, qui per antea Sucronem missi fuerat ad leniendam seditionem, obuiam exercitui irent, singulis data sunt nomina principum seditionis, vt eos per idoneos homines benigno vultu & sermone prius lenitos Carthaginẽ adducerent. Qui quum venissent, ad concionem vocati, in forum ad Imperatoris tribunal ducuntur. Imperator vero sedit paulisper tacitus, tum silentio per præconẽ facto, pluribus verbis de eorum seditione habitis, atque errore cõfutato, tum ex præparato omnium rerum terror oculis auribusque omnium est offusus. Inter hæc exercitus qui corona concionem circumdederat, gladiis & scutis concrepuit. Tum præconis audita vox est citantis nomina damnatorum, qui statim in Concilio nudi in medium protrahuntur, & simul omnis apparatus supplicii expromebatur. Deligati igitur ad palum, virgisque cæsi, & securi percussi sunt, adeo concussis metu qui aderant, vt circumstantium gemitus exauditi sint. Tracti inde de medio omnes sunt, purgatoq; loco, citati milites nominatim apud tribunos militum in verba Scipionis iurarunt, stipendiumq; ad nomen singulis persolutum est. Hunc finem seditio militum habuit.

4^o

Fugatur iterum Hanno præfectus Magonis à Lucio Martio.

PER idem tempus Hanno præfectus Magonis, missus à Gadibus cum parua manu Afrorum, data mercede Hispanos sollicitando ad quatuor millia iuuenum armauit. Castra

5^o deinde parans, ab Lucio Martio dissipatis castris, multis captis, ceteris in fugam datis, ipse Hanno cum paucis effugit, reliquos per deuia vagos palantesq; persecutus est. Dum hæc agerentur ad Bætum fluuium (qui hodie Guadalcauir dicitur Arabica lingua) Lælius cum classe in Oceanum nauigauit ad urbem quæ Carteia dicitur. Erat enim ea urbs in Oceani ora ad eam Hispaniæ partem, qua ex angustis faucibus panditur mare ad Gades. Causa autem aduentus Lælii erat, quia Gaditani missis ad Romanos nunciis in castra, obtulerant urbem sine certamine tradere. Romanis interim vulgata proditio est, quoniã Mago qui in ea urbe erat, comprehensos eos omnes Adherbali Prætori Carthaginẽ deuehendo tradidit, Adherbal vero coniuratis in quinquere misis, præmissisq; ipsis quinquere misis, quæ tardiores quam triremes erant, ipse cum octo triremibus modico interuallo secutus est.

Iamque fretum intrabat quinqueremis Carthaginensium, & ecce Lælius cum classe affuit, qui quum quinqueremem Carthaginensium capere conatus esset, sequentibus septem triremibus ad Adherbalem euectus est. Quinqueremis vero Pœna videns se deprehensam, & obliſtente æstu freti in aduersum reciprocare non posse, in re subita parumper timuit, an videlicet suæ triemes sequerentur, an vero hostis rostra conuerteret. ipsa enim dubitatio moram fecit detractandæ pugnae. Iam enim sub ictu teli erant, & vndiq; stabant hostes. æstus quoque moderandi naues adimebat arbitrium. neque enim erat simile nauali pugnae, quum nihil voluntarium haberet, nihilque artis vel consilii esset, quoniam & natura freti æstusque suis alienisque nauibus pariter inuehebat, vt remigi vllus locus non esset, si in contrarium æstus tetendisset. fit igitur coacta pugna. Quum igitur quinqueremis Pœnorum coacta, infestaque in Romanam rostro decurrisset, inuasissetque, obliqua Romana ictum alterius rostri recipiebat. interim anceps prælium commissum est. Quinqueremis vero Romana, seu pondere tenacior, seu quia pluribus remorum ordinib. referta facilius regeretur, duas triemes suppressit, & vnus ex aliis remos detorsit oppressa, cæterasque quas adepta esset, multastet, nisi Adherbal cum quinqueremib. extensis velis in Africam transfretasset. Lælius vero victor cæterarum reuersus, auditis quæ acta Gadibus essent, ob patefactam proditionem, coniuratosque Carthaginem missos, spe ad irritum redacta, nuncios ad Lucium Martium misit, de cunctis certiozem faciens. & quia frustra ibi tempus tererent, assentiēte Martio redire ad imperatorem decreuerunt, postque paucos dies ambo nouam Carthaginem redierunt. Ad quorū discessum nec ociosus Mago fuit, quæ poterat terra marique ordinans, vt in Hispaniam rediret. Audita enim Illergetum rebellione (quæ Nauarorum gens est, vt supra diximus) spem recuperandæ Hispaniæ cepit. Missis igitur nunciis ad Senatum Carthaginensium, qui simul seditionem ciuilem in castris Romanis, defectionemque sociorum in maius verbis auerent, imperium Hispaniæ posse repeti persuasit.

Prælium Scipionis, & Indibilis ac Mandonii Celtiberorum regulatorum, qui aduersus Romanos rebellant.

MANDONIVS itaque & Indibilis audita Scipionis sanitate, quia in fines suos regressi fuerant, visuri paulisper quid seditio incepta statueret, quoniam si conspiratis ciuibus in castris indulgeretur, sibi quoque ignosci non dubitabant. Postquam vero vulgata est atrocitas supplicii, suam quoque noxam pari pœna vindicandam arbitrati, vocatis rursus ad arma popularibus, contractisque quæ ante habuerant auxiliis, in Sedetanum agrum, vbi defectio primum exordium habuerat, cum viginti millibus peditum, & duobus millibus & quingentis equitum transcenderunt. Scipio vero quum omnibus noxiis innoxiusq; stipendium dedisset, vultu & sermone in omnes placato, facile reconciliatis militum animis. prius quam castra à noua Carthagine moueret, concione aduocata multis verbis in perfidiam regulatorum verba faciens asseruit, non se eo animo ire ad vindicandum hoc scelus, quo ciuilem errorem nuper sanauerat: quoniam id fecit non secus, quam sua viscera secans cum gemitu ac lachrymis, triginta hominum capitibus liberasse octo milliū siue imprudentiam, siue noxam: nunc vero læto & erecto animo in cædem Illergetum ire. Deinde se ad iter præparare in diem alterum iubet, profectusq; decimis castris peruenit ad Iberum flumen: deinde quarto die castra in conspectu hostium posuit. campus enim erat ab interiori parte montibus circumseptus. In eam vallem Scipio quum pecora multa ex hostiū agris rapi iussisset, ad irritandos barbarorū animos, velites (qui proprie Hispano nomine Ginecarii appellantur) immisit. Vbi vero per excursionē cōmissa fuit pugna, Lælium cum equitatu impetū ex occulto facere iubet. mons enim præeminēs equitum insidias texit. nec vlla mora ad pugna facta est. Hispani cernentes eorū pecora tolli, in velites Hispanos præda occupatos incurrere cœperunt. Vnde quū cœpisset iā pugna. & gladiis nudatis, collatoque pede certamē fieret, superuenere equites. & maiores inde cades fiunt, quā per excursionēs ac leuia certamina fieri soleāt. ita magis accenditur ira Hispani ad vindictā. qui ne pulsi viderentur, postero die prima diei luce in aciē processere. neq; capiebat omnes copias angusta vallis: duæ namq; peditum partes, & omnes deniq; equitatus in aciē descenderunt, reliqua vero peditū pars in vnū ex obliquo collē constitit. Scipio considerans loci angustiam pro se esse, quia in arcto pugna aptior Romanis, quā Hispanis futura videbatur, quodq; in eum locum retracta eorū multitudo esset, qui omnes minime capere possent, nouo consilio animū adiecit, vt scilicet tā angusto spatio circumdaret cornib. hostiū aciē, quo peracto Hispanis inutiles foret pedestres copiæ. Itaq; imperauit

Lælio

Lælio ut per colles occultissimo itinere circumducatur equites, segregetque quantum possit equestrem à pedestri pugna. ipse quoque Scipio statim omnia peditum signa in hostes vertit, quatuorque cohortes in fronte statuit, quia latius non poterant aciem pandere, neque moram pugnandi ullam fecit, ut cum certamine auerteret conspectum equitum transcuntium per collem, neque ante conspicerent circumductos esse, quam à tergo inuafos se esse sentirent. ita duo prælia, duæ peditum acies, & duo equitatus per longitudinem campi. nam misceri non poterant, quia vallis angustia hoc non patiebatur. pugnabantque adeo, ut neque pedites equitibus. neque equites peditibus auxilio esse possent, quoniam quum pedites qui in fronte erant, pugnarent, putantes equites à tergo eis auxilio esse, trucidantur, quoniam equites ipsi à Lælio & Romanis ab ipso tergo inuasi etiam debebantur. Quumque ipsi equites aliquandiu Lælii imperium sustinuissent, finaliter tamen ad vnum omnes cæsi sunt, nec quisquam equitum peditumve superfuit, eorum scilicet qui in valle pugnaerunt. Tertia vero pars quæ super collem secesserat, & potius ad spectaculum quam ad pugnam steterat, & locum, & tempus ad fugiendum habuit. Inter eos enim Mandonius & Indibilis reguli fratres ipsi fugerunt, prius quam à tergo tota circumueniretur acies, elapsi inter tumultum. Castra itaque Hispanorum eodem die præter aliam prædam, cum tribus ferme millibus hominum capiuntur. Ex Romanis vero eodem die ac prælio circiter mille ac ducenti ceciderunt, vulneratique sunt amplius quam tria millia hominum. Neque enim adeo cruenta fuisset victoria, si parentiore campo decertassent, & ad fugam capessendam facilitas fuisset. Indibilis itaque abiectus bello & fugatus, consilium cepit, & afflictis prostratisque rebus nihil tutius esse duxit, quam ut in Scipionis clementia speraret. Expertâ itaque eius fide Mandonium fratrem ad Scipionem mittit. qui aduolutus genibus eius, fatalem rabiem temporis accusat, quum velut contagione quadam pestifera, non Illergetes modo & Lacetani, sed castra quoque Romana insanierint. suam itaque, & fratris, & reliquorum popularium eam conditionem esse, ut, si velit, reddant spiritum Scipioni: vel si seruare malit, tanquam ab eo acceptum, illum pro eius voluntate deuouerent, tanquam ab eo seruatum. In causa enim fuerat eatenus, ipsam clementiam non petiisse, quum de ea, eius inspecta magnanimitate, non haberetur fiducia: nunc autem è contrâ, quoniam quum victor euaserit, non est dubium in eius maxima clementia sperare. Ille enim semper Romanis mos fuit, parcere prostratis, & debellare superbos. Scipio igitur, licet vetus mos Romanorum fuisset, ut eis quos non foedere, sed armis superassent, non prius daretur amicitia tanquam in pacatum populum, quam omnia diuina & humana dedissent, obsides insuper acciperentur, adimerentur arma, præsidiaque urbibus composita forent: multis verbis detestatus Mandonium præsentem, Indibilemque absentem, illos merito perituros fuisse suo ipsorum maleficio asseruit, victuros populi Romani beneficio. Itaque eisdem regulis, & illam pugnam, & rebellionem liberam esse voluit, eisque velle præter Romanum morem, & arma relinquere, nec obsides petere, ne si iterum deficerent, in obsides innoxios, sed in seipsum sequeret, atque eorum esse, an pacatos, an iratos Romanos velint. Ita dimissus est Mandonius, pecunia tantum imperata, qua militibus subsidium parari posset, qui Lucio Martio in ulteriorem Hispaniam præmisso, paucos moratus dies, dum imperatam pecuniam Illergetæ numerarent, cum expeditis Lucium Martium iam Oceano appropinquantem assequitur. inchoata enim res erat de Masinissa, ut ad colloquiū cum Scipione veniret. vulgatum est in castris Scipionis Masinissam cum Scipione velle cōgredi, ad hoc quæ dexteram sibi inuicem dedisse. Masinissa vero quum Gadibus esset, certior factus à Martio, Scipionem aduentare, causando dixit corrumpi equos in insula, penuriâque rerum omnium pati, & ideo se velle traicere ad depopulandos Mediterraneos agros: utque imperator Mago hoc pateretur, marcescere se dixit equitum desidia. Transgressus itaque tres principes Numidarum præmittit, ad tempus locumque pro colloquio statuendum, duos pro obsidibus retineri à Scipione iubet, remisso tertio, qui quum iussus esset, adduceret Masinissam. cum paucis itaque ad colloquium venerunt. Ceperat enim Numidam Scipionis fama, gestarumque rerum admiratio, qui animos ad speciem corporis eius amplam atque magnificam crexerat. cæterum maiorem venerationem præsentia fecit, & præterquam quod à natura multa in eo erat maiestas, adiuuabat tamē promissa cæsaries, habitusque corporis, non cultus exquisitis munditiis, sed virilis, ac vere militaris (quod plenius nitidiusque ex morbo apparebat, velut renouatus flos iuuentæ) prope attonitus ipso primo congressu Numida est. Ait igitur Masinissa primum Scipioni gratias de fratris filio remisso, ex eoque tempore eam se quæsisse occasionem, quam tandem oblatam deorum immortalium beneficio non omiserit, cupereque se illi populoque Romano operam nauare, ita ut nemo vnus externus magis enixe adiuuet rem Romanam, seq;

diu hoc facturū parauerat in Hispania ignota, alienaque sibi patria: cum autem hoc fieri non valuerit, sed id in Africa, ac propria patria facturū, quoniam si Romani eundem Scipionem in Africam mittant, non est dubium, sperare posse, se breui illam adepturos. Lætus enim vidit cum Scipio, audiuitque, cum caput rerum in omni hostium equitatu Masinissam sciret: qui & iuuenis erat, & decorem præ se ferebat. Fide igitur data receptaque, Scipio regressus est Tarraconam. Masinissa vero permissu Scipionis, ne sine causa traicente videretur, depopulans vicinos agros Gades rediit.

Mago Pænorum Dux à Gadibus ad minorem Balearium insulam cum classe hybernaturus venit.

MAGO igitur desperatis in Hispania rebus, quoniam eum spes fefellerat, quā primum in militari seditione concipiens, in defectione Indibilis ac Ilergetum posuerat (quæ duo eius animum diu sustinuerant) dum pararet classem in Africam traicere, nuncium à Carthagine accepit, iubere Senatū, vt classem quam Gadibus haberet, in Italiam traiceret, cōducta ibi quanta posset Gallorum ac Ligurum iuuentute, coniungeretq; Hannibali, ne sineret senescere bellum maximo impetu ac fortuna cœptum. Ad eam rē maxima pecunia à Carthagine magna adducta est, & ipse quantum potuit à Gaditanis exegit, nō modo publice ab eorum ærariis, sed etiam templis spoliatis, priuatim ab omnibus, eos cogendo vt aurum argentumque in publicum conferrent. Qui cum à Gadibus cum classe discessisset, ac præterueheretur ad Hispaniæ oram, non procul à noua Carthagine expositis in terram militibus proximos depopulatur agros, inde ad urbem classem appulit, ibique cum die milites in nauibus tenuisset, nocte in littus exposuit ad eam muri partem qua captā à Romanis noua Carthago fuerat, pro constanti habens, eam urbis partē nullo saltem valido præfidio teneri, & aliquos oppidanorum ad spem nouandi res moturos. Interim nuncii ex agris trepidi simul depopulationem, agrestiumque fugam, & hostium aduentum retulerunt. Tum visa est classis, nec sine causa electa ante urbem statione apparuit. armati igitur oppidani instructique ad portam mare versus ac stagnum concurrerunt, vbi circumfusi hostes ad muros, tumultu maiore quam vi, subierant, patefactaque repente porta Romani cum clamore erumpunt, turbatosq; hostes ad primum incursum coniectumque telorum vsque ad littus cum multa cæde persequuntur: & nisi naues littori appulsæ trepidos recepissent, non super fuisset fugæ aut pugnæ quisquam. In ipsis quoque nauibus trepidatum est, ne hostes cum suis simul in naues irruerent. Retrahunt igitur scalas, ancorasque ne moram nimiam facerent, præcidunt. quorum multi in littore derelicti, vt naues natando assequerentur, incerti præ tenebris quid peterent, aut vitarēt, fluctibus obruti sunt. Postero vero die cum classis retro in Oceanum vnde venerat, fugeret, circiter duo millia ac octingenti homines cæsi inter muros littusque reperti sunt. Mago autem in Gades cum classe reuersus excluditur, inde ad Cimbim non longe à Gadibus classe appulsa clauduntur illi portæ, inde ad Pityusam centum pene milliaria amplectens, quam Pæni adhuc obtinebant incolabantque. In ea classis bona cum pace suscepta est, nec modo commeatus ab ea benigne præbiti sunt, sed etiam in supplementum classis iuuentus armaque data sunt, quorū fiducia Mago in Baleares insulas quinquaginta abinde milliariis distantes transfretauit. Dux enim sunt Balearium insulæ, vna maior, quam Maioricam à maioritate insulæ, vt supra diximus, altera minor, quam à minoritate respectu maioris Minoricam dicunt, armis hominibusque copiosior, ac portum habens pulcherrimum, in quo se hybernaturum sperabat. ad extremū enim autumnus erat. Quum itaque ad maiorem insulam cum ipsa classe transfretasset, cum fundis insulani omnes hostiliter occurrerunt (quo solo armorum genere, sicuti in aduentu Herculis supra narratū est, utebantur, & inde etiam Baleares dictæ sunt) tantaque vi lapidum appropinquantem classem obruebant, vt introitum portus eis omnino vetuerint. Inde igitur recedentes ad minorem Balearium insulam traiecerunt. In cuius portu locū munientes, sine certamine vrbe agroque, & quidem fertili, potiti sunt, in qua tota hyeme residens Mago, duo millia auxiliarium ex eis conscripsit, urbemque ipsam ampliandam, & portui & vrbi nomen dedit, Magoque vsque in hodiernum appellantur. Gaditani vero post eius ab Oceano discessū Romanis se dederunt.

Scipio obtenta Hispania Romam reuertitur, atque Consul creatur, eique Sicilia & Africa assignata sunt.

HIS itaq; peractis anno ab orbe cōdito quarto milleno, & ab vrbe condita D. AC XLVII.

Scipio obtenta Hispania Romam rediit, & iterū Consul creatur, & multis in Senatu

CORRA-

contradicientibus Sicilia illi prouincia decreta est, & insuper Africa Romanis armis ag-
gredienda. Magnus itaque Romæ apparatus fit ad bellum in Africam transferendū, Sci-
pioque traicere exercitum in Siciliam, & inde in Africam parat. Sed quoniam hæc ad
Hispaniam pertinere non videntur, illa prætermitto, de quibus satis abundeque Romani
scriptores meminerunt. Nos autem de nostris videamus.

Magus Amilcaris filius à portu & urbe Magone minoris insule Balearis exercitum Genuam traicit, & urbem vi cepit, Indibilisq; defectio ac pugna.

10

MAGUS igitur cum hybernasset (vt diximus) in minori insula Balearium, sequenti ve-
re anno ab orbe condito quarto milleno nongentesimo decimotertio, & ab vrbe
condita D X L I I I I. ex ipsa minori insula Balearium iuuentute lecta & in classem impo-
sita, in Italiam triginta rostratis nauibus & multis onerariis duodecim millia peditū duo-
que ferme equitum traiecit, Genuamque nullis præsiidiis maritimam oram tutantibus
repentino aduentu cepit. In Hispania denuo bellum exortum est consentiente Indibili,
ac iterum rebellante nullam aliam ob causam, nisi propter admirationem virtutum, Sci-
pionemque solum militari peritia clarum putabat superuisse Romanis cæteris omnibus
ab Hannibale interfectis. Contemnens itaque reliquos, intra paucos dies cõcitatis finiti-
20 mis populis ad Hispaniam liberandam, triginta millia peditum & quatuor ferme equitum
in Sederanum agrum congregauit. Romani quoq; imperatores L. Lentulus & L. Manlius
exercitum contra Indibilem duxerunt: & cõmissa pugna tandem cum vidissent turbatos
hostium ordines, trepidantesque atque fluctuantia signa, hortantur milites, vt perculosos
inuadant, nec restitui aciem patiantur. Neque sustinuisent impetum Hispani, nisi Indi-
bilis ipse cum equitibus pedes digressus ante prima signa peditum se obiecisset. ibi enim
aliquandiu atrox pugna fuit. Tandem postquam ii qui circa regem semimortuum, ac
deinde terræ confixum, pugnabant, obruti telis occubuerunt, tunc fuga passim cepta est,
pluresque cæsi equites, quia eis conscendendi equos spatium non dabatur, & quia Roma-
ni perculsis Hispanis institerunt acriter. nec ante abscissum est, quam à castris hostem
30 penitus expulissent. Tredecim millia Hispanorum eo die caesa sunt, octingenti vero ca-
pti: at Romanorum sociorum paulo amplius quam ducenti, & præcipue in læuo cornu
ceciderunt. Pulsi itaque è castris Hispani sunt, & qui ex prælio effugerunt, dispersi pri-
mo per agros, inde ad suas ciuitates redierunt. Tum à Mandonio regulo fratre Indibilis
ad concilium euocati, conquesti sunt ibi clades suas, valdeque detestari cœperunt auto-
res belli Indibilem, cæterosque Principes, quorum plerique in acie occidissent. Qui
cum legatos ad arma tradenda deditionemque faciendam misissent, responsum est à
Romanis imperatoribus, in deditionem ita accipi, si Mandonium cæterosque belli con-
citatores viuos traderent: sin aliter facerent, exercitus in agrum Ilergetanum, moxque
Aufetanum, & deinceps aliorum populorum se ducturos cum maximo eorum malo.
40 Hæc dicta vbi à legatis renunciata sunt, Mandonius, cæterique principes in concilio
comprehensi, traditi sunt Romanis ad supplicium. Sic pax Hispaniæ populis reddita est,
stipendium insuper duorum, & frumentum sex mensiuum imperatum est, & obsides
à triginta ferme populis accepti sunt. Ita Hispaniæ rebellantis tumultus ma-
gno metu intra paucos dies concitatus & compressus est, &
omnis terror in Africam versus.

G 4

IOANNIS EPISCOPI GERUNDENSIS PARALIPOMENON

LIBER SEXTVS DE IIS QVÆ GE-

sta sunt in Hispania, & quomodo Pœnis expullis vsque ad tempora ciuilibus belli quieuit Hispania à bellis annis fere decem, in quibus Carthago magna capitur à Scipione.

De Lege Oppia.



AM itaque à superiori anno, id est ab vrbe condita quingentesimo quadragesimo quarto vsque ad eiusdem annum DLIIII. nil memorabile in Hispania gestum est, sed quieuit à bellis. Quo decennio Scipio in Africam cum exercitu traiectus, Carthaginem vniuersamque Africam debellauit, ex qua re Africanus est cognominatus. Moxque exacto temporis huius curriculo, ciuilibus contentio in vrbe commota est, instantibus mulieribus, vt lex Oppia quæ mulierum ornatu prohibebat, abrogaretur. Tulerant enim eam Marcus Oppius, & Titus Romuleus tribuni populi, Quinto Fabio, & Tito Sempronio Consulibus, in medio ardore Punici belli, ne qua mulier plusquam semunciam auri gestaret, neque vestimento diuersi coloris vteretur, neque vehiculo curruque in vrbe oppidove ad mille passus, nisi sacrorum causa vteretur. Tulerunt enim ad plebem de abroganda lege Marcus Fundanius, & Lucius Valerius tribuni populi. Brutus & Titus Iunius legem Oppiam tuebantur, nec etiam abrogari se passuros aiebant. Ad suadendum vero dissuadendumque multi nobiles prodibant. Capitolium turba hominum fauentium aduersantiumque legi complebarur. Matronæ nulla nec autoritate, nec verecundia, nec virorum imperio contineri limine poterant. Omnes enim vias vrbis aditumque in forum obsidentes, viros descendentes ad forum orabant, vt florente republica, ac per consequens crescente in dies etiam priuata, omniumque fortuna, matronis quoque pristinum ornatum reddi paterentur. Augebatur hæc mulierum frequentia in dies. nam etiam ex oppidis conciliabulisque conuenerant. lamque consules & prætores publice rogare audebant, habebant tamen alterum Consulium Marcum Portium Catonem inexorabilem, qui pro tuenda lege publice orationem habuit. Contra vero Lucius Valerius pro rogatione mulierum confutauit Marci Portii Catonis orationem. Vicit itaque mulierum petitio, vt lex abrogaretur. Omnes enim vrbes matronæ & mulieres vna acie in Capitolium conscendentes rogarunt omnes magistratus ac tribunos. ex qua re tantus fuit mulierum fauor, quod omnes pariter iudicauerunt legem Oppiam esse abrogandam, quæ vicefimo, postquam lata fuerat, anno abrogata est.

Marcus Portius Cato Consul cum exercitu in Hispaniam venit.

POST QVAM igitur lex Oppia abrogata est anno ab orbe condito quinto milleno tertio, & ab vrbe condita quingentesimo quinquagesimo quarto, Lucio Valerio Flacco, & Marco Portio Catone Consulibus, idem Marcus Portius Cato cum exercitu ad Lunæ portum cum quinque ac viginti nauibus venit. Deinde nauibus omnis generis hinc inde contractis proficiscens, edixit vt ad portum Pyrenæi omnes sequerentur, indeque ad vrbes Rhodam ventum est. Hæc enim vrbs in Gerundensi erat dicecesi, cui nunc præsidemus, & à sexcentis annis Episcopus habuit. quæ vrbs iuxta Claudii Ptolemæi descriptionem non longe à Pyrenæo distabat, sita ad littus maris portu à vulgo vocato Lalena, quæ omnino deleta est: extat tamen in ipso vertice montis cœnobium, quod sancti Petri de Rhodis accolæ dicunt ab ipsa vrbe Rhoda. Erat autem in ipsa vrbe arx quam Hispani tenebant. eam itaque vi expugnata Cato cepit. Indeque secundo vento Emporias vrbes à Rhoda non longe distantem venit, quæ in tres diuisa erat. Primam enim mari vndique circumdatam tenebant Græci, qui à Phocensibus, vnde Massilienses, ortum habuerant, de quorum origine Iustinus post Trogum Pompeium late disseruit, quod Græcum oppidum pene mare hinc inde cingebat, cuius mari quadringentorum passuum spatio pro-

tendebantur. Secundam Hispani tenebant, cuius trium milliarium spatium muri amplectebantur, quæ distans à mari milliario prope vno magnum Hispanorum ferocissimorumque virorum numerum continebat. Tertiam urbem oppidumque incolebant Romani ad littus maris quod Oceanum respicit. Hanc itaque tertiam refert Zozomènus Pistoriensis historicus Iulium condidisse, postquam deuicit in Hispania Pompeii liberos: quoniam cum primum à Gerunda Sextum Pompeium fugasset, inde etiam vsque ad Ilerdam venit. Postquam Brutus eum apud Mundam urbem (quæ nunc Colimbrium dicitur) in Portugallia victum interfecisset, Julius Cæsar oppidum ex Romanis, Italicis, qui primum (vt opinor) cum Cornelio Scipione venerant, construxit, coloniamque Romanorum effecit. Sicque enim Emporium vrbs in tria oppida diuisa diuersis linguis voluntatibusque consistebat. Per eadem enim tempora rebellarat citerior Hispania omnis, ac Romanum oppidum quod apud Emporias erat, vi occuparat. Ad hanc igitur rebellionem perdomandam Cato Consul in Hispaniam venerat. Græcorum vero oppidum non modo non est rebellionem secutum, verum seruata Romanorum fide seruatum legimus. Accurata enim disciplina (quæ potissimum, vbi metus accidit, seruatur) eos eatenus conseruauit. partem enim murorum ad Hispanos versam optime munitam habebat, vna tantum orta ad eam regionem vtebantur, in qua semper alter ex magistratibus vrbs præsidebat. Nocte vero qualibet tertia ciuium pars in muris excubabat, tanquam si hostis ad portam esset, & seruabant vigilias semper, & circuibant ciuitatem diligenti cura, Hispanum neminem intra urbem recipiebant, nec ipsi temere ab vrbe exibant. Ad mare enim patebat omnibus exitus ad portam ad Hispanorum oppidum versam, à qua non nisi frequentes egrediebantur. Causa vero exeundi tantum erat cõmercium cum Hispanis. Hispani enim tanquam maris imprudentes inexpertiq; mercari gaudebãt, vt ex iis quæ mari afferebantur, haberent, suosq; fructus illis venderent. Huius igitur desiderii causa Hispana vrbs Græcis patebat. Sic Græcum Emporiæ oppidum seruatum est. Erantq; eo tutiores, quod sub specie Romanæ amicitia tutabantur, quam sicut Massilienses, à quibus descenderant, minoribus licet viribus, pari tamen colebant fide. Sic consulem Catonem ad eam declinatem comiter ac benigne susceperunt: paucosq; dies ibi moratus est, dum explorare cœpit, vbi, & quantæ hostium copiae essent. Vnde ne mora ipsa inutilis esset, omne id tempus exercendis militibus consumpsit. erat enim tempus, quo frumentum in horreis coaceruatur. Redemptoribus itaque vetitis ne frumentum exportarent, vrbe Græca eisdem repleta ad bellum se parat, ac profectus ab Emporiis agros hostium vrit vastatque, omnia fuga & terrore complens. Qui cum castra non longe ab Emporiis in agro qui est inter medios fines Gerundæ vrbs & Emporiæ, posuisset, cum hostibus qui ex reliqua Hispania confluerant, conseruit prælium: quos deuictos cæcidit, ac dissipauit. qui exuti castris, signa armaq; abiicientes vsque ad vicinorum oppidorum portas fugantur, in quibus ipsi Hispani suo se agmine ac pressura perimebant, cædentibus Romanis à tergo, ac eos comprimantibus: quorum castra omnia Romani diripuere. Refert Valerius Antias historicus eo die supra quadraginta millia Hispanorum cæsa. Cato vero ipse gesta sua conscribens, detractor laudum suarum, multa millia hominum ait se interemisse, sed numerum non expressit. Nihil denique à victoria cessatum est. Quum enim receptui signum datum esset, suosq; spoliis onustos ad castra reduxisset, paucis horis noctis ad quietem datis, ad prædandum in agros hostium sparfos reduxit ad comprehendendum hostes hinc inde sine ordine fugientes. quæ res non minus quam pugna prioris diei Emporitano, Hispanos, accolæque eorum in deditionem compulit. Sic Cato urbem Emporiam Hispanorum obtinuit deditione recepta, ex aliisque vicinis urbibus eos qui Emporiam profugerant, Cato benigne ad se vocatos in sua quemque dimisit. Inde castra mouit, ac itinere recto per Gerundam Barchinonamque Tarraconam peruenit. Interim ad quemcunque locum Cato cum exercitu applicuisset, occurrebant indique legati ciuitatum se illi dædentium. Ita per Catonem omnis cis Iberum Hispania perdomita, & Romano nomini restituta est. Captiuique non modo Romani, sed etiam sociorum & Latini nominis variis casibus in Hispania oppressi, ad domum Consulis ducebantur. Fama deinde vulgatur, Consulem velle in Turditaniam proficisci cum exercitu, & inde ad deuios montanos esse venturum: quem rumorem falso vulgus iactauit. quam ob causam ciuitates septem cis Iberum, & castella plurima defecerunt, ad easque deducto exercitu in potestatem redegit, quas cum pacatas reliquisset, ac Tarraconam reuertisset, iterum rebellarunt, quas iterum subiugauit: & ne pari indulgentia relinquerentur, eos iussit venundari, & redigi in seruitutem, atque quæstori, vt venundarentur, traditi sunt.

ET quoniam Turditani interim rebellarant, qui sunt incolæ maritimæ oræ Bætis fluminis, & per Mediterraneum vsque Castulonem, vt supra factis declarauimus (hæc enim gens præ cæteris Hispanis imbellis erat, & armis infuera) audita rebellione Publius Manlius, qui Q. Minutio successerat, accepto vetere exercitu Romano ab eodem Q. Minutio, adiunctoque Appio Claudio Nerone, ex vltiore Hispania cum exercitu in Turditaniam proficiscuntur. Turditani igitur audito Romanorum aduentu, freti sua multitudine ire obuiam Romanis parant: quumque ipsis Romanis occurrissent, equites Romani in agmen Turditanorum immissi statim eos turbauerunt, atque in fugam conuersos plurimos simul & ceperunt, & trucidarunt. Nec prælio locus fuit, sed in prædam & fugam prælium conuersum est. Quumque Romani indubitata victoriam obtinuissent, neque ob id Turduli paruerunt, sed conductis decem millibus Celtiberorum, alienis auxiliis bellum parant. Interea Catoni consuli in Turditaniam properanti nunciatum est rebellasse Bargustanos, quæ gens ea est quæ inter Valentiam & Carthaginem Spartariam, siue nouam Carthaginem sita est. ipseque consul ratus cæteras Hispaniæ vrbes itidem facturas, si non prouideretur, omnibus Hispaniæ urbibus quæ cis Iberum erant, arma ademit. quam rem adeo prouinciales ægre passi sunt, vt multi ex eis mortem sibi intulerint (gens siquidem ferox, vt ab antiquis scriptoribus traditum est, nullam vitam sine armis esse arbitantes) quod vbi Consuli nunciatum esset, Senatores omnium urbium ad se euocari iussit, quibus in hanc sententiam verba fecit: Non quidem nostrum, nec vestrum interest rebellare, multoque maiore malo vestro id quam Romanorum fit à vobis. Verum vno modo fieri posse video, vt vltius non rebelletis, voloque id quam mollissima via consequi, vos quoque me adiuuare debetis. nullum enim consilium libentius sequar, quam quod vosmetipsi attuleritis: tacentibusque omnibus tempus respondendi dixit. Quumque acciti secundo consilio tacuissent, vno die muri omnium illarum urbium Catonis edicto disrupti sunt. Ad eosque deinde omnes, qui nec sic parebant, cum exercitu profectus est. ita in quamcunque regionem veniebat, omnes sese dedebant: Sygestam tantum grauem & opulentam ciuitatem vi cepit. Deinde Lacetanos (qui hodie Barchinonensis ager dicuntur) in deditioem recepit. Inde victor ad Regium castrum castra direxit, quod receptaculum prædonum erat. inde enim excursiones in agros pacatæ prouinciæ fiebant. Transfugit interea Princeps Largustanus, & purgare se ac populares suos cepit, dicens, non esse in manu ipsius prædones expellere, castrumque illud suæ potestatis non esse. eum Consul domum redire iussit, postquam cum eo ordinasset, vt quamprimum secum exercitum castrumque muros subire cerneret, intentosque prædones ad tuenda mœnia, ipse cum suæ factionis hominibus eniteretur arcem occupare. Id, vt præceperat, factum repente est, hinc muros ascendentes Romanis, illinc arce capta. Cato eos qui arcem obtinuerant, cum cognatis suisque omnibus liberos esse iussit, omniaque sua habere. Largustanus cæteros Quæstori, vt venderet, imperauit: de prædonibus vero supplicium sumpsit. Ex ferrariis argentariisque fabris, à quibus prouincia locupletior fiebat, consilio expectato vsque in diem tertium, nihil supplicii sumens, eos conuenienti modo disposuit. Postmodum vero sequentibus duobus annis, anno videlicet ab orbe condito quinto mileno quinto, & ab vrbe condita quingentesimo quinquagesimo sexto, Caius Flaminius in citeriori Hispania bella gessit, & Lunam in Oretanis cepit. Inde exercitum ad hybernandum ad Iberum amnem adduxit, & per hyemem bella aliquot gessit, var. o euentu, non tamen memoratu digno, quia potius aduersus incursiones larronum quam hostium pugnatum est. Multo maiores res fuere Marci Fuluii, qui apud Toletum oppidum cum Vaccæis, Vectonibus, Celtiberisque signis collatis dimicauit, earumque gentium exercitum fudit, atque Ibernum Regem viuum in prælio cepit.

Prælium Heluii cum Celtiberis.

INTEREA Heluius missus à Publio Claudio prætore ex vltiore Hispania cum exercitu sex millium occurrit, vt Catoni Consuli iungeretur. Quo audito Celtiberi interciedere viam Heluio parant, atque ad oppidum Illiturgum occurrentes cum viginti millibus armatorum, prælium cum Heluio fecerunt. in quo (vt refert Valerius Antias) eo die duodecim millia Hispanorum ceciderunt, indeque Romani ad oppidum Illiturgum occurrentes quod receptum hostibus præbuerat, puberes omnes ipsius oppidi Romani interfecerunt, ac deinde Heluius ad castra Catonis peruenit. Et quia iam ab hostibus tuta regio erat, præsidio in vltiorem Hispaniam remisso, Cato Romam rediit, & ob rem feliciter gestam urbem

urbem triumphans intrauit. Attamen de triumpho sibi concedendo fuit aliquantisper disputatum. Aiebant enim qui sibi triumphum negari dicebant, quod fortuito casu, & non in propria, sed aliena prouincia pugnasset. Vicit tamen sententia, vt decerneretur triumphus. Magnumque argenti pondus attulit, & in ærarium urbis misit.

Capitur Toletum parua vrbs, & Oliba, quæ nunc Oletum dicitur, & oppidum Lycabrum, ac Rex Corbilio.

10 **S**EQVENTI VERO ANNO, videlicet ab orbe condito quinto milleno sexto, & ab vrbe condita DLVII. Caius Flaminius oppidum Lycabrum munitum vineisque refertissimum expugnauit, ac regem Corbilionem viuum cepit, & Marcus Fuluius Proconsul cum duobus exercitibus hostium duo prælia fecit, oppidaque duo cepit, Vesceliam & Eleonam (quæ nunc Legio corrupto vocabulo dicitur) & castella multa expugnauit. Ad eundem de alia voluntate defecerunt qui Nauarræ confinia tenent. Progressus vero duobus potitur oppidis, Oliba (quod hodie Oletum dicitur) & altero eius vicino: indeq; pergit ad Tagum amnem, Toletumque, quæ parua vrbs erat, sed tamen munita, oppugnatur. Quinque eam oppugnaret, Vaccæorum, Vectonum, Celtiberorumque magnus exercitus Toletanis subsidio venit. Cum his igitur signis collatis prospere pugnavit, quibus fuis Toletum cepit.

20

Lucius AEmilius Paulus contra Lusitanos tumultuario exercitu pugnat.

QVVM ANNO ab orbe condito quinto milleno decimo, & ab vrbe condita quingentesimo sexagesimo primo Romani Lucium Belum Prætorem in Hispaniam miserunt cum exercitu, in Liguria (quæ terra Genuensium ac vicinarum est urbium) à Liguribus circumseptus magnam exercitus partem amisit, ipse cum paucis vulneratus aufugit, Massiliamque peruenit, vbi spatium trium dierum exspirauit. Quod vbi Romæ nuntiatum est per legatos, decreuit Senatus, vt Publius Mumius Brutus, qui cum exercitu in Tuscia erat, diuiso exercitu, cui vellet ex legatis, ipse in vltiorem Hispaniam iret, eaque prouincia illi cederet. Hocque cum egisset Brutus, per antea Lucius AEmilius Paulus (qui 30 postea vir maximus fuit, & Perseum Macedoniae Regem maxima cum gloria cepit, & Macedonicus appellatus est) iam virtutis suæ præsagium faciens tumultuario exercitu coadunato, signis collatis cum Lusitanis pugnavit, & ab eo fuis atque fugatis, octodecim millia armatorum ab eo cæsa sunt, & tria millia capta.

Publius Catinus Prætor in Hispania moritur ex vulnere.

DEINDE secundo post anno, videlicet ab orbe condito quinto milleno duodecimo, & ab vrbe condita CCCCLXIII. Caius Catinus per biennium ante Prætor cum Lusitanis in agro Astensi signis collatis pugnavit: in qua pugna Hispanorum sex millia cæsa sunt, cæteri vero fugati fusique sunt. Inde ad Astam urbem oppugnandam exercitum 40 duxit, quam non longe minori vi cepit, sed dum incautus muros subiret, ictus ex vulnere paucos post dies moritur. Statimque Senatusconsultum Calphurnium Prætorem ac successorem misit, ne prouincia sine imperio esset. Per eadem tempora P. Manlius Acinius, qui eodem tempore, quo C. Catinus, in prouincia erat, cum Celtiberis acie conflixit, & tandem incerta victoria discessum est, nisi quod Celtiberi nocte proxima mouerunt castra. Quæ res Romanis, & suos sepeliendi, & spolia legendi ex hostibus potestatem fecit. Paucos post dies Celtiberi maiore coacto exercitu Romanos ad Calagurum oppidum lacefferunt. Neque traditur, quibus auxiliis Celtiberi firmiores potentioresq; facti fuerint. Tandem inito certamine duodecim millia cæsa, & plus quam duo millia capta ex eis re- 50 feruntur, & Romani Celtiberorum castris potiti sunt. Post hæc quum Calphurnius applicuisset, Prætores ambo exercitum ad hyberna reduxerunt. Duobus vero post annis, videlicet anno ab orbe condito quinto milleno decimo quarto, & ab vrbe condita quingentesimo sexagesimo quinto, quum Lucio Manlio successisset in prætoriam dignitate Lucius Quintius, & Caius Calphurnius, primo vere ambo Prætores pariter in castra prodierunt, in Carpetaniamque vbi hostium castra erant, progressi, iunctis copiis, communi animo consilioque rem gesserunt. Quum enim non longe à Toletum inter pabulatores pugna exorta esset, dum iis vtrinque subuenitur, à castris paulatim omnes copię in aciem adductæ sunt. in eo enim tumultuario certamine, & loca sua, & genus pugnae pro Hispanis fuere. Nam Romani duo exercitus fusi, atque in castra compulsi sunt, vbi non pestiterunt Roma-

ni Prætores, ne postero die castra oppugnarentur. In silentio igitur proximæ noctis tacito signo tubæ exercitum abduxerunt. Luce itaque prima Hispani acie instructa ad vallum accesserunt, vacuaq; castra præter spem ingressi, quæ relicta inuenerunt inter nocturnam trepidationem, diripuerunt, regressiq; in castra sua, paucos dies quieti ibi manserunt. Romanorum atque sociorum in hac pugna ad quinque millia occisa sunt, quorum spoliis Hispani se armauerunt. Inde ad Tagum flumen profecti sunt. Interea Prætores Romani omne tempus in contrahendis ex ciuitatibus Hispanorum sociis, reficiendisq; auxiliis dederunt. Vbi vero satis virium conduxisse visum est, excitatis militum animis ad delendum priorem ignominiam se præparant. profecti itaque cum toto exercitu ad duodecim milliaria à Tago flumine castra posuerunt. Inde tertia vigilia sublatis signis ad Tagi ripam peruenerunt: trans fluuium enim in colle castra hostium erant. Deinde ab omnibus clamor & pugna incipit. Romani fundunt sternuntque Hispanos, perculsosque metu ac fugientes in castra persequuntur, immixtique turbæ hostium intra vallum penetrauerunt. vbi ab Hispanis in præsidio castrorum relictis prælium instauratur: cogunturque Romani equites ex equis descendere. Dimicantibus his, legio quinta Romanorum superuenit, aliæque, vt quæque poterant, copiæ affluebant. Tum cæduntur passim Hispani per tota castra, nec plures quam quatuor millia hominū effugerunt. Ex quibus tria millia fere qui arma retinuerunt, montem propinquum ceperunt, mille vero semiermes per agros vagi, palantesque fugerunt. supra enim quinque ac triginta hominum millia fuerūt, ex quibus tam exigua pars pugnae superfuit. Cruentæ maxime victoriae causam tribuit subita castrorum inuasio, ex qua Hispani aggressi non habuerunt spacium sua cõmuniendi castra. Ex Romanis tantum centum ac duo & triginta ceciderunt, ex sociis paulo plus quam sexcenti, & ex provincialibus auxiliis centū fere quinquaginta ceciderunt, tribuni militum quinque amissi, & pauci equites Romani. Postero die laudati donatiq; sunt milites à Caio Calphurnio, qui pronunciauit eorum opera maxime hostes fusos, expugnata castra, & signa capta esse. Quintius alter Prætor suos itidem milites donis affecit, & centuriones maxime, qui in vtroque exercitu mediam aciem tenuerant.

Prælium 2. Fuluii Flacci cum Celtiberis.

IN citeriore Hispania magnum bellum exortum est sexto post anno, quam superiora gesta sunt, anno ab orbe condito quinto milleno decimo octauo, & ab vrbe condita quingentesimo sexagesimo nono. Celtiberi enim comparauerant quinque ac triginta hominum millia, quantum nunquam antea coadunauerant. Quintus enim Fuluius Flaccus prouinciam obtinens, quum armari iuuentutem Celtiberorum audisset, & ipse quanta poterat auxilia à sociis contraxit, sed tamen hostem non æquabat numero militum. ac deinde pugna ab vtrisque cœpta est, in qua tria & viginti millia Celtiberorū eo die cæsa sunt, quatuor millia & septingenti capti cum equis plus quam quingentis, & signa militaria octingenta septem. Magna quidem fuit Romanorum victoria, non tamen sine cruore. Ex Romanis enim militibus ex duabus legionibus paulo plus quam ducenti superfuerunt, sociorum Latini nominis octingenti ac triginta, externorum auxiliorum mille ferme & quadringenta ceciderunt. Prætor igitur victorem exercitum in castra reduxit: Attilius tamen manere in castris à Romanis captis iussus est. Postero die spolia de hostibus lecta sunt, & pro conditione donati sunt omnes quorum insignis virtus fuerat. Sauriciis vulneratisque in Eburam oppidum missis per Carpetaniam ad urbem Cantabriam (quæ hodie Santroniogo appellatur) inde ductæ sunt legiones, vrbeq; circumfessa, quum à Celtiberis auxilia postulassent, morantibus iis, non quia auxilia dare renuerent, sed quia adeo inexplicabiles pluuiæ imbresque ceciderunt, & amnes intumuerunt, vt subueniendi illis potestatem impedirent, ab auxilio suorum desperati ciues in deditionem venerūt. Flaccus vero tempestatibus fœdis coactus, exercitum omnem in urbem introduxit. Celtiberi demum deditionis ignari, vbi primum viæ aditum viderunt, imbresque cessarunt, Cantabriam cum auxiliaribus copiis venerunt, ibique nulla castra extra mœnia videntes, alioque hostem commigrasse credentes, negligenter ad oppidum peruenerūt. In eos itaque Romani patefactis duabus portis eruptionem fecerunt, in compositosque aggressi fuderunt, & ex Celtiberis tandem duodecim millia cæsa sunt, & capti plusquam quinque millia, equi quadringenti, signa militaria sexaginta duo: cæteri vero per vicos & castella sua dilapsi sunt. Deinde Flaccus à Cantabria profectus per Celtiberiam legiones duxit, multa castella expugnando. Sic maxima pars Celtiberorum in deditionem venit. Hæc in citeriore Hispania gesta sunt.

IOANNIS EPISCOPI GER-
VNDENSIS PARALIPOMENON LIBER
SEPTIMVS DE TERTIO PVNICO BELLO.

Quomodo Scipio Cornelius Æmilianus Carthaginem, ac Numantiam euertit.

10 **P**OSTEA vero quam suprädicta gesta sunt, exacti sunt anni tres ac triginta, quibus nihil memorabile de Hispania scriptum comperio. Post quod tempus, quum euerſa Carthago eſſet per Scipionem Cornelium Æmilianum, iterum bella surrexerunt. qui Consul eam deleuit anno ab orbe condito quinto milleno CCCCII. & ab vrbe condita DCII. ex cuius euerſione Africanus appellatus eſt, qui quidem fuit nepos alterius Publii Scipionis, qui eandem vrbem primo ſubiugauerat. Hic enim adoptatus eſt filius à Scipione filio Scipionis Africani maioris, qui vxorem habuerat Æmiliam Lucii Pauli Æmilii filiam, quæ fratrem habuit Paulum Æmilium, qui Perſeum Macedoniae Regem & ipſam Macedoniae ſubiugauit. qui Paulus Æmilius duos filios habuit ex priori coniuge Papyria Naſonis viri conſularis filia,
20 quæ licet illi prolem nobiliſſimam genuiſſet ipſos duos filios, tamen ab eodem Paulo Æmilio repudiata eſt. Poſt eius diuortium aliam duxit vxorem, ex qua dum alios duos genuiſſet filios, tamen priores duos aliis duabus maximis nobiliſſimiſque familiis per adoptionem inſeruit: quorum maior à Fabio maximo quinquies conſule, & Scipio minor à Scipione filio maioris Africani adoptati ſunt, videlicet à Publio Scipione alterius Publii Scipionis filio: & quod Æmilium Papyriam repudiauerit, non traditur ab autoribus. Sed cum à multis conſanguineis, & amicis impeteretur dicentibus, Nõne hæc pulchra eſt? nonne honeſta? nonne fœcunda? quib. ille calceum porrexit in medium dicens, Nonne pulcher hic calceus? nonne nouus? ſed tamen nemo veſtrum videt, qua ex parte me premat. Hic igitur Scipio Pauli Æmilii filius naturalis à Publio Scipione Africani
30 maioris filio adoptatus, Scipio Æmilianus appellatus eſt, & quia vltimo Carthaginem funditus euertit, etiam Africanus appellatus eſt. Hic, quum Carthaginenses contra fœdus inicum arma ſumpſiſſent, Conſul creatus eſt ad eam euertendam. De qua euertenda quum pluries in Senatu controuerſia haberetur, Cato cenſebat eam euertendam: Scipio vero Naſica Pontifex eam ſeruandam eſſe cenſebat, prædicens illius ruinam interitum vrbi minari, quia non ſtantibus vrbi æmulis ac hoſtibus, facile vrbs in multa vitia laboretur. Vicit tamen Catonis ſententia, vt deleteretur. Scipio igitur Æmilianus ad eandem euertendam Conſul creatus eſt. Quam tandẽ cum funditus euertiſſet, poſt diuturnum bellum (de quo apud pleroſque autores de tertio bello Punico agitur hiſtoria) in vrbem rediit.

40 *De viriatio Hispanorum Duce.*

50 **I**NTEREA in Hispania Romanis res non proſpere ſucceſſerant. surrexerat enim per eadem tempora Viriatus quidam Hispanus ex Luſitania (de quo Cicero in ſecundo Officiorum mentionem fecit) qui primum paſtor fuerat, inde latro: & quum latronum copias coadunaſſet, vias primum inuadere, ac deinde prouincias vaſtare cœpit, poſtmodum vero etiam Prætorum exercitus ſuperare, & in fugam vertere, adeo vt magnum terrorem Romanis intulerit. Huic primum Caius occurrit, ac eius exercitum pene proſtigauit. Deinde idem Viriatus Caium Plantium multis præliis victum fugauit, & ipſe Prætor cum paucis euasiſt, ac denuo quum Claudius Numidianus cum magno belli apparatus, quaſi ad delendam ſuperiorum Prætorum infamiam, à Senatu miſſus cum Viriatio congreſſus eſſet, pene vniuerſas quas ſecum adduxerat, copias Romanorum amiſit. Viriatus deinde tot ex Romanis ducibus victoriis habitis trabeas, falces, cæteraq; inſignia Romana, in ſuis montibus trophæa, quaſi de Romanis triumphas præfixit. ita minus proſpere aliquandiu in Hispania bellatum eſt à Romanis, adeoque confuſa res videbantur, vt vix aliqui reperirentur, qui aut tribunatum in Hispania ſuſcipere vellent, aut legationis munere fungi. Tum Scipio Cornelius Æmilianus in medium proceſſit, ſeque accepturum quodcunque militiæ genus imperatum fuiſſet, profeſſus eſt: quo exemplo omnes ad ſtadium militandi concitauit. Per antea enim in vltiori Hispania Lepidus Proconſul Vaccæam gentem (quæ in Caſtellæ confiniis ad Nauarram ſpectat)

quæ gens innoxia fuerat ac simplex, prohibente Senatu expugnare tentauit. Vnde tam memoris audaciæ pœnas luit. nam ab eis prælio victus, sex millia Romanorum amisit, atque exultis castris vix cum paucis fuga euasit. Isto etiam tempore Caius Mancinus apud Numantiam infelicissime bellauit, pro vt infra dicitur. Interea mittitur contra Viriatum Brutus Consul, qui cum pugnando vicit, & in fugam vertit, ac Laconiam oppidum, quod idem Viriatus cum suis obsederat, liberauit. Post cuius fugam Viriatus à suis dolo interfectus est, cuius interfectores quum à Romanis præmium postulassent, indigni præmio iudicati sunt, ex eo quod eorum ducem dolo interfecissent.

Brutus vniuersam Gallaciam occupat.

10

BRUTVS itaq; post Viriati interitum per totam vagatus Hispaniam vsque ad Oceanum peruenit, quadragintaque millia Gallorum & Græcorum, qui Viriato & suis auxiliū præbuerant, atrocissima pugna deleuit. ob quam victoriam vniuersæ Gallaciæ populos in deditionem recepit. Hæc quæ dicta sunt de Viriato, & Bruto, cæterisq; Romanorum ducibus à Viriato deuictis, acciderunt anno ab vrbe condita sexcentesimo nono.

De Numantia vrbe, quæ fuit quondam Hispania decus, & eius situ.

ERAT in Hispania citeriore vrbs nobilissima, Hispaniæ decus, vltima Celtiberorum, inter vltimos fines Gallaciæ, Cantabriæ, Vaccæorum. De cuius situ hæsitatur à multis: quoniam Pomponius Mela libro secundo dixit illam esse Cæsaraugustam, & Rodericus Toletanus dicit esse Zamoriam: ego vero testimonia antiquorum adducam ad illius situm comprobandum. Vnde Lucii Annei Flori in secundo libro Epitomatum Titi Liuii verba audiamus, quæ sunt hæc: Numantia quantum Carthaginis, Capuæ, & Corinthi opibus inferior, tantum virtutis nomine & honore par, simulque si viros existimes Hispaniæ decus: quippe quæ sine muro, sine turribus, modice edito in tumulo apud flumen sita, quatuor millibus Celtiberorum quadraginta millium exercitum per annos XIIII. sola sustinuit, nec sustinuit modo, sed sequius aliquanto perculit, pudèdismq; vulneribus affecit. Ex his enim constat Numantiam in Celtiberia conditam. Hoc idem de eius situ meminit Claudius Ptolemæus in sua Cosmographia, & Strabo de situ orbis libro tertio sic ait: Sunt & Lusones qui ad ortum spectantes, & ipsi ad Tagi fontes pertinent. oppidum est Areuacorum Segida, & Pallantia, Numantia, quæ ab Augusta Cæsarea (cuius super Iberum situm esse diximus) abest ad stadia octingenta. Ad hanc itaque expugnandam fuerat decretus Consul Caius Mancinus, qui cum exercitum apud Numantiam suscepisset, adeo cuncta prælia infeliciter gessit, vt in supremam desperationem redactus, foedus cum Numantinis componere coactus sit, quod Senatui populoque Romano molestum ac irritum fuit. quo non acceptato Mancinum tam turpis foederis autorem nudato corpore, ac manibus post tergum ligatis ante Numantinorum portam iusserunt exponi, ibique vsque ad noctem manens, à suis derelictus, & ab hostibus non receptus, vtrisque miserandum spectaculum præbuit. Videtur autem quod Scipio Æmilianus Africanus, qui per hoc tempus potens in republica habebatur, & Tiberius Gracchus, qui Mancino quæstor erat, ad salutem profuerunt. Sed nihilominus aduersus Scipionem querelæ iactabantur, quod non etiam Caium Mancinum seruasset.

Numantia vrbs, Hispaniæ decus, igne crematur à ciuibus suis.

DELETA itaque Carthagine à Scipione Æmiliano qui Consul erat iam creatus, Senatus circumspecta infamia, qua iam diu Romani in Hispania militauerant, Scipionem Æmilianum, qui secundo Africanus cognominatus est, in Hispaniam, maxime aduersus Numantinos mittere decreuit. Quumque profectus esset, primo infestissimos insolentissimosque Numantinorum animos, superiorum Romanorum ducum culpa auctos, contundere curauit. Sed quum reperisset exercitus voluptatibus omnibus ante eius aduentum occupatos atque corruptos, non magis cum hostibus, quam cum Romanis militibus pugna fuit. Præcepit enim, vt omnia quæ ad voluptatem atque lasciuiam ad erant, de castris abiicerentur, & confestim scortorum multitudo de castris amota est. itaque coquorum & scortorum vltra duo millia expulit, adire culinas & tabernas inhiuit, atque iumenta exonerantia fessos venundare iussit, militemque cotidiano labore exeruit: & sic à turpilibidine purgatus est exercitus. nã tantæ est exercitus virtutis quântæ

tæ imperator. Igitur Scipio non ilico cum hostibus pugnavit, vt quasi incautos circun-
 ueniret, sciens nunquam Numantinos ociosos, sed iugiter ad bella paratos ac expeditos.
 Vnde milites suos in castris tanquam tyrones exercuit in ludis, & sic totam ætatem hye-
 memque sine pugna transegit, ac deinde redacto, siue exercitato exercitu, ad prælium
 cum Numantinis descendit. Sed Numantini impetu factò iam Romanos cædebant, &
 vertebant in fugam, nisi Scipio fugientes vi coactos ad pugnam redire coegisset. Ac ran-
 dem cum difficultate maxima Romani fugassent Numantinos, Scipio Numantiam vt-
 bem fossa & oblidione circundedit. Numantini itaque sic obsessi, ac fame coacti, ad vl-
 timum humanis carnibus vescentes, deditonem postremo Scipioni obtulerunt, si tole-
 10 rabilia & humana iuberet. Quæ postquam à Scipione repudiata sunt, pugnam Numan-
 tini petierunt, vt saltem, non vt pecudes, sed vt homines trucidarentur. Quod etiam
 quum à Scipione negatum esset, Numantini primum vino calefacti confestim duabus
 portis erumpunt, & contra Romanos acriter insurgunt. atrox diu certamen fuit: & for-
 tasse Romani cecidissent, nisi Scipionis virtus affuisset. Numantini igitur sic certantes,
 non tamen tanquam fugientes, in urbem reuertuntur, suorumque corpora à Scipione
 oblata recipere noluerunt. Postremo de salute desperantes, ne in Romanorum ditio-
 nem venirent, clausis ianuis urbis, totam ciuitatem igne consumpserunt, ipsique pariter
 vel igne, vel ferro, venenoque mortem oppetierunt. Et sic Romani nulla de Numanti-
 nis spolia reportarunt. Nec vnum solum Numantinum victum in triumpho suo adduxit,
 20 nec etiam aurum, argentum, arma, atque vestes, quæ omnia ignis consumpserat, sed tan-
 tum de nomine triumphatum est. Numantinum enim victoris catena non tenuit.

Mors Scipionis Æmiliani.

POST deletas vero vrbes, Carthaginem scilicet, ac Numantiam in Hispania, Scipio
 Æmilianus Aphricanus cognominatus quum in urbem rediisset, & graues inter eum
 & Caium Gracchum, cæterosq; Gracchos discordiæ ac simultates successissent, quadam
 die quum fortis validusque se domum recepisset, mortuus nocte in cubiculo repertus
 est. Suspecta de ea re fuit vxor Sempronia, tanquam illi ministrasset venenum, & hoc ex
 30 eo creditum est, quum præfata vxor soror Gracchorum fuerit: de morte tamẽ eius nulla
 quæstio facta est. Post cuius mortem multum ciuiles contentiones exarserunt. quo vi-
 uente tanta erat eius autoritas apud Romanos, vt nullo pacto sociale ac ciuile bellum o-
 riri posse crederent. Pro huius autem Scipionis morte Tullius librum de Amicitia com-
 posuit, in quo introducit Lælium cum Mutio Scæuola, & Fannio generib. suis de ami-
 citia disputantem.

IOANNIS EPISCOPI GE-
 40 R VNDENSIS PARALIPOMENON
 LIBER OCTAVVS DE GESTIS
 in ciuili bello inter Marium & Syllam.

De origine Caii Marii & eius moribus.

50 **I**N superiori hucusque libro actum est de iis quæ gesta sunt in Hispa-
 nia à Romanis post Pœnos eiectos à prouincia vq; ad tempora ciui-
 lis belli, quæ duo fuerunt, Marii videlicet ac Syllæ, & secundo Cæsaris & Pompeii. Et quoniam alterum ab altero dependet, de eorum
 initiis aliquid nobis dicendum est. Quoniam eorum strages nõ mo-
 do urbem, sed vniuersum quoq; orbem infecerunt, diuersisq; cladi-
 bus impleuerunt. Cæperant enim & perantea ciuiles contentiones
 in vrbe, quæ eam cruentis cædibus maculauerant, à Gracchis initium sumentes ob leges
 Agrarias. Tulerant enim Gracchi, vt agri inter plebem diuiderentur, quos nobilitas per-
 peram possidebat. cuius rei contentio multos necauit viros illustres in vrbe, inter quos
 fuit Lucius ille egregius Consul Scipio Æmilianus, qui quum Tito & Graccho aduersa-
 retur, nocte sanus dormiens mane in lecto defunctus est compertus, & creditum est,
 quod vxor eius, quæ Gracchorum soror erat, venenum ei ministrasset. ex hoc etiam plu-

rimus sanguis nobilium effusus est. Ex quorum interitu deficiente nobilitate Marius ad consulatum effectus est. De quo nobis primo, deinde de Caio Cæsare, & Pompeio nobis dicendum est. Caius Marius obscura satis origine ortus, patrem habuit Marium, matrem Felicianam, pauperes homines atque mechanicos, qui in urbem proficiscens studia urbana aliquantulum degustauit, reliquo tempore in villa Ticornate, quæ erat in agro Arpinati vitam ab urbanis viuendi moribus alienam, sed modestam, & priscis Romanorum institutis propriam egit. Primumque in Hispania militauit sub Scipione Æmiliano Numantiam obsidente, ubi & præstantia, & fortitudine videbatur ceteros adolescentes superare. cuius præstantia Scipionem non latuit. Recepit enim cum Scipio apud se egregium forma, sed corruptum rei militatis disciplina emendauit, quem ferunt cum bellicoso hostium duce congregientem, illum ante ora Scipionis interfecisse, quapropter plures dignitates sub Scipione consequutus est. Et cum aliquando post cenam sermo de imperatoribus fieret, dum iocose Scipionem interrogasset, quem ducem post illum Romanus populus habiturus esset, Scipio leuiter percussio Marii humero, Hunc, inquit, nam magnam de se in adolescentia exhibet experientiam. ab ipsis enim cunabulis futuram auguramur virtutem. Fertur hac Scipionis voce Marium elatum, animum ad rempublicam applicuisse, tanquam diuino quodam oraculo. Inde Marius tribunatum obtinuit fauente sibi Metello Cæcilio, cuius in domo ipse à pueritia ac pater eius ministri fuerant. Inde quum ædilitatem petiuissent, non obtinuit. Quumque Iuliam ex insigni Cæsaris familia ortam in uxorem duxisset, Prætor creatus est, & in prætura mediocres laudes consecutus: post præturam vltiorem Hispaniam assecutus est sorte. Quumque Cæcilius Metellus contra Iugurtham creatus esset consul, Marium legatum in Numidiam duxit, ibique quum strenue bellasset, magno etiam militum consensu Consul creatur ad bellum contra Iugurtham, contradicente sibi vniuersa urbis nobilitate, populo vero assentiente. Opponebatur Mario, quod antecessorum imagines non haberet, atque etiam nouus homo potiores honores in urbe consequi non deberet: qui septimum consulatum obtinuit, qui primum Consul creatus in Libya erat, ad eumque Sylla Quæstor cum exercitu venit in Libyam. De cuius Syllæ natalibus aliquid etiam nobis dicendum est, ut vtriusque origo per quos incendium ciuilem belli in urbe cæpit, nobis nota sit.

De origine Syllæ & eius conditionibus.

SYLLA igitur patritiæ gentis nobilis fuit (eius familia iam prope extincta erat maiorum suorum ignauia) qui litteris Græcis atque Latinis doctissime eruditus fuit. Animus illi erat ingens, cupidus voluptatis, sed tamen gloriæ cupidior, & licet otium luxuriosum sectaretur, à negotiis tamen eum nunquam voluptas abalienauit. Causa autem paupertatis parentum Syllæ fuerat, quia vnus ex antecessoribus suis Rufinus nomine cum Consul esset, repertum est in eius domo argentum non bonum, immo falsificatum (quod veteres stultum dicebant) ad libras decem: & quia à lege vetitum erat, à senatu cum omnibus suis remotus fuit, cuius deinde progenies vitam satis tenuem vixit. Qua ex re Sylla pauperrimis parentibus ortus, domum non habuit propriam. Cui etiam pro conuictio dictum fuit, quod postquam diuitias consequutus fuerat, indigne prosperabatur, quomodoque vir bonus esse posset, postquam ex hæreditate paterna nihil accepit. Erat præterea Sylla oculis ardentibus & terribilibus, vultuque albus & rubeus, quo terribilior reddi videbatur. Fuit etiam in adolescentia alacer, cum histrionibus & cum sodalibus rixabatur, ac etiam postquam in ætatem processerat, diuesque ac potens factus fuit, in theatris & in cœnis cum eis bibebat, & amore captus Nicopolim uxorem duxit: quæ postea moriens eum reliquit hæredem, & similiter bona noueræ suæ post eius mortem ex testamento suo consequutus est, & sic ex consecutis hæreditatibus diues factus fuit. Facundus etiam, & callidus, & amicitie facilis erat, ad simulanda quoque negotia aptus, altissimi quidem ingenii incredibilisque, multarum rerum largitor erat, ac maxime pecuniæ, & omnium fidelissimus fuit ante ciuilem victoriam. nunquam enim fortuna industriam eius superauit, multiq; de eo dubitauerunt, fortior, an fœlicior esset. Igitur Sylla (ut superiori capite dictum est) postquam in Africam venit ad castra Marii cum exercitu & equitatu, rudis antea & ignarus belli, expertissimus omnium paucis diebus effectus est. Ad hoc milites benigne appellare cæpit, solitus multis rogantibus, & ex se, beneficia dare, & inuitus accipere, sed ea propensius curare, ut si quod mutuum reciperet, redderet, ipse vero à nullo repetere, idque laborabat, ut ipsi quamplurimi deberent, loca cum humilibus exercebat, neque quod multorum praua ambitio facere solet, Consulibus aut cuiusquam boni viri famam lædere satagebat, tantummodo neminem neque consilio neque manu priorē pati. Quibus rebus breui Mario militibusque charissimus fuit.

De causis diffensionis inter Marium & Syllam.

AGEBAT Marius Romanorum Consul & imperator bellum aduersus Iugurtham Numidarum Regem, quem quum regno pene expulisset, Iugurtha ad Bocchū Getulorum Regem sibi vicinum confugit, ab eo auxilia postulans, promittensq; tertiā Numidiæ partem si auxilia præstitisset. Quo audito Bocchus maximo gentium numero collecto in Numidiam venit, & Iugurthæ coniunctus est. Qui ad prælium cum Mario venientes, obtinuit Marius, Numidæq; ac Getuli superati sunt. Quo factō legati à Boccho ad Marium venerunt, petentes vt idem Marius duos fidelissimos de suis ad eundem Regem Bocchum mitteret, atq; velle de suo ac reipublicæ Romanæ comodo differere. ille statim Syllam & Aulum Manlium ire iussit. Qui cum celeres issent, Sylla ad Regem orationem habuit. cui cum Bocchus respōdisset, impetrauit Bocchus ea legatione, vt per Marii medium legati Bocchi Romam mitterentur ad senatum. Habito quidem de infra scriptis pluribusque aliis inter Marium & Bocchum tractatu, Bocchus à Mario per literas petiuit, vt item Syllam ad se mitteret, cuius arbitrato communibus negotiis consulere. Is igitur Sylla missus est cum præsidio militum atq; peditū, sagittariis insuper, & fundibulariis, qui accepta tantum leui armatura muniti erant. Postquam enim Bocchus rex & Sylla congressi sunt, Sylla dicit se missum à Consule, ac venisse quæsitum ab eo, pacēne an bellum agiturus esset? Tunc Rex post decem dies iterum venire iubet. Exactis
 20 deinde decem diebus Rex Bocchus prætextu pacis vocatis Iugurtha & Sylla, statim signo dato, vndique simul ex insidiis Iugurtha capitur, ac cæteri socii sui obruncantur, atque idem Iugurtha viuus ac vincētus Syllæ traditur à Boccho. Hinc graues & nefariæ seditiones inter Marium & Syllam, quæ fere Romam & vniuersum orbem funditus euerterunt, primordia habuerunt. Nam multi qui contra Marium propter inuidiam accensi erant, Syllæ opera captum esse Iugurtham, ac sibi à Boccho traditū: Marius vero qui neminem parem in gloria patiebatur, decertabat. Aduersarii vero Marii qui primas maximasque belli laudes Metello, secundas autem & vltimas tribuebant Syllæ, in illum vehementer agebant. Itaque populus qui in primis Marii partibus fauebat, percussus terrore Marium deserebat.

30 *De cadibus quas Marius in vrbe fecit.*

AVGUSTINVS in 3. lib. de Ciuit. Dei, de malis quæ in Mariano bello Romæ secuta sunt, sic ait in cap. 26. Quum vero Marius ciuili sanguine, iam multis aduersarum sibi partium peremptis, victus vrbe profugisset, vix paulum respirante ciuitate (vt verbis Tullianis vtat) superauit postea Cinna cum Mario. Tunc vero clarissimis viris interfectis, lumina ciuitatis extincta sunt. Vltus est huius victoriæ crudelitatem postea Sylla, nec dici quidem opus est quanta diminutione ciuium, & quanta calamitate reipublicæ. De hac enim vindicta, quæ perniciosior fuit, quam si scelera quæ puniebantur, impunita relinquerentur, ait & Lucanus:

40 *Excessit medicina modum, nimiumque secuta est:
 Qua morbi duxere manus, periere nocentes.
 Sed cum iam possent soli superesse nocentes,
 Tunc data libertas odiis, resolutaque legum
 Franis ira ruit. —*

Illo bello Mariano atque Syllano, exceptis iis qui foris in acie ceciderunt, in ipsa quoque vrbe cadauerib. vici, plateæ, fora, theatra, templa completa sunt, vt difficile iudicaretur, quando victores plus funerum ediderint, vtrum prius, vt vincerent, an postea quam vicissent: cum primum victoria Mariana, quando de exilio se ipse restituit, exceptis passim quaqua versum cædibus factis, caput Octauii Cōsulis poneretur in rostris, Cæsar & Fimbria in domibus trucidarentur à suis, duo Crassi pater & filius in conspectu mutuo mactarentur, Bebius & Numitorius vnco tractis visceribus interirent, Catulus hauſto veneno se manibus inimicorum subtraheret, Merula Flamendialis incisus venis Ioui etiam suo sanguine litaret. In ipsius autem Marii oculis continuo feriebantur, quibus salutantibus dexteram porrigere noluisse.

De malis que Sylla Romæ operatus est.

DE Syllano quoque bello Augustinus dicto 3. lib. de Ciu. Dei sic prosequitur cap. 27. Syllana vero victoria secuta, huius videlicet vindex crudelitatis post tantum sanguinem ciuium, quo fuso comparata fuerat, finito iam bello inimicis viuētibus crudelius in

pace grassata est. Iam etiam post Marii maioris pristinas ac recentissimas cædes, additæ fuerant alię grauiores à Mario iuvene atque Carbone earundem partium Marianarum. Qui, Sylla imminente, non solum victoriam, verum etiam ipsam desperantes salutem, cuncta suis alienisque cædibus impleuerunt. Nam præter stragem late per diuersa diffusam, obsessio etiam senatu, de ipsa curia tanquam de carcere producebantur ad gladium. Mutius Scauola Pontifex, quoniam nihil apud Romanos templo Vestæ sanctius habebatur, aram ipsam amplexus, occisus est, ignemque illum qui perpetuam curam virginum semper ardebat, suo pene sanguine extinxit. Urbem deinde Sylla victor intrauit, qui in via publica, non iam bello, sed ipsa pace sæuiente septem millia peditum vndecimque inermium non pugnando, sed iubendo prostrauerat. In vrbe autem tota, quem vellet Syllanus, quisque feriebatur. Vnde tot funera numerari omnino non poterant, donec Syllæ suggereretur sinendos esse aliquos viuere, ut essent, quibus possent imperare qui vicerant. Tunc iam cohibita quæ hac atque hac passim furibunda ferebatur licentia iugulandi, tabula illa cum magna gratulatione proposita est, quæ hominum ex vtroque ordine splendido, Equestri scilicet atque Senatorio, occidendorum ac proscribendorum duo millia continebat, contristabat numerus, sed consolabatur modus. Nec quia tot cadebant, tantum erat mœroris, quantum lætitiæ, quia cæteri non timebant. Sed in quibusdam eorum qui mori iussi erant, etiam licet ipsa crudelis cæterorum securitas, genera mortium exquisita congemuit. Quendam enim sine ferro lanantium manus diripuerunt, immani homines hominem viuum, quam bestię solent discerperè cadauer abiectum. Alius oculis effossis, & particulatim membris amputatis in tantis cruciatibus diu viuere, vel potius diu mori coactus est. Subuastatæ sunt etiam tanquam villæ, quædam nobiles ciuitates. Vna vero, velut vnus reus occidi iuberetur, sic tota iussa est ciuitas trucidari. Hæc facta sunt in pace post bellum, non vt acceleretur obtinenda victoria, sed ne contemneretur obtenta. Pax cum bello de crudelitate certauit, & vicit. illud enim prostrauit armatos, ista nudatos. Bellum erat, vt qui feriebatur, si posset, feriret: pax autem, non vt qui euaserat viueret, sed vt moriens non repugnaret. Quæ rabies exterarum gentium? quæ sæuitia barbarorum huic de ciuibus victoria ciuium comparari potest? Hæc Augustinus loco iam dicto.

De origine Gnei Pompeii Magni, & eius successu.

IAM ad Gnei Pompeii Magni & Caii Iulii Cæsaris ortum ac gesta veniamus, qui è superioribus ciuilibus bellis ortum trahentes, aliam nouam pestem orbi effuderunt. Et quoniam diuersa, ac maxima eorum gesta Hispania habuit, de eis ac de eorum origine, vt clarius nobis eorum notitia fiat, aliquid describamus. Gneus Pompeius Magnus appellatus alterius Pompeii filius Romæ natus est, quum Marius (de quo supra diximus) Consul contra Iugurtham in Africa bellum ageret, anno ab orbe cõdito quinto milleno xcv. & ab vrbe cõdita dcxlvii. cuius superiori anno M. Tul. Cicero vir præclarus Arpinati natus fuerat. Hic igitur Gn. Pompeius Magnus primo sub patre Põpeio, ac deinde sub Sylla militauit, illi ab initio omnes Rom. populi beneuolentiæ plurimum contulerunt. fuit enim bellicosissimus, & imagine videlicet ex coma protenta, & lineamento oculorum adeo persimilis Alexandro, vt à multis Alexander nominaretur. illi vna labes tantum fuit, quæ totius odii ciuilis fuit seminarium, inexpleta cupido & auaritia, quoniam sicuti Cæsar neminem superiorem, ita & ipse neminem parem volebat. Ei beneuolentia plures astricti erant, vitæ continentiam habebat, armorum insuper peritiam, linguæ persuasionem, morum fidem, & conueniendi modestiam. Aderat etiam eius gratis, nihil cum fastu dare, nihil nisi ample recipere. Adhuc enim adolescens, & sub patre militans, Aristiam Aristii filiam accepit vxorem. Erat & insuper populari gratiæ plurimum accommodatus. Postea vero quam adoleuisset mortuo patre sub Sylla militauit, & cum Syllam fuisset secutus, ipse Sylla obtenta victoria contra Caium Marium Iuniorem cæterosque partium suarum Dictator factus multa in vrbe fecit. Primo enim quod nemo vnquam fecerat, cum xxxiii. fascibus processit, & rebus nouis remp. confirmauit. Tribunorum plebis potestatem minuit, & omne ius legum ferendarum ademit. Pontificium augurumque collegium ampliauit, vt essent quindecim. Senatû ex equestri ordine suppleuit, proscriptorum liberis ius petendorum bonorum eripuit, & bona eorum vendidit, ex quibus plurima rapuit: constituitque, quod de nullo maleficio homicidioque facto atque fiendo posset cognosci, nisi per ipsum. Bona præterea proscriptorum formosis mulieribus, & in cantu eruditis, & histrionibus, ac salibus distribuit. Puellas item innuptas ac nobiles, inuitas hominibus facinorosis ac vilibus matrimonio coniunxit. Omnes insuper sui exercitus præfectos insigniuit meritis, hos ad diuitias, alios ad dignitates magistra-

gistratusq; prouehens, alios abunde donis erexit. Gnei vero Pompeii magnam virtutem admiratus, magnumq; præsidium sibi fore existimans affinitate eum sibi iungere curauit. Cui rei cum Metella vxor nutu consilioq; faueret, Pompeio suauit, vt Aristia dimissa Æmilia Syllæ priuignam, uidelicet ex ipsa Metella & Scauro genitam ducat. Hęc enim Æmilia dudum viro nupta fuerat, & ex eo grauida erat. Vnde hoc coniugium magis tyrannicum, quam tempestati Syllanæ congruum fuit, quanquam Pompeio placeret. Ad ipsum itaq; Pompeium Æmilia per quendam domesticum adducta, repudiata est Aristia proba ac misera, quę dudum etiam patre orbata fuerat, quoniam perantea iugulatus fuerat in Senatu Aristius pater propter Pompeium qui Syllanam factionē sequebatur. Hoc
 10 repudium Aristiæ mater quum agnouisset, mortem sibi intulit. Vnde noua quædam materia tragicorum hæ nuptiæ visæ sunt, quum etiam nupta ipsa apud Pompeiū mox è partu obiisset. Hic igitur Pompeius cum valido exercitu à Sylla aduersus Carbonē, Perpennam, atq; Domitium, ceterosq; Marianarum partium, qui in Siciliam traiecerant, missus est: quos deuicit, atq; Perpenna à Sicilia fugatus est, & Carbonem ab exercitu Pompeii comprehensum tribunitio subsellio sedens damnauit, ac occidi iussit, ciuitatesq; afflictas recepit præter Messanā. Dum itaq; hæc Pompeius ciuilitate in Sicilia administrat, decretum Senatus, ac Syllæ literæ missæ sunt ad eum, quibus præcipiebatur in Africā traicere, omniq; manu oppugnare Domitiū, apud quem omnes eæ conuenerant copiæ, cum quibus nuper Marius ex Africa in Italiam rediens rerum potitus erat, tyrannus ex exule factus. Statim igitur Pompeius omni apparatu in expeditionem instructo, præfectum Sicilia
 20 Mumium sororis suæ virum instituit, atq; à Sicilia cum cxx. longis nauib. proficiscitur. Hæ quum partim ad Vticam, partim ad Carthaginē applicuissent, septem millia hominum ex Mauris ad Pompeium defecere. ipse enim Pompeius sex integras legiones in exercitu habebat. Domitius autem contra instructo exercitu vallem quandam grauem & asperam superaturus, ab imbre validissimo, ventoq; qui matutinis inspirabat, detentus est. Vnde ea die pugna desperata à Domitio ad stationes reditum est. Sed Pompeius ratus ad tempus sibi congruere, agmine citato vallem inuadit, tum Mariani tumultu facto, nullo ordine subistere, neq; omnes plane mansere. Ventus præterea circumstabat, procellam insuper propellebat, nihil tamen minus ea hyems Syllanos perturbabat, quoniam
 30 se adinuicem mutuo videre non poterant. Hocque Pompeius ferocius bellare satagebat, quum eius nomen adhuc fuisset incognitum, & sic magna cæde hostes vrgebat. Fertur enim ex tribus ac viginti millibus tria tantum millia effugisse. Deinde Pompeius Magnus appellatus est. Quum vero sic eum vniuersi milites appellare cœpissent, exclamauit, Non sum itaque dignus tali nomine, quo ad vsque vallum hostile staret: siq; dignum eum tali appellatione iudicarent, vallum deiicerent. mox impetu facto in vallum irrue-
 40 re. quo in conatu Pompeius priori periculo monitus non sine galea certauit. Vallum tandem captum est, periitq; ibi Domitius. Ciuitates vero aliæ confestim paruere, aliæ vero vi captæ sunt. Percurrit denuo Pompeius Africam Numidiamq; per quadraginta enim dies, postquam superius bellum gestum est, totam obtinuit Africam. concurrerunt deinde omnes Africæ Reges ad Pompeium, & frequens inter eos factus est, & inter plures arbiter multa iudicauit.

Pompeius quomodo Magnus sit appellatus, & in Hispaniam mittitur.

POMPEIUS igitur quum Vticam confecto bello Africano rediisset, ecce literæ sibi à Sylla sunt redditæ, quibus iubebatur, vt reliquo dimisso exercitu successorem expectaret, & cum vna legione Romam venire properaret, in quibus tacite ipse tristatus est, ægreque id tulit, sed manifeste totus exercitus eius est motus indignatione maxima. Deinde orante Pompeio vt iussa exequerentur, cœperunt obiectare Syllam, Pompeiumq; non permiserunt sine exercitu vniuerso abire, dicentes, Syllæ tanquam tyranno non esse
 50 credendum. Pompeius igitur tentauit eorum animos mollire sedareq;, ac persuadere vt iussis obtemperarent. Sed postquam persuadere id nequit, à subsellio in stationē descendens cessit illachrymans, sed milites arreptum in suggestū reponunt. Suggestus enim est locus, in quo Reges sedere consueuerunt pro magnis rebus tractandis. Hac itaq; altercatione plurima diei pars assumpta est, volentibus illis manere eum, & imperare. E cōuerso autem Pompeio exhortante vt Syllæ iussis absq; seditione parerent, tandem non desinentibus illis, sed arctius vrgentibus, precesq; cum clamore admiscentibus iurauit Pompeius se ipsum interfecturum, si vim afferrēt. quo illos pacto vix acquiescere coegit. Cæterum ad Syllam per primum nuncium allatum est Pompeium defecisse. Rē tandē certius cognita compertaque, vt aduenienti Pompeio vndique viri omnes obuiam irent,

cumque benevolentia cum ampla pompa prosequerentur, mandat: prauenire tamen eum Sylla accelerauit. Profectus ergo, & illi obuiam factus, quam laetissime dexteram iunxit, eumque ingenti voce Magnum Pompeium salutauit, iussitque omnibus qui tum aderant, ut similiter Magnum eum appellarent. Alii dicunt cognomen hoc primum in Africa ab vniuerso exercitu illi inditum, deinde vim atque consuetudinem ex hac Syllae affirmatione habuisse. Pompeius tamen longo post tempore Proconsul in Hispaniam missus est aduersus Sertorium qui illam detinebat, & in eius epistolis actisque se Magnum Pompeium scripsit. Neque hoc cuiquam admirationi sit. nam consueuerunt Romani non hos solum qui praecleara confecerant bella, quiue strenue manu vsi sunt, sed eos etiam qui rempublicam consiliis ac virtutibus suis decorarunt, huiuscemodi cognomentis saepe ornare. Duos enim populus Romanus cognominauit maximos: Valerium, quod patres a plebe dissidentes conciliauit: Fabium Tullium, quod diuites quosdam viros a libertis genitos a Senatu amouit.

De Sertorio & Appio Metello.

ERAT in Hispania ea tempestate Sertorius qui illam diu tenuerat, & ciuili bello adhaerens partibus Marianis, tremendus hostis Syllae caeterisque suae factionis. Aduersus Sertorium diuersi duces missi sunt, quos Sertorius valide superauit. Denuo aduersus huius rabiem Appius Metellus vir clarissimus missus est, & quidem bellicosissimus ac sapientissimus, satisque Marco Lepido dissimilis, sed nimis grandi cura implicitus propter senectutem. ob hanc enim tardus nimium erat ad bellum, Sertoriusque propter velocitatem ac promptitudinem saepius grauitatem eius deluserat. Ex qua etiam re Senatus decreto Magnus Pompeius in Hispaniam missus est, ut Sertorium comprimeret Pompeius. itaque Proconsul a Senatu ordinatus contra Sertorium, iam Magnus cognominatus, quum in Hispaniam venisset Proconsul, primum Appio Metello se in praesidium disposuit. Interim tamen Hispanos populos Sertorio parum donatos seu beneuolos sollicitare coepit, & quosdam ad defectionem adduxit. ex quo fertur Sertorium dixisse quam insolentissime, virga & loro sibi opus esse ad puerum Pompeium castigandum, nisi vetulum pertimesceret, de Metello senes locutus. Hoc itaque verbum iactauit: factus est tamen de caetero Sertorius cautior, metuque Pompeii cautius in hostem ferebatur. Metellus quidem (quod incredibile erat) propter senectutem deliciis omnibus & voluptati fræna laxabat. Vnde crescebat Pompeii gloria ac benevolentia in ea militari disciplina, qua milites tenebat, quoniam non magno degebat apparatu. Natura enim sobrius fuit, & a cupiditatibus longe abstinens: verum belli fortuna varia est. Coepit enim Pompeius Vylauronam urbem. nam putabat Pompeius Sertorium circunuenire, ex quo gloriam quam maximam sperabat, in cuius spem maxime elatus multa iactauit. prospexerat enim Pompeius ante suos oculos urbem captam & incensam, castraque sua a Sertorio circundata. Sertorio enim spem fecerant Perpenna & Eninus maximi duces, qui a Pompeio ad Sertorium profugerant, illique se socios belli addiderant. Quo audito Pompeius eos usque in urbem Valentiam fudit atque fugauit, in qua fuga vltra decem millia hominum interemit. Ex qua re Pompeius spem, simul & gloriam consecutus, elatus victoria, mox in ipsum Sertorium festinat irruere, ne gloria Metello impartiretur. iuxta ergo Sucronem amnem, sole iam ad occasum vergente, copias ad pugnam ambo duces instruxere. Metellus enim & Pompeius ambo cupientes belli gloriam, alter alterum prauenire in bello cupiebat, Sertorius etiam, ut cum solo pugnaret, studuit. Conferta itaque pugna est, tandemque aequo Marte dirempta. vterque enim alterum cornu strauit, verum ex duobus maiorem gloriam reduxit Sertorius: nam solus aciem oppositam in fugam vertit. In Pompeii vero cornu vir permagnus equo ex pedestri comitatu Sertorii obuiam Pompeio egressus, postquam ad conflictum ensium peruentum est, pugnavit cum Pompeio, dissimili tamen plaga, quoniam ad manus quum venissent, Pompeius saucius factus est ensis ictu, hosti vero a Pompeio est amputata manus. Quamprimum deinde postera dies illuxit, ambo duces simul acies instruxerunt, proximæ pugnae victoriam quisque suam fuisse asserens, sed ex aduentu Metelli soluto exercitu abiit Sertorius. Caeterum Pompeius quum priuatim ad hoc bellum multa exposuisset, pecunias a Senatu postulat, addens, ni mittant, se cum copiis in Italiam reuersurum. Lucullus tunc consulatum gerebat, qui vir licet a Pompeio dissentiret, quoniam in Mithridaticum bellum mitti affectabat, in mittendis pecuniis studet, timens ne Pompeio redeundi materia esset, qui dimisso Sertorio cupiebat etiam Mithridatem inuadere, Regem gloria splendidissimum, hostemque; quod credebat facile obtinere.

De morte Sertorii & Perpennæ.

SERTORIUS igitur post clarissimas res in Hispania gestas, sicut à principio omnium Hispanorum animos ad se flexerat, ita postea ab ipso desciuere. Huius autē defectio-
 nis autor Perpenna fuerat, qui tanquam nobilitate familiæ præstantior, Sertorio inuide-
 bat, principatumq; affectabat, sermonesque pandebat in detractionem Sertorii. Ex qui-
 bus inquinamentis ciuitates quædam Hispaniæ à Sertorio defecerunt, effecitq; vt indies
 minus Sertorio pareretur: auxitque indignationem Hispanorum immensa Sertorii ab
 initio humanitas in crudelitatem conuersa. Is enim quum ab initio pueros Hispanorum
 10 obsides sibi assignari iussisset, & in Osca vrbe tenuisset, illos liberalibus studiis, aliisq; bo-
 nis artibus erudiebat. Deinde vero in eorum indignationem crudeliter conuersus, quū
 alios necasset, alios vendidisset, magnam exinde populorum indignationem contraxit.
 Qua opportunitate comperta, Perpenna in eiusdem mortē cœpit conspirare. Qui quum
 multos sibi asciuisset, Manlium quendam ex Sertorianis ducibus ad hoc sibi adiunxit. Hic
 tum forte adolescenti cuius amore detinebatur, hæc omnia pandit, & hac spe elatus, cæ-
 teris amatoribus omiſſis sibi vni se addiceret, horrabatur, maximam confestim potentiã
 habituro. Adolescens cuidam Aufidio amatori qui sibi gratior erat, hæc aperuit. Quæ
 quū audisset Aufidius, obstupuit (nam & ipse vnus ex coniuratis erat) ignorabat tamen
 Manliū ista sentire. Perpennam vero & quosdã alios de quibus sibi notum erat, nominã-
 20 te adolescente, conturbatus sermonē abruptit, & insanum contemnendumq; Manlium
 dixit, qui ita vanas fictiones inducat. ipse autem ad Perpennã profectus, rem, pro vt audi-
 uerat, & quanta celeritate opus foret, exposuit. Rem igitur aggressi conficiendam, nunti-
 cium induxerunt victoriam quandam vnus ex Sertorianis ducibus & cædem magnam
 inimicorum significantem. Ad quem exhilaratus Sertorius quum immolasset, Perpennã
 ipsum & alios qui aderant (hi erant omnes coniurati) ad cœnã inuitat exoratque. Mos e-
 rat Sertorio in conuiujs plurimã semper honestatē decorēq; seruare, nec videre quic-
 quam turpe, nec audire sustinebat, docueratq; omnes suos ab omni maledictō ac iurgio
 abstinere, sed placide ac modeste ioco vti. Tunc igitur in medio contiuui rixæ initiū que-
 rentes, aperte verba turpia flagitiosaq; iactabant, & ficta ebrietate multa sceleste agebant,
 30 vt Sertorium prouocarent. Sertorius vero siue quod grauiter ferebat inconcinnitatē eo-
 rum, siue quod ipsorum mentes ex tarditate loquendi & inconsueto contemptu anim-
 aduerteret, mutato discumbēdi modo se supinum disposuit, quasi nec videre quicquam
 vellet, nec audire. Perpenna autem phialam meri in medium proiiciente, & strepitu in-
 de facto, quod erat signum coniuratis datum, Antonius qui supra discumbebat, gladio
 Sertorium percussit. Conuersi vero ad plagam, & insurgere conantis in pectus ruit, ma-
 nusque ambas capit, ne resistere valeret. per hunc modum à multis confossus occiditur.
 Maxima Iberiæ pars Metello & Pompeio post mortem Sertorii sese tradit. Eos qui man-
 serant Perpenna suscipiens, aduersus inimicos bellum gerere adortus est, in quo statim
 sui experientiam dedit, vt viri nec ad parendum, nec ad imperandum apti. Nam fretus
 40 Sertorii apparatibus aduersus Pompeium congressus, breui superatus fuit & captus. Nec
 vltimam quidem fortunam ingenue tulit: sed quum haberet Sertorii literas, Pompeio
 promisit, virorum consularium & qui plurimum Romæ poterant, epistolas propria ma-
 nu scriptas, per quas cupidi nouarum rerum Sertorium in Italiam vocabant, se ostensu-
 rum. Sed Pompeius non vt iuuenis, sed vt grauis, & prudentis animi vir, eas quidem lite-
 ras nec legere ipse voluit, nec à quoquam vt legerentur permisit, sed ipsas omnes in vnū
 collectas cremauit. Quod eius factum multos ciues periculo, & magnis nouitatibus pa-
 triam liberauit. Perpennam insuper statim occidit, veritus ne vulgatis quorundam no-
 minibus turbationes & scandala orirentur. Reliquorum vero qui Sertorianæ hecis con-
 scii fuerant, alii ad Pompeium deducti mactati sunt, alii in Libyam profecti, à Mauræiis
 50 interfecti fuerunt: nec quisquã euasit præter vnū Aufidiū Manlii riualē. Hic .n. siue latēs,
 siue neglectus in quadã barbariæ villa, inops inuisusq; consenuit. Neq; præterite libet in
 factis Sertorii, quod dum ab Hispania venisset in oppidū Tanginū in Libya, ibiq; vidisset
 sepulchrū Antei, nō credidit facile vulgationi barbarorū de illius corporis magnitudine:
 quod vbi effodi fecisset, repperit illius ossa longitudinis Lxx. cubitorū. res quidē auditu
 stupēda. Post mortē itaq; Sertorii Perpenna celsior habitus est, qui imperiū occupās ad-
 uersus Pompeiū se instruit. Pōpeius igitur extemplo exercitū eduxit, decēq; cohortes in
 escā hostiū misit, iubēs vt paulatim per agros in cōspectu Perpennæ vagarētur. quas vidēs
 Perpennæ rerū inscius, illas passim insequitur: Pōpeius vero instructa acie irruēs conferta
 pugna oīm victor fuit. Quū vero pleriq; primorū Perpennã cepissēt, Pōpeius ad se addu-

Etum occidi iussit, non immemor eorum quæ in Sicilia contigerant, quemadmodum à nonnullis criminatus est. In huius enim captura Pompeius maxima arte ad omnium salutem usus est. Perpenna enim quum in potestate literas omnes cæteraque Sertorii monumenta habuisset, epistolas quorundam clarissimorum virorum ciuium Romanorum propalauit, qui ad res vr̄bis innouandas studebant, in Italiamque Sertorium vocabant. Pompeius ergo timens ne ex his maiora fuscitarentur bella, quam quæ iam restinxerat, Perpennam trucidauit, & epistolas omnes à nemine inspectas incendio tradidit. His peractis Pompeius quum Hispaniam, & maxime Celtiberiam deambulasset, omnes tumultus innatos oppressit, incendiaque rerum extinxit. Post hæc vero Pompeius Romam rediit, ibique triumphum petiit. cui se obiecit Sylla: Consuli enim tantum, & non Proconsuli aiebat triumphum lege permitti. vnde Scipio quum magnis & arduis præliis superauisset in Hispania Carthaginenses, triumphum nõ postulauit: nondum erat Consul, aut id bellum suis gerebatur auspiciis. Obstabat præterea triumpho Pompeii, quia vix pubescebat, quæ ob ætatem nondum in Senatum admissus fuerat. omnino sibi gloriam inuidiosam erat pariturus, principatusque suus ab vniuersis ciuibus ægre perferendus erat. Hęc aduersus Pompeiũ Sylla obloquebatur, veluti illi nõ assensurus, sed contentione sua impediturus rogationem. Non tamen Pompeius ob hoc territus est, sed quum denuo instaret Pompeius, admiratus iuuenis fiduciam bis acclamauit, Ergo triumphet. Qua ex re quum indignatio complures caperet, grauiusque id ferretur, optans Pompeius eos grauiori molestia afficere, conatus est curru à quatuor elephantibus ducto triumphum ducere, angustiori tamen porta vr̄bis prohibitus equis usus est.

De Marii morte.

QVONIAM de ciuili bello Marii & Syllæ diximus, de eorum quoque factione ac morte dicendum videtur. Marius igitur postquam de exilio se restituit, quum magna Romanos strage, ac nece vr̄bem fœdasset, omnia pariter diuina ac humana confundens, septimum Consulatum assumpsit, quod nemini Romanorum adhuc contigerat. Qui quum magistratum cepisset ad Kalendas Ianuarias, quibus annus incipitur, quendam Sextum Lucillum præcipitem dedit. quod ipsi & vr̄bi magnum fuit augurium ad futuras calamitates. Ipse autem Marius corporis laboribus atque sollicitudine perterritus, quia multa pericula expertus fuerat, animi ferocitatem amisit, existimans in se crimen rediturum. Nam Sylla, qui ipsum Marium patria expulerat, ad Mithridatemque potentissimum Regem fugere compulerat, Romam repetebat. Huiusmodi mentis agitationibus Marius affectus, quum ante oculos errores, exilia, periculaque maris ac terræ adduceret, in varias dubiasque partes distrahebatur, & nocturnis turbulentisque somnis perterrebatur. Videbatur enim continuo quendam audire dicentem, dura sunt cubilia leonum. Sed quum maximè vigiliis pertimesceret, intempestiuis potationibus & ebrietatibus indulgebat, tanquam per somnum animi cogitationes vitaturus esset. Cui quum quidam nunciaret ea quæ apud mare per Mithridatem ac Syllam facta erant, nouis timoribus perculsus, partim futura timens, partim tanquam præsentium vulnere male affectus, paulo post exilium restitutus, vt Posidonius philosophus scribit, in malam valetudinem incidit. Caius autem Piso vir historicus memoriæ literarum tradidit, Marium post cœnam cum amicis deambulantem in sermonem de rebus ab eo gestis venisse, & à rerum primordiis incipientem, sæpiusque de vtraque fortuna disputantem dixisse, non sanè mentis hominem esse qui fortunæ sese committeret. Post hæc appellatis læto vultu qui aderant, quum per septem dies paulatim deficeret, diem obiit. Quidam ferunt eius ambitionem in ipsa mala valetudine omnino detectam in vanam spem euasisse. putabat enim se in Mithridatico bello imperatorem esse. Deinde (quemadmodum in ipso languore corporis accidere solet) varias in corpore mutationes cum gemitu ac multis vlulatibus patiebatur. Sic adeo ingens cupiditas magistratus illius belli eum ceperat, vt nulla consolatione curari posset. Duos ac septuaginta annos natus obiit, primusque omnium Romanorum fuit, qui septimum Consulatum attigerit. qui quum domum magnificam instruxisset, quæ multis regiis ædibus clarior erat, fortunam suam crudelem appellabat, quod priusquã consilia desideriaque sua peregisset, morte obiret. Septimo igitur die sui septimi Consulatus Marius diem clausit extremum, cuius mors statim Romam magna lætitia atque exultatione affecit, ex eo quod graui tyranide liberata esset.

De Sylla obitu.

LVCIVS Sylla postquam omnia mala, quæ multis voluminibus descripta fuerunt, perlegisset, voluptati ac ebrietati ad ultimum datus electis maximi pretii ferculis, potationibusque, in quibus vinis quadraginta annorum utebatur, inter quas potationes Metella vxor eius obierat, & cum aliam Valeriam, quæ per antea diuortium cum viro suo fecerat, amore captus duxisset vxorem, ac vitam suam ageret cum cantoribus, tibicinibus, & histrionibus, cæterisque ad voluptatem pertinentibus, ad ultimum mala valetudine correptus est, atque grauiatus propter phlegma, quod adeo viscera sua putrefecerat, ut fetorem emitterent, & quidem maximum, ac eius corpus pediculis totum abundans erat: nec tonsores continue radentes eos remouere valebant. Nam illis remotis alii plures pululabant vestes eius implentes, & intra oculos eum etiam molestabant, cui nec balnea, nec alia remedia proderant, & sic pediculis afflictus erat quotidie. Pridie vero quam moreretur, quum Granum quendam potentissimum ciuem Romanum, qui magnam pecuniam populo Romano debebat, audisset solutionem tergiuersari, atque ipsius Syllæ mortem expectare, ad se accitum hominem in secretiorē locum adduxit, accersitis deinde ministris, ut illum necarent, præcepit. Ipse vero Sylla cum clamore ac totius corporis contentione laborasset, disrupto quod gestabat apostemate, maximam vim sanguinis effudit. qua de causa vehemēter debilitatus, atque omnino viribus amissis, magna anxietate nocte illa vitam ducens mane obiit. Aderat enim eius morti Pompeius, qui licet contra Syllam simulates haberet, maxime quum Sylla ostendisset, se minus beneuole habere cum Pompeio ex testamento (aliis enim munera legauit, alios filiorum curatores instituit, sed Pompeiū omisit) tulit tamē hoc omnino Pompeius modeste nimis, placideque, non obstantē quod Lepidus Consul, cæterique nonnulli cōtradicerent, ne Sylla in Campo Martio sepeliretur, neve funus fieret publica impesa. Pompeius suo præsidio gloriam simul defensionemque funeri attulit: & corpus eius in campo Martio sepultum est, & statua magna ad eius similitudinem posita est, & epitaphium positum, quod ipsemet fecerat, videlicet: **NVLLVS MEVS AMICVS ME BONITATE SVPERAVIT, NEQ INIMICVS MALITIA.** Filios præterea duos gemellos reliquit (ut dictum est) Faustum & Faustam, & ex Valeria post eius mortē nata est puella, quæ more Romano Posthuma est appellata.

IOANNIS EPISCOPI GERVNDENSIS PARALIPOMENON LIBER NONVS DE CIVILI BELLO INTER CÆSAREM ET Pompeium, & eorum progressibus vsque ad Augustum Cæsarem.

De origine Caii Iulii Cæsaris.

CAIVS Iulius Cæsar ex patre Lucio Iulio Cæsare ortus est, qui Mariæ factioni adhærebat. Erat enim Marius senior cognatus Lucii Cæsaris, quoniam Iulia soror Cæsaris vxor Marii erat, cuius respectu suæ factioni adhæsit, qui Lucius interfectus est à Sylla, dum ultimo in urbem intrauit. Erat quidem ex nobilissima Iuliorum familia, à Syluio Posthumo Æneæ Veneris & Anchisæ filii, & Lauinia Latini Regis filia ortum trahens. In cuius familiæ laudem Caius Iulius Cæsar dum orationem haberet, in laudem amitæ Iuliæ, vxoris siquidem Marii senioris, sic ait: Amitæ meæ Iuliæ Marii senioris vxoris maternum genus ex regibus ortum, paternum cum diis immortalibus coniunctum est. Nam ex Anco Martio sunt Martii reges, & à Venere sunt Iulii, cuius gentis familia nostra est. Est ergo sanctitas in genere regum, qui plurimum inter homines pollent, & ceremonia Deorum, quorum in potestate sunt ipsi reges. Erat itaque Caius Iulius Cæsar annorum sexdecim, cum illi mortuus Lucius pater, & cum à principio ignoraretur, in quas partes declinaret. Cossutiam ex equestri familia, quæ primo Prætextato desponsata erat, duxit vxorē, ipse autē satis inops habebatur: postea vero Cossutia vxore repudiata Corneliā Cinne filiam, qui quarto Consul fuerat, vxorē

rem duxit, posteaquam Pōrifex factus est. Quam cum Sylla voluisset repudiari à Cæsare, quia hoc reuult, sacerdotium & vxoris dotem publicauit, & gentilitiis hæreditatibus multatus est. aduersarum enim partiū habebatur. Vt etiam discedere è medio conaretur, tamen morbo quartanæ aggrauate prope per singulas noctes mutare latebras cogebatur, seque sæpius ab inquisitoribus pecunia redimebat, donec per Mamercum Æmiliū, & Aureliū Cottam consanguineos & affines, ac per Vestales virgines, quarum summa tunc erat autoritas, Sylla deprecatus multis tandem ac validis precibus acquieuit. Vbi illud memorabile contigit, quod cum Sylla diutius obstitisset, neque vllus esset precandi finis, victus ad vltimum exclamauit vel diuino oraculo, aut coniectura humana: Vincite itaque, atque habetote vobis cunctisque nobilibus hoc damnosum donum: prædico autem vobis, quoniam hic quem adeo enixe saluum vultis, optimatum partibus quas vos mecum defendistis, erit quoque excidio. in Cæsare enim multi sunt Marii. Suetonius etiam Tranquillus vitam Cæsaris describens sic ait: Etiam cultu notabilem ferunt. utebatur enim lato clauo & nimium simbriato, sed tamen supra eum cingebatur, & quidem fluxiore cinctura, quoniam Romanis mos erat, vt stricte cingerentur: vnde emanasse dicitur Syllæ dictum ad Pompeium cæterosque nobiles suæ factionis, vt male præcinctum puerum cauerent. Vnde etiam legitur illud Ciceronis, cum post ciuile bellum interrogaretur, cur ita aberrasset Pompeium Cæsari præferendo, Præcinctura (inquit) me decepit. Militauit ergo adolescens in Asia primum, deinde in Græcia, ac Cilicia, nunc clara fama, nunc obscura. Audita autem Syllæ morte & nouandarum rerum spe trahente, Romam rediit. Sed ciuili motu præter spem compresso ne nihil ageret, Cornelium Dolabellam virum consularem ac triumphalem accusauit, quo iudicio magnam sibi eloquentiæ famam acquisiuit, sed multum inuidiæ. Quam vt leniret absentia, absoluto reo rebusque præter vota fluentibus in insulam Rhodum se transferre disposuit, vt simul & otio operâ daret & literis apud Apolloniū Molonē virum clarissimū, tunc facundiæ præceptorem: sub quo Cicero ipse Romanæ princeps eloquentiæ didicisse creditur. Sed dum eo nauigat, captus est à piratis, & familiaribus omnibus præter tres Romam remissis ad redemptionis suæ pecuniam procurandam, mansit cum prædonibus dies circa quadraginta non sine tristitia & indignatione grauissima. Cumq; illi ex conuictu familiaritate orta eum percontarentur, quid eis, si in sua potestate essent, faceret: respondebat iocanti similis, se illos crucibus affixurum, idque tacitus facere iureiurando etiam confirmauit. Cum vero comitibus & seruis Roma redeuntibus quinquaginta talenta pro redemptionis precio persoluisset, libertati redditus classe ilico conquisita illos attigit comprehenditque: in quibus iam tum secururæ lenitatis & clementiæ gustum dedit. Nam quum & son tes plectere, & iuramentum seruare fixum esset, modum excogitauit, quo vtrunque leniore supplicio compleretur. Itaque iugulari illos primum, post exanimis crucibus iussit affigi. Nec per otium publicas res neglexit. Mithridate enim Asiam infestante congregatis auxiliis obstetit, & præfectum regis Asiæ pepulit, & prouinciam conseruauit. His exactis Romam rediit, primusque illi honor fuit tribunatus militum, in quo quidem imminutam à Sylla tribunitiam potestatem restituere summo studio nisus est.

Caius Iulius Cæsar. Quæstor in vltiorem Hispaniam missus est.

POST præmissa igitur Cæsar à Senatu in vltiorem Hispaniam missus est Quæstor factus. Qui cum venisset in Gadès, vbi Herculis erat templum summa veneratione celebratum, in quo erat imago Alexandri Macedonis, quam imaginem cum Cæsar diutius contemplatus esset, vehementer indoluit, quod ætate illa, quam ipse tunc ageret, Alexander famam sui nominis in fines terræ extendisset, à se vero nihil adhuc dignum actum esset, ideo petiit à Senatu, vt pro eo mitteretur, cupiens esse, vbi maioris famæ materiam inuenisset. Romam itaque reuersus fœdo ilico turbatus est somno. visus enim sibi est per somnium dormiens cum matre concumbere. Est hæc quidem vna humanarum miseriarum, vt quamuis verum sit quod ait Cicero, quodque de Homero scribit Ennius, plerunque ea videre dormientes, de quibus sæpissime vigilantes sint soliti cogitare & loqui: tamen illud certissimum est, solere se quieti hominum visiones fœdas, ac turbidas, & à somniantè anima peregrinas offerre, vt quod nunquam vigilantes cogitent, quodq; potius quam facerent, mori eligerent, consopiti facere videantur. Patefacta igitur visione, illi quorum vaftrum fallaxque est artificium, ad coniecturas redigentes, æstimatis (vt credo) viri moribus ac natura, consentanea interpretatione magnalia terrarum & orbis imperium significari somnio dixerunt, quod ea scilicet quam sibi subditam

ditam habuisset, nihil aliud esset nisi terra parens publica, sicut experientia perhibet. ad amplissimam itaque spem incitauerunt. Quod ego potius narro, quia sic ab aliis scriptum inuenio, quam quod verum credam, virum tanti animi, tantæque prudentiæ ad immensam spem somnio inani ac nocturno phantasmate, aut omnino circulatorum fallaciunculis incitatum. Ad quam implendam quanta fortuna, quanto ingenio, quantis bellicis artibus, quantisque laboribus, quantis denique rebus aliis opus fuisse quam somnio, quis non videt? Dehinc Ædilis factus est, quo tempore in suspicionem magnam venit, ut non modo semel, sed pluries cõspirasse crederetur cum viris insignibus, ut totum statum reip. perturbaret. Numerabatur enim inter Catilinæ coniuratos, sed vel pœnitentia, vel metu, seu morte conspiratorum effectu consilium caruisse. In ea enim ædilitate multa fecit insignia ad ornatum vr̄bis. quorum omnium ipse solus excluso collega populi gratiam consecutus est, speransque sibi nihil negatum iri, tẽtauit extra ordinem Ægyptum prouinciam adipisci, quod Alexandrini regem suum folio deieciisset. Sed ab optimatibus impeditus, ut quo poterat modo se de illis vindicaret, in illorum contemptum Caii Marii noui hominis trophæa de Iugurtha scilicet, ac Cimbris, atque Teutonis, quæ Sylla hostili superbia euerterat, reparauit. perdita itaque spe Ægypti Pontificatum maximum petiit non absq; fluxu munerum ingenti. Ita iam ambitio Romanum orbem inuaserat, ut iam tunc Pontificatus pecunia venderetur. Qua in re quum ipse sibi non sufficeret, alienum æs, & quidem non modicum mutuauit. Quod deinde secum existimans, cum in campum mane candidatus descenderet, matri cum deosculanti dixisse traditur, Domum nisi Pontifex nõ reuertar. Reuersus est autem Pontifex duobus clarissimis competitoribus superatis, etate & dignitate præstantibus: Interea Cæsar de coniuratione Catilinæ, quod cum ipso Lucio Catilina cæterisque viris illustribus coniurasset, à Lucio Vectio, & Q. Curio accusabatur: asserbatque Vectius se ostensurum chirographum Cæsaris Catilinæ pro coniuratione oblatum. quod tamen Cæsar ægrè ferens confutatis accusatoribus liberari obtinuit, & præmia illi decreta à Senatu, Vectiusque & Curius grauiter multati sunt & priuati honore. Allegauit enim Cæsar innocentia suæ testem Consulem Ciceronem, cui præfatæ coniurationis multa reuelauerat. His peractis Cæsar Prætor in Hispaniam decernitur. Tanta vero fuerat eius inopia, ut sequestraretur Romæ à creditoribus, impedireturque, quominus possit in præturam proficisci, nisi quia oblati fideiussoribus permissus est in Hispaniam ire. quam profectioem quum peregisset, compositis prouinciæ rebus, pacatisque similitatibus quæ in ea fuerant, etiam successore non expectato, properat Romam redire periturus consulari triumphumq; Sed quum legibus vtrunq; petere prohibitus esset, omisso triumpho consularum petiit cupidus rerum gerendarum.

*Caius Iulius creatur Consul, sibi que decernitur prouincia
Gallarum, & Illyricum.*

FACTVS est itaq; Consul cum M. Bibulo, quem collegam facta cõtentione legis Agrariæ, cum Bibulus dissentiret, foro armis eiecit. Vnde Cæsar solus rempub. gubernabat nemine prorsus obstante, & si quis obstitisset, non tamen minis sed factis quoq; exterret. in quibus Marcum Catonem virum tantæ sapientiæ & virtutis actibus suis contradicentem, manu licitoris exactum curia mitti fecit in carcerem, quo euntem illum Senatus profectus est, non aliter quam si vnus in persona capti omnes viderentur. Sunt etiã qui dicant, vestem quoque velut in luctu publico permutasse. qua quidem tanta veneratione ac pietate (nisi fallor) iniuria carceris cõpensata est, ut optabile fuisse videatur Catoni, sic in carcerem duci, vnde mox sic educeretur. Siquidem hæc Senatus tanta consensio Cæsa-rem ipsum mouit, utq; ait Valerius, diuini animi perseuerantiam flexit. Et quanquã hic aliquantulum fines Hispaniarum rerum egressi fuerimus, quia tamen rerum factorumq; Cæsar ac Pompeii in ipsa Hispania magna stat copia, ipsius Cæsaris vitam, originemque ciuilibus belli pernecessarium est attingere. Igitur Cæsar initio cõsulatus sentiens inuidiam contra se laborantem, & Consulibus à senatu prouincias nullius laboris & gloriæ decretas, idq; in se vnum fieri cogitans, & ad suam, sicut erat, iniuriam trahens, quod collegam scilicet ista non tangeret, atque incensus cupiditate vindictæ, Gneum Pompeium Magnũ, tunc Senatui infensum, quod Mithridate perdomito ad ipsius Pompeii honores silẽtium habuisset, omni obsequio promereri studuit. Utque solidior Gneus esset, M. Crassi amicitiam vetusto odio interruptam ex consularum quem ambo dissidentissime gesserant, resarcire visus est. Effecitque solito ac solerti ingenio, ut ipsi tres in repub. vnum essent: ratus, ut quæ eis placuissent, nullus rescinderet. nec eum fefellit spes. Utque amicitiam consanguini-

nitare firmaret, filiam suam Iuliam Pompeio coniugem dedit, & vndique sibi adminicula coaceruans ipse Calphurniam Lucii Pisonis successuri sibi in consulatu filiam in matrimonium accepit, generique atque socii suffragiis fultus ex omnibus prouinciis Gallias atque Illyricum praelegit, amplissimam quidem opum viam, atque vberissimam materiam triumphorum: non quod Senatus ei transalpinam Galliam libens daret, sed veritus ne à se negatam populus largiretur, & quod suum nollet munus, fieret alienum. Necdum itaque inuidia quiescente iam profectus in prouinciam accusatus ab æmulis procurauit, vt absens reipublicæ causa vocari ad iudicium non posset, posuitque in animum, omnes qui ad magistratum ascensuri essent, sibi amicos efficere, atque nullum adiuuare, sed prouiribus impedire, nisi qui sibi pollicerentur se eius amicitiam defensuros, ita vt à nonnullis iusiurandum ac chirographum non vereretur accipere. Audiens vero Lucium Domitium Consularem candidatum, qui eum Prætor anno altero vexare voluerat, iactare solitum se, quod prætor nequisset, Consulem effecturum, sibi que exercitum erepturum, illius consulatum impediendi viam vnam meditatus, novos amicos Pompeium & Crassum ad se Lucam iure amicitiae euocatos induxit vt anni instantis consulatum peterent, quatenus tantis competitoribus ille succumberet. Prouidentique in posterum, ne quid in se liuor posset hostilis, illud quoque suffragatoribus tantis obtinuit: imperium à senatu sibi in quinquennium prorogari, quæ quidem res & in Gallia, & in Italia, & in toto orbe magnorum motuum causa fuit. His enim ad vota fluentibus iam securior & despexit aduersarios, & legionibus nouis pro arbitrio conscriptis, omne quantumlibet periculosum & graue belli genus aggressus, Gallicum bellum per annos decem exercuit, de quibus ipse latius in suis commentariis meminit, quæ Franciscus Petrarcha lucidius & explanauit & abbreviauit in libro de viris illustribus, cum vitam & gesta Cæsaris latius descripsisset. Et quoniam in ciuili bello bis Cæsar Hispaniam ingressus est, vbi res bellicas mirifice gessit, primo aduersus duces Pompeianos, Lucium Afranium, Marcum Petreium, ac M. Varronem, secundo aduersus Pompeii liberos progressus, eiusdem Cæsaris saltem summam & compediose narraturi sumus, ac deinde ciuilis belli initium, ex quibus mala bellorum tum in Hispania, tum alibi successere.

Initium ciuilis belli Caii Iulii Cæsaris, & Pompeii.

Egit itaque Cæsar (vt diximus) bellum Gallicum annis decem, cuius finis initium ciuilis belli fuit. Peracto siquidem bello Gallico, in ipso temporis discursu Pompeius, qui Romæ rep. administrabat, ab antiqua Cæsaris amicitia discessit, amicosque Cæsaris cepit multipliciter infestare. Hanc causam ciuilis belli multi autores tradunt, quod Pompeius parem in rep. Cæsar autem dominum recusarent. Præstitit autem causam dissensionis Iulia filia Cæsaris Pompeii vxor, quæ abortiuo vno filio obiit, vinculumque affinitatis solum, quo perantea fuerant fœderati. Soluta itaque coniunctione inter Cæsarem & Pompeium per obitum Iuliæ vxoris Pompeii ac filie Cæsaris, Pompeius solus rep. administrare cupiens amicos Cæsaris cepit multipliciter molestare, & etiam vrbe pellere. Multa itaque clam contra Cæsarem dicta tractaque sunt, inter quæ illud est de Labieni defectione. Procurauit itaque Senatus Pompeiusque, vt Labienus à Cæsare deficeret, quod effectum fuit. Erat quidem Labienus legatus Cæsaris, qui in Gallico bello multa & præclara peregerat. In Senatu quoque multa tractabantur in damnum Cæsaris, nouæque viæ quærebantur, quibus potestas Cæsaris quæ iam multis formidabilis esse cœperat, tolleretur, aut certe minueretur. Siquidem cunctis iam magnificentia & liberalitate Cæsarea stupefactis, & quid his rebus tantis & tam late effusis sibi vellet secum tacitis meditantibus, neo loqui aliquid audentibus, M. Claudius Marcellus Consul, cui aut amore publico, aut vero priuato odio dignitas Cæsaris ac potestas inuisa erat, frequenti Senatu testatus de salute reipublicæ se acturum definiuit: vt quum bellum in Gallia finitum esset, dimitteretur victor exercitus, & quisquam ante tempus successor Cæsari mitteretur qui in pace prouinciam gubernaret, ipse vero sine imperio rediret. Addidit etiam ne absentis ratio comitiis Consularibus haberetur, quod licet communi lege de omnibus cautum esset, lege tamen Cæsar exceptus erat. ita ergo sublata erat exceptio. Et non contentus Consul iniuria Cæsaris in personam illata, iis quoque quos Cæsar ciuitate donauerat, adimendam iudicauit, ambitiosam & immodestam concessionem asseuerans. His & aliis turbatus Cæsar, nec immerito, cogitansque quod sæpe dicere solitum fama fuit, operosius multoque difficilius principem à summo dignitatis gradu ad media deiici, quam à mediis ad extrema, non cedendum, vt Africanus maior fecerat, sed obstandum statuit inuidiæ, & turbare potius omnia quam exemplo illius, quamuis laudatissimo, inuictum ab hostibus vincere à ciui-

ei à ciuibus. Sed donec iure potius quam bello agendi spes superfuit, quiescendum statuens, patienter quidem, sed rectius dissimulanter cuncta sustinuit, & quoniam non nisi verbis offenderetur, adhuc verborum quoque defensionem parans, è collegio tribunorum Caium Curionem multa sibi ac profusa largitione quæsiuit, ne quando vel in Senatu, vel ad populum deessent suæ causæ defensores. Cum vero iam multi Cæsaris, nec non alii Pompeii formidarent potentiam, sæpe Curio ipse Senatui obtulerat, vt vterque simul ab armis abscederet, atque ad equam ciuilitatem pariter remearent, itaque demum securam liberamque remp. fore: idque non solum pollicitus, sed etiam contentiose nisus est efficere, certus de Cæsaris voluntate, qui id ipsum à Senatu literis petiit, vt scilicet aut

1^o sibi populi Romani beneficium integrum seruaretur, hoc est imperium cum legionibus, aut cæteri saltem duces in eadem conditione essent, exercitusque dimitterent. Ad hocq; plurimum inducebat Cæsarem fides, quam ad suos veteranos habebat, quod hoc faciliter poterat polliceri. sciebat enim eos quacunque sua necessitate ei non esse defuturos. Tantam enim cum eis Cæsar longo vsu familiaritatem contraxerat, vtque erat eis affabilis & animorum rapax, quod hæc ab eis poterat sperare. Sed tamen neque per se, neq; per tribunos quod petebat obtinuit, obstantibus fautoribus partis aduersæ qui nullum Pompeio parem pati poterant. Incidit in hoc tempus Senatusconsultum primâ æquum fronte, re autem iniquum, vt duæ quidem, vna scilicet ex Pompeii, altera ex Cæsaris legionibus ad bellum Parthicum mitterentur. En in verbis equalitas, in rebus autem iniquitas. Siqui-

2^o dem quum Pompeius vna n ex suis, quibus ipse præerat amicitia iure Cæsari concessisset, illam bello Parthico deputauit verbo non animo, eamque repetiit: eam Cæsar remisit, & ex suis misit vnam. Ita Pompeium nulla, Cæsarem vero duabus legionibus immunitum nemo fuit qui non intelligeret. Tulit tamen cum etiam cum aduersariis pacisci voluit, vt transalpina Gallia & Illyricum cum duabus tantum legionibus, & nomen imperii remaneret, donec Consul fieret. Denique eo vsque submitit excelsum animum, vt qui Cæsarem non nosset, suspicari eum posset belli metu ad ista descendere, quo nihil erat ab illius viri moribus ac mente remotius, sed tantum illi studium fuit, vel exercendæ, vel simulandæ modestiæ, vt quiduis videri potius eligeret quam publicæ tranquillitatis euersor. Cumque obstinatos ad negandum cerneret, Senatum sibi aduersum, & è suis inimicis designatos iam Consules, audiretq; Tribunos qui sibi adhærebant, nihil posse, imo

3^o propter se periculo atq; odio expositos, nō amplius differendum ratus: ne autem sui periclitaretur, aut ipse cunctatione vilesceret, dispositis more solito per hyberna legionibus, vltimo transitu ex Galliis in Italiam rediit. Quo cum venisset, inuenit illas duas legiones sub obtentu Parthici belli sibi ereptas, nec ad bellum profectas, sed in Italia detetas, quin & Pompeio assignatas. Quod ad euidentem Cæsaris iniuriam pertinere, non solum ipse vir talis, sed quicumque de populo perpendebat, adhuc tamen tacitus processit, conuentibusque peractis, vt solebat, Rauennam venit urbem suæ prouinciæ ab ea parte nouissimam, vt neque terminos suos excederet, & proximus esset aduersariis, & paratus vlcisci, si quid forte sui odio in Tribunos inimici sui decreuissent. Et hoc quidem belli ciuilis ini-

4^o tium, hæcque fuerunt causæ, aliquam fortasse non paruam iustitiæ faciem habentes (si qua vnquam esse potest iustitiæ causa patriam oppugnandi) quamuis ab aliis minus iustæ causæ quædam afferantur, sed odium manifestū testimonii fidem leuat. Gneus igitur Pompeius gener atque hostis factus Cæsaris dicit eum, ideo quod non posset opera incepta perficere, neque de se populi expectationem adimplere, ideo turbare omnia voluisse, ne in turpitudine veritas appareret. Fuere qui timuisse illum dicerent, ne eorum quæ primo consulatu contra leges gesserat, rationem reddere graui suo periculo cogeretur, cum M. Cato iste vltimus, cuius virtus & grauitas comminationem eius non minus terribilem quam cuiuscunque consulis faciebat, palam diceret ac iuraret, se nomen Cæsaris, mox vt priuatus ipse inciperet inter eos delaturum, siue hoc publicæ ille iustitiæ studiosus, seu propriæ memor iniuriæ. Vnde iam in vulgus effusum erat, idem Cæsari euenturum quod Miloni, vt circumseptus armatis apud iudices, seu ex vinculis causam dicat. Aliis visum est, eum spatio plurimorū annorum imperio assuefactum dedidicisse priuatum modum, & sola cupidine dominandi in bella ciuilia concessisse. Hæc est enim diuersitas opinionum in causa Cæsaris, quam Tullius diuersis in locis damnat. Fran-

5^o ciscus vero Petrarcha in libro de viris illustribus Cæsarem excusat, adducens ad hoc plurimas epistolas signanter Tullii. Ad historiam igitur reuertamur.

*Quomodo Cæsar à Rauenna fines populi Romani aggreditur,
& in urbem properat.*

Q V V M Rauennæ igitur Cæsar substitisset, ne prouinciæ suæ terminos transgrediendo aperte agere contra rempubl. videretur, audiens Tribunos qui pro eo erant, contemptui habitos, & vel vi vrbe depulsos, vel sua sponte digressos, Romæ omnes vnanimiter contra se sentire, omnia sui odio diuina atque humana misceri ac perueri, se quoque per patientiam contemptum iri cogitans, neque iam amplius ferendum dissimulandumque aliquid existimans, euocatis legionibus vbicunque essent, præmissisque clam cohortibus quæ aderant: sero tamen clandestino egressu secretum iter paucis comitatus arripuit, in quo quum nocte tota deerrasset, vix ad auroram ducem atiquem casus obtulit. Quo primo ad rectum iter à perplexo ac difficili calle reuerso, inuentisque cohortibus quas præmiserat, ad Rubiconem venit amnem exiguum, sed magnarum tunc limitem regionum, ibique parumper cogitabundus substitit secum tacitus, examinans quantum opus aggredereetur. Tandem versus ad comites, Adhuc, inquit, cœptis resistere & reuertilicet: & si riuum hunc transgredimur, ferro nobis gerenda sunt omnia. ibi hærens dubiusque animi huiuscemodi visione firmatus est. Quidam sibi & statura & specie corporis supra humanum modum subito visus est, qui amnis ad ripam sedes pastoriam modulabatur arundine. Ad quem, vt alias non visum, cum pastores locorum & quidam quoque militum conuenissent, ille subito vnus è manu tubicinum ereptatuba, vehementi inflatu increpuit. Motus ergo tãto spectaculo, Eatur ergo, ait, eatur, quo deorum prodigia atque hostium notat iniquitas. cœpta res est. Hæc dicens transiit, ac traduxit exercitum, Ariminumque urbem proximam longa pace tranquillam attigit, & patentibus portis introgressus, tribunis plebis qui propter eius odium pulsi sibi obuiam veniebant astantibus, concionem habuit ad exercitum in medio fori. Fuit autem concio efficacissima, scissa (vt ferunt) veste veris seu fictis cum lachrymis ad suam dignitatem contra inuidiam hostium conseruandam, fidemque militum implorans, & ingentia promittens. Cæsarem itaque Arimini agentem Lucius Cæsar adolescens adiit, qui patrem habebat Cæsaris legatum. is à Pompeio ad Cæsarem missus erat iure amicitia quæ inter eos erat. Ea vero huiusmodi fuere: Excusare se Pompeium Cæsari, & poscere ne ea quæ pro Reipublicæ studio atque amore gesserit, ad iniuriam suam trahat. carum enim esse sibi Cæsarem, sed Reipublicam rebus omnibus cariorem & esse, & semper fuisse. Similiter & Cæsari etiã caram esse debere vt priuatus suas iniurias ac inimicitias Reipublicæ remittat. ne tam grauius irascatur, vt dum hostibus vult nocere, patriæ immeritæ noceat: idque ita facere, ad suum decus eximium pertinere. Ad ea Cæsaris respõsio paulo longior fuit. Rememorauit iniurias pro multis in Reipublicam meritis sibi illatas, paratum se tamẽ omnia Reipubl. condonare, ita tamen, vt decedant omnes ab armis, & ad ciuilitatem solitam reuertantur. Proficiscatur ergo Pompeius in Hispaniam prouinciam suam, dimittantur exercitus omnes per Italiam, arma deponant, cessent motus & metus publici, sit togata ciuitas, non armata, se quoque æquissimo animo quieturum, iniuriasque omnes & contumelias obliturum. Ad hæc tamen faciendâ & iureiurando confirmandâ petiit, vt Pompeius accederet, vel se accedere pateretur. sperare enim se, colloquio & conspectu mutuo omnes controuersias finiendas. Hac itaque responsione in scriptis in Senatu redacta, responsum est à Pompeio, vt Cæsar quamprimum in Galliam reuertatur, exercitumque dimittat. quo facto iturum in Hispaniam Pompeium: alioqui nihil de delectibus armisque omisuros Consules. Hinc pacis desperatio & belli præludium visum est. Erat interea ad custodiam Arimini ciuitatis Actius Varus, quem decuriones Ariminiani summo adeunt consensu, dicuntque notum sibi esse Cæsaris aduentum, neq; vero propositi sui esse suorumq; ciuium, neq; rationi consonum videri imperatorem populi Romani, talem virum, de imperio sic meritum, tot victoriis insignem mœnibus amicæ vrbis arceri: orant, vt famæ, vt suo suorumque discrimini, dum tempus est, consulat. His permotus Varus, & perniciem timens, fugã arripit, & insequentibus Cæsaris militibus prælio decernere coactus, ac desertus à suis solus abiit, quibusdam eorum domum, aliis vero ad Cæsarem confugientibus. quos Cæsar collaudatos benigne suscepit, & Lucium Pupium centurionem partis aduersæ ad se adductum ilico relaxari ac dimitti iussit. Ariminum ingressus ciuibus gratias egit, atque illorum erga eum caritatis non immemorem se futurum spondet. Quibus Romæ cognitis tantus pavor omnium mentes inuasit, vt ab vrbe omnes fere abscederent, ipsique Consules, atque ipse Pompeius, actum suis de rebus opinantes, & ex vnus oppidi euentu omnia metuentes. Mirum valde, vnde in tam paruis animis tam magna superbia, vt eius vitii meritos honores ac gloriam tam pertinaciter detrectarent, cuius nec conspe-

consp-

conspicuum certe, neque viciniam pati possent, & talem patriam solum ad illius nomen vniuersali animorum conseruatione desererēt. sed vrgebat hinc inuidia, inde autem terrebatur fama viri, quæ eousque creuerat, vt clementissimus omnium præ omnibus atque ab omnibus timeretur. His ad Ariminum gestis Picenum omne (cuius olim Asculum, hodie Ancon est caput) nullo vsquam contradicente peruagatur, sed cunctis sibi vrbibus atque oppidis obuiam mittentibus, lætoque eum atque exercitum eius obsequio ac fauore prosequentibus. Diffuso itaque metu, simul & fama virtutis, & vulgato horum de quibus diximus exemplo, cæteri omnes sequebantur. vndique fiebant deditiones, & si quis præfectorum contradiceret, capiebatur aut pellebatur. Itaque pulsus ex Hetruria Libo, Thermus ex Umbria, ex Asculo Lentulus, captus & Gneus Magius præfectus fabrūm. Et quū Magius ad Cæsarem ductus esset, & supplicium formidaret, Cæsar eum placato animo dimisit, & Vade (inquit) ad Pompeium, eique meis verbis nūcia, quoniam ad hunc diem non fuerit nobis opportunitas colloquendi, atque ego Brundisium, quo iuisse illum audio, profecturus sum, credo, vt colloquamur, expedire publicæ salutis, cuius curam gerere maxime nostrum est. Non est autem par effectus, per nuncios de longinquo, atque inter præsentis ista tractari, quod cōspecti vultus, & viuæ voces ad mouendos animos multū possint. Occupato sine ictu gladii Piceno Corfinium progreditur. ibi contentionis plusculum fuit. Pendente tamē obidione, Lentulus per murum egressus, & finem metuens ad Cæsarem venit, sibi atque intrinsecis veniam petens. Ad quem Cæsaris responsio fuit:

20 Non se, vt cuiquam malefaceret, venisse, sed vt ab inimicorum malitiis atq; iniuriis tueretur, ac tribunos plebis sui odio in exilium actos in suam reponeret dignitatem, denique vt seipsum ac populum Romanum ex paucorum tyrannide conculcatum antiquæ redderet libertati. Oppido tunc præerat Lucius Domitius vir magni animi, sed exiguæ fortunæ & bello promptus, sed infausus. is defensionem parās, sed ab oppidanis ad deditiōnem coactus, quum mori mallet, venenum à seruo medico poposcit. quod ille nec dare volens, nec negare ausus, vt qui domini mores nosset, poculum somniferum pro veneno obtulit: quo ille hausto graui sopore resolutus conqueuit. Experrectus postmodum, & delusum se intelligens, vixque à seruo manus abstinens, cum multis nobilibus qui secum sentiebant, vinctus ad Cæsarem est perductus, mori appetens: quem Cæsar ilico solui iussit, neue quis eorum à militibus re vel verbis offenderetur, inhibuit, questusque breuiter, quod pro suis ingentibus & in illos & in Rempub. meritis referre sibi debitam gratiā neglexissent, & iniurias ac cōtumelias retulissent, cunctos dimisit incolumes. quin & pecuniæ pondus ingens Domitii depositum, & ab oppidanis oblatum, quāuis & pecunia publica esset, & in stipendium numerata, Domitio restituit, ne sanguinis, quam pecuniæ abstinentior videretur. Nihil postremo ex ea victoria, vel prædæ cuiuspiam, vel vltionis accepit, nisi quod Domitii milites sacramento adegit, non inuitos (vt arbitror) sed eo libentius iurantes, quo fœlicius est sub victore, quam fugaci duce militare. Vulgatis namq; quæ ad Corfinium acta erant, multum metus omnibus demptum, multumq; spei additum est cognoscentibus, Cæsarem nihil bello nisi victoriam petere. Vnde (vt diximus) & Tuscorū

40 populi, & omnis Umbria pulsus inde præsidis ad Cæsarem transiere.

Pompeius à Luceria digressus Brundisium Apuliæ petit, eum Cæsar insequitur & obsidet.

His itaque rebus more Cæsaris velociter gestis ac prospere, cum iam secum Gallia omnis Cisalpina sentiret, magnas Italiæ partes primo occupauit aduētū. Sed cum spes cæteris omnibus, soli Pompeio ac Senatui additus timor fuerit, qui Pompeius ac Senatus in Domitio multum momenti reposuerant, & sæpe eum per literas euocatum expectabant. Itaque confestim his cognitis Pompeius Luceria digressus, vbi belli sedem constituisse videbatur, Brundisium petit, vt Italiæ littore in extremo promptior esset ad transitum. Ita enim animo decreuerat relicta Italia transmarina tentare, siue id solo metu pellente, siue intentione illa, quia ibi tutior esset ab hoste. Cæsar autem semper propinquus atq; contiguus hostibus esse festinans, non nisi septem dierum mora ad Corfinium exacta, eo ipso die quo Domitium captiuosq; dimiserat, motis castris in Apuliam perrexit. Et quoniam Cæsar inter omnes exactos de clementia laudatur, quum à quibusdam amicis Cornelio Balbo, Oppio fuisset per literas collaudatus de iis quæ Corfinii gesserat, ipse sua illis epistola me hortatu digna respondit per hæc verba: Cæsar Oppio Cornelioque salutem. Gaudeo me hercle, vos significare literis, quam valde probetis ea quæ apud Corfinium gesta sunt. Consilio vestro vtar libenter, & hoc libentius, quod mea sponte facere consti-

tueram, vt quam lenissimum me præberem, & Pompeium darem operam vt reconcilia-
rem. Tentemus hoc si possumus omnium voluntates recuperare, & diuturna victoria v-
ti, quoniam reliqui crudelitate odium effugere non potuerunt, neque victoriam diutius
tenere, præter vnum Lucium Syllam quem imitaturus non sum. Hæc nostra fit ratio vin-
cendi, vt misericordia nos muniamus. id quemadmodum fieri possit, nonnulla mihi in mē-
tem veniunt, & multa reperiri possunt. De his rebus rogo vos, vt cogitationem suscipiatis.
Gneum Magium Pompeii præfectum deprehendi, scilicet meo instituto vsus sum, & eum
statim missum feci. Iam duo præfecti partium Pompeii in meam potestatem venerunt, &
à me missi sunt. Si volent grati esse, debebunt Pompeium hortari, vt malit mihi esse ami-
cus quam illis, qui illi & mihi semper fuerunt inimicissimi, quorum artificii effectum est, 10
vt Respub. in hunc statum peruenerit. Ciceroni præterea qui etiam sibi de hoc scripserat,
factumque laudauerat, qui se inter partes ad hæc medium, licet magna animi fluctuatio-
ne, & multa consiliorum varietate, constituerat, rescripsit per hæc verba: Cæsar impera-
tor Ciceroni salutem dicit. Recte auguraris de me (bene enim tibi cognitus sum) nihil à me
longius crudelitate. Atque ego cum ex ipsa re magnam capio voluptatem, tamen meum
factum probari abs te triumpho, gaudeo. Neque illud me mouet, quod ii qui à me dimissi
sunt, discessisse dicuntur, vt mihi rursus bellum inferrent. Nihil enim malo, quam & me
mei similem esse, illos sui. Quum itaque Cæsar Apuliam attingisset, mox Brundisium adiit,
Pompeiumque iam prægressum valida obsidione circumdedit. De quo idem Cæsar su-
pradiçtis scribit per hæc verba: Cæsar Oppio Cornelioq; salutem. Ad septimū Idus Mar- 20
tias Brundisium veni, ad murum castra posui. Pompeius est Brundisii. misit ad me Gneū
Magium de pace, quæ visa sunt respondi. Hæc vos statim scire volui. Quum in spem ve-
nero, de compositione aliquid me conficere, statim vos certiores faciam. Et quoniã pro-
pter nauium penuriam mari eum obsidere non poterat, timens hostis fugam, famosissimū
maximumque illum portum saxorum molibus iniectis obstruere nisus est, opus non tan-
tum hominum, sed naturæ improbum atque inextricabile. Quum vero exitu eum prohibe-
re illo modo natura ipsum prohibente non posset, catenis os portus præcludit. Sed nec
sic detinere valuit Pompeium, quin mari Hadriatico Dyrrachium nauigaret.

Cæsar Romam intrat, & inde in Hispaniam properat.

Q V V MITAQ; intellexisset Cæsar Pompeium à Brundisio digressum fugatumq;, cum
non posset eum cōmode sequi propter nauium penuriam (vt dictū est) Brundisium
ingressus est, ibique concionem habuit, qua iustitiam causæ suæ iniuriasque hostium o-
mnibus aperiret. Quo facto cum sua illis in locis inutilis mora esset, ne quod sibi tempus
otiosum efflueret, urbem Romam versus iter arripuit, toto belli Gallici decennio non vi-
sam. Cuius aduentus fama cognita quantus Romæ terror fuerit, non facile dictū est: mul-
to quidem maior, quam necesse fuerat. Iratus siquidem multis erat, & fortasse non imme-
rito, sed iratiorem existimabant. Non enim naturaliter, neque nisi magnis ex causis ad i-
racundiam pronus erat. Venit igitur Romam Senatūque habuit ex iis patribus qui do- 40
mi substiterant, ibi perpetuam dictaturā ipse sibi sua autoritate arripuit. Vnde Cæsar's di-
çtoris nomine multa quoque constituit, in quibus pro lege voluntas fuit. Illud inter cū-
cta memorabile est. nam ærariū populi Romani, quod tot victoriæ, tot sæcula compleue-
rant, vno die exhaustit, interque alia (vt scriptum est) protulit ex eo latorum aureorū vigin-
ti & sex millia, non thesaurizandi cupiditate, sed largiendi. Nam (vt alter ait) nemo libera-
lius victoria vsus est, nihil sibi retinuit præter dispensandi potestatem. Compositis itaque
rebus urbanis, vt melius visum est, animum ad extrema conuertit, atque in primis Sicilia
atque Sardiniam, illa duo horrea populi Romani, per legatos administrare disposuit, de
Gallia nihil sollicitus, quam in summa pace reliquerat: solam respexit Hispaniam, cogitã-
que quum primum classis opportunitas affuisset, vestigiis Pompeium assequi, ne quid à 50
tergo formidabile relinqueret. Decreuit ergo in ipsam Hispaniam proficisci, vbi Pom-
peii copiæ ingentes erant, quarum præsidio Hispania omnis tenebatur sub legatis tribus
M. Petreio, Lucio Afranio, & M. Varrone. Eo vero in Hispaniam pergente, Massilia fœ-
derata ciuitas, & ab ipso principio amicissima populi Romani, non sui odio, sed ingenti
studio Reipublicæ portas clausit. quam ille quum obsidione cinxisset, Decium Brutum
adolescens, & C. Trebonium legatum cum parte copiarum ad eam oppugnandam
reliquit. Caium Fabium legatum cum tribus legionibus quas Narbonæ circumque
eā loca hyemandi causa disposuerat, præmittit ad occupandum Pyrenæi saltus, celeriter-
que ab eo occupati sunt, qui eo tempore à Lucio Afranio præsidii tenebantur. Reliquas
legio-

legiones, ut longius hybernabant, subsequi iubet. Afranius enim se continēbat ad oppidum Castillionem non longe à Pyrenæi saltu, loco vocato à modernis Pertusio, supra collem ubi nunc arx constructa est. Diuisa siquidem Hispania erat inter tres præfatos Pompeii legatos, quoniam Afranius præsidebat à Pyrenæo Castillioneq; citeriori omni Hispaniæ: Petreius vero ab Ana flumine (nunc Godiana dicto) usque ad Cantabros (qui Nauarri sunt) Oceanumque: Marcus vero Varro Lusitaniam Baticamque obtinebat. Fabius itaque (ut fuerat imperatum à Cæsare) à Narbona primo aduentu Pyrenæum occupat, præsidiumque à saltu deiecit, magnaque celeritate ad exercitum Afranii contendit. Afranius vero intelligens colle Pyrenæi occupato, patere aditum Cæsari in Hispaniã, ab agro Emporitaniensi properat coniungi Petreio ac Varroni, communicatoque consilio de aduentu Cæsaris statutum est, ut Petreius cum duabus legionibus coniungatur Afranio, Varro vero aliis duabus legionibus tutetur omnem vltiorē Hispaniam: statutumque insuper est, ut bellum ad Ilerdam geratur propter loci opportunitatem. interim Petreius à Lusitania per Vectones (qui Legionenses sunt) cum legionibus & omnibus amicorum auxiliis ad Ilerdam urbem citerioris Hispaniæ properet. Interea Cæsar occupato Pyrenæo à Fabio Emporium urbem ingressus est. Erat enim vrbs regionis metropolis in duas diuisa vrbes & mœnia: vna quidem fuerat ad mare, quæ Græcam habuerat originem cum Massiliensibus ex Phocensibus, & ea etiam Græco idiomate loquebatur: altera, quæ fuerat Celtiberorum ad Occidentem versus, hæcque regionalium colonum fuit. Vtraque vero suo vallo, suisque mœnibus, ac seiunctis custodiis tutabatur. In ea siquidem vrbe Cæsar ab vtrisque acceptus benigne, timens ne si ab hinc digrederetur, vrbs propter Pompeianorum amicitiam Massiliensiumque affinitatem deficeret, tertiam urbem addidit. instruxit siquidem urbem ad Meridianum vtrique, Græcæ & Celtiberorum vicinam, quam ex Romanis instruxit, & Romanorum coloniam effecit in præsidium regionis. Cæsar igitur his compositis occupato omni Emporitano & Gerundensi agro ad Ilerdam properat secutus Afranium Petreiumque.

Prelia Cæsaris apud Ilerdam urbem, cum L. Afranio, & Marco Petreio.

3^o **Q**U V M itaque peruentum esset ad Ilerdam, erant exercitus Afranii Petreique cum vrbe coniuncti. Est enim Ilerda ciuitas sita inter duo flumina, Sicorim & Cingã. Cæsar itaque duos pontes astruxit ad Sicorim amnem quatuor milliariibus inter se distantes, per quos exercitus pabulatum iret, quum magna pars eorum quæ fuerant citra Sicorim, consumpta fuerit. Itidemque Pompeiani fecere, propter eaque sæpius inter se equestribus præliis contendebant. Cæsar igitur castra posuerat inter duos amnes Sicorim & Cingam supra urbem, ad eam partem ubi oppidum Baleaguerum situm est. ibi in Sicori duo pontes erant à Fabio constructi. Quumque Fabii duæ legiones irent præsidio pro more eorum, qui vltra flumen pabulantur, quum transissent pontem vrbi proximum, præ multitudine iumentorum sequentium, & vi aquarum pons interruptus est. Quod ubi intellectum est à Pompeianis, quatuor legiones missæ sunt ab Afranio vrbi ac castris, ut fortunæ beneficio vterentur ad opprimendum duas Fabii legiones. Re itaque nunciata Lucio Planco qui duabus legionibus Fabianis præerat, necessaria re coactus locum capit superiorem, omnemque comitatum in duas diuidit acies, ne ab equitatu circumueniri faciliter posset. Ita Plancus hostium impetum satis dispari numero sustinet. Commisso itaque prælio ab equitibus, signa legionum duarum procul ab vtrisque conspiciuntur, quas Fabius vltiori ponte subsidio suis miserat, suspicatus id quod accidit: quarum aduentu prælium dirimitur, ac vterq; reducit suas legiones in castra. Post vero, die scilicet tertio, refecto iam prope ponte qui fuerat interruptus, relicto præsidio in castris pontibusq; triplici instructa acie ad Ilerdam proficiscitur, & sub castris Afranii constitit. At Cæsar ubi paululum sub armis constitisset, exhibet de se opportuno loco pugnandi facultatē: qua opportunitate facta Afranius copias educit, & in medio colle sub castris constitit. Cæsar autem ubi cognouit Afranium prælium respuere, ab infimis radicibus montis intermissis quadringentis circiter passibus castra ponere constituit, & ne milites in opere faciendo impedirentur incursionibus hostium, propugnacula in castris fieri prohibuit, quæ à procul cernerentur, sed constitutis aciebus prima & secunda ante castra, fossam latitudinis pedum quindecim fieri iussit. Adstantibus itaque duabus aciebus ante castra ne opus inceptum videretur ab hostibus, tertia à tergo acies opus fosse perficiebat. Sic omne opus perfectum est, antequam ab Afranio perciperetur. Vespere itaque facto Cæsar legiones intra hanc fossam reduxit, & omne per circuitum opus patentibus propugnandis à cæteris le-

gionibus fieri iussit, & interim legiones expeditas contra hostes constituit. Afranius itaque atque Petreius quum intellexissent inceptum opus, terrendi & impediendi causa copias suas ad infimas montis radices producunt, ut prælio Cæsarianos laceffant. Neque tamen Cæsar opus intermittit, confusus præsidio trium legionum, quas in armis habebat, & fossæ: ipsi tamen non diu ibi commorati, nec ab infima collis radice digressi copias in castra reducunt. Erat itaque in vrbe Ilerda, ac prope vbi Petreius & Afranius castra habebant, mons planiciem habens desuper passuum trecentorum, atque in ipsius planicie medio planicies paulo eminentior. quem tumulum Cæsar cogitavit occupare, & communire, sperans ab eodem loco & occupare pontem, & commeatum ab vrbe à castris Afranii & Petreii prohibere. Hoc cogitans legiones tres Cæsar à castris eduxit ad occupandū col- 10
lem, acie in locis idoneis instructa, atque vnam legionem ad occupandū collem procur-
re iubet. Qua re ab Afranianis cognita, celeriter cohortes Afranii breuiori itinere ad eun-
dem occupandum locum mittuntur. Locus nanque ab Afranianis per occupatus est ve-
loci cursu, atque Cæsariani compulsi sunt intra suas se legiones recipere. qui hoc graue fe-
rentes in hostes urbem versus prorumpentes, quinque horis præliatum est, & Afranianii
in urbem compulsi sunt. Multi vtrinque mortui sunt, multi vulnerati: Afranianii enim tu-
mulum eo die retinuerunt, & plurimum magnis operibus muniuerunt, præsidiumque eo-
dem in loco posuerunt, in quo nunc templum monasteriumque de Gaderni stare cogno-
uimus. Interim post biduum vero accidit incommodum inopinatum. Tanta enim vis tem-
pestatis exoritur, ut nunquam maiores aquas illis in locis fuisse constaret. ex omnibus e- 20
nim montibus niues maximæ profilierunt, adeo ut omnes ripas fluminum superassent:
pontesque ambos quos Fabius in Sicori confecerat, vno die interrupit, quæ res maximas
incommoditates attulit Cæsarianis. Castra enim Cæsaris posita erant inter duo flumina
Sicorim & Cingam, neutrum transiri poterat pro commeatu, necessarioque omnes intra
has continebantur angustias, neque ciuitates quæ ad Cæsaris amicitiam accesserant, fru-
mentum portare, neque ii qui pabulatum ire longius decreuerant, interclusi fluminibus
reuertere poterant, neque maximi commeatus qui ex Italia & Gallia veniebant, transire.
Tempusque erat difficilimum, quo frumenta non comperiebantur hyemis decurso tem-
pore, neque frumenta noua multum à maturitate distabant, atque omnes ciuitates frumen-
tis exinanitæ fuerant, quoniam Afranius ante Cæsaris aduentum, omne frumentum Iler- 30
dam duci iusserat. Reliqui si aliquid fuerat, Cæsar ipse cum ipso exercitu consumpserat.
Exercitus autem Afranii rebus omnibus abundabat, causam ad id præstante ponte vrbis
Ilerdæ, per quem commeatus ab omni parte ad Afranii castra poterant asportari: & fru-
mentum per antea superioribus temporibus iam prouisum. Permanerunt itaque aquæ dies
complures, Cæsarque conatus est pontes reficere, sed nec magnitudo fluminis & aquarum,
& expeditæ cohortes aduersariorum ad ripam fluminis ad defensionem paratæ hoc per-
mittebant. Interim magnus commeatus qui ex Gallia & Ruthenis cum multis curribus
Gallico more, cum multisque iumentis ad Cæsaris castra portabatur, inuaditur à Pom-
peianis, frumentum capitur, & multi ex iis qui comitabantur. Nunciatur res per literas
Romæ, magna hinc inde laus Afranii Petreiique prædicatur, multique ad Pompeium cur- 40
runt, finis belli ex illo incommodo breuissime speratur. Interea Cæsar, quo melius pote-
rat, incommoda supportabat, colonos vrbium remittebat ciuitatibus quæ ad eius amicitiam
accesserant, quæ blado carebant, pecus imperabat. His sic se habentibus, interque has
angustias Cæsar positus, naues & scaphas militibus fieri iubet, cuius generis superioribus
annis cum Britannicæ vsus docuerat, ex leui primum materia viminibus contextas, corio-
que coopertas, piceque linitas. quas perfectas curribus suppositas deducit ad flumen loco à
castris duobus & viginti millibus passuum distanti, militesque trans flumen in proximam
ripam transportat, collemque ripæ proximum occupat, ipsumque collem, antequam intelli-
geretur ab Afranio, summa celeritate communiuit, legionemque statim traiecit, pontem-
que ab vtroque latere biduo perfecit. Ita commeatus & eos qui frumenti causa processerant, 50
tute recipit ad se, & rem frumentariam incepit expedire. Eodem die equitum magna pars
traiecit flumen, qui pabulatores inopinantes & sine villo dissipatos timore aggressi, quam
magnum numerum hominum atque iumentorum intercipiunt capiuntque. Missisque aliis
centuriatis cohortibus in subsidium, in duas se partes diuidunt, ut alii videlicet præde sint
præsidio, alii vero ut venientibus resistent, eosque propellant: circumueniuntque cohortem
vnam quæ ante alias procurrerat seclusam, atque eam interficiunt, incolumesque cum ma-
gna præda eodem ponte in castra reuertuntur. Itaque perfecto ponte statim fortuna mutatur.
Afranianii nanque perterriti virtute equitum, minus libere ac minus audacter vagabantur.
Interim Oscenses & Calagurritani confœderati ad inuicem legatos ad Cæsarem mittunt,
se fa-

se facturos quicquid per eum fuerit imperatum. hos etiam sequuntur Tarraconenses, & Lacetani (qui & Barcinonenses sunt) & Aufetani (qui & Vicenses) & post paululum Iarqueones (qui & Dertusenses fuere, oraſque Iberi obtinent) Hos Cæſar hortatur, vt eius caſtra frumento iuuent: quod ipſi ſe facturos pollicentur, conquiſiſq; hinc inde iumentis in Cæſaris caſtra deportant. Eratq; cum Afranio cohors vna Illurgauonenſium ſiue Iarqueonum, quæ cognito conſilio ciuitatis ad Cæſarem tranſit. Magna quidem celeriter fit rerum commutatio perfectò ponte, magnis quidem ciuitatibus ad amicitiam adiunctis, extinctis rumoribus de auxiliis legionum, quæ cum Pompeio per Mauritaniam venire dicebantur. Multæ longiores ciuitates ab Afranio deficiunt, & Cæſaris amicitiam ſequuntur. Quibus rebus perterritis animis aduerſariorū, Cæſar, ne ſemper magno circuitu equitatus per pontem eſſet mittendus, compertis idoneis locis foſſas xxx. pedū in latitudinem complures fieri iubet, quibus partem aliquam Sicoris auerteret, vadumq; in eo flumine efficeret. Quibus effectis Afranius Petreiuſq; in magnum timorē perueniunt, ne omnino frumento pabuloq; intercluderentur, quoniam multum Cæſar equitatu valebat. itaq; conſtituunt ipſi locis excedere, & in Celtiberiam bellum transferre. Iuuabat hoc proſitum Valentia, nonnullæque ciuitates quæ olim à Lucio Sertorio defecerant, adhæſerantq; Pompeio, in cuiusque amicitia permanſerāt multis receptis ab eo beneficiis, & enixe eum diligebant. Cæſaris enim in Celtiberis & Hiſpanis erat nomen obſcurius, illiuſq; plurimi faciem pertimebant. Ab his itaq; ciuitatibus magnos equitatus, magnaq; auxilia expectabant, differuntque bellū in hyemem, in quo potuiſſent hinc inde plurima auxilia contraxiſſe. Hoc inito conſilio per totum amnem Iberum nauēs cōgregari iubēt, atque efferri in oppidum Octogelima (quod hodierno idiomate Hitona dicitur) ibique pontem inſtrui iubent ad tranſitum Iberi, diſtabatque oppidū Octogelima ſiue Hitona à caſtris milliariſus xx. Interim legiones duas pontem Ilerdæ tranſire iubent: trans Sicorim caſtra muniuntur foſſa latitudinis pedū xli. Qua re per exploratores cognita, ſummo labore militum Cæſar continuato opere die noctuq; in auertendo flumine huc reduxerat rem, vt equites eſſi difficulter ac ægre poſſent, tamen auerēt flumen tranſire, pedites vero tantummodo humeris ac ſummo pectore extarent, & tam magnitudine aquæ, quam etiam rapiditate fluminis ad tranſeundum impedirentur. Eodem tamen tempore pons in Ibero ab Afranianis effectus nunciabatur, & in Sicori iam vadum reperiebatur, & ideo iam magis Afranius atq; Petreius feſtinandū iter exiſtimabant. Itaq; duabus auxiliariſus cohortibus Ilerdæ pro præſidio relictis, cum omnibus copiis Sicorim tranſeunt, & cum duabus legionibus quas ſuperioribus diebus traduxerant, caſtra coniungunt. Cæſar enim nihil ſperabat niſi equitatum aduerſus Pompeianos, & cum pons eius magnum habuiſſet circuitum, multo breuiori itinere Pompeiani poterant ad Iberū peruenire. Equites itaq; à Cæſare miſſi flumen tranſeunt, & cum tertia vigilia Afranius & Petreius caſtra mouiſſent, repente Cæſariani ad vltimum agmen oſtenduntur, atq; magna multitudine circumfuſa morari atque iter impedire incipiunt, atq; ipſi Cæſariani Pompeianos aggrediuntur, inſultant, & incurſant, adeo vt nunc ſuſtinere, nunc in eos irrumperere, nunc fugere com-
40 pellerentur, ſæpius rumpere alas cogebant, inferri ſigna. Totis vero caſtris milites circulari, & dolere hoſtem è manibus dimitti, bellum neceſſario longius duci: hortabanturq; milites centuriones tribunosque militum, vt per eos certior Cæſar fieret, ne labori ſuo, neve periculo parceret, paratos ſeſe audere ea omnia quæ expedirent, tranſire flumen vado eo modo, quo traductus fuerat equitatus. Quorum ſtudio & vocibus excitatus Cæſar, eſſi timebat tantæ magnitudinis flumini exercitum obicere, conandū tamen atq; experiendum iudicauit. Itaq; infirmiores milites ex omnibus centuriis deligi iubet, quorū aut animus, aut vires viderentur ſuſtinere nō poſſe, quos cum legione vna caſtris præſidio reliquit, reliquas omnes legiones expeditas educit, magno numero iumentorū in flumine ſupra infraq; conſtituto traduxit exercitum. Pauci tamen à flumine erepti ſunt, qui ſtatim
50 ab equitatu ſuſcepti ſunt, & nemo ibi interiit. Traducto itaq; incolumi exercitu copias inſtruxit, triplicemq; aciem ducere incipit, ac tantum fuit ſtudio in militibus, vt ſex milliariſus ad iter per vadum de circuitu factis, magnaq; fluminis mora interpoſita eos qui tertia vigilia exiſſent è caſtris, ante horam diei nonam attigiffent & conſecuti fuiſſent. Quos vbi Afranius & Petreius procul vidiffent, noua re perterriti locis ſuperioribus conſtiterūt, acieſq; inſtruxerunt. Cæſar tunc in campis exercitum reſecit, ne deſeſſum prælio obiceret. ruruſus conantes progredi inſequitur, & detinet, & moratur. Properant maturius atq; conſultius quam cōſtituerant, caſtra ponūt (ſuberant enim montes, atq; à millib. paſſuum quinque itinera difficilia atque anguſta excipiebant. hos montes intra ſe recipiebant, vt equitatum Cæſariſus effugerent, præſidiuſque in anguſtiis collocatis exercitum itinere pro-

hiberent, & ipsi sine periculo ac timore ad Iberum copias traducerent. quod fuit illis con-
 nandum, atque omni ratione efficiendum) & totius diei pugna & itineris labore defessi
 rem in posterum diem distulerunt. Cæsar quoque in proximo colle castra ponit. media
 circiter nocte ii qui aquandi causa longius è castris processerant, ab equitibus Pompeia-
 nis correpti sunt. Fit certior Cæsar, duces Pompeianos silentio copias ex castris educere.
 quo cognito signum dari iubet, & vasa omnia castrorum militari more conclamari. Illi
 exaudito clamore, veriti ne nocte impediti non pari conditione confluere cogerentur,
 aut ne ab equitatu Cæsar in angustiis itinerum tenerentur, iter supprimunt, copiasque
 in castris continent. Postero vero die Petreius cum paucis equitibus occulte ad explo-
 randa loca proficiscitur. hoc etiam idem fit ex castris Cæsar. mittitur Lucius Decidius 10
 Saxo cum paucis qui loci naturam perspiciant. vterque idem suis renunciat, esse quinque
 milliaria campestris itineris, inde incipere loca saxosa atq; montuosa: vnde qui prior has
 angustias occupauerit, hostem ab eodem itinere prohiberi. Disputatur igitur in Petreii &
 Afranii concilio, & tempus profectiois quæritur. plerique censebant, vt noctu iter fie-
 ret: sic enim eos posse prius ad angustias peruenire quam sentirentur. alii sumebant argu-
 mento ex nocturno conclamatu in castris Cæsar ex eo loco non posse clam exiri, atque
 circumdari noctis tempore equitatum Cæsar, omniaq; loca & itinera obsideri, noctur-
 naq; prælia maxime esse vitanda, quoniam perterriti milites timori magis quam religioni
 consulere consueuerint: ad lucem multum prodesse pudorem omnium oculis, multum
 etiam tribunorum militum & centurionum præsentiam afferre, quibus rebus coerceri 20
 milites, & in eorum officio contineri soleant. Hæc tandem post multa euicit in concilio
 sententia, vt omni ratione esset interdium prorumpendum, etiam si aliquo accepto incom-
 modo, tamen coniectabant salua summa exercitus locum quem petebant, capi posse: &
 prima luce postero die constituunt proficisci. Cæsar exploratis regionibus, albente cælo
 omnes copias è castris educit, magnoq; circuitu nullo certo itinere exercitum educit, quo-
 niam itinera quæ ad Iberum & Octogesimam siue Hitonam ducunt, castris oppositis Pom-
 peianorum tenebantur, erantq; transcendendæ valles, maximeque difficilima saxa mul-
 tis locis prærupta iter impediabant, ita vt præ difficultate viarum arma de vno in alium
 per manus necessario traderentur, militesque inermes subleuatiq; alii ab aliis magnam
 partem itineris conficerent. sed hunc laborem nemo recusabat: existimabant enim eum 30
 esse laborum finem, si Pompeianos Ibero intercluderent, & frumento potuissent prohi-
 bere. Pompeiani è contra milites loci videndi causa ex castris procurrebant, contumelio-
 sisque verbis Cæsarianos prosequabantur, quod coacti victus inopia cogerentur Ilerdam
 reuerti. quod satis erat à Cæsar proposito alienum. Duces enim Pompeianorum consi-
 lium eius summe laudabant, si se in castris tenuisset, considerantes quod Cæsar sine iu-
 mentis atque impedimentis ad iter profectus esset, ideoque non posse diutius eum ino-
 piam sustinere confidebant. Sed vbi viderunt paululum retorqueri agmen ad dextram,
 iamq; primos Cæsariorum superare locum, & regionem castrorum Pompeianorum, ne-
 mo ex Pompeianis fuit adeo tardus, aut laboris fugiens, quin statim castris exeundum,
 atq; occurrendum putarit. Conclamabant ad arma, atq; omnes copiarum paucis præsidio re- 40
 lictis exeunt, recte que itinere ad Iberum contendunt. erat in celeritate positum omne præ-
 sidium, ideo vtriq; prius angustias montemque præoccupare contendebant. Sed exerci-
 tus Cæsar viarum difficultate superata prius iter confecit, atq; ex magnis rupibus nactus
 planiciem, in hac contra hostem Cæsar aciem instruit. Res à Pompeianis huc erat neces-
 sario deducta, vt etiam si priores montes quos petebant attigissent, ipsi quidem periculum
 vitarent: impedimenta tamen totius exercitus, cohortesque in castris relictas seruare non
 possent. Afranius autem quum ab equitatu Cæsar in nouissimo agmine premeretur, &
 ante se hostem videret, collem quendam nactus ibi constitit. ex eo loco quatuor cohortes
 in montem excelsum, qui erat in conspectu omnium, mittit. Hunc magno concursu
 concitatos iubet occupare, eo consilio vt ipse cum omnibus copiis ad illum conscende- 50
 ret, & mutato itinere Octogesimam siue Hitonam per iuga montium concederet. Hunc
 cum obliquo itinere cohortes peterent, conspicatus equitatus Cæsar in cohortes impe-
 tum fecit: nec minimam quidem partem temporis equitum impetum cohortes sustinere va-
 luerunt, sed omnes ab eis circumuenti in conspectu vtriusq; exercitus interficiuntur. Quæ
 res maxima fuit occasio Cæsar bene gerendæ rei. Neq; hoc Cæsar ignorabat, perterritum
 exercitum tanto in conspectu omnium, & sub oculis accepto tali detrimento eum susti-
 nere non posse, præsertim quum eorum exercitus esset circumdatus equitatu magno, tum
 quia loco apto atq; aperto esset confligendum. Concurrerunt insuper legiones, centurio-
 nes, tribuniq; militum, hortantes ne dubitaret prælium conferere, ad hocq; omnium mi-
 litum

litum animos esse paratissimos: è contrario autem Pompeianos multis rebus sui timorem ostendentes, quod suis, dum interficerentur, non subuenissent, quod denuo de colle non recederent, quod vix suorum equitum incurfus sustinerent, collatisq; in vnum locum signis neq; ordines neq; signa feruarent. Quod si iniquitatem loci timeret, futurum esse vt aliquo opportuno loco pugnandi facultas captaretur, quoniam in eo loco essent Pompeiani, vbi re aquaria laborantes diutius esse non poterant. Cæsar tamen in eam spem deuenerat, se sine pugna ac sine vulnere suorum rem conficere posse, quū iam rem frumentariam eis interclusisset: hocque sit munus imperatoris, non minus cōsilio superare quam gladio. Mouebatur etiam Cæsar misericordia ciuium Romanorum aduersariorum suorum, quos interficiendos videbat, quibus saluis atque incolumibus rem obtinere mabatur. Hoc autem consilium Cæsaris a plerisq; non probabatur, militesq; inter se palam loquebantur, quod non daretur talis pugnandi occasio: ipse tamen Cæsar in sua sententia permanebat, & paululum ex eo loco digreditur, vt timorē aduersariis minueret. Petreius atque Afranius data pugnae facultate in castra se referunt. Cæsar interclusis omnibus itineribus, præsidisq; in montibus relictis, ad Iberum castra ponit, quam maxime potest castris hostium coniuncta, illaque communiuit. Postero vero die duces Pompeianorum, perturbati quod rei frumentariae & Iberi spem omnem amisissent, de reliquis rebus consultabant. Erat enim vnū iter Ilerdam, si reuerti vellent: aliud Tarraconam. hoc ipsis consultantibus nunciatur, aquatores Pompeianos ab equitatu Cæsariano premi. Qua re cognita diuersas stationes equitum disponunt, vallumque à castris ad aquam facere incipiunt, vt intra munitionem & sine munitione ac stationibus aquari possent: idq; opus Petreius & Afranius inter se partiuntur, ipsique perficiendi causa operis longius progrediuntur. quorum discessu nacti milites colloquiorum facultatem procedunt, & quem quisque in castris notum ac municipem habebat conquirunt atque euocat. Primum itaq; agunt gratias omnes omnibus, quod sibi perterritis pridie pepercissent, eorumq; se beneficio viuere, deinde de Cæsaris fide inquirunt, an ne illi se possent tuto cōmittere. Queruntur præterea, quod arma sumperint in homines amicos & consanguineos. His prouocati sermonibus fidem à Cæsare petunt de Petreii atque Afranii vita, ne quod in se scelus concepisset, neque suos duces prodidisse viderentur. quibus confirmatis rebus se statim signa transfaturos confirmant, Legatosque de primo ordine centurionum ad Cæsarem mittunt. Interim alii suos in castra inuitandi causa adducunt, alii à suis adducuntur, adeo vt vna eademque castra esse facta viderentur. Compluresq; centuriones & tribuni militū ad Cæsarem veniunt, seq; ei commendant. idem etiam hoc fit à principibus Hispaniæ, quos illi euocauerant, & secum in castris habebant obsidum loco: hi suos notos & hospites quærebant, per quem quisque eorum aditum commendationis haberet ad Cæsarem. Afranii etiam filius adolescens de sua ac parentis sui salute per Sulpicium Legatum agebat. erant plena lætitia & congratulatione omnia, & eorum qui tanta pericula vitasse, & eorum qui sine vulnere tantas res confecisse videbantur: magnumq; fructum suæ pristinae lenitatis omnium iudicio Cæsar ferebat, consiliumque eius à cunctis probabatur. Quibus rebus nunciatis Afranio, ab instituto opere discessit, seque in castra recepit, sic paratus, vt videbatur, vt quicumque accidisset casus, hunc quieto & æquo animo ferret. Petreius vero nō deserit se, armat familiam: cum hac, Prætoriaque cohorte, & paucis Hispanis beneficiariis suis, quos custodiae causa habere consueuerat, ad vallum aduolat, colloquiaque militum interrumpit, Cæsarianos repellit à castris, & quos deprehendit interficit, reliqui vero recipiunt se inter se, & perterriti inopinato periculo sinistris vestimēta inuoluunt, gladiosque distringunt, atque ita se à militibus defendunt, castrorumq; propinquitate confisi se in castra recipiunt, & ab iis cohortibus, quæ erant in stationibus ad portas castrorum, defenduntur. Quibus factis, flens Petreius circuit, militesque appellat, obsecratque, ne se, neque Pompeium absentem imperatorem suum tradant Cæsari ad supplicium: fitque celeriter concursus in tabernaculo ducum. postulat Petreius, vt iurent milites omnes se exercitum ducesque non deserturos, neque prodituros, neque separatim à reliquis consilium capturos. Iurat itaque princeps Ilerdæ primus, secundus Petreius, tertius Afranius. Afranium sequuntur tribuni militum, centuriones centuriam producunt, milites idem iurant, & dicunt, penes quem quisque sit Cæsaris miles, vt eos palam producant, productosque interficiant. Sed plerique quos ceperant, celant, noctuque per vallum emittunt. Sic terrore oblato, à ducibus crudelitas facta in Cæsarianos, noua insuper iuramenti religio spem instantis deditiois sustulit, mentes militum conuertit, & rem in pristinam belli rationem redegit. Cæsar milites aduersariorum qui per tempus colloqui ad sua castra venerant, perquiri summa diligentia, ac remitti iubet, sed ex

numero tribunorum militum, centurionumque nonnulli sua voluntate apud eum remanserunt. quos Cæsar postea in magno honore habuit, centuriones amplioris ordinis & tribunos in tribunitium honorem restituit. Premebantur Pompeiani pabulatione, & quabantur ægre. Frumenti copiam nonnulli Legionarii habebant, quoniam frumentum viginti duorum dierum ab Ilerda iussi portare fuerant. auxiliariorum quorumque erant facultates tenuiores, & corpora infueta ad portandum onera, magnus cotidie numerus ad Cæsarem perfugiebat. Res itaque eorum erat inter has angustias, ut vel Tarraconam contenderent, cuius itinere loci nimium in longum protrahi videbantur, vel Ilerdam reuerterent. Probatur vltima sententia, & probato consilio ex castris proficiscuntur Ilerdam versus. Cæsar equitatu præmissis qui nouissimum agmen carperet atque impediret, ipse cum legionibus subsequitur, neque vllum intercidebat tempus, quin extremi cum equitibus præliarentur. Tali igitur dum pugnatur modo, lente atque paulatim proceditur. Quum igitur milliaria pene quatuor progressi essent, ibi vnanimi fronte hostis contra hostem castra muniuit: neque tamen iumentis onera deponunt. Vbi vero Cæsaris castra posita sunt, tabernaculaque constituta, & dimissi equites pabulandi causa animaduertunt Pompeianos iter facere, sese subito proripiunt, & illos more solito insequuntur. Erat enim quasi hora diei sexta. Spem igitur eis fecerat euagatio militum Cæsarianorum qui ad pabula digressi fuerant. Quumque iter facere incepissent, Cæsar subsequitur, relictis quibusdam cohortibus præsidio impedimentis: qui pabulatores reuocari, & hora decima subsequi iubet. & celeriter equitatus ad cotidianum itineris officium reuertitur. Pugnatur itaque acriter ad nouissimum agmen, adeo ut pene terga conuerterent, pluresque milites & centuriones Pompeianorum interficiuntur. Instabat agmen Cæsaris, & ab omni parte premebat, adeo ut neque ad explorandum idoneum locum ad castra ponendum, neque ad progrediendum data esset facultas. Tandem necessitate coacti consistunt, & castra ponunt loco iniquo, & procul ab aqua. Cæsar autem iisdem de causis quæ supra sunt demonstratæ, prælio amplius non lacescit, & eo die tabernacula statui passus non est, quo omnes paratiores essent ad insequendum, siue nocte, siue die erumperent. Pompeiani vero animaduerso loco quo castra posuerant, de vno loco in alium castra mutare satagunt. hoc & sequenti die faciunt, totumque diem in ea re consumunt, sed quantum à priori loco discesserant, tanto longius ab aqua distabant. Prima itaque nocte nemo aquandi causa à castris egreditur. Proximo die præsidio castris relicto, vniuersas ad aquam copias educunt, pabulatum emittitur nemo. His eos supplices malis Cæsar necessariam subire deditorem quam prælio decertare malebat: conatur tamen vallo fossaque eos circummunire, ut quam maxime eorum repentinas eruptiones demoreretur. illi vero & inopia pabuli adducti, & quo essent ad id expeditiores, omnia sarcinaria iumentata iubent interfici. in his operibus consiliisque biduum consumitur. Tertio iam die magna pars operis Cæsaris processerat. Pompeiani vero impediendæ rei, quæ & munitionis causa fiebat, hora circiter nona signo dato, legiones à castris educunt, aciemque sub castris instruunt. Cæsar legiones ab opere euocat, equitatum omnem conuenire iubet, aciem instruit contra opinionem militum, qui dicebant Cæsarem prælium diffugere. consistunt itaque armatæ acies ab vtrisque vsque ad solis occasum. Cæsar statuerat non pugnare certus de victoria. Pompeiani aggredi metuēbant, scientes pugnam satis esse disparē: illis satis erat operam impedire, ne circumdarentur vallo. Post vero occasum solis vtrique in castra se recipiunt. Postero vero die Cæsar parat munitiones perficere, Pompeiani amnis Sicoris vadum tentare satagunt, si transire possent. Quare animaduersa Cæsar Germanos equitumque partem flumen traicere iubet, plurimosque in ripis fluminum disposuit & ordinauit. Tandem omnibus rebus obsessi, quarto iam die sine pabulo retentis iumentis & equitibus, aquæ, lignorum, ac frumenti inopia colloquium petunt, & id, si fieri potest, semoto à militibus loco. Vbi id à Cæsare negatum, & palam si colloqui vellent, concessum est, datur obsidis loco Cæsari Afranii filius. Venit itaque in eum locum, quem Cæsar delegit, & audiente vtroque exercitu loquitur Afranius. Cuius orationem Cæsar in Commentariis libro primo ciuili belli explicat prolixo sermone: quam Franciscus Petrarca in libro de viris illustribus adeo compressit: ut multa effectualia omiserit in explicatione Afranii, & replicatione Cæsaris. ideo Cæsarem sequar in Commentariis, quem in omnibus potissimum sum secutus. Loquitur ergo Afranius in hanc sententiam: Non est aut mihi aut militibus his Cæsar irascendum, quod fidem erga imperatorem nostrum Gneum Pompeium conseruare voluerimus: sed iam satisfacimus officio, satisque supplicii tulimus perpeffi omnium rerum inopiam. Nunc vero quoniam pene, ut sceminas, circumuentos nos intelligimus, prohibiti aqua, prohibiti ingressu, neque

corpore dolorem, neque animo ignominiam ferre possumus. itaque victos nos confitētes oramus atque obsecramus, vt nobis locus aliquis misericordiae relinquatur, ne ad vltimum supplicium veniendum nobis sit. Hæcque exponit Afranius quam dimississime & subiectissime potest. Ad eaque Cæsar respondit: Nulli hominum has miseraciones & querimoniarum preces minus conuenire quam ipsis: reliquos enim omnes officium suum præstitisse, qui etiam bona conditione, & loco, & tempore congruo configere noluerunt, vt quam integerrima ad pacem essent omnia. Exercitum vero suum in iniuria accepta suisque interfectis conseruauit & texit, illius denique exercitus qui per se de concilianda pace egerant. Quam in re omnium suorum vitæ cōsulendum putarunt, sic omnium ordinum suorum partes in sola misericordia constituisse, ipsos duces à pace abhorruisse, eosque nec colloqui, neque induciarum iura seruasse, & homines imperitos per colloquium deceptos crudelissime interfecisse. Accidisse igitur eis quod plærunque nimia pertinacia & arrogantia viris accidere solet, vti eo recurrant, & id cupidissime petant, quod paulo ante contempserant: neque nunc se illorum humanitate, neque aliqua temporis opportunitate postulare quibus rebus opes suæ augeantur, sed eos exercitus quos contra se annos iam multos aluerant, velle dimitti. Neque enim sex legiones in Hispaniam per Pompeium missas, ac septimam in ipsa Hispania conscriptam, neque tot tantasque classes paratas, neque submissos duces rei militaris peritos, nihil eorum ad pacandas Hispanias, neque ad vsum prouinciæ comparatum esse, quæ propter diuturnitatem pacis nullum auxilium desiderarit. Omnia hæc iam pridem in se parari, in se noui generis imperia constitui, vt idem ad portas vrbis præsideat rebus, & duas bellicosissimas prouincias absens tot annos obtineat: in se iura magistratuum commutari, ne ex prætura & consulatu, vt semper fit, sed per paucos probati & electi in prouincias mittantur: in se ætatis excusationem nihil valere, quod superioribus annis probati ad obtinendos exercitus euocentur: in se vno non seruari, quod sit omnibus datum semper imperatoribus, vt rebus feliciter gestis, aut cum honore aliquo, aut certe sine ignominia domum reuertantur, exercitumque dimittant, quæ tamen omnia & se tulisse patienter, & esse laturum: neque id agere, vt ab illis abductum exercitum teneat ipse, quod tamen difficile non sit, sed ne illi habeant, quo contra se vti possint. proinde, vt esset dictum, prouinciis excederent, exercitumque dimitterent: sed si id sit factum, se nociturum nemini. hanc vnam atque extremam pacis esse conditionem. Id itaque pergratum fuit militibus & iocundum, vt ex ipsa significatione cognosci potuit. Nam cum de loco & tempore huius rei controuersia inferretur, & voce & manibus vniuersi ex vallo vbi constiterant, significare cœperunt, vt statim dimitterentur, neque aliter firmum esse quod promittebant, si in aliud tempus differretur. Et cum paucis verbis esset in vtranque partem disputatum, res in hanc conclusionem deducta est, vt ii qui haberent domicilium aut possessionem in Hispania, statim dimitterentur, reliqui vero ad Varum flumen, quod est in ingressu Italiae, dimitterentur, neque eis à quoquam noceretur, neque quis inuitus astringeretur sacramento militiae Cæsari. Atque Cæsar eis qui ad Varum fluuium dimittendi erant, se frumentum necessarium daturum pollicetur. Addidit etiam Cæsar, vt cuique qui in bello aliquid quod sit penes milites amississet, hoc illi restitueretur, data satisfactione ei apud quem res ipsa esset: quam æstimationem ipse Cæsar ex proprio soluit militibus. Itaque post biduum pars ipsa quæ ad Varum flumen dimittenda fuerat, dimissa est, ordinatumque est, vt duæ legiones præcederent, & reliqua postea sequeretur, ne simul castra ponerent: illisque vsque ad Varum flumen præfectus est Quint. Fufius Calenus: & reliqua pars quæ ad Hispaniam pertinebat, statim dimissa est.

*Superatis Lucio Afranio & M. Petreio, Cæsar M. Varronem insequitur
in vltiorem Hispaniam.*

50 **SUPERATIS** itaque Lucio Afranio & Marco Petreio cū eorum exercitibus, apud Ilerdam, statuit nullam belli rationem in Hispaniis relinquere, sed M. Varronem, tertium Pompeii legatum, qui vltiorem Hispaniam turabatur, insequi. Comparauerat autem Varro multa ad belli opus. indixerat enim ciuitatibus vltioris Hispaniæ cohortes octoginta, necnon & argenti pondera viginti millia, frumenti modios centum & viginti millia: illisque ciuitatibus quas Cæsaris amicas arbitrabatur, grauiora onera iniungebat, prouinciæque omnem in Pompeii fidem adegit: cognitisque rebus quæ ad Ilerdam gerebantur, bellum parabat. Ratio autem & summa gerendi hæc erat, vt duas legiones quas secum haberet, Gades conferret. Gadibus enim sex cohortes præsidii causa reliquerat, omnemque pecuniam,

atque thesaurum, & ornamenta ex templo Herculis rapuerat, & in Gades contulerat. Cui prouinciæ Gallonium equitem Romanum familiarem Domitii præfecerat. cognouerat enim prouinciam omnē rebus Cæsaris fauere. Vnde sperabat, frumento in insulam transportato nauibusque faciliter bellum duci. Itaque Cæsar duas legiones præmittit in vltiorem Hispaniam cum Q. Cassio tribuno, & sexcentis equitibus. qui magnis itineribus progreditur, edictumque præmittit ad certum diem, quo omnes magistratus principesq; omnium ciuitatum præsto sint Cordubæ. quo edicto per totam prouinciam promulgato, nulla fuit ciuitas quæ non ad id tempus partem Senatus mitteret Cordubam. Corduba vero per se nunciato edicto Cæsaris portas claudit, Varroniq; custodias ac vigili-
 10
 as in turribus muroq; disposuit, & cohortes duas quæ Colonice appellabantur, & cum Varrone venerant, tuendæ vrbs causa penes se retinuit. Iisdem interea diebus Carmo-
 nenses, quæ est longe firmissima totius prouinciæ ciuitas, deductis in arcem oppidi cohortibus à Varrone pro præsidio, per se eiecerunt cohortes, portasque præcluserunt. Hæc magis properare compulerunt Varronem, vt cum legionibus Gades veniret, ne itinere aut traiectu intercluderetur. tanta ac tam fœcūda in Cæsarem voluntas prouinciæ reperiebatur. Progressoque ei paulo longius literæ à Gadibus redduntur, continentes, quod simul cum esset cognitum de edicto Cæsaris & eius Cordubam aduētū, concordasse Gaditanos principes cum tribunis cohortum quæ essent in præsidio, vt Gallonium ex oppido expellerent, vrbsque ac insulam Cæsari seruarent, hocque inuito consilio denuncia-
 20
 uisse Gallonio, vt sua sponte, dum sine periculo liceret, à Gadibus excederet, & si id non fecisset, consilium esse executuros. hoc timore adductum Gallonium Gadibus excessisse. His cognitis altera ex duabus legionibus, quæ Vernacula appellabatur, quæ cum Varrone fuerat, ex castris Varronis adstante & inspiciente ipso, signa sustulit, seseque Hispalim recepit, atq; in foro & porticibus sine maleficio confedit: quod factum adeo conuētus ciuium Romanorum qui ibi aderant, probauerunt, vt eos quisq; ad propriā domum hospitio cupidissime reciperet. Quibus rebus perterritus Varro, certior a suis factus præclusas esse portas, tum vero omnium interclusus itinere ad Cæsarem mittit, paratū se esse legionem, cui iusserit, tradere. Cæsar vero ad eum Sextum Cæsarem mittit, atque huic illam tradi iubet. tradita vero legione Varro Cordubam ad Cæsarem venit, relatis ad eum publicis cum fide rationibus, quod penes eum fuit pecuniæ tradidit, & quod habebat v-
 30
 biq; frumenti ac nauium ostendit. Cæsar cōcione habita Cordubæ omnibus generatim gratias agit: ciuibus Romanis, quod oppidum in sui potestate studuissent habere: Hispanis, quod præsidia expulissent: Gaditanis, quod conatus hostium infregissent, seseque in libertatem vindicauissent: tribunis militum centurionibusq; qui eo præsidii causa venerant, quod eorum consilia sua virtute confirmauissent. Pecunias quæ erant in publicum ciuium Romanorum, Varroni remittit, ac bona restituit iis qui in eius fauorem liberius sunt locuti, & pœnam tulisse cognouerat. tributis quibusdam publicis priuatisq; præmiis, reliquos in posterum bona spe complet: biduoque Cordubæ commoratus Gades proficiscitur. pecunias ac monumenta quæ ex phano Herculis ablata fuerant, & in priuatam domum Gallonii collata, referri in templum iubet. prouinciæ Q. Cassium præfecit, illiq;
 40
 quatuor legiones assignauit: ipse vero iis nauibus quas M. Varro, quasque Gaditani iussu Varronis fecerant, Tarraconam paucis diebus peruenit: vbi totius fere prouinciæ citerioris Hispaniæ legiones Cæsaris aduentum expectabant, vt redderent rationem de pecuniis ad suffragia belli priuatim ac publice exactis: ibique paucos cōmoratus dies ab ea discedens terrestri itinere Narbonam, atque inde Massiliam peruenit.

Cæsar obtenta omni Hispania & Massilia, Pompeium insequitur.

CÆSAR itaq; (vt diximus) à Tarracona Narbonæ terrestri itinere peruenit, & à Narbona Massiliā, quā olim in trāsitu in Hispaniā obsidione cinxerat, relictis ibi Legatis: quā suo aduentu cepit & dirupit quibusdā interiectis discriminibus. Deinde classe & nauibus paratis Pompeium insequi studet, missq; ad occupandū Hadriaticum sinum, ipse cum copiis traiecit in Epirum, quem perantea Pompeius occupauerat, prouinciā sibi ad bella gerenda aptissimam. Receperat se igitur Pompeius in Dyrrachium vrbs Epiri. ad hanc igitur contendit Cæsar, Pompeiumq; ibi obsedit. qua obsidione firmata, Cæsar diuersis tractatibus de pace agere cœpit, & vbi hoc à Pompeio obtinere non potuit, pugne opportunitatem exhibet, quam Pompeius recusauit. Vbi vero neq; hoc eū iuuare videt, cogitauit Pompeii castra vallo circumdare, & paucioribus plures constringere. Fossa itaque circumdare incipit & vallo Pōpei castra, turreq; ac propugnacula instruit, vt inter-
 50
 cidren-

cidren-

eiderentur eruptiones in castra Cæsaris. Cupiebat enim Cæsar, ut quicumque belli futurus
 esset exitus, statim esset: omnia tamen frustra erant. Nam & Dyrrachium inexpugnabile
 erat, & Pompeius immutabilis, ut qui contrario Cæsaris consilio niteretur, sperans dila-
 tionem victoriam propter inopiam rei frumentariæ, quæ valde Cæsarem premebat, neque
 diutius tolerari posse videbatur: insuper & quod similitimum veri erat, ut virtus animo-
 sissimi imperatoris tædio atque expectatione senesceret, impetusque lentesceret, ac ardor re-
 pelleret. hac spe pugnam recusabat, neque rationis partes fortunæ committere volebat.
 Sic quum Pompeio cunctatio, Cæsari celeritas grata esset, statuit Cæsar, quum non posset
 prælio, vincere obsidione. propterea (ut dictum est) Dyrrachium & castra Pompeii sex-
 10 decim millium passuum fossa circumduxit ac vallo, impositisque castellis ac turribus cum
 paucioribus obsedit plures, si modo obsideri dici possunt, quibus maria patent. Idcirco
 crebræ fiebant eruptiones, & sæpe erumpentibus funestæ succedebant, pugnabaturque
 etiam sæpius diuerso Marte: quoniam quum semel Cæsar profecturus Publium Syllam
 castris præfessisset, & ille audisset cohortem vnam ab hostibus vrgeri, duarum legionum
 auxilium tulit laborantibus, quarum occursum versi sunt in fugam Pompeiani, & si insequi
 perfugos victoribus licuisset, creditum fuit die illo cõfici bellum potuisse. Sed Sylla suo-
 rum impetum cõtinuit, cecinit receptuique: cuius cõsiliium à scriptoribus excusatur, quo-
 20 niam aliud est legati, & aliud imperatoris officium. Imperator rei totius exitum expectat,
 & consilio meretur: at legatus solum imperatoris sui iussum aspicit, & mandati finibus se
 cõtinet. Syllæ enim castrorum à Cæsare custodia cõmissa fuerat, cõtentus fuit custodisse,
 & suos periculo liberasse. Multæ præterea eruptiones hinc inde fiebant, & in Dyrrachiũ,
 & à Dyrrachio in castra Cæsaris, adeo ut vno die sex in locis pugnaretur. Quibus in præ-
 liis de Cæsarianis viginti duntaxat, Pompeianorum vero duo millia periere, inter quos
 multi erant centuriones, & insignes viri. in quibus congressibus insignis virtus laudatur
 Volcatii Tullii, qui cum tribus cohortibus Pompeianam legionem pertulit repulitque:
 necnon & quorundam Germanorum, qui è munitionibus erumpentes multis hostium
 castris sospites rediere. In castello autem quodam quod Pompeius inuaserat, tãtus fuit sa-
 gittarum imber, ut sine vulnere defensorum nullus euaderet: quin & centuriones qua-
 tuor oculis capti sunt: & quum sero diurni laboris & periculi summam representare de-
 30 creuissent, triginta sagittarum millia numerarunt. Inter cuncta Scæuæ cæsaris cõtentionis ad-
 mirabilis virtus fuit, cuius scutum relatum Cæsari cum centum viginti foraminibus est
 inuentum, de quo quidem varia fama est. Quidam enim tradunt, Cæsarem viri & de se
 & de Republica (ut aiunt) meriti eximia virtute permotum, qua castellum prope sua ser-
 uatum esset, pecuniariis cum donis ingentibus & magnis honoribus cumulasse: & inter
 cetera ab octauis ordinibus ad primipilum prouexisse, cohortem vero totam duplici sti-
 pendio, & donis militaribus prosecutum. Apud alios Scæua idem duce absente cedenti-
 busque suis, clypeo centum viginti telorum ictibus transfixo, mirisque ac incredibilibus
 rebus gestis occubuit. Sic igitur rebus se habentibus, Cæsar neque prosperitate tumidi-
 or, neque aduersitate contractior, cotidie in aciem ducebat exercitum, & pugnae copiam
 40 faciebat. Quotidie interim congressus fiebat in prælia, & vtrinque cædes, atque insignium
 virorum casus miserabiles: pacisque consiliis male repudiatis locus iræ atque odio datus e-
 rat. Fuit dies vnus Cæsari satis aduersus, quo eruptio ab hostibus violentissima facta est.
 Fuitque eo die Aquiliferi illius virtus insignis, ac spectata dies, qui quum lethali vulnere trãs-
 fixus morti proximum se sentiret, versus ad comites, porrigensque aquilam quam iam æ-
 gre sustinebat, Hanc, ait, ò commilitones mei viuens multis annis & multa cura seruaui,
 & nunc moriens eandem Cæsari pari fide restituo: vos autem per cõmunis imperatoris
 amorem oro atque obtestor, cauete dedecus Cæsaris castris insolitum, ne forte hostium
 in manus veniat tanti ducis signum, per manus vestras salua ad Cæsarem reuertatur. Hæc di-
 cēs corruit, ceterumque alii primæ suæ cohortis cum principe ceciderunt, multaque diuersis in
 50 locis cede edita, vicit Pompeius illa acie, & imperator est appellatus. Quumque cedentes fugi-
 entesque non sequeretur, negauit Cæsar aut vincere, aut victoria uti scire. Cæsi sunt autem eo
 die de Cæsarianis (ut refert Orosius) militum quatuor millia, cõtentiones viginti duo, plu-
 rimumque equites Romani. Labienus vero in suum olim ducem inexpiabili odio accensus, à
 Põpeio captiuos sibi dono dari petiit. quum impetrasset, productos omnes in medium, &
 cõtumeliosissimis verbis increpitos in cõspectu omnium interfecit. Hoc enim euentu Põ-
 peianis tantum spei accreuerat, ut non de bello amplius, sed de victoria cogitarent, &
 multa varia decernerent: & quasi nil iam incidere posset aduersi, famam victoriæ per
 terrarum orbem nunciis ac litteris diuulgarunt. Cæsar concione aduocata milites con-
 solatus est, hortatus ne deficerent animis. debere enim eos vnũ, & id ipsum non nimis gra-

ue prælium ac infaustum, multis foelicibus cōpensare, & fortunæ gratiam habere, quod Romam, quod Italiam, quod Hispaniam vtranque sine sanguine quasi diuinitus recepissent: non posse, præsertim in bello, prospera omnia prouenire, verum tristitia lætis temperanda esse, aduersamque fortunam virtutis ope leniendam. & hæc quidem ad exercitum. Quosdam vero signiferos quorum culpa clades accepta fuerat, notatos infamia à gradu militiæ suæ amouit. exercitū reliquū tantus pudor & tantus dolor inuaserat, tantumq; desiderium abolendæ ignominia, vt non expectato superioris imperio vltro quisq; pro supplicio grauissimo sibi labores assumeret, omniumq; animi arderent incredibili quadam cupiditate pugnandi, viam illam expurgandæ infamiae vnicam existimantes. Quin & legati, & qui ad consilium vocabantur, oratione Imperatoris & pudore tacti, persistendum pugnandumque censebant, & acceptam prælio hostibus refundendam cladem. Solus Cæsar erat in contraria sententia. nam neque victis tam cito in aciem reuersuris satis fidebat, & reparandis animis spacio opus esse: neque præterea tam hostem, quàm frumenti inopiam esse metuendam eo loco manentibus iudicabat. Illico igitur sauciorū & egrotantium cura suscepta, noctuque impedimentis præmissis, Apolloniam profectus est: his vna legio præsidio relicta, & hinc in Thessaliam fatis impellentibus commigravit.

Prælium Cæsaris & Pompeii in Thessalia.

Q V A N Q V A M hæc Cæsaris gesta nullatenus ad Hispaniā illiusq; gesta pertineant, quia tamen gesta Cæsaris in Hispania plurima & magna sunt, visum est & alibi facta innectere duplici consideratione: prima, quoniā eius facta adeo magna sunt, & à viris illustribus commendata, vt debite debeant interferi, ne ab Hispanis ignorentur: secunda, quia res Cæsaris in Hispania gestæ magnæ sunt, & plurimæ quadruplici transitu, vt illorum facta & gesta continuentur ad ea quæ apud exterarum nationes & prouincias ab eo gesta sunt, quoque ordine gesta sint pernecessarium est intelligere. Hunc tamen in eis explicandis obseruabimus modum, vt res extra Hispaniam gestas breui relatione perstringam, cæteræ vero quæ ad Hispaniam pertinent, copiosa relatione describentur. Intellecto itaque à Pompeio discessu Cæsaris, concione facta suis pro rebus bene gestis gratias agit, eos vero qui cum Metello Scipione socero Pompeii paucis ante diebus venerant, hortatur nō tam ad bellum, quam ad præmia belli, ipsi autem socero & classicum & prætorium tribuit, quæ fuerant imperatoris insignia omnisque & honoris & imperii eum participem fecit. Duobus enim tantis exercitibus in eadem castra coniunctis nemo erat qui de victoria dubitaret, vsque adeo vt iam omnes de præmiis & honoribus, & quod stultius est, de Cæsaris contumelia plurimum inter se agerent. Pompeius quidem solitis artibus bellum trahere cunctando erat intentus, vt cœperat: principes vero ipsius ambitionem in prorogando bello arguebant. tot vocibus consiliisque superatus vnus omnibus cessit inuitus, decreuitque pugnare: adhuc tamen rem trahebat. Cæsar vero dilationem oderat, neque sperabat, Pompeium posse vlllo ingenio ad pugnandum induci. hac difficultate perplexus vtilimum belli genus elegit, vt motis castris in perpetuo motu esset, neque vnquam amplius quam vnum diem vno ageret in loco. hoc sibi consilium vna ratio suggererat: noverat enim exercitum suum fortem, duratumq; laboribus, Pompeianum vero molliorem, versatum in urbibus, & discursibus insuetum, itaque circunducendo illum posse fatigari. Præterea mutatione locorum, quod frumenta iam in agris essent, victurum vberius exercitum cōfidebat. illa autem spe potissimum mouebatur, si forsitan se vagante hostis etiam moueretur, & sic inter eundem casus aliquis atque occursum exoptatæ pugnae tribueret facultatem. Ex his enim omnibus hoc vltimum euenit, vt sine ampliore discursu pugnae daretur occasio. Vnde quum ab Apollonia Cæsar castra metatus esset in Thessaliam regionem vicinam, & vt decreuerat, signum dedisset itineris, & iam tentoria vellerentur, ecce iam mota Pompeii castra prospiciunt. Qui (vt diximus) victus omnium vocibus suo abiecto aliena consilia sequebatur, & assumpta, vt fit, multorum hortationibus fiducia, paulo ante hunc diem in concilio dixerat, euenturum vt ante congressum exercitus Cæsaris vinceretur. quibusdam mirantibus, non se nescium incredibilem rem videri prima facie, dehinc latius ingressus exposuit, quum equitatu abundarent, circunueniri omnes Cæsaris copias esset perfacile. Quod quum pluribus verbis explicauisset, Labienus inceptit Pompeii sententiam atq; potentiam laudibus ad cælum ferens, & Cæsaris imbecillitatem oratione deprimens insolenti. Quibus dictis ne quid deesset infamiae, iurauit se nisi victorem nunquam è prælio reuersurum, cæterosq; ad id iusiurandum verbis incitauit, nec minus exemplo Pompeii dictum laudans iurauit similiter: & sic omnes pariter

Pariter iurauerunt, vt necesse fuerit multos ibi fieri periuros. Ingenti gaudio, tanquam
 feliciter rebus gestis, nec minori spe a consilio discesserunt iuramentum tanti imperato-
 ris de tam magna re velut arrham victoriae tenentes. digressi autem è concilio nō ita mul-
 to post (vt diximus) in aciem sunt progressi. Quos vbi Cæsar, quum ipse etiam castra mo-
 uisset, aduertit in eum locum descēdit, vbi æquo Marte certari poterat, substitit, & con-
 uersus ad suos ait: Non est modo amplius de itinere, sed de prælio laborandum: adest ecce
 nobis occasio quam semper optauimus, pugnandi, & finem laboribus imponendi. Hęc
 dicens, instruere acies cœpit omni militari arte, cuius peritissimus erat, suosque interim
 admonere, ne se à multitudine hostium circumueniri tinerent, omnibus iubens ne sine
 10 iussu eius inciperent, se in tempore quid agendum sit, signo indicaturum. Circumuenire
 inde acies, & animos verbis accendere, virtutemque insitam excitare commemoratio-
 ne suâ erga illos semper optimæ ac beneficæ voluntatis. Inter alia non omisit se modis
 omnibus pacem quæsiuisse, & humiliter forte etiam quam deceret: nominauit etiam per
 quos de pace Pompeium & Scipionem interpellasset, atque hæc omnia non metu aliquo,
 sed pietate, vt ciuili sanguini parceretur, ne Respublica paucorum furoribus in magnas
 calamitates incideret. Ex aduerso autem quam superbe ac impie petitiones suas negle-
 xerunt, telorumque missione repulerunt, magnam nobilibus animis indignandi materi-
 am præbuisse. Hisque explicitis obsecrantibusque militibus, pugnae signum dedit. Er-
 20 rat in exercitu Crastrinus quidam, qui priori tempore sub Cæsare honesto gradu milita-
 uerat, tunc vero non militiae sacramento, quo solutus erat, sed iure quodam amicitiae e-
 uocatus aderat, vir bellica virtute memorabilis. Hic Cæsaris concione intellecta, &
 signo prælii audito alacri vultu & voce, Sequimini, inquit, me manipulares olim mei, im-
 peratori nostro quam debetis operam exhibete. vltimū hoc prælium est, quo peracto il-
 le suam dignitatem, nos nostram recuperabimus libertatem. Dehinc versus in Cæsarem,
 Faciam, inquit, hodie imperator, vnde vel viuo, vel mortuo mihi gratias agas. Hęc di-
 cens, primus in hostes impetum fecit, cumq; delecti milites circiter centum viginti vo-
 luntarie profecuti sunt. Concursumque est in campis Thessaliae quos Philippicos vocat,
 ad Pharsalum oppidum. illum sibi locum Romæ inuidens fortuna delegerat. De nume-
 ro vero copiarum longe autores dissentiunt, Annei quidem Flori qui hanc rem breuif-
 30 sima oratione perstrinxit, verba sunt hæc: Nullo vnquam loco tantum virium Romani
 populi fortuna vidit, trecenta & amplius millia bellatorum hinc atq; illinc præter auxi-
 lia Regum & Senatus. Eutropius vero describit in eo bello fuisse cum Pompeio peditum
 quadringenta millia, milites vero mille & centum, sexcentos videlicet in sinistro cornu,
 in dextero vero quingentos. Cæsar vero habuit peditum non plene trecenta millia, equi-
 tes vero mille. Huic autem concordat Orosius. Cæsar vero in Commentariis numerum
 copiarum non exprimit, sed asserit eodem bello interfuisse mille viginti duas cohortes,
 ex qua expressione de supradicto numero facilius potest haberi credulitas. Petrarca
 vero in libro de vitis illustribus transit cum assertionem Annei Flori. Hic exitus pugnae ad
 Pharsalum fuit.

40 *De morte Pompeii, & bello Alexandrino & Africano à Cæsare gesto.*

POMPEIUS igitur viso aduerso belli euentu fugiens in Larissam urbem ad Ægeum ma-
 re in ostio Penei amnis onerariam nauem nactus in Asiam transiit, inde in Cyprum,
 post in Ægyptum venit. Ibiq; mox, vt litus attingit, iussu Ptolemæi regis Ægyptiorum
 in gratiam Cæsaris victoris occisus est. Pompeii filii fugerunt. Cætera Pompeiana classis
 direpta est, omnibus qui in ea erant crudelissime trucidatis: ibiq; & Pompeius Bithyni-
 cus occisus est. Lentulus vero vir consularis etiam apud Pelusium interfectus est. Cæsar
 compositis apud Thessaliam rebus, Alexandriam venit, prolatoq; ad se per Ptolemæum,
 ac viso Pompeii capite anuloq; fleuit. Cumq; Ptolemæus in regiam se domum recepif-
 50 set, hortabatur à tutoribus, vt pecuniam omnem acciperet, ac templa spoliaret suis orna-
 mentis, & regio thesauros vacuos esse ostenderet, & in odium Cæsaris populum excita-
 ret. Præterea Achilles dux Regius imbutus semel Pompeii sanguine, & Cæsaris medita-
 batur. nam iussus exercitum dimittere (præerat enim 20. millibus armatorum) non mo-
 do spreuit imperium, verum etiã aciem direxit. in ipso prælio regia classis quæ ad terram
 adducta fuerat, iubetur incendi. ea flamma pars quoq; bibliothecæ Philadelphi proximis
 ædibus constructa exarsit. Cæsar postea insulam vbi Pharos est, cepit. Achilles deinde cū
 Gabinianis militibus venit. ingens vbi pugna commissa est. magna quidē ibi Cæsarianorū
 militū multitudo cecidit: omnes etiam interfectores Pompeii interfecti sunt. Cæsar vi in-
 stentiū hostiū pressus scaphā ascendit: qua mox subsequentiū pondere grauata ac merfa,

per ducentos passus ad nauem vna manu eleuata, qua chartas tenebat, natando peruenit. Mox nauali certamine inito magna facilitate classem regiam depressit, & Alexandriam cepit, petentibusque Alexandrinis Regem suum reddidit, monitum vt magis amicitiam Romanam quam arma experiri studeret, qui tamen ilico vbi liber fuit, bellum intulit, sed continuo cum toto exercitu suo & ipse deletus est. Nam viginti millia hominum in eo bello caesa referuntur, duodecimque millia cum septuaginta longis nauibus dedita, & quingenti ac duo ex victoribus cecidisse dicuntur. Rex vero ipse adolescens scapha exceptus vt fugeret, multis insipientibus merfus ac necatus est, corpusque eius ad litus euolutum, indicio loricae aureae cognitum fuit. Quo peracto Caesar Alexandrinos omnes desperatione ad deditiōem compulit, regnumque Aegypti Cleopatrae regis sorori ob in eam illecebrarum amorem conceptum dedit. Inde Syriam peruagatus, Pharnacem in Ponto vicit. Postea vero quam Romam venit, in Aphricam transiuit, & apud Thapsum cum Iuba & Scipione pugnavit, maximamque ibi hominum multitudinem interfecit, castraque vtriusque diripuit, ac sexaginta elephantos cepit. Cato sese apud Uticam occidit: Iuba Rex percussori iugulum dato precio praebuit: Petreius eodem se gladio perfodit: Scipio in nauis qua ad Hispaniam fugere contendens vento coactus in Africam redierat, semetipsum iugulauit: in eadem nauis etiam Titus Torquatus occisus est. Inde quatuor triumphis urbem ingressus, disposito recuperatoque Reipublicae statu, continuo in Hispanias contra Pompeianos Pompeii filios profectus est.

Caesar iterum in Hispaniam venit ad prosequendum Pompeii filios.

IA M igitur quarto Caesar intrat Hispanias, persecuturus ultimo Pompeii filios. Haec enim quae ad Hispaniam non pertinerent, cursim pertigimus, vt Hispaniae gesta quo ordine constarent, facile quisque intelligeret. Nunc vero paululum digressi ad nostrum Hispaniae propositum reuertamur. Decimo igitur septimo die postquam ab vrbe egressus fuerat (vt ait Orosius) Saguntum Hispaniae (nunc Muriuetus) peruenit, & inde septimo die terrestri itinere videlicet xxi die, postquam ab vrbe discessit (vt refert Petrarcha libro de viris illustribus) Cordubam urbem vltioris Hispaniae attigit. Duo enim superfuerant filii Pompeii, Gneus & Sextus. Sextus perante in Hispaniam se receperat post patris mortem, Gneus vero, quum Caesar bellum Africanum ageret, pulsus ab oppido Sturro in littoribus Africanis per Baleares insulas in Hispaniam peruenit. Sextus Cordubam cum praesidio tenebat, Gneus vero circuibat prouinciam, & quarundam ciuitatum amicitiam petebat a patre receptis beneficiis, quarundam vero amicorum beneuolentia, aliarum precibus, caeteras vero etiam bello & armis tentabat. Interea Gneus nullum oppidum inter Hispalim Cremonamque quondam opulentissimam urbem oppugnare statuit. Oppidani quidem Villae portas Gneo Pompeio clauerunt. intellecto enim Caesaris aduentu, duos ab oppido nuncios per media hostium castra miserunt, nunciantes Caesari, nisi citissime occurreret, oppidum in manus Gnei Pompeii esse venturum. Caesar audiens urbem Villam tam bene de ipso meritam, sexdecim cohortes totidemque equites ad illorum auxilia nocte secundaque vigilia misit, illisque praefecit hominem eiusdem patriae, doctum rei militaris & practicum L. Viminiū Patiecum. Qui quum venissent ad Gnei Pompeii praesidia, quae tempestate aduersa ac vento afflictaerentur, adeo vt vix proximos conspicerent, maximam exinde opportunitatem assecuti sunt. Nam quum videri non possent, per media hostium castra bini emittuntur equites, qui simulantes esse de Pompeianis, ad oppidi portas venerunt, & signo dato tam ipsi, quam equites & pedites sunt recepti. Inde rebus dispositis in Pompeianos obsessores eruperunt, plurimaque illis tanquam insidiis damna intulerunt. Caesar igitur misso ad Villam praesidio, vt Gneum Pompeium ab obsidione auerteret, Cordubam quae principalis tunc vrbs erat illius regionis, concessit.

Bellum ad Cordubam à Cesare secundo gestum.

CAESAR (vt diximus) vt Gneum Pompeium ab Villae obsidione deduceret, Cordubam venit (venerant enim ad eum per aetate legati a Corduba promittentes urbis deditiōem). Sextus vero Pompeius frater Gnei in ea se continebat. Praemisit igitur Caesar nonnullos loricanos viros fortes cum parte equitatus, qui quum ante conspectum urbis se contulissent, ab oppidanis & ciuibus deprehensum est, Caesarem proximum esse. Propterea erupit magna urbis multitudo ad excitandum praelio loricanos. Ipsi autem loricati ab equis descendentes, magnum ibi praelium commiserunt, superuenienteque equitatu Caesaris, qui latebat in insidiis, maxima multitudo erumpentium cessit, & capti sunt, ita quod pauci in urbem

Urbem redierunt. Qua ex re timore commotus Sextus Pompeius literas misit ad fratrem
 Gneum, ut celeriter sibi subsidio veniret, ne prius Cæsar Cordubam caperet, quam ipse
 venisset. Itaque Gneus Pompeius Vlla vrbe capta literis fratris excitatus cum copiis Cor-
 dubam venit. Est autem Corduba sita ad flumen Bætium (Guadalchaur moderna lingua
 vocitatum) estque posita vrbs ad Occidentem ad Lusitaniæ partem. Ad eam itaq; partem
 Cæsar castra posuerat, inde ad Bætium annem pontem instituit, quo in Bætiam transiret
 per eumque traiecit exercitum. Vrbs vero pontem habebat quo transitur in Bætiam.
 Pompeius igitur quum venisset, castra posuit contra urbem, & Cæsar Lusitaniam versus,
 qui ut comæatum ab vrbe prohiberet, pontem vrbs intercideret conatus est. Quod
 10 quum fuisset prospectum à Pompeio, ad pontem concursum est, ibique diuersis præliis
 pugnatum: quod ut expeditius fieret, Gneus Pompeius intra urbem se recepit. Per hos
 igitur dies pedites duo à Cæsarianis capti sunt, qui se seruos dicerent. Illis autem non li-
 cuit Cæsarem suam seruare consuetudinem. antequam enim ad Cæsarem ducerentur,
 quod ex Cæsariano exercitu transfugissent, à militibus interfecti sunt: & tabelliones ca-
 pti qui ad Pompeium Cordubam mittebantur, & præcisus ilico manibus sunt remissi. Si-
 militer speculator Pompeianus captus, atque occisus est. Creditur enim milites hoc fe-
 cisse tanquam iratos bello, & cognito Imperatoris sui more, qui in hos semper consuevit
 esse clemens, hoc remedii genus excogitasse, ne quis faciem eius videret, ut sic nullus e-
 uaderet. Multis igitur & magnis insultibus vtrinq; decertatum est in ea obsidione. Quū-
 20 que die quodam ferro & flammis solito etiam grauius pugnaretur, ciues ira in furorem
 versa in hospites qui securi secum iure veteris hospitii morabantur, inspectante Cæsaris
 exercitu, iugulatos è muris præcipitauerunt. Qua re audita ex gemitu morientium vnus,
 quidam qui ad muri custodiam stabat in cuniculo, scilicet ad murum perfodiendum, ex-
 clamauit: Tetrum scelus, & immane flagitium, nullaque excusandum barbarie commi-
 sistis absque vlla causa. nihil enim mali merebantur, quia nihil mali fecerant, qui ad vos,
 vestrasque aras, ac focos infauista fiducia se contulerant: ius hospitii sanctum gentibus so-
 li vos spreuistis, atque vtinam spreuisse sufficeret, inhumano illud scelere violastis. Multa
 quoque in hanc sententiam dixit, quorum verecundia repressi ciues ab hospitem cædi-
 bus se continuerunt. Sic interdum vnus boni viri inter multos malos valuit oratio. Ea res
 30 relatu transfugæ in exercitu primum Cæsaris innotuit. Die proximo Tullius quidam cum
 Catone Lusitano quodam legatus ex oppido ad Cæsarem venit. Huius prima pars ora-
 tionis fuit, optare ut suus potius fuisset quam Pompeii miles, suamque constantiam in
 Cæsaris potius felicitate quam in Pompeii miseria præstitisset. Finis autem fuit, se à Põ-
 peio desertos, victos à Cæsare, seque & urbem dedere, atque orare ut clementiam, quam
 victis gentibus præbisset, suis ciuibus non negaret. Multa præter hæc loquutus est, quæ
 (ut refert Petrarcha libro de viris illustribus) librariorum culpa confusa vix intelligi pos-
 sunt. Vnum tamen hoc intelligitur, quod multis vltro citroque dictis tunc vrbs deditio
 non est facta. Sequenti tempore duo Lusitani fratres qui à Pompeio ad Cæsarem trans-
 fugerant, nunciarunt Gneum Pompeium concionem habuisse, quoniam vrbi subsidium
 40 ferre non posset, qui ex Pompeianis essent, nocte se deducerent mare versus vrbe relicta.
 quod vbi quidam respondisset expedire potius, ut ad dimicandum descenderent quam
 fugæ signum ostenderent, eum Pompeius iussit occidi, secundum Petrarcham: quanquã
 Anneus Cirtius & Iulius Celsus (qui Commentaria Cæsaris de vltimo Hispano bello al-
 ter composuit, & alter emendauit) de hoc nullam faciant mentionem. Pugnatum est ita-
 que pro his nunciatis ad murum acriter, donec turres lignæ Cæsaris, altera vi telorum cor-
 ruit, altera vero igne incensa est. Sequenti vero die quædam materfamilias de muro se
 deposuit, & transfugit ad Cæsarem. Hoc præterea tempore tabella de muro sunt deiecte,
 in quibus inuentum est scriptum: Lucius Mutius Cæsari. Si mihi vitam tribuis, quoniam
 à Gneo Pompeio sum desertus, qualem me illi præstiti, tali virtute & constantia me tibi
 50 præstabo. Eodem tempore iidem legati ex vrbe qui ante exierant, Cæsarem adierunt: si
 sibi vitam concederet, sese in sequenti luce urbem daturus. quibus respondit, se Cæsarem
 esse, fidemq; præstiturum. Ita ante diem vndecimam Calend. Martii Cæsar urbem obti-
 nuit, & Imperator est salutatus. Quod vbi Pompeius ex profugis scisset, castra mouit,
 Vcubimque oppidum peruenit (quod quidam Vbedam, alii vero Baesiam arbitrantur)
 illucque cum peruenisset, conuocatis quos in oppido fidos habuerat, seu arbitrabatur,
 imperauit discerni qui sibi, qui Cæsari fauerent. Quæ res quum sibi relata esset, & distin-
 cti essent, quasi foret scelus maximum amasse Cæsarem, septuaginta quatuor ictu secu-
 ris occidit, reliquos intra oppidum inclusit, ex quibus centum & viginti elusis custo-
 diis ad Cæsarem transfugerunt. Multaque per hos dies à Pompeio eiusq; militib. crudeli-

ter gesta sunt. Per hos etiam dies multa bella & praelia gesta sunt ad oppidum Theugam, Grimumque, ac alia oppida, quæ Pompeius cum retinere non posset, incendit, & hodie non extant: de quibus late disserunt Anneus Cirtius & Iulius Celsus in explicatione Commentariorum Cæsaris de ultimo bello Hispano. Pompeius igitur cum amicis magnanimitatem suam & metum Cæsaris dissimulabat. Inuentæ autem sunt literæ eius, continentes Cæsarem non audere copias in campum educere, suis tyronibus deficientem. qui si copiam æquis in locis aliquando faceret, se rem omni opinione celerius confecturum, idq; se expectare. Ibat interea Hispanias ambiendo, & ut ipse dicebat, ciuitates suarum partium conseruando. Itaq; Hispalim venit, contraq; urbem in Oliueto castra posuit, indeque alias atq; alias adiit. ad extremum Mundam venit, quam tutissimum belli locum delegerat, & quam fortuna vltimam priscis cladibus cōseruarat: ibiq; Pompeius substitit.

De bello Cæsaris ad Mundam gesto contra Gneum Pompeium.

Munda] qui-
bndam Co-
nimbria cre-
ditur, quam
Munda fl. hodie
Módego alluit:
alij verum Rō-
da est in Bati-
ca.

PERVENIT ergo Pompeius ad Mundam urbem. Fuit autem Munda ciuitas (quæ à no-
stris Coimbrum appellatur) in regno & regione quæ nunc Portugallia dicitur, ab an-
tiquis Gallatia. Ad eam itaque urbem Cæsar applicuit, castraque castris Pompeii adiun-
xit. Erat autem locus vbi Pompeius castra posuerat altus, difficilis, atque praeruptus, ne
inuaderetur à Cæsarianis. In medio vero duorum castrorum planities erat pro parte Pō-
peii paludosa, voraginosa atque difficilis, & per eam aditus habebatur ad castra Pom-
peii. Interim Pompeius Fausto scripsit, qui se intra urbem continebat: cui signifi-
cabat Cæsarem non audere exercitum ad plana deducere, neque in vallem descen-
dere, eo quod exercitus suus pro magna parte tyronum esset. quæ literæ miris modis ani-
mos oppidanorum attollebant. Dum sic igitur Pompeius alios solaretur, & ingenti, quā-
tum arbitror, solitudine agitatus magna parte noctis instructis staret aciebus, Cæsar,
nescio quonam iturus esset, castris egrediebatur. Cui cum status hostium nunciatus es-
set, constitit, ordinavitque aciem, & inde concursus est magnis hinc & hinc clamorib.
sed maioribus animis, ineffabilibus atque immensis odiis, pugnatumque est acriter atq;
pertinaciter. Et quod pene pudendum dixeris humanæ fragilitatis indicium, nusquam
Cæsari neque cum hostibus, neque cum ciuibus aut tam anceps euentus, aut proprius
extremo periculo res fuit, vsque adeo, ut (sicut elegantissime ait Florus) plane videretur
nescio quid deliberare fortuna. Tamque hæc fortunæ deliberatio diuturna fuit, ut inter
moras praelii neutram in partem declinante victoria, quum iam veterana illa militū ma-
nus tot probata victoriis, Cæsareis oculis insuetū dedecus, sensim retrocederet, nec quo-
minus palam fugeret, tam virtute, quam pudore teneretur, dubitare, quod nunquam an-
te illum diem fecerat, Cæsar cœperit, atq; diffidere, & solito mœstior ante aciem stare ira
tamen, ut nihil penitus de imperatoria solita virtute remitteret. immo equo desiliens, &
furenti similis in aciem primam peditum euolauit, clamans, increpans, obsecrans, at-
que exhortans, nec tantum voce, sed oculis, sed manu, & pectore fugam sistens, & fugere
incipientes in praelium vi retorquens. Tanta denique trepidatio illius ducis seu impera-
toris fuit, tamq; diu ambiguus pugnæ finis, ut cogitasse de extremis Cæsarem scriptorum
plurimi tradiderint, & eo vulnere fuisse, quasi iamiam mortem conscire cogitaret. Et quan-
quam apud eos qui in praelio fuerunt, nulla penitus huius rei sit mentio, dicunt tamen, &
quidam etiam pro comperto asserunt, tam diu hanc rerum ambiguitatem durasse, donec
quinque cohortes hostiū a Labieno castris laborantibus auxilio directæ, mediāq; per aciem
properantes fugæ speciē portenderūt. O fortuna in omnibus potens, sed in bellis potētis-
sima! siquidē Cæsar siue illas fugere arbitratus, siue credulitatem simulans, ducum saga-
cissimus, velut in profugos imperū fecit, animosq; & suis addidit, & hostibus depressit: &
hostes fugere, & suis hostes insequi cōpelleret: & dum Cæsarianos fugere suspicaretur,
fugerent ipsi. Ita Labienus Cæsaris desertor & transfuga, & Actius Varus cū triginta mil-
lib. hominū ex Pōpeianis ceciderūt eo praelio, ac mortui sunt: cecidissentq; longe plures,
nisi adeo habuissent propinquū refugium urbis. Ex victoribus vero Cæsaris ceciderūt ad
tria millia, pluresq; tā ex militibus quā ex peditibus sauciati. Itaq; quū Cæsar muris urbis
obsidionē admouisset, ager flebilis & horredus ex cadaveribus erat, per quē ad oppugna-
tionē urbis ascēderetur. in quo telis atq; mucronib. tanquā calce cōpacti sibi inuicē cohe-
rebāt, muriq; officiū exhibebāt. Visuntur autē adhuc eo in loco sepulchra Labieni & Vari
iussu Cæsaris facta, nō respiciētis ad iniurias ab eis, sed præcipue à Labieno recepras. Gne-
quidē Pompeius humero & læue crure saucio inter medias cædes praelio pulsus excessit.
Hūc in lectica, quū nec equo, nec vehiculo uti posset, per nemorosas vias penetrantē atq;
fuga

fuga humili & occulta in speluncis latitantem, Cæsonius Cæsar's Legatus ad Lauroniam oppidum consecutum occidit, & obruncatum caput ad Cæsam detulit, talibus donis & muneribus minime gaudentem. Hic vero autores dissentiunt, quoniam Anneus Florus, quem secutus est Petrarcha in lib. de viris illustribus, asserit Gneum Pompeium Munda prælio fauciatum, Iulius vero Celsus qui Commentaria Cæsar's emendauit, videtur dicere, quod alio loco & prælio fuerit fauciatus. Vt cunq; fuerit, satis est eum post Mundæ prælium tali morte occubuisse. Interea Munda à Cæsa expugnata captaque est, & magna sanguinis diluione perfusa. Sextus itaque Pompeius frater intermedio tēpore Cordubam urbem occupauerat, intraque eam se continebat. Quumque confugisset ad eum Phalorius adolescens cum paucis, Sextoque nunciaisset belli exitum, quicquid pecuniæ & bonorum habebat, distribuit militibus ac oppidanis, dixitque se ad Cæsam pro componenda pace proficisci, sicque è Corduba fugiens, vt Petrarcha post Anneum Florum refert, in Celtiberiam concessit. Post eosdem dies expugnata est denuo Corduba, quæ qualiter à Cæsa defecerit, non inuenitur. magni in ea motus erant, magnaq; dissensio, parte vna in Cæsam, altera in contrarium inclinante. Quumque esset ad arma concursus, vicit pars quæ Cæsam colebat, sibi que oppidum cecidit: de parte vero Pompeiana viginti duo millia cecidere. magna siquidem in vrbe ciuilibus strages erat. His peractis Cæsar Hispalim venit, ibique Caninium cum præsidio reliquit. Philo itaque qui in ea vrbe defensor fuerat Pompeianorum partium acerrimus, vir per totam Lusitaniam notissimus, & ad comparanda auxilia aptissimus, in Lusitaniam proficiscitur, atque quodam Cæcilio Nigro nomine in auxilium aduocato, qui magnam Lusitanorum manum congregauerat, rursus Hispalim de nocte per murum aggreditur, vigiliasque iugulauit: Caninius partem vrbes cum præsidio defendit. Inde Cæsar cum in Gades traiecisset, auditis quæ Hispali gesta essent, iterum Hispalim rediit, Caninio & suis præstiturus auxilia. Interim Lusitani qui intra urbem erant, decreuerunt in castra Cæsar's eruptionem facere, sed Cæsar's acriter resistentibus ultra progressi cogitarunt classem maritimam quæ intra Bætum amnem erat, incendere. quod cum incepissent, à Cæsar's repressi & intercepti pro maiori parte occisi sunt. Vrbeque denuo recepta, ad res Hispaniæ vltimo disponendas Cæsar concione aduocata ad Hispanos verba fecit: se videlicet cum primum Hispaniam Quæstor intrasset, eam prouinciam, scilicet vltiorem Hispaniam, inter omnes alias sibi peculiarem elegisse: inde cum secundo Prætor aduenisset, multa illis beneficia contulisse: inter quæ illud fuit, cum vetigal quod Metellus illis imposuerat, donari & eis remitti à Senatu obtinuit. Deinde Consul factus, ipsius prouinciæ curam atque patrociniū assumpsit, multis legibus in Senatu introductis, multis publicis ac priuatis odiis conceptis eos defendit ac iuuuit. Eorum omnium beneficiorum & commodorum eos fuisse & esse immemores, & ingratos & in se, & in populum Romanum, & hoc bello & præterito tempore cognouisse: quodq; ipsi sæpius tractassent eum medio foro capere more barbarorum, eosq; semper odisse pacem, atque in eadem prouincia semper haberi maleficia pro beneficiis, eosque neque in otio concordēs, neque in bello virtute præditos vllō tempore esse potuisse: quoniam venisset ad eos vt priuatus ac fugatus Gneus adolescens, ab eis que receptus esset, illique obtulissent fasces & imperium, multisque occisis ciuibus auxilia ei contra Romanum populum contulissent, prouinciamque suo impulsu vastassent. In quo ignorabāt, quo freti auxilio sperarent Romanum populum superare. quoniam si sperarent eo mortuo finem belli, meminisse debuissent Romanum populum immortalem, ac sibi superesse decem legiones, quæ non modo Hispalenses & Hispaniam domare, sed cælum quoque euertere sufficientes forent. multa que alia in hanc sententiam protulit. Hisque peractis construxit in regione urbem ex iis regionalibus, & aliis qui eodē in loco considerē voluerunt, qui cum eo militauerant, quam Emeritam à merito ipsorum militum appellauit. Hispalim vero Romanis tam militibus, quam aliis impleuit, & ampliauit, & (vt multi referunt) Iuliam Romuleam appellauit. ex qua re vsque in hunc diem remanet nomen, vt ab ipso Iulio Cæsa Ciuilia moderno idiomate, id est ciuitas Iulia nominetur. Et hic ciuilibus belli finis est.

IOANNIS EPISCOPI GERVNDENSIS PARALIPOMENON

HISPANIÆ LIBER DECIMVS DE GESTIS in Hispania ab Augusto Cæsare, & aliis Imperatoribus vsque ad Theodosium.

10

Quomodo Octavianus Augustus Cæsar sumpsit imperium, & est cognominatus Augustus.



NONS præcedens continet gesta in ciuili bello Cæsaris & Pompeii in Hispania, illiusque exordium, atque finem: nostri autem operis institutio est prosequi gesta sequentia temporibus Augusti Cæsaris, aliorumque Imperatorum vsque ad tempora Theodosii senioris, atque Honorii & Arcadii filiorum eius: quorum temporibus Gotthi ab Arcto venientes Hispaniam occupauerunt, quorum decursum Isidorus aliique scriptores sunt prosecuti, vbi nos operi nostro finem proposuimus facere. ad historiæ igitur seriem redeo. Quum Cæsar obtenta Hispania (vt superiori libro late diximus) Romam rediisset, dum Reipublicæ statum contra exempla maiorum clementer cœpisset instaurare, autoribus Bruto & Cassio, conscioque plurimo Senatu, viginti tribus vulneribus confossus interiit: in qua coniuratione fuisse amplius quam sexaginta conscios ferunt. Post Cæsaris vero mortem anno ab vrbe condita septingentesimo decimo, Octavianus qui testamento Iulii Cæsaris auunculi sui & hæreditatem & nomen assumpserat, creatus est Imperator, Pansa & Hircio Consulibus. Erat quidem Octavianus adolescens natus annos septendecim, qui cum duobus Consulibus Pansa & Hircio missus est à Senatu ad persequendum Marcum Antonium, qui pro Iulio Cæsare Africam tenebat, & multa nefaria committebat. Missi tres autem duces contra Antonium, eum apud Vticam vicerunt, acciditque vt ambo Consules Pansa & Hircius morerentur, omnesque simul tres exercitus vni Imperatori Octauiano cesserunt. Antonius amisso exercitu & fugatus confugit ad Lepidum, qui Cæsaris magister equitum fuerat, & secum copias militum grandes habebat in Sicilia, à quo benigne susceptus est, & statim Lepido operam dante Octavianus Cæsar cum Antonio pacem fecit. Et quasi vindicaturus patris sui mortem, à quo per testamentum fuerat adoptatus, Romam cum exercitu profectus extorsit, vt sibi ad vicessimum annum Consulatus daretur, atque Senatum proscripsit, & Reipublicam cum Antonio & Lepido armis tenere cœpit. Qui posteaquam vicisset Cassium & Brutum interfectores Cæsaris patris, Sextumque Pompeium in Sicilia, plurimaque alia bella prospere gessisset, intellecto quod Antonius repudiata sorore Octauiani Cleopatram reginam Ægypti duxisset vxorem, aduersus eum bellum mouit. quo deuicto ac superato nauali pugna apud Actium, qui locus in Epiro est, post eam pugnam Ægyptus Romano accessit imperio. Atque qui duodecim iam annis cum Antonio & Lepido imperasset ab eo anno quo primum Consul creatus est (vt placet Eutropio) Romam cum venisset, primum Augustus nominatus est: atque Consulatum (tunc enim rerum omnium summam, atque absolutam potestatem, quam Græci Monarchiam vocant) adeptus est. Eoque die hoc factum est, quo Magi ab Oriente venientes Christum regem adorauerunt, videlicet octauo Idus Ianuarias: quem diem nos Christiani Epiphania, siue apparitionem appellamus, vt placet Orosio. Et tunc primus Augustus Cæsar, quia Ægypto & Oriente perdomito, victo atque mortuo Antonio, quum cessassent ciuilia bella, claudi iussit portas Iani, quæ iam ab vrbe condita tertio tantum clausæ fuerant, vt refert Orosius libro sexto. Considerans tamen postea Cantabros, atque Astures, nonnullasque alias Hispaniæ vrbes quæ Romano non parere imperio, iterum iussit aperiri portas Iani, translatisque victricibus armis in Hispaniam, ipsam prouinciam pacare instituit.

Dead-

50

20

30

40

De aduentu Augusti Cæsaris in Hispaniam.

CÆSAR igitur iam cognominatus Augustus, considerans parum fuisse, bellum gestum esse in Hispania per annos ducentos, si Cantabros, atque Astures, duas potentissimas Hispaniæ gentes & prouincias, suis legibus uti sineret, aperuit portas Iani, atq; in Hispaniam ipse cum exercitu suo profectus est, & (ut Iustini verbis utamur in ultimo libro) victorica arma Cæsar transtulit in Hispaniam. Et quoniam de portarum Iani apertione fecimus mentionem, eius rei rationem aperire liber. Erat in vrbe Romana templum dicatum Iano, cui offerebantur victimæ bellorum temporibus, cuius portæ tantum modo clauderentur, quum vrbs cessaret à bellis. Has autem portas à condita vrbe bis tantum clausas fuisse constat primo quidem post Romulum temporibus Numæ Pompilii, secundo vero capta seu deleta Carthagine. iam enim tertio tunc portæ clausæ sunt Iano. Hic ergo Octavianus Cæsar iam cognominatus Augustus, videns parū sibi esse Asiam Africamque perdomuisse, si Cantabros, Vaccæos, Astures, Illiturgos, ferocissimas Hispaniæ nationes, Romanoque imperio non parentes, prætermisisset, apertis iam portis, redditisque sacrificiis, in Hispaniam venit debellaturus dictas quatuor regiones, ut placet Iustino in suo Epitomate. Inter has itaque gentes potentiores duæ erant Cantabri & Astures. Cantabrorum vero & prior, & altior, & magis pertinax in rebellando animus fuit, qui non contenti libertatem suam defendere, sed finitimis etiam imperare tentabant, Vaccæosque, ac Illiturgos, & alias eis vicinas nationes crebris incursionibus fatigabant. Igitur ad Cantabros primum veniens, partito exercitu eos debellare cœpit. Habebat enim classem ab Oceano, quæ terga hostium grauius premebat, adeo ut ad Cantabriæ mœnia bellice pugnatum sit. Hinc Cantabri deficientes, nec vim Romanorum ferre valentes, fugam in eminentissimum vicinum montem arripiunt, in quem potius Oceani maria, quam Romanorum arma ascensura esse crediderant. Inde Romani Aracillum oppidum magna vi repugnans capiunt. Cantabri vero quum Medulli montis iuga occupassent, quæ faciliter expugnari non poterant, Octavianus Augustus ipsum montem fossa & vallo quindecim milliarium obsidione circumdedit, assistente circum vndique Romano exercitu. Quum vero obsessi extrema vitæ vidissent, dietimque fere certaret, certi de suo interitu quidam qui ferro cum hostibus agere non poterant, veneno sumpto, quod ex arboribus taxeis exprimitur (quarum arborum in ipso monte copia magna est) mortem sibi consciuerunt: sicque illorum pars maxima obsessorum à captiuitate quæ imminere videbatur, subtracta est. Durauitque bellum hoc per annos quatuor, ut placet Orosio, & Lucio Floro. in hoc tamen autores dissentiunt, an per se Augustus Cæsar hoc bellum gesserit, an per Legatos: pluribusque placuit Augustum per se bellum gessisse, Lucio vero Floro in fine sui Epitomatis visum est Augustum hoc gessisse bellum per Antistium, Furnium, & Agrippam legatos habernante Augusto Cæsare in Tarraconæ maritimis. Deuictis itaque Cantabris, Asturibus, Vaccæis, Illiturgibus, aliisque populis Hispaniæ inimicis Romani imperii, Augustus Cæsar ampliata vrbe Cæsaraugusta (quam ex suo nomine appellauit Cæsaraugustam, quæ etiam perantea Agrippa dicebatur) quum Tarraconā recessisset, & omnia bella humani generis cessassent pacatis omnibus, quum portas Iani iam secundo eo imperante claudi iussisset, illud decreuit edictum quod in Euangelio Lucæ legitur, & in nocte salutiferi partus recitatur: Exiit edictū à Cæsare Augusto, ut describeretur vniuersus orbis qui sub eo erat, &c.

Probatio quod hoc edictum ab Euangelista Luca nominatum, decretum sit Tarraconæ, & de differentiis annorum edicti & Christi natiuitatis.

ET quia sicut Christi natiuitas Orientem, ita & Occidentem quoque, id est ipsam Hispaniam, illustrauit prophetarum vaticiniis ex tempore eius edicti effectum suum habentibus, ideoque quibus probetur testimoniis id Tarraconæ fuisse decretum, videamus. Primum quidem testimoniū est à maioribus nostris traditum in Romanis annalibus, vbi in calce edicti legitur: *Datum Tarraconæ.* Secundum testimonium est Pauli Orosii presbyteri Tarraconensis viri clarissimi, & in historia summi, in eius Hormista libro 6. qui sic ait: Post deuictos Cantabros, Vaccæos, Astures & Illiturgos, quod bellum annis quatuor expeditum est, quum Augustus Cæsar Tarraconam concessisset, iterum ac secundo, id est ab vrbe condita quarto Iani portas claudi iussisset, orbisque quicquid à bellis, illa gloria Augusto Cæsari Tarraconā allata est de Orientis populis, quæ quondam Alexandro Macedoni de Occidentalibus Babylonem est allata. Ex quo constat tunc Augustum habuisse vniuersale dominium, completasque prophetias quæ cecinerant Christum pacis tempore esse nasciturum. Accedit etiam testimonium Titi Liuii in historia clarissimi, ut refert An-neus Lucius Florus in fine tertii libri sui Epitomatis, postquam retulisset Cantabricū bel-

Hæc in optimis editionib. Orosii, qualis est Fran. Fabricii, non comparat.

lum per annos quatuor gestum, concessionemque Augusti Cæsaris ad urbem Tarracolum: Hæc per Antistium, Furnium, & Agrippam legatos hybernans in Tarraconis maritimis Cæsar accepit. Ipse præsens hos deduxit montibus, hos obsidibus astrinxit, hos sub corona iure belli venundedit. Digna res lauro, digna curru Senatui visa est, licet Cæsar tantus erat, ut posset triumphos contemnere. Astures per idem tempus ingenti agmine à montibus suis descenderant, & positis castris apud Asturam flumen trifariam diuiso agmine tria simul Romanorum castra aggredi parabant. Fuiſſet anceps & cruentum & vltimum mutua clade certamen, nisi tam fortes tanque subito consilio venientes Brigæcini prodidissent, à quibus præmonitus Carisius cum exercitu adueniens oppressit consilia. Sic tamen non incruento certamine reliquias validissimi ac fusi exercitus ciuitas Lancia excepit: ubi adeo pugnatum est, ut quum in captam urbem faces poscerentur, ægre dux impetraverit veniam, ut victoriæ Romanæ beneficio potius extaret, quàm in vindictâ destrueretur. Et post subdit Florus: Hic finis Augusti bellorum ac certaminum fuit, idem rebellandi finis Hispaniæ, mox certa fides. Et postea quibusdam adiectis subdit: Omnibus ad Occasum & Meridiem pacatis gentibus, ad Septentrionem quoque duntaxat intra Rhenum atque Danubium, item ad Orientem intra Taurum & Euphratem, illi quoque reliqui qui immunes imperii erant, sentiebant tamen magnitudinem & victoriæ gentium populi Romani. Nam & Scythæ & Sarmatæ misere legatos amicitiam petentes. Seres etiam habitantes sub ipso Sole, inclyti gemmis & margaritis, elephantos quoque inter munera trahentes, nihil magis quam longinquitatem viæ imputabāt, quia in itinere quadriennium exegerant, quos ipse hominum classe Crassiana, signa vltro retulere. Sicque vique quasi victoriæ pœniteret eos, rapta classe Crassiana, signa vltro retulere. Sicque vique cuncta atque continua totius generis humani aut pax fuit, aut pactio. Tandem Cæsar Augustus septingentesimo ab urbe condita anno Ianum geminum clausit, bis ante clausum, sub Numa Rege, ac victa primum Carthagine. Et hæc de perpetua & æterna pace. De æris vero edicto subiungit idem Lucius Florus in fine: Hinc conuersus ad pacem, pronum, & in omnia mala luxuriamque fluens seculum grauibus seuerisque legibus multicoercuit. Ob hæc tot facta ingentia Dictator perpetuus, & pater patriæ appellatus est. Tractatum etiam est in Senatu, an quia condidisset imperium Romulus, inter Deos relatus esset: an sanctius ac reuerentius visum esset nomen Augusti. Probatur etiam quod hoc editum in Hispania & urbe Tarracona sit decretum, quoniam ab illo edicto ac ærea computatione Hispania omnis semper postea computauit annos vsque vltra millesimum ac ducentesimum annum, & maxime in ecclesiasticis rebus, in quibus non à mundi creatione, non ab indiſtionibus, non ab Olympiadibus, nec à Christi natiuitate seu incarnatione, sed ab æra, illoque Augusti Cæsaris edicto, ut satis patet ex libro conciliorum, omnibusque Hispaniæ conciliis, ac cæteris veteribus ecclesiasticis Hispaniæ codicibus, hæc computatione solum ab Hispanis retenta est & obseruata, ut meminit Guilielmus Duranti in vltimo libro Rationalis diuinorum officiorum. Cur autem differat hæc computatione ab antiquo incarnationis seu salutiferi partus annis viginti sex, dicimus quod quum ipsum edictum decretum fuisset Tarracona, & pronunciatum per Augustum Cæsarem sextodecimo sui imperii anno, vel saltem decimo septimo, videlicet postquam annis duodecim imperasset cum Antonio, & denuo victo Antonio Romam rediens post annum duodecimum, quum fuisset consalutatus Augustus, transfuissetque victricia arma in Hispaniam, quod bellum aduersus prædictas quatuor gentes quum intra annos quatuor absoluisset, rediens Tarraconem ipso sextodecimo vel septimo decimo imperii sui anno, non fuit tamen executioni mandatum vsque ad quadragesimum secundum sui imperii annum. Quoniam quum putaret pacem omnibus sæculis constitutam in emanatione decreti, quam secuta hominum salus & in terram venire debuerat, iuxta Esaiæ, Dauid, & cæterorum prophetarum vaticinia: ob eam edicti pronunciationem nonnulli populi in Gallia & Germania rebellant, suspensioque edicto missi sunt ad illos domandos à Cæsare Tiberius & Drusus. qui postquam omnia pacassent, Romanoque imperio subegissent, anno quadragesimo secundo sui imperii, quo anno Christus natus est, à præside Syriæ Cyreno cæteroque orbe edictum Tarracona decretum executioni mandatum est. Cuius computationem Hispania omnis, non à generali executione per vniuersum facta, sed à die decreti facti retinuit. Qua ex causa differunt computationes Christi incarnationis & partus salutiferi ab ipsa ærea computatione ipsis viginti sex annis, quibus ærea computationis edictum præcessit, & si qui plures addunt annos, errant vehementer. *

* imotu] Errat Gehemter lo. Margaricus Gerundens. Episcopus hic in supputatione Era ab omnibus descendens. Primum enim non solum Hispaniæ calculatione & Gallis & Græcis, & Did. Couaruius Var. Resol. lib. 1. c. . docet, & xxv. i. anni ante Christi natiuitatem inchoauit: non, ut hic contendit, nondum in scriptura quærens, xxvi. Vide Vagati Chronica. Item Sepuluedam, And. Reseruidum & Did. Couar. & Blausium Ortho. de templo Tolera-no Amlir. Memoralem.

Ioannis Episcopi Gerundensis Paralipomenon Hispania finis.

R O D E -

R O D E R I C I S A N T I I
E P I S C O P I P A L E N T I N I
H I S T O R I Æ H I S P A N I C Æ
P A R T E S Q V A T V O R.

10 S E R E N I S S I M O A C I N V I C T I S S I M O
P R I N C I P I D O M I N O D . H E N R I C O I I I I . C A S T E L L Æ
& L e g i o n i s R e g i e x c e l l e n t i s s i m o , e i u s d e m r e g i æ m a i e s t a t i s h u m i l i s c a -
p e l l a n u s , a u d i t o r , & c o n s i l i a r i u s , R o d e r i c u s S a n t i i d e A r e u a l o , v t r i u s q u e
i u r i s & a r t i u m p r o f e s s o r , E p i s c o p u s P a l e n t i n u s H i s p a n u s , C a s t r i s a n c t i
A n g e l i a l m æ v r b i s R o m æ p r o s a n c t i s s i m o D o m i n o , D o m i n o P a u l o s e -
c u n d o P o n t i f i c e m a x i m o C a s t e l l a n u s , s e i p s u m c u m s u p p l i c i r e c o m m e n -
d a t i o n e .

20

F A L L V N T V R plurimum qui Hispaniarum laudes, patriæ situm, gentis reli-
gionem & cultum, atque virtutes & studia, bellorum quoque victorias, aut no-
lunt, aut scire negligunt. Idque, ut arbitror, ob scriptorum inopiam contigisse
putandum est: quemadmodum de gestis Romanorum Salustius in Catilinaria
conqueritur. Invidet enim Atheniensibus quod res sua scribentium industria
longe illustriores in toto orbe, quam fuerint, referantur. Nec aliter de rebus Hi-
spanicis dici potest. nam & Persarum, Græcorum, & Romanorum gesta, licet
amplissima fuerint, verum aliquanto forsan inferiora quam fama ferantur. Sed quia magna scripto-
rum ingenia ea lustrarunt, per orbem terrarum pro maximis celebrata sunt. Hispanica tamen gens
30 nunquam habuit talem copiam scriptorum, quia pauci ingenium sine corpore exercebant, & quilibet
optimus vir potius volebat facere quam dicere, cupiebatque amplius sua benefacta laudari, quam ipse
aliorum benefacta narrare. Caterum nonnulli Hispanas res legere dedignantur, eo (ut puto) errore
ducti, quo nonnulli bonarum artium ac rerum inexperti, quod in angulo mundi (ut aiunt) Hispania
sita esse videatur, contendunt, atque extra orbem posita (ut eorum verbis utar) ab orbis gloria aliena
videatur. Longe aliter sapientes cosmographi sensere, qui orbem descripturi, ab Hispania, tanquam à
principali orbis porta, incepere. Cum enim mundi machina marino circumfusa sit pelago, Hispania illa
est quæ ad orbem ipsum aditum præbet, veluti ex cuius oris atque littoribus Atlantico monti opposi-
tis pelagus ipse oceanus profluit, & Africam, Asiam, Europamque nedum nobilitat, sed lustrat atque
distinguit. Vt igitur huiusmodi hominum error tanto apertius à mentibus sensorum exulet, quan-
40 to est à veritate remotior, mandavit mihi Serenitas T. quæ totius orientis, simul & mediterraneæ, ac
septentrionis regionum situm, descriptionem, & principatus, præclarasque res sic mente tenet, ac si
pedibus oculisque illa omnia peragrando conspexisset, ut nostram Hispaniam, immo tuam, quæ occi-
dentis plagam tenet, ad aliorum potius quam tuam instructionem brevissime describerem, ac paucis
quibusdam (ut ita dixerim) syllabis paucula quædam inter plurima quæ huiusmodi provinciam con-
cernere & ornare videntur, subiicerem. Verum quia nonnulli sancti & egregii viri res Hispanicæ
summatim describere, provincia situm, gentis mores, præconia simul & præclara facinora non satis
complectentes, inter quos beatus Isidorus breui, sed graui stylo, Gothicæ gentis originem qui in Hi-
spania regnarunt (ex quibus tua maiestas tuique progenitores ortum trahitis) regumque ipsorum
gesta & successiones sua usque tempora contexit. Rursus id ipsum egit Lucas Tudenis. Deinde Rode-
50 ricus sanctæ sedis Toletanæ Archipræsul eorundem regum successiones, pariter & successus usque ad
tempora Ferdinandi huius nominis III. (à quo per rectam lineam tuæ maiestatis XI. gradu distat) bre-
ui, sed suavi eloquio lustravit: quæ omnia eadem tua excellentia solerter inspexit. Voluit tamen nunc
singulari sui ingenii acumine, & præteritis præclarasque res agnoscendi desiderio accensus, nedum
earundem Hispaniarum situm & laudes, regumque successiones, simul & successus post eundem Fernan-
dum III. agnoscere, sed longe ante, à primo videlicet Hispaniæ rege post illius calamitosam miseram-
que cladem (quem Pelagium esse constat) usque ad moderna hæc tua tempora, præsertim quia ea o-
mnia Latino sermone descripta non plene reperiantur. Iniunxisti profecto princeps Serenissime, rem
optimo principi debitam ac te dignam, dum voluisti ut ea omnium præclarissima orbis regio, quæ tibi
famulatur naturali subiectione, obsequatur & delectabili lectione, & delecteris illius præconia ac

res gestas legendo, quam diligis eius incrementa quaerendo. Faciam igitur satis non quidem desiderio, sed precepto tuae maiestatis, & rem ipsam altius repetendo, breuissimas quatuor in hoc historiae compendio particulas edisseram. In prima quidem Hispanica aere salubritatem, terrae feracitatem, auri argentique, ac ceterorum metallorum & mineralium diuitias ac fecunditatem, gentis quoque religionem, fidem, amicitiam, humanitatem, strenuitatem denique, ac ceteras hominum & glebae Hispaniae laudes & praeconia breui interseram. Situm rursus Hispaniarum, illarumque descriptionem respectu ceterorum orbis climatum, & regionum antiquitatem: denique principatus Hispanici regnorumque erectionem, sed & diuisionem, & quando, & quomodo, & à quibus inceperunt, ac in quo tandem regno Hispania titulis resideat: rursus in ea parte Graecorum, Pænorum, ac Romanorum ad Hispanias ingressum: initium denique & originem principatus Gothorum, Ostrogothorum, Vandalorum, Alanorum, Hugnorum, Sueuorum, illorumque ad Hispanias accessum, & incolatum, & principatum succincte perstringam. In secunda vero parte eorundem Gothorum primum in Hispania regnantium principatum, illorumque regnandi ordinem, successiones, ac gesta usque ad Rodericum ultimum eorundem Gothorum regem, sub quo calamitosa clades Hispania secuta est, breui calamo percurram. In tertia tandem parte sequentium regum omnium Hispaniae successiones, & succedendi ordinem, successus denique & clariora eorum gesta, à reparatione Hispaniae inchoando, videlicet post infelicem cladem, usque ad Fernandum III. praedictum, qui à Pelagio ipso primo post dictam cladem regnante XXXV. rex fuit, summatim repetam, nonnullaque addam, à praedictis scriptoribus intacta. In quarta parte continuans Roderici Toletani historiam, incipiam à dicto Fernando, in quo ille scribendi finem dedit. Deinde sequentium post illum in Hispania regnantium successiones, clarioraque gesta usque ad hos nostros dies, in quos fines saeculi peruenerunt, quibus T. excellentissima M. feliciter regnat: demum quae praedictorum regum temporibus digna relatu fuerunt, tam in Romana & Apostolica sede, quam Imperio, clarioraque exterorum illustrium virorum & pulchra sapientum documenta breui & fideliter referam, ut quod unus Rodericus praesultam utiliter inchoauit, alius eiusdem nominis & professionis expleat, impari tamen sapientia & eloquio, licet pari affectu. Dabo ego enarrandis rebus testimonium verissimum, veluti qui partim corpus dedit historiae, & Hispaniarum oras, littoraque, & angulos à mari usque ad mare, seriose ac personaliter peragraui atque conspexi. Nec dubito à quibusdam multa in rebus ipsis scripta fore, quae forte à tramite verae narrationis deuiasse audio, pro eo quia nihil oculata fide, sed per audita à remotis narrata scriptitarunt. Tunc enim, ut putamus, res quaelibet certissimo comprobatur testimonio, cum eodem utitur relatore, quo teste.

R O D E R I C I S A N T I I

E P I S C O P I P A L E N T I N I

H I S T O R I Æ H I S P A N I C Æ

P A R S P R I M A.

De laudibus & praconiis prouinciae & terrae Hispaniae quoad aëris & patriae salubritatem.

C A P. I.

DICTVRVS de regione Hispaniae, eiusque situ, descriptione, ac de Regibus in ea regnantibus, & de illorum genealogia, & clarioribus gestis, decreui pauca ex multis contexere. Scio quidem longiora, aut breuiora dici posse, ego tamen potius breuitati studui quam copiae, ne legentes fastidio afficiam. Atque ut lectores attentiores reddam, dignum existimaui incipere à laudibus & insignibus praconiis eiusdem Hispaniae prouinciae, gentisque religione, fide, humanitate, & amicitia. Primo itaque de terrae Hispanicae salubritate, ac aëris puritate: secundo de glebae Hispanicae feracitate, & rerum omnium fertilitate, quae naturales diuitias ad humanum victum necessarias gignunt, breuiter differemus: tertio de auri & argenti, metallorum, ac aliarum rerum copia, quae industriales efficiunt opes: quarto de gentis Hispanicae religione, fide, humanitate, & laudibus. Verum ne domesticae laudes ab Hispano viro allatae, Hispaniae gloriam minuunt, dabunt fidem historiae, rebusque enarrandis viri sapientes à saeculo famosi, praecipue Strabo, Pomponius Mela, denique Ptolemæus, Plinius, Solinus, Iustinus, & plerique alii qui orbis & urbis gesta fideli narratione scripserunt. Hispania itaque ab Hispan-

ab Hispano Herculis nepote appellata est, quam longe ante veteres ab Ibero fluuio Iberiam, alii Hesperiam ab Hespero sydere quod eam respicit, nominarunt, & (vt statim latius in eius descriptione differemus) Hispania sita est inter Africam & Galliam, vt refert *Hispanie situs.* Strabo. Quinimmo (vt Iustinus subdit) sicut minor vtraque terra, ita vtraque longe vberior atque salubrior. Nam neque vt Africa violento sole torretur, nec vt Gallia assiduis ventis fatigatur, sed media inter vtramque, hic temperato calore, ibi felicibus & tempestiuis imbris gaudet. Rursus (vt refert Iustinus) salubritas cæli per omnem Hispaniam æqualis est, nullaque paludum graui aeris nebula inficitur, vt plures orbis regiones. Tanta denique (vt Straboni placuit) in ea terra aeris puritas est, vt in ea prouincia nō facile noxium animal reperiatur. *Huiusdem puritas aeris.* Temperies item eius tam à priscis sæculis est laudata, vt quidam Elysios campos non procul ab ea posuerint. Ibi enim mites Zephyri flant, ibi vita ducitur facilima. nam ad eam marinæ auræ accedunt, vndique assiduique ventorum flatus, quibus omnem prouinciam penetrantibus præcipua omnibus sanitas redditur. Nec Aristoteles rerum naturalium indagator solertissimus id ipsum negauit. ait enim in Politicis salubritatem terræ ex duobus maxime causari, alterum ex cælesti conformitate, alterum ex ventorum puritate. Conficitur primo patriæ salubritas ex cælesti conditione, vt videlicet hyemali tempore absque nebulis debita claritate lustretur: in estate vero immoderato calore non opprimatur. Secundo cognoscitur terræ salubritas è ventorum puritate. *Terra salubris argumenta seu probationes ex sententia Aristotelis.* Ea siquidem terra saluberrima cōprobat, quā boreales siue septentrionales purificant venti. *Idque contingit, cum talis orbis plaga ad eosdem aquilonares ventos aperta est, nec à propinquis montibus impeditur, vt Hispania. Habent enim proprium ipsi septentrionales venti, vt à cunctis contagionibus terram quam visitant, puriorem atque salubriorem reddant. Hinc Palladius Rutilius scribit, quia salubritatem cuiusuis regionis aerisq; puritatem declarant ipsa loca ab infimis vallibus & nebularum noctibus absoluta, ac spirituum aquilonarium flatibus non impedita: constat utique Hispaniæ terram densis tenebrarum nebulis non assidue infici, nec à quibusuis mōtibus impedi, quin à septentrionalibus ventis libere visitetur. Cuius salubritatis signa humana sentiunt corpora. Hominibus enim eius regionis incolis capitis sanitas, capillorum item firmitas inest, inoffensum denique lumen oculorum, purus auditus, fauces com meatum liquidæ vocis exercent: contraria vero aeris malignitatem annuntiant. Hispani itaque intra natales suos degentes acutiorrem firmioremque visum retinent, quam si alibi commorentur, vbi capitis vertiginem sentiunt, ac capillorum dentiumq; tempestiuius firmitate & pulchritudine frustrantur.* *Palladius Rutilius.* *Hispanorum proprium.*

De Hispaniæ laudibus quoad terræ fertilitatem & aliarum rerum vbertatem. quæ naturales efficiunt diuitias.

CAP. II.

HISPANIÆ fertilitas, ac frugum rerumque omnium ad vitam mortalium expediendum feracitas, non ignota priscis sapientibus fuit, adeo vt non ipsis tantum incolis, verum etiam Galliæ, Flandriæ, vtrique Britanniæ, ipsi quoque Africæ cunctarum rerum abundantiam præbeat. *Idque contingit, cum talis orbis plaga ad eosdem aquilonares ventos aperta est, nec à propinquis montibus impeditur, vt Hispania.* In Hispania rursus (vt Iustinus voluit) non aquarum cursus veloces, non torrentes rapidi, vt noceant, veluti Longobardorum laudata prouincia patitur, sed lenes. Vineis rursus campisque irrigua est, vt vitæ humanæ congruit. Nec solum frumenti ingens copia est, verum & mellis, zuchari, cunctorumque liquidorum. Adde, nascitur in Hispaniæ gleba alius non paruus thesaurus, alibi rarus. lini enim, sparti vis ingens, minime nulla terra feracior est. Tanta enim patriæ vbertas sese offert, vt foemina non modo res domesticas, sed agrorum culturas administrant, dum viri bellis, nonnunquam rapinis & venationibus vacant. Adde, quia Strabone teste ex Hispaniæ gleba vini, frumenti, ceræ magna extrahitur vis: item pix, grana, purpuræ & salis ingens copia. Inde lanarum & telarum abundantia. cuniculorum quoque quos plerique lepulos vocant, tanta est copia, vt sterilitatem terræ aliquando ingerant, quo fit vt plerunque habitates pecunias venatoribus, vt capiant, largiantur. Taceo de radice ad tincturam idonea, quæ inibi abundat. Arbores in Hispaniæ gleba Strabo fore testatur, ex quarum exciso ramo lac effluebat dulcissimum. Rursus circa Carthaginem nouam fuisse arborem perhibet, è cuius cortice tela pulcherrima conficiebatur. Fructuum quoque atque pomorum tam exuberans copia atque dulcedo inibi est, vt ad cæteras orbis partes continuo deferantur. Nam apud Alexandriam fructibus pomisque nostris cum eorum aromatis permutatis, prouincia nostra eorum vbertate ditatur. Quid de vinorum copia, varietate, & bonitate dici potest? Gallorum littora maritima atque Flandrensiu vino carentia, id non ignorant: sed & Anglicorum Scotorumque ampla sitis testimonium perhibet, ad quos assidue onerariæ